

IN
LAMENTATIONES
IEREMIAE

COMMENTARIUM
EX AVCTORIBVS GRAECIS
COLLECTVM

IN EASDEM ANTONII AGELLII
PRESBYTERI REGVLARIS
EXPLICATIO.

SVPERIORVM PERMISSV.



R O M A E;

Apud Franciscum Zanettum. M. D. LXXXIX.

1875

1875

ILLVSTRISSIMO
ET REVERENDISSIMO
DOMINO

M. ANTONIO COLUMNAE
S. R. E. CARD. EPISCOPO
PRAENESTINO.



ANTONIVS AGELLIVS
Presbyter Regularis.



ON eo consilio quo ij vti solent
qui aliquid scribunt, & se suis li-
teris principibus viris insinuant, vt
eorum gratiam aucupentur, ego itē
adductus sum Cardinalis Illustrissi-
me, vt hunc tibi libellum dicarem:
neq; arte vlla fuit agendum vt a te gratiam inirem, cu-
ius mihi tua benignitate aditum amplissimum patefe-
ceras: sed vt iam initam hoc quantulocunque officio
conseruarem, & simul animum si non tuae benignitati
parem, at illa certē non indignum ostenderem. Li-
bellus autem in Ieremiae, hoc est, in Prophetæ qui to-
tus in affectibus positus est, Lamentationes expositio-
nem continet, ex Origenis commentarijs & Olym-
piodori fragmentis maiore ex parte collectam, ali-
a 2 cubi

cubi fortasse breuem atque concisam, neque enim fusiores horum virorum commentarios nactus sum, sed in qua tamen sublimiorum sensuum semina lateant. adieci meam quoque, vt minus cum eruditissimorum virorum expositione sententiarum sublimitate comparandam, ita aptius cum Vulgata Latina editione congruentem, & ad explicandum litterae sensum, vt puto, non indiligenter elaboratam; tenue munus pro tuae dignitatis amplitudine, sed meae properationi dabis pro tua humanitate veniam; malui enim meae voluntatis quamprimum vel tenuem significationem dare, quam diutius differendo, parum grati animi notam interim subire.

Accipe igitur laeto animo meum hoc quaecunque munus Optime Cardinalis, tuae virtuti & erga me benevolentiae debitum, mei erga te studij & obsequantiae testem; & quem singulari tua humanitate & benignitate deuinxisti, praesidio quoque ac patrocinio subleuare perge. Vale Ecclesiae decus, & prae-scae Romanae virtutis exemplar & columen.

AD LECTOREM.

42



Commentariolum hoc in Lamentationes Ieremiae non continuata opera, sed saepius interrupta confeceram, cum in corrigendis Vulgatae Latinae editionis Biblijs occupatus essem, & subsecuas horas, quae raro breuesque supererant, perire nollem. quamobrem expositione breui contentus fui, & verborum tantummodo ac litterae sensum persecutus sum. Eius cum apud M. Antonium Columnam Cardinalem virum praestantissimum, & de me optime meritum forte mentio incidisset, vellemque illius beneficijs, & erga me benevolentiae qua poteram animi mei significatione respondere, coram dicaui. quod ille grati ac memori animi mei officium alio beneficio obruit, & typis excudendum suo sumptu curauit. haec meae lucubrationis ratio fuit, & libelli edendi causa: nunc de opere ipso pauca. Litterae solius explicationem mihi cum desumpsissem, & appareret imperfectum opus fore, nisi de tropologia quoque aliquid adiceretur, incidi in fragmenta quaedam Origenis graeca, quae de longiorum illius commentariorum iactura supersuerunt. ea cum placuissent adnotandum, in Latinum verti. his adiunxi breues quasdam Olympiodori expositiunculas a me item versas, ex virisque iustum fere commentarium euasisit, quod non litteralem modo sensum, sed etiam tropologicum comprehenderet. Sed quia eorum expositio cum LXX. interpretum editioni congruat, saepe a nostra Latina dissentit, ne quid operi deesset. per versus singulos editionem beati Hieronymi, hoc est Vulgatam Latinam expositione mea simul adiuncta subieci: in qua expositione hunc ordinem tenui, ut prius scripturae propositae senten-

sententiam & Hypocritas comprehenderem, tum ubi opus
erat, quo magis eluceret sententia, singula verba breuiter
explicarem. Neque tamen ita Vulgatam editionem secutus
sum, ut si quando usus incidisset, non etiam quid LXX.
sensissent, in ambiguis praecipue locis declararem. Gratum
autem hunc libellum fore confido, si non propter meam ope-
ram, quamvis eam non negligenter impenderim, at certe
propter Origenis & Olympiodori monumenta; eoque magis,
quod cum in alios prophetarum libros extent veterum au-
ctorum commentaria, in Threnos Ieremiae praeter haec quae
damus, de vetere illa & solida patrum eruditione nihil ha-
bemus.

ANTONII AGELLII PRESBYTERI
Regularis, in Lamentationes Ieremiae.

41

P R O O E M I U M.



LAMENTATIONVM librum illum esse nonnulli putant, quem Ioachim Rex Iuda combussit, vt est in prophetia Ieremiae. quae opinio etiam inter veteres Hebraeorum doctores recepta est: illud tantummodo differre putant, quod in illo combusto libro tria solum alphabeta descripta fuerint, haec nempe, Quomodo sedet, Quomodo obtexit, Quomodo obscuratum est; & vel vt clarius dicatur, huius libelli primum, secundum, quartumque caput: in hunc vero & illa tria alphabeta seu capita Dei iussu relata sint, & insuper illud additum cuius initium est, Ego vir videns paupertatem meam, id est caput tertium: hocque esse volumen illud existimant, de quo in prophetia Ieremiae legitur, Ieremias autē tulit volumen aliud, & dedit illud Baruch filio Neriae scribae: qui scripsit in eo ex ore Ieremiae omnes sermones libri quē combusserat Ioachim rex Iuda igni, & insuper additi sunt sermones multo plures quam antea fuerant. Sed neque vnum illud alphabetum et si triplex sit, & initialibus litteris tertio repetitis decurrat, multitudine sermonum tria illa reliqua vincit, nec aequat quidē: & alia ratio suppetit ad opinionis huius falsitatem coarguendam: Nam si liber ille combustus Dei oracula ad prophetam Ieremiam edita cōtinebat, vt ex eodem capite trigésimo sexto satis apparet, Scripsit, Baruch ex ore Ieremiae omnes sermones Domini quos locutus est ad eum, in volumine libri. & in hoc libello nulla oracula nulliq; sermones ex persona Domini quos ad Ieremiam habuerit, scripti sunt, profecto certū est, hunc lamentationum librum non eum esse, quem rex Ioachim perdidit. Illud etiam accedit, quod in illo libro combusto omnia verba descripta sunt, & quae Dominus locutus est aduersum Israel & Iudam, & aduersum omnes gētes: praeterea fore vt, & festinus veniret rex Babylonis, & vallaret terram Iuda: &

Ierem. 36.

Ierem. 36.

da: § quorum nihil in hoc libello scriptum legimus, sed tantū euerſae iam vr̄bis, & cladis acceptae lamentationes: idque in editione LXX. in ipſo libri limine indicatur; § Et factum eſt, poſtquam in captiuitatem reductus eſt Iſrael, & Ieruſalem deſerta eſt, ſedit Ieremias propheta flens, & planxit lamentatione hac in Ieruſalem. § quae verba licet in Hebraeis codicibus & antiquis Latinis non habeantur, tamen in recentiores codices de LXX. editione fluxerunt, & Origenes exponit, vt inferius apparebit. Eufebius tamen verba haec non videtur admittere: alioqui non dixiſſet, vt paulo poſt eius verba declarabunt, primum alphabetum ad tranſmigrationem Ioachim eſſe referendum, cum in illa tranſmigratione ciuitas deſerta non ſit, quod in his verbis aſſeritur, § & ciuitas deſerta eſt: § ſed de hac re iudicium ad eos deferimus, quorum eſt de ſacris litteris cenſere, & a certis dubia ſecernere.

2. Par. 35.

Fuere alij qui has lamentationes illas eſſe putarent, de quibus in ſecundo libro Paralipomenon ſcriptum eſt, a Ieremia propter Iofia ſancti Regis necem fuiſſe compoſitas, § quum vniuerſus Iuda & Ieruſalem luxit eum, Ieremias maxime, cuius omnes cantores atque cantrices uſque in praefentem diem lamentationes ſuper Iofia replicāt, & quaſi lex obtinuit in Iſrael, ecce ſcriptum fertur in lamentationibus. § Sed ſi per totum librum hunc, aut per omnia alphabeta mortem Iofia, & cladē tunc acceptam deſcribi putauerimus, ipſis verbis prophetae convincemur, & falſae opinionis arguemur. neque enim tūc quum caeſus eſt Iofias, manum ſuam miſit hoſtis ad omnia deſiderabilia Ieruſalem, neque vidit Ieruſalem gentes ingreſſas in Sanctuarium ſuum, neque Iudaei tanta famis immanitate vexati ſunt, vt omnis populus gerneret, & quaereret panē, & pro cibo pretioſa quaeque darent, vt reſocillarent deficientē animam; neque tanta fuit Iudaeorum ſtrages, vt videretur Dominus torcular calcaſſe Virgini filia: Iuda, neq; virgines eius & iuuenes abierunt in captiuitatem: quae omnia in primo alphabeto deſcripta ſunt. nam de ſecundo quid dicere opus eſt? ubi deploratur euerſio moenium ac munitiorum, arcisq; deſtructio, & famis incommodum? quorum certe nihil accidit quum Iofias occiſus eſt, niſi quod Pharaonem Nechao legimus

mus Iosiae successore Ioachaz amoto, terram centum talentis argenti, & talento auri damnasſe: victoria autem aduersus victos immodice vsum eſſe, nuſquam legimus. Nec minus adiectio illa LXX. quam tamquam argumētum huic libro praefixerunt, huic opinioni repugnat, & factum eſt poſtquam in captiuitatem ductus eſt Iſrael, & Ieruſalem deſerta eſt: & neq; enim Pharaō Nechaō captiuum duxit Iſrael, neque deſertam fecit Ieruſalem. falſum ergo eſt in hoc libro per totum Iosiae Regis lamentationes contineri.

2 Paral. 36.

41

Quamobrem Hebraei in ea ſententia ſunt, vt quamuis non omnes has lamentationes ſuper Iosiae caſu factas putent, tamen quartum proprie alphabetum ſeu caput ad Iosiam pertinere dicant, cum in eo legatur, & Spiritus oris noſtri Chriſtus Dominus captus eſt in peccatis noſtris, & quem ipſi Iosiam intelligunt, Hebraeorum ſententiam B. Hieronymus & probat & ſequitur in Commentarijs, in caput Zacchariae duodecimum. Sed quantum certis coniecturis aſſequi poſſum, hanc ſententiam ſuam retractauit, vt mox oſtendam. non igitur contra Beatum doctiſſimumq; virum & de Sacrarum litterarum ſtudijs optime meritum decertare animus eſt, quem ab hac opinione diſceſſiſſe docebo, ſed opinioni ipſi aduerſabor. ac primum illud communiter aduerſus Hebraeos, qui Chriſtum Domini cum Iosiam intelligant, ex hac appellatione conſtringi ac blaſphemiae teneri non poſſunt, Chriſtum enim Domini ſuis punctis adhibitis legendum dicunt, non Chriſtum Dominum: ſit ſane vt dicunt, & hoc illorum perfidiae concedamus, non quod ita legendum putem, ſed quod his armis aduerſus eos pugnare non poſſim. Quid igitur? De Iosia ne placet hunc verſum intelligi? & quis igitur erit ordo? quae ſeries rerum atque verborum? ita ne animos perfidiae perturbauit vt eandem conſuſionem in ſacras litteras tranſferendam putent? multos certe annos euerſionē ciuitatis mors Iosiae praecceſſit: quae tanta igitur conſuſio prophetae mentem obſedit, vt quod prius iuxta rei geſtae ordinem recensendum atq; conſiderandum fuerat, id extremo loco poneret? In intelligendis difficiliſſimis litterarum ſacrarum locis non exiguum in eo momentum eſt, vt conſiderentur quae praecedat, quae

b

ſequan-

PROOEMIUM.

sequantur. quod enim in rerum natura comparatum est, ut vici-
cina quaeque ac iuncta nonnihil habeant simile, cuius opera
coniungantur, neque terram caelo iunctam sine medio aliquo
elemento quisquam nisi parum sanus aut vidit aut cogitavit,
neque ignem aquae coherentem aspexit: idem in rebus gerendi-
dis inuenitur, cognatae namque sunt actiones inter se, neque
quisquam aut scholas doctosque viros fugiendo doctus eva-
sit, aut otio inertiaeque deditus diuitias acquisiuit: quod igitur
in rerum natura spectatur, & in rebus gerendis conspici-
tur, idem in verbis & sermone usu venit, ut praecedentia ver-
ba cum consequentibus cognatione aliqua atque convenien-
tia iuncta connexaque sint. Si igitur de Iosia accipienda haec
verba Iudaei dicunt; Spiritus oris nostri Christus Dominus, &
& quae sequuntur, prius illud ostendant quomodo cum Iosiae
haec superiora verba sequentiaque conveniant, ita ut quae
praecedunt, quaeque succedunt, aut tempore, aut origine, aut
causa coniuncta sint. sed quid pluribus opus est ad hanc rem
ostendendam; cum ipse sibi quisque fidem facere possit, mo-
do si librum in manusumat, & legat, nihil ex ijs quae in capi-
to quarto commemorantur, cum morte Iosiae esse coniunctas
quomodo enim cum morte Iosiae cohaerere poterunt, cum
nihil eiusmodi eo tempore accidisse legamus? ubi enim legi-
mus Iosia caeco famem illam plusquam tragicam accidisse,
quam ibi propheta questu maximo deplorat, ita ut matres in
filios lamijs facuiores & struthionibus deserti negligentiores
redderet? ubi nam eo tempore tam rabida fames eousque ma-
tres efferavit, ut natos iugularent, & sibi gratissimum scilicet
cibum apponerent? quomodo tum civitas repente ad Sodo-
morum exemplum eversa est? qui parum victorem hostem in mon-
tes fugerunt, & ab eo velocius insequente quam aquila pas-
serculum infectatur, comprehensi sunt? postremo quoniam mo-
do post Iosiae necem completa est iniquitas Sion? aut quomo-
do non iterum transigrare coacta est, cum post paucos an-
nos in Babylonem ducti, & post Christi domini Deique nostri
necem funditus eversis, & per omnes terras dispersi sunt? Si igitur
nihil ex ijs quae in quarto alphabeto sunt, cum Iosiae cae-
de cohaeret, certum est hunc versum, & Spiritus oris nostri, &

capitulum

d

non

non posse de Iosia intelligi: nec de Sedecia quidem; quamvis enim superiora non videantur abhorrere, sequentia certe ad Sedeciae tempora trahi non possunt; neque enim posteaquā ille captus est & eversa a Babylonij ciuitas, completa est iniquitas Sion, neque nulla alia transmigratio post illam quae eo tempore facta est contigit. nam longo post tempore licet, illa tamen a Romanis contigit priori transmigratio longe calamitosior atque diuturnior. De Christo igitur Domino nostro hic versusetiam ad litteram intelligendus est, ut quum ad eum locum ventum erit, demonstrabimus. reclamant licet Hebraei, & suo more ubi rationem quam opponant nullam habent, dissecantur cordibus, & strident dentibus. Haec aduersus Hebraeos dixisse sit satis. Nunc de Hieronymo pauca, is enim ut superius commemoratum est a nobis, Hebraeorū sententiā probauit, ut in Commentarijs in Zacchariae caput duodecimum scriptum reliquit. cuius auctoritas viri sic nobis defendenda erit, ut a sanctissimo Christianissimoque doctore imprudentiae aut Iudaicae perfidiae suspicionem propulsemus. eius haec verba sunt. § In campo Maggeddo, inquit, Iosias rex iustus a Pharaone cognomento Nechao vulneratus est. Super quo lamentationes scripsit Ieremias quae leguntur in Ecclesia, & scripsisse eum Paralipomenon testatur liber. Sicut igitur eo tempore post reges peccatores, spes omnis populi erat in Iosia, & occiso illo, magnus planctus in vrbe commotus est, sicut legimus in Hebraico, Spiritus oris nostri Christus Dominus captus est in peccatis nostris, cui diximus, in vmbra tua viuemus in gentibus, licet alij iuxta intelligētiam Spiritualem hoc referant ad Dominum Iesum, ita crucifixo Salvatore renouabitur planctus in Ierusalem. § Ego vero puto hunc virum prius quidem iuxta Hebraeorum sententiā sic vertisse, § Spiritus oris nostri Christus Domini, § non autem, § Christus Dominus, § alioqui quomodo aut tam rerum ignarus, aut tam blasphemus esse potuisset, ut Iosiam Christum Dominum intelligeret? nam Christum Domini vocari nihil impietatis haberet, sic namque etiam Saul nequaquam pietate cum Iosia rege comparandum, appellatum esse in secūdo Regum volumine legimus. Christum vero Dominum vocari

1. Paral. 35.

2. Reg. 1.

b 2 quem-

Lucæ 2.

quemquam hominem neque in Scripturis umquam legimus & non sine maximo impietatis crimine fieri potest. nimirum hæc appellatio illi soli referuata est, qui simul Deus & homo futurus erat, quem in Euangelio beati Lucae nunc Christum Domini ex ea parte qua homo est, appellatum legimus, vt quæ Simeon, & responsum accepit a Spiritu sancto non visurum se mor. em nisi videret Christum Domini: & nunc ex vtraque natura Christum Dominum, vt in illo lætissimo angeli nuntio, & Euangelizo vobis gaudium magnum, quia natus est vobis hodie Saluator, qui est Christus Dominus. & non ergo adeo imprudens esse potuit Hieronymus, vt nomen illud Domini tetragrammon creaturæ alicui communicari nullo modo posse nesciret, quod etiam imperiti sciunt; aut si sciebat, adeo blasphemus & impius, vt Iosiam Dominum appellaret, & nomen quod Dei proprium erat, homini tribueret: quod si neutrum in hominem adeo peritum adeo pium cadit, necesse est quum hunc versum. & Spiritus oris nostri Christus Dominus, & secundum litteram de Iosia purauit intelligendum, non Christum Dominum, sed Christum Domini legerit, atq; ipse prius de Hebræo verterit. Sed vereor ne dum a Sancto doctoque viro imperitiæ aut impietatis crimen amolior, non minus turpem illi Iudaicæ perfidiæ notam inuram. nam si sic vertit, Christum Domini, magis Hebræorum obstinatum errorem in eo secutus est, quam LXX. candidam veritatem. quomodo igitur eum defendimus? ita nimirum, quia simplicem suum errorem cum plusquam opus esset Hebræis credidisset, temporis accessu, atq; ætatis usu, & Ecclesiæ consuetudine correctus emendauit. emendasse autem illud argumēto est, quod in eius versione Christum Dominum legimus, neque vlla sunt editionis eius exemplaria aut recentiora aut vetera, in quibus non sic scriptum reperiatur. Ex his omnibus conficitur non esse has lamentationes illas de quibus in libro 2. Paralipomenon scriptum est, eas super Iosiae mortē a Ieremia fuisse compositas. quid igitur illæ in quo nam Scripturarum sacrarum libro positæ sunt? in nullo ex ijs qui reperiuntur, vt autumamus, sed vt multa alia quæ in Scripturis diuinis citantur, seu incuria Hebræorum, seu Deo sic volente interciderunt, sic illas su-

las super Iosia lamentationes perijisse puto. Reliqua est igitur eorum opinio, qui vel euersionem vrbis a Nabuchodonosor factam, & Iudaeorum captiuitatem, quum in Babylonem ducti sunt, per totum in his lamentationibus desleri putant, modo extremi illi versus quarti alphabeti ad Christi mortē, nostramque omnium redemptionem pertinere intelligantur: vel in ceteris quidem alphabetis euersionem gentis illius vt dictum est a Chaldaeorum exercitu perpetrata, quarto tamen alphabeto futurum illud a Romanis excidium deplorari; cui sententiae saepe in quarti capitis expositione fauet Origenes. Eusebius vero primum alphabetū ad Ioachim pertinere asserit, quum Nabuchodonosor eo ablato, principes cum eo simul in Babylonem abduxit, vt est in 4. Reg. cap. 24. & 2. Paralipomenon 36. asportatis etiam simul pretiosissimis vasis domus Domini. cuius sententiam multa quae in eo alphabeto sunt, confirmare videntur. nam tertius versus, Migravit Iudas, de ijs commode intelligi potest, qui vna cum Iechonia migrauerunt, vnde in prophetia huius istius prophetae capite 28. legimus pseudopropheta Hananiam tamquam de ore Domini fauorabilem illam prophetiam apud populum protulisse, § Iechoniam inquit filium Ioachim regem Iuda, & omnem transmigrationem Iudae. qui ingressi sunt in Babylonem, ego conuertam ad locum istum. § & capite 29. Domino iubente mandat propheta Ieremias omni transmigrationi quae translata erat de Ierusalem in Babylonem, vt aedificent domos & habitent. Principum abductioni congruit sextus versus, Facti sunt principes eius velut arietes, & quae sequuntur: & quintus decimus, Abstulit omnes magnificos meos Dominus de medio mei. Vasorum factorum asportationi conuenit versus decimus, Manum suā misit hostis ad omnia desiderabilia eius, & quae sequuntur. Sed de libro eiusque argumento satis. Nūc huius libelli lectio quid vtilitatis afferat, exponendum est. Etenim quamuis omnis scriptura diuinitus inspirata ad corrigenda vitia moresque componendos vtilissima sit, huius tamen libelli lectio praecipue ad animi tumorem comprimendum, quum de secundis rebus effertur, valet plurimū. Habet enim ad humanum animum, vt quum terrēna haec felicitas ardet, facile

Ierem. 28.

Ierem. 29.

cile

Ecclesiast. 7

tile ad elationem progrediatur, adeo vt laeto rerum successu corruptus atque dissolutus obliuiscatur suae condicionis, & hominem se esse omnium casuum telis obnoxium minime sentiat. Vt igitur corpora non solidae pinguedinis plena, sed tibia inflatione tumentia adstringentibus remedijs siccioriq; victu curantur, ita hilaritas illa vana, & tumor animi, libri huius lectione comprimitur & coercetur, vsuque ipso discitur, quanto sit melius, & ire ad domum luctus quam ad domum conuiuij; in illa enim finis cunctorum admonetur hominum, & viuens cogitat quid futurum sit. & praestat hoc idem etiam liber Ecclesiastes, sed hic affectu maiore permouet animum: & quamuis vtriusque idem sit diuinus spiritus auctor, ibi tamen documentis quibusdam, quod ad simplicem sensum pertinet, a vanitate praesentium voluptatum reuocamur, hic affectu impetu perurgemur. itaque praeclare beatus Gregorius Nazanzenus in Oratione Pacificatoria prima, & Deslet, inquit, Ieremias priores illius populi clades, & captiuitatem Babylo-nicam dolet: etenim erant illa prorsus luctu doloreque summo dignissima, quid nisi muri diruti; vrbs aequata solo; sanctificatio euersa; sacra donaria direpta, profani pedes sacris adytis inambulantes, profanae manus ea quae tangere nefas erat contrahentes, Prophetiae tacentes, sacerdotes abducti, senium nulla misericordia, virginum iniuriosissima violatio, iuuenes cadentes, exterius & hostilis ignis, sanguinis fluuij, pro sancto illo pioque & igne & sanguine commutati: Nazaraei per vim detracti, pro hymnis flexus excitati, & vt aliquid de ipsis Ieremiae lamentationibus dicam; Filij Sion illi pretiosi & exaequati auro, illi delicati, & malorum insueti, ignotam viam ambulantes, & viae Sion lugentes, quod non essent qui diem festum celebrarent. & paulo post, Manus mulierum misericordium, non illae cibum filijs dum obsidione premerentur porrigentes, sed filios in suum ipsae cibum vltro lacerantes, & carissima pignora in famis remedium conuertentes: Haec nonne ita sunt acerba vt nihil sit acerbius? non ad illorum modo sensum qui tunc ista tolerabant, verum etiam ad eorum iudicium qui facta nunc audiunt? Equidem vt de me fatear, quoties hunc librum in manus sumo, & lamentationes lego

autem

autem quoties ea lectione praesentis felicitatis sensum castigare voluero, vox mihi inter legendum abrumpitur, & lacrymis obruor, & veluti sub aspectum venit illa clades, & cum lugente luctum coniungo. } Haec mihi digna visa sunt de quibus lectorem antequam ad legendum ingrediatur, admonere. cui si gratus & utilis fuerit meus labor, non modicum mihi ex eo percepisse fructum videbor: sin parū utilis, illud certe perfectum erit, ut aliorum scripta excellere & eminere videantur: quibus praestantiora illa Spiritus sancti munera cum concedamus, sermonem Sapiētiaē, sermonemq; Scientiaē, nos in inferiore gradu haesimus, & laborauimus ut sermones interpretaremur. nullum autem munus contemnendum est quod in pulcherrimo Ecclesiae corpore praestatur, etiam si humilior sit, & ab infimis membris exhibeatur, sine quibus totius corporis integritas constare non potest.

1. $\mathcal{A} \in \mathcal{A}(\mathcal{H})$ and $\mathcal{B} \in \mathcal{A}(\mathcal{H})$ are self-adjoint and commute.

THRENI IEREMIAE

IVXTA LXX.

Et factum est postquam captiuus ductus est Israel, & Ierusalem deserta est.



VERBII CAESARIENSIS. Prima elementorum pars lamentationem continet de prima gentis illius transmigratione, quum simul cū Rege Ioachim primoribus abductis, qui remanserant in Ierusalem tributarij facti sunt. ideo dicit,

§ Princeps in regionibus facta est in tributum. § Secunda pars, vrbis ruinam templiq; incendium continet: itaq; dicit, § Quomodo contexit caligine in ira sua Dominus filiam Sion, deiecit de caelo in terram gloriam Israel. § Tertia vero pars per eadem elementa diuisa, Prophetæ lamentationem de ijs malis quæ passus erat, complectitur: ideo dicit, § Ego vir videns paupertatem in virga indignationis eius super me: Accepit me & abduxit in tenebras & non lucem, § & his similia. Quarta postremo pars populum luget; cuius est initium, § Quomodo obscurabitur aurum, mutabitur argentum optimum, effusi sunt lapides Sancti in capite omnium platearum? § & quæ sequuntur. In qua parte abiectio illorum vltima declaratur; præterea facinus in Christum admissum, & gētium vocatio in illis verbis, § Spiritus ante faciem nostram Christus Dominus, comprehensus est in corruptionibus nostris, in cuius vmbra diximus, viuemus in gentibus. **ORIGENIS.** Ieremias quum captiuus populus in Babylone teneretur, luget regionem, & vrbis ac populi casum. & luctum suum per diuisiones quasdam distinctionesq; circumscribit, quæ initium ab Hebraearum litterarum elementis per illorum ordinem sumunt: luctuq; per elementa singula completo, & ad extremum eo qui a Thau incipit, quæ postrema est Hebraeorum littera, redit ad Aleph, denuoq; deslet: & id quater facit, per viginti duo elementa decurrens. § **EIVSDEM.** Per contemplationem. § Si animam viderimus Diabolo aut angelis

A

cui,

- eius, & vt semel dicam, inimicis potestatis subiectam, quae natura ad contemplandum apta sit, & ea quae vere sunt conspiciere scireq; possit, captiuitatem aliquo modo cogitemus, & eum qui in captiuitate abduxit. Sed confugientes ad Christum qui captiuis remissionem iuxta Prophetam Esaiam praedicauit, liberabimur à peccato, etiam si qui, in captiuitatem abduxit eousq; progressus sit vt vinculis constringeret. Venit enim Iesus vt è vinculis constrictos educeret, & de domo carceris sedentes in tenebris. **ORIGENIS.** Propterea dicunt Hebraei, veteris testamenti libros eodem esse numero cum litterarum suarum elementis, adeo vt ad omnem Dei cognitione initia quaedam sint, quemadmodum elementa ad omnem Sapientiam discitentibus proponuntur; quater autem repetuntur ob eam fortasse causam, quia etiam Corporum elementa quatuor sunt. **ET PAUCIS INTERIECTIS.** Editio vero Aquilae & Theodotionis in lamentationibus nulla fertur, nisi solum Symmachi & Septuaginta. **ET ITERVM.** Quaerat fortasse aliquis, qua de causa cum inscriptio libri multitudinis numero sit, Threni, tamen in prooemio, lamentationem hanc dicat. Sed particulares quidem sunt plures per elementa diuisae lamentationes, ad vnam vero omnes tendunt, cum ad vnum Israël argumentum redigantur. **EX INCERTO.** Beatus Ieremias plusquam ceteri Prophetae affectuum plenus, qui nihil ipse lamentatione dignum fecerat, adeo vt diceret Deo, § Ego vero non laboravi sequens post te, § cum ad nouissimam quam cupiebat mansionem peruenisset, ita vt semper gauderet, & in ipsis etiam tribulationibus despe consolationem acciperet, populares suos luget, per peccatum hostes Dei factos, & summas calamitates expertos. Sed & Paulus Christi imitator pro ijs qui secundum carnem cognati erant, & infideles, dicebat, § Tristitia mihi magna & continuus dolor cordi meo: optabam enim ipse ego anathema esse à Christo pro fratribus meis qui sunt cognati mei secundum carnem. § Et Corinthios increpabat, qui cum qui fornicatus erat non luxissent neq; sancti viri solum, verum etiam Angeli, sicut super vno peccatore paenitentiam agente gaudent, ita nihil mirum si super tam multis pereuntibus dolent. Et ipse Do-

se Dominus noster Iesus Christus, qui non vult mortem peccatoris, sed vt conuertatur & viuat, exemplū se nobis in alienis malis dolendi praebens, deflet Ierusalem quod a Romanis capienda esset. quem sancti viri imitati, eos qui perierunt deflent; non quae sua sunt solum considerantes, sed providentes vnitati, & vinculo fidei, cui iuxta beatum Apostolum, nihil aequandum est. Et hic igitur Propheta luet ciuitatem in Iudaea, quam in seruitutem redactam videbat, quamuis ipse Nabuchodonosor beneficio esset relictus. & luet luctu ex vi caritatis expresso, qui beatus appellatur. nam sancti viri est, & flere cum flentibus, & gaudere cum gaudentibus. § O L Y M P I O D O R I. Luget Propheta secundum historiam vrbis illius Ierusalem casum & captiuitatem quae sua aetate contingit: prophetice autem ac verius eam quae illi a Romanis accidit, propter admissum contra fas in Christum facinus. ab illa namque e Babylone reuocati sunt; postea vero quam a Romanis capti sunt, minime. Sed referuntur etiam quae scripta sunt ad animam a virtutis domicilio extorrem factam, & ad vitiorum varias formas deportatam, & ob eam causam in confusione positam. (Babylon enim confusio interpretatur,) & a spiritualibus hostibus in captiuitatem abductam.

Lucae 19.

Philip. 2.

Rom. 12.

Sedit Ieremias flens, & planxit lamentatione hac super Ierusalem, & dixit.

O R I G E N E S. Fletu qui ex caritate proficiscebatur, & beatus appellatur: siquidem sancti viri est flere cum flentibus. E I V S D E M. § Quum appropinquaret Ierusalem Dominus fleuit & dixit, si cognouisses & tu quae ad pacem tibi. Ierusalem Ierusalem quae occidis Prophetas, & lapidas eos qui ad te missi sunt, quoties volui congregare filios tuos quemadmodum gallina congregat pullos suos sub alas, & noluitis? E I V S D E M. Si igitur § Beati qui flentis, quia ridebitis, § opus fuit vt Ieremias fletu hoc mystico fleret, & iuxta illud, § Beati qui lugent, § eos lugeret qui digni luctu erant.

Rom. 12.

Lucae 19.

Matth. 23.

Lucae 6.

Matth. 5.

IN CAPVT PRIMVM
EDITIO LXX.
CAPVT I.

ALEPH.

Quomodo sedet sola Ciuitas plena populo, facta est quasi vidua, plena gentibus.



QUOMODO SEDET SOLA CIUITAS PLENA POPULO, FACTA EST QUASI VIDUA, PLENA GENTIBUS. Videtur quidem plenitudo populi, quod ad litteram pertinet, significare habitantes Israelitas, ac plenitudo gentium, vt prius dictum a nobis est, significare profelytos. Secundum anagogen vero quia ad contemplationem pertinentia magis cognata sunt animae, & minus circumstantijs vestita quam quae ad actionem pertinent, fortasse plenitudo populi copias contemplationum significet illius beatae Ierusalem: plenitudo vero gentium vitiosorum factorū multitudine. **ET POST PAUCA.** Illa quae plena erat, sola sedet, quod cum sponsa esset, sponsum *ἄνδρα* idest rationem amisit: & facta est sicut vidua, quae olim erat praedictis gentibus plena: **EIVSDEM.** Quantum attinet ad litteram, conuenit ipsam Ierusalem intelligi, diciq; cum admiratione, propterea quod ad tristorem statum demutata sit, sedere solam, illam olim populis plenam: vt solitudo sit ipsa desertio. nam cum protectionem inlitum illum in anima *ἄνδρα* & rationem pro viro habuisset, quando illum praesentem atque adiuuantem sequebatur, postea peccatorum suorum culpa viduata, & ab illo derelicta est. **ET POST ALIA,** Haec quidem ad litteram. Ad sublimiorem vero sensum, Ierusalem abundans & populo ac gentibus plena, & regionum domina, illa diuina est anima: neq; mirum si non modo domus aut villa aut qui maior est vicus appellatur, neq; vrbs quacūq; sed quae caeteris vrbibus praestantior, & apud Deum honorata, Ierusalem vocatur illa diuina anima, cum maximae ciuitati par magnitudo cum illa conferatur, quae magnitudo prae Sapientia ceterisq; virtutum generibus multiplicia aedificia vineat. **ET POST PAUCA.** Vt vero licet videre Ierusalem florentem, plenam populo & gentibus, & principem regionum, ita si labilis est illa virtus, de-

rus, desolatam eandem, & viduam, & seruientem, adeo vt etiam tributum inimico qui illam obtinuit pendat, videre possumus in illius anima, qui a veritate sit exul. **OLYMPIODORI.**
 § Facta est quasi vidua; § rationali sponso viduata. § Plena gentibus. § **I D M.** Illa pridem plena probis cogitationibus:

Princeps prouinciarum facta est sub tributo?

OLYMPIODORI. Quae prius vitijs dominabatur, postea illistamquam hostibus tributaria facta est, ita vt semper tributum pendat, & faciat quae illi mali domini imperant, imperant vero boni nihil. Ac fortasse per singulas culpas quas hic admittit, tributum quoddam affert ipsi Nabuchodonosor, qui interpretatur infensus, & agnitio angustiae: neq; Nabuchodonosor solum, verum etiam Satrapis eius.

VULGATA EDITIO B. HIERONYMI.

CAP V T I.

ALPH.

Quomodo sedet sola Ciuitas plena populo, facta est quasi vidua domina gentium, princeps prouinciarum facta est sub tributo?



EV quae tanta in contrarium facta mutatio est, quam diuersa rerum vicissitudo vix vt credi possit, vt ea ciuitas quae quondam florētissima erat, & multitudine ciuium abundabat, nunc maerēs ac tristis iaceat, suis ciuibus orbata, & Rege, & quod potius est Deo suo viduata. Illa quondam multarum gentium Domina, quae multas prouincias suo imperio subegerat, facta sit sub tributo, censumque annuum pendat, & publicis oneribus ferendis operibusq; extruendis miserrime simul & ignominiosissime feruiat. § Quomodo, § Maximam habet vim ad animum dolore concutiendum, illa in diuersum longē statum commutatio, non enim praesentis mali sensus tantummodo maiorem inurit, sed etiam felicitatis praeteritae recordatio, si cum praesenti infelicitate cōsēatur: atq;

—0122227

co ma-

eo magis quo maior fuerit. Itaque ab apto principio exorsus
 est, & Quomodo, & quod verbum non tam causam inquirentis
 est, quā incredibilem paene & longe diuersam vicissitudinem
 dolentis. Vnde & ad lamentationes assumi in Scriptura solet,
 vt in hoc libro ter assumitur, hoc loco semel, iterum capite se-
 cundo, & Quomodo obtexit caligine in furore suo Dominus
 filiam Sion: & tertio, & Quomodo obscuratum est aurum. &
 Miratur ergo simulq; dolet, mutationem tantam, florentissi-
 mae quondam, opulētissimaeq; ciuitatis, eamq; dolet in adeo
 infelicem statum deuenisse, vt sit incredibile. Eam porro com-
 mutationem tribus in rebus positam dicit. Vt enim praeclara
 sit ciuitas, primo necesse est populi frequentia celebrem esse:
 deinde optimis magistratibus aut Regia, prudentia gubernari:
 postremo nō alij, subiectam esse aq; seruire ciuitati, sed alijs
 ciuitatibus imperare: quibus omnibus, cum abunde illi ciui-
 tati adfuerint, illico spoliata est: nam ex frequentissimo po-
 pulo ad maximam est infrequentiam solitudinemq; redacta:
 deinde Rege magistratibusq; viduata: postremo, cui multae
 prouinciae subiectae erant ac tributa pendebant, ea exterarum
 gentium imperio ac dominationi parere tributumque
 persolvere coacta est. & Sedet sola, & tamquam leprosa a com-
 mune & coniunctione Sanctotum separata, quod peccato-
 rum plaga contacta esset. Sic namq; praeceperat Deus, vt le-
 prosus extra castra sederet solus, vt est in Leuitico cap. 13.
 Quousq; igitur a lepra mundetur sedet sola, vt immunditiam
 ipsa suam agnoscat & desineat. Est etiam solitudo luctui con-
 ueniens: nam quum maeremus, consuetudinem hominum &
 frequentiam vitamus: vt igitur eius ciuitatis maerorem ac lu-
 ctum indicet, solam sedere dicit; non aliter atque de seipso
 Ieremias dixerat, & Non sedi in concilio ludentium; solus se-
 debam, quoniam amaritudine repleti me. & Postremo seden-
 di verbum deiectionem esse illam atque a sublimi statu deturba-
 tam iacere significat, regijs insignibus ac maiestate spoliata:
 quomodo capite 13. dictum legimus, & Dic Regi & Domina-
 trici, humiliamini, sedete, quoniam descendit de capite ve-
 stro corona gloriae vestrae. & Quasi vidua, & orbata viro: quem
 vel Regem, vel Deum ipsum intelligere debemus, qui illam
 peccato-

Leuiti. 13.

Ierem. 17.

Ierem. 13.

peccatorum suorum merito reliquerat: quae loquendi figura Ieremiae non insolita est, quum in suae prophetiae cap. 55. dicat, § Quoniam non fuit viduatus Israel & Iuda a Deo suo Domino exercituum: terra autem eorum repleta est delicto a sancto Israel. § Siue autem Regem virum accipiamus, siue Deum, caute adiectum est; § quasi, § non enim vidua prorsus erat, sed quasi vidua: nam & Rex nondum excesserat Sedecias, sed in vinculis habebatur a Rege Nabuchodonosor; & Deus ipse non prorsus illam reliquerat, licet ad tempus abiectisset, expleto captiuitatis tempore rursus illi conciliandus. Illud autem in his verbis non absurde quaeri potest, quomodo viduitas dominationi gentium opponi possit. Sic namque dictum est, § Facta est quasi vidua Domina gentium, § ac si viduam esse, ei quod est Dominam esse gentium, opponatur. Nam in ijs quae praecesserunt, § Quomodo sedet sola ciuitas plena populo, § satis apparet, solam esse, & plenam populo inter se opponi; in eo vero quod ait, § facta est quasi vidua domina gentium, § non satis apparet quae sit oppositio. Quamobrem non displicet illa Hebraeorum interpunctio, qui post verbum vidua, distinguunt; vt sit totus versus ad hunc modum distinctus, § Quomodo sedet sola, ciuitas plena populo, facta est quasi vidua? § deinde ex alio initio sequatur, § Domina gentium, Princeps prouinciarum facta est sub tributo? § Et quamuis Origenes alteram distinctionem sequi videatur, beatus certe Hieronymus Hebraeorum distinctionem probauit. quod ex eo apparet, quia cum vox, plena, & Domina vtrobique eadem sit in Hebraeo, & potuisset ille eodem modo transferre, plenam populo, plenam gentibus, in eoq; exemplum LXX. interpretum haberet, quos sine reprehensione sequeretur, tamē maluit secundo loco Dominam gentium vertere, & consulto oppositionem illam abrumpere, ita vt non cum voce praecedenti, hoc est cum vidua, tamquam vox illi opposita coniungeretur, sed cum voce sequenti hoc est cum principe prouinciarum ad cladem amplificandam neceretur. § Princeps prouinciarum, § quae prouincias multas imperio suo subegerat, quas principibus viris missis regebat, has *ἡγεμονίας* Graeci vocant, quo nomine licet Graeco in hoc loco is qui in

Ierem. 55.

q. 2001

Chaldaicum sermonem hunc librum vertit, vsus est. Igitur quae prius erat Domina non vnus sed plurium gērium, quae Princeps erat nō vnus prouinciāe sed multarum, nam & Philisthaeis & Chananaeis dominabatur, & eorū regiones tributarias habebat, nunc & Facta est sub tributo, & Quam vero miserum sit, quamve turpe sub tributo esse, ex consuetudine sermonis quo scriptura vtitur intelligendum est: neque enim solum is qui tributum aut censum pendit sub tributo esse dicitur, sed qui ad publica opera facienda damnatus, oneribus se rendis, aut agris colendis mancipatur, vnde tributū censumq; persoluat. multa sunt in Scriptura loca quae id doceant. sed pauca proferre satis erit: verbum enim Hebraicum *du* nonnunquam publicorum operum operarios indicat qui praesertim onera ferūt, vt Exodi primo de Pharaone legimus, & Praeposuit eis magistros operum vt affligerent eos oneribus: & agricolam in Genesi LXX. idem Hebraicum nomen transtulerunt cap. 49. de Issachar, & supposuit, & inquit Iacob, & humeros suos ad portandum, & factus est tributis seruiens. & Jerem. 49. *וְיָדֹנֶה אֶתְּךָ כְּעֹבֵד*, & factus est homo agricola: & apud Ieremiam cap. 49. scriptum legimus, Nabuzardan principem militiae Chaldaeorū reliquisse de pauperibus terrae ad vineas, agrosq; colendos. Vtrumcumq; sit certe laboriosum & ignominiosum fuit in primis tam clarae nobilique ciuitati fieri sub tributo.

Exod. 1.

Gen. 49.

Jerem. 49.

BETH. L X XL

Plorans plorauit in nocte, Et lacrymae eius in maxillis eius: non fuit qui consolaretur eam ex omnibus amantibus eam: omnes diligentes eam spreuerunt eam, facti sunt ei inimici.

ORATIONIS. In prima lamentatione cuius initium erat Aleph, litteram seruare potuimus; in hac vero quid nam dici possit, vbi ciuitas in nocte plorasse dicitur, adeo vt lacrymae essent in maxillis eius? nisi fortasse quispiam habitatores nomine ciuitatis appellatos, eosq; tributum ferentes plorasse dicat, memoria repetentes ex qua pace ac libertate ad quātam seruitutem & abiectionem deuenissent. Quoniam igitur

igitur modo etiam illud § in nocte § exponemus? an quod tempore communis omnium quietis ciuitas illa hoc est habitatores illius ciuitatis commemorando calamitates, sine vlla re quie plorabant, lacrymarum riuus ad maxillas defluentibus: augebatur autem eorum fletus maxime, & affluebant lacrymae, quod ne vnus quidem de tam multis dilectoribus adesset consolator, amicis iura amicitiae violantibus atque spernentibus, & in inimicos conuersis. Qui nam igitur iuxta litteram sunt qui prius illam amabant, e quibus nullus qui eam consolaretur fuit? Fortasse illae reliquae Iudaeae ciuitates, quae suam metropolim cum prius amarent, tempore calamitatis non consolabantur. ET POST PAUCA. Haec de littera. Sin vero Scriptura vt in praecedentibus exposuimus, Ierusalem intelligit eiusmodi quaedam animam, ipsa fortasse ideo plorare dicitur, quod exul a sua regione facta, & in confusione posita est, & in longe diuerso statu versatur, quam vt illum rideat risum qui ex gaudio atque hilaritate proficitur, quæ Dominus noster eis affuturum, qui beatum illum luctum luerint, pollicetur, dicens, § Beati qui lugent nunc, quia ridebunt. § & in Iob quoque, § Veracium os implebit risu. § Fortasse etiam hac de causa vnus e Patriarchis Risus dicitur. Igitur qui gemit eo quod sit in hoc tabernaculo, vt declarauit Apostolus dicens, § Etenim qui sumus in hoc tabernaculo, ingemiscimus grauati, § promissum risum diuinamque hilaritatem cupiens, is demum vitalem ploratum, & animae utilissimum plorat. § Et lacrymae eius in maxillis eius. § OLYMPIOD. Vt intelligimus oculos animae, sic maxillae quoque animae dicuntur, per quas rationis viribus alitur, illasque terit ac mandit. § Non fuit qui consolaretur eam ex omnibus amantibus eam. § OLYMPIOD. Secundum historiam quidem, quia super omnes erat ira, neque alter alterum amplius consolabatur: potest autem intelligi, quod qui hanc animam prius amabant sancti angeli, eam cum se vitij dediderit, sine consolatione relinquunt. ORIGENIS. Putamus enim ipsum amare diuinum quiddam esse, & vt ita dicam, spiritale: diligere vero ad corpus magis & humana pertinere: ac fortasse quia nemo quippiam humile amat, illud obseruandum sit de

Luc. 6.

Iob 8.

Genes. 21.

2. Cor. 5.

B

prac-

praestantioribus dici, & non est qui consoletur eam: & de minus bonis vero, & omnes diligentes eam spreuerunt eam, & facti sunt ei inimici: & nam imperfectiores etiam spreuerunt eam, & facti sunt ei inimici: at perfectiores non sunt consolati tantummodo. OLYMPIOD. Transgredientes diuinas leges illi Ierusalem habitatores & pseudoprophetae, qui etiam pridem eiusmodi animam amare simulabant impuri daemones, more inimicorum de illius casu laetantur.

BETH.

V V L G A T A.

Plorans plorauit in nocte, & lacrymae eius in maxillis eius: Non est qui consoletur eam ex omnibus caris eius: omnes amici eius spreuerunt eam, & facti sunt ei inimici.

HAEC itaq; ciuitas cum interdiu laboribus operibusq; vexaretur, neq; spatium ei ad calamitatis suae magnitudinem cogitandam daretur, de nocte cum a laboribus feriata esset, & ad mala sua cogitanda tempus haberet, assidue plorabat, & tempus a natura quieti concessum, in gemitu ac luctu traducebat. Neque vero luctum voce tantummodo ploratuque continuo promebat, sed lacrymis quoque tamquam riuis iugiter defluentibus, intimum acerbissimumq; dolorem testabatur. Ac fuisset nonnulla dolori ac luctui quies, si inflictum cordi maerentis vulnus amicorum officijs atque consolatione tamquam adhibito medicamento lenitum esset: Sed medicina doloris nulla est, nullum linguae fouentis leuamen: neque tam dolendum esset, si alieni nullaq; beneuolentia coniuncti consolationis officium non praestarent: Illud maxime dolorem auget, quod amici derelinquunt, & ab afflicta amicitia recedunt, & se amicos fuisse obliuiscuntur: parum est, etiam inimici fiunt, & de malis eius exultant.

& Plorans plorauit. Sic de ciuitate propheta, tamquam de muliere viro destituta loquitur, eiq; personam lugentis affingit. Ciuitatem porro, aut locum ipsum, aut potius paucos illos homines in ciuitate post excidium illius relictos debemus accipere, qui publicis operibus agrisque colendis seruiebant, ac tributa Regi victori pendebant. Ploratus autem ad vocem pertinet, lacrymae

vero

vero ad illū ex animi dolore ab oculis fluentem humorem. Ergo ut maximum dolorem ostendat, vtrumq; coniungit. Sunt enim qui ficto aut mediocri dolore plorent. At qui ita plorat, ut cum ploratu lacrymas vbertim defluentes adiungat, ille demum in vero & summo luctu est. § In nocte, § hac voce vel cōtinuus luctus indicatur, tamquam ne de nocte quidem, quum a molestijs & angoribus quiescere solent homines, ipsa cesset a fletu; vel opportunum ad sua mala cogitanda tempus, quum sensibus quiescentibus, mens suo operi intenta est, & aerumnas ipsa suas repetit atque reuoluit. § Omnes amici eius. § Nihil in aduersis rebus luctuosius, quam illa amicorum inconstantia atque perfidia, de qua praecipue Iob conqueritur dicens, § Fratres meos longe fecit a me, & noti mei Iob 19. quasi alieni recesserunt a me. Dereliquerunt me propinqui mei, & qui me nouerant obliti sunt mei. § In eo enim non amicum dilexisse cum floreret, sed res amici demonstrant. Hos Ierusalem amicos, vel foederatos cum illa populos intelligere possumus, vel exterarum gentium Deos, qui cum ipsi infirmi essent, nulla in re adiumento laboranti Ierusalem esse potuerunt; immo vero etiam perniciem attulerunt, cum Chaldaei a quibus colebantur & pro Dijs habebantur, illam euertierint, & hostes illius fuerint. Quod enim populi ipsorum cultores fecerunt, id illorum Dijs iure ascribi potest. Ita per Ezechielem Dominus dicit, § Ecce ego suscitabo omnes amatores tuos contra te, de quibus satiata est anima tua, & congregabo eos aduersum te in circuitu, & agent tecum in odio, & tollent omnes labores tuos, & dimittent te nudam & ignominia plenam.

GIMEL.

L X X.

Migravit Iudaea propter humiliationem suam, & propter multitudinem seruitutis suae: Sedit in gentibus, non inuenit requiem: Omnes persecutores eius apprehenderunt eam in medio tribulantium.

ORIGENIS. Ad litteram talis erit sensus. Suum locum Iudaea mutauit: cuius demigrationis causam illi attulit partim eius humiliatio, in quam deiecta est peccando,

B 2 & sta.

& statum illum sublimem & erectum quem prius habebat cū in pietate maneret relinquendo : partim magna seruitus eius in quam se vitijs ac passionibus subijciendo redaeta est: trās-lata vero in gentibus collocata est, vbi requiem inuenire nō potuit, omnibus inimicis illam insecantibus & comprehendentibus atque tenentibus, cum inter gentes esset illam tribulantes. OLYMPIOD. § Migravit Iudaea. § A sede virtutis, ad vitij locum. § Et propter multitudinem seruitutis suae. § Spoliata namque gloria quam prius habebat, in seruitutem tradita est. § Non inuenit requiem. § Nam quia se tradidit aduersarijs, ideo a Dei requie longe facta est. § Omnes persecutores eius apprehēderunt eam in medio tribulantium. § Vbi namque a Dei via quisquam diuerterit, a vitijs capitur; tribulantes vero dicit impuros daemones: quoniam igitur vitia insequuntur animam, & simul vitiorum effectores daemones, praecipit Apostolus dicens, § Fugite fornicationem. §

1. Cor. 6.

GIMEL.

VVLGATA.

Migravit Iudas propter afflictionem & multitudinem seruitutis; habitauit inter gentes, nec inuenit requiem: Omnes persecutores eius apprehenderunt eam inter angustias.

MVLTI e Iudaeis cum ceteros viderent superbo Chaldaeorum imperio affligi, atque laboriosis operibus & tributis vexatos opprimi, maluerunt in alias terras migrare, quam in suis sedibus tam infelicitate viuere. Itaque ad gentes quae finitimae erant, confugerunt, apud quas peregre habitarent: neque tamen ibi tuto consistere ac requiescere poterunt. Multi etiam cum contra praeceptum Domini in Aegyptum descendissent, ibi tamquam in angustiis quibusdam ab insequentibus Chaldaeis comprehensi, victi, captique sunt. Itaque nullus illis perfugium fuit, nullus tutus ad habitandum locus, sed aut in sua terra necesse erat misero seruitutis genere affligi, aut in aliena quietē simul & vitam amittere. § Migravit Iudas. § Hoc de illis Iudaeis dictum puto, qui capta iam ciuitate, praeter timorem Chaldaeorum & propter multitudinem seruitutis ac laborum quos si in Iudaea mansissent perpeti

perpeti necesse erat, in alias oras atq; regiones proficisci maluerunt; quales illi fuerunt, quos hic idem Propheta inuitus licet, secutus est in Aegyptum, ut est in eius prophetia ca. 40. Jerem. 40.
 ac deinceps. neque vero obijci potest, quod LXX. transtulerunt *μετεμίσθην*, migrare coactus est, quasi non sponte sed inuiti alieno imperio parere coacti migrauerint. nam & si sponte in Aegyptu profecti videantur, tamen re vera etiam ipsi coacti sunt eo descendere, cum Chaldaeorum saeuitiam, & victoris Regis iras pertimescerent, & tamquam a duro Domino ad labores & onera, & tributa adigente refugerent. Sed quamuis apud. exteras gentes exulare, quam in patria sua seruire Chaldaeis satius putarent, tamen ne apud illas quidem gentes ad quas confugerant requiescere, & sedes quietas habere potuerunt: nam iidem hostes, quos fugerant, in Aegyptum insecuti, cōprehenderunt eos, & in suam ditionē redegerunt. § Propter afflictionem. § Cum cepisset Nabuzardan urbem Ierusalem, multos e Iudaeis occidit, multos captiuos asportauit: de pauperibus vero terrae reliquit in vinitores & agricolas. quorum afflictionem atque vexationem quum ij viderent, qui fugerant, & in Aegyptum proficisci vellent, diu multumq; verbis Domini egit Ieremias ut eos ab ea sententia deduceret, neque quicquam profecit. vicit igitur eorum obstinatio, & in Aegyptum descenderunt. Sed quod metuebant effugere minime potuerunt. Quum enim in Aegypto se tutos esse a Regis Nabuchodonosor saeuitia putarēt, Ieremias Dei spiritu instinctus praedixit fore ut eodem Nabuchodonosor cum exercitu veniret, & Iudaeos omnes ad vnum fame ferroq; interimeret. Afflictionem itaq; vocat vexationem pauperum illorum, qui in Ierusalē & in Iudaea vinitores & agricolae relictī erant, qui & operari & ex labore suo tributum Regi Chaldaeorum pendere cogeantur. § Et multitudinem seruitutis. § Et conditio, ipsa serui, & eius officia omnia seruitutis nomine comprehenduntur. Sed speciali quadam significatione ad agricolationis munera significanda hoc nomine scriptura solet uti, ut psal. 103. § Exhibet homo ad opus suum, & ad operationem suam vsque ad vesperam, § quod in Hebraeo legitur, § & ad seruitutem suam vsque ad vesperā. §
 nimirum

Jerem. 52.Jerem. 42.Psalm. 103.

nimirum colendorum agrorum laborem seruitutis nomine
 Psal. 146. Scriptura indicauit . psalmo quoque 146. § Qui producit in
 montibus fenum, & herbam seruituti hominum. § non enim
 quod ait, § seruituti hominum, § idem est ac si dixisset vsui ho-
 minum, sed § seruituti hominum § id significat, culturae ho-
 minum. nam cum prius dixisset Deum producere in monti-
 bus tamquam in incultis locis fenum iumentorum pabulum,
 opponere voluit loco locum, fructui fructum. itaq; loco incul-
 to seruitutem hominum, feno iumentorum cibo, herbam qua
 vescuntur homines opposuit. § Habitauit inter gentes, nec
 inuenit requiem. § Qui ex Iudaeis fugerant, locum nullum
 vbi tuto possent consistere inuenerunt: nam, & in Idumaeam,
 & ad filios Ammon fugerunt: & postea cum audissent Godo-
 liam a Rege Babylonis reliquijs Iudaeorum esse praefectum,
 rursus in terram Iuda ad eum conuenerunt: quo occiso ti-
 mentes a Chaldaeis, in Aegyptum profecti sunt: ibi eos exer-
 citus Chaldaeorum adueniens oppressit. itaque nusquam re-
 quiem, hoc est tutas firmasq; sedes inuenerunt, adeo vt etiam
 Jerem. 45. Baruch, qui non sponte, sed ducum voluntati cedens simul cū
 ceteris eo descenderat, conquereretur dicens, § Vae misero
 mihi, quoniam addidit Dominus dolorem dolori meo, nec in-
 ueni requiem. § poenis nimirum illis agebantur & vrgeban-
 tur, quas Moyses in Deuteronomio praedixerat; § Disper-
 get, inquit, te Dominus in omnes populos, a summitate ter-
 rae vsque ad terminos eius; & serues ibi Dijs alienis, quos &
 tu ignoras & patres tui; lignis & lapidibus; in gentibus quo-
 que illis non quiesces, neque erit requies vestigio pedistui;
 dabit tibi Dominus ibi cor pauidum & deficientes oculos, &
 animam consumptam maerore, & erit vita tua quasi pendens
 ante te, & non credes vitae tuae. § § Omnes persecutores eius
 apprehenderunt eum inter angustias. § Allegoria elegantis-
 sima Iudaeorum qui in Aegyptum fugerant oppressionem la-
 tenter indicare videtur: de qua re in Ieremiae prophetia le-
 gimus capite 42. & 44. Fugientes enim si in angustias aliquas
 venerint, vnde nullus pateat exitus, facile ab insequentibus
 comprehenduntur. Non solum autem eleganti allegoria vsus
 est, sed etiam ad Aegypti nomen aptissima: Simillima enim
 sunt

sunt in Hebraica lingua Aegypti nomen & angustiarum. haec namque metfarim dicuntur, Aegyptus vero Metfrain. Nominē itaque angustiarum, tamquam simillimo, Aegyptum intellexit. Praedixerat autem illis Ieremias fore ut si in Aegyptum ingrederentur, a Chaldaeis persecutoribus ibidem comprehenderentur. Ierem. 42. **¶** Audite inquit verbum Domini reliquiae Iuda, haec dicit Dominus Deus exercituum, Deus Israel: Si posueritis faciem vestram vringrediamini Aegyptum, & intraueritis ut ibi habitetis, gladius quem vos formidatis, ibi comprehendet vos in terra Aegypti; & fames pro qua estis solliciti, adhaerebit vobis in Aegypto, & ibi moriemini.

DALETH.

L X X.

Viae Sion lugent, eo quod non sint qui veniant ad solennitatem. Omnes portae eius destructae: Sacerdotes eius gemunt: virgines eius abductae, & ipsa amaricata in se.

SEVERVS IN EPISTOLA AD MONACHOS. Sion erat arx Ierusalem: ideo etiam Sion appellatur. Sion enim sublimem speculam significat, quae est Ecclesia, terrenis rebus excelsior; eo quod mundum hunc visibilem, & quae in eo est fictam speciem contemnit, ac Deum solum spectat, & ipsum excelsum spectatorem habet, qui non modo vniuersis rebus conditis excelsior est, verum etiam illam diuina sublimitate subleuat. **ORIGENIS.** Sensus ad litteram pertinens hic est. Quia lex praeceperat, Exod. 23. **¶** ter in anno apparebit omne ma-
sculinum tuum in conspectu Domini Dei tui, **¶** extructo iam templo in Sion tempore Salomonis, populi quae praecepta fuerant exequi properabant, & cum circa Ierusalem essent Iudaeae ciuitates, vndiq; viae erant in Sion ferentes, has igitur vias propheta luget captiuitatis causa maerentes, & ad summam solitudinem redactas; idque eo etiam tempore quo maxima laetitia & hilaritas erat, Iudaeis ad festum diem vndiq; in montē Sion festinantibus. Praeterea cum portae multae essent in Sion extructae per omnes tractus, eas omnes scriptura destructas esse dicit: Et sacerdotes gemere, quod nimirum sacerdotalia munera pro festorum aliorumq; dierum consuetudine exequi minime liceret: vel quia captiui abducti erant,
vel

vel quia nullus ad eos accedebat qui sacra munera expeteret. Quin etiam virgines inquit Sion abducuntur, haud dubiū quin a victoribus hostibus. **EI VSDM.** Quod vero ad excellentiorem intelligentiam pertinet, specularitricis contemplatricisq; facultatis quae Sion vocatur, multae sunt variorū dogmatum viae mysticorum simul & naturalium, & inoralium, etiam rationalium fortasse, quae ad propositarum rerum intelligentiam & contemplationem ferunt. Cum itaque quispiam horum exercitatione perditā confusus fuerit, omnes hae viae lugent nullo ambulante. Cumq; celebritas proposita sit in praedictis vijs, neque exquirendo, & ut ita dicam pertransendo quispiam per eas iter habet, & lugent, quia dum non inuestigantur, neque per eas tenditur desolantur, propterea quod qui ambulant exciderint, & a vitijs ad peiora vitia captiui ducti sint. **EI VSDM.** Tribus per annum temporibus lege praeceptum erat ut omne masculinum apparet, in Pascha, in festo primitiarum, & in Scenopegia. His igitur tribus festiuitatibus Iudaei undique conueniunt Ierusalem. Ergo secundum historiam nullo in Sion propter urbis euerfionem veniente, lugent viae. Secundum altiore intelligentiam vero, disciplinae per quas ad virtutem quisque ingreditur, in luctu sunt, proposito discipulorum amputato: { Omnes portae eius destructae. } **OLYMPIOD.** Doctores, qui neq; ipsi ingrediuntur in regnum Dei, & ingredientibus prohibent. { Sacerdotes eius gemunt. } **SEVERI EX EPISTOLA AD MONACHOS.** Sacerdotes eius pro eo ut docerent gemunt, tacentes taciturnitatem sibi quidem luctuosam, fidelibus vero damnosam. **OLYMPIOD.** Ad litteram, quia nulli sunt qui offerant. Ad spiritualem vero intelligentiam, sacerdotales illi virtutis modi, quia nullus accurrit. { Virgines eius abductae. } **EX INCERTO.** Sacratae Christo virgines locum ex loco mutant, & abducuntur. & nihil ipsi Sion relinquitur pro his omnibus dolenti, atque maerenti, nisi intra semetipsam angere, & aduersos casus aegre ferendo, singillatim recensere ac lugere, & clamare ad Dominum, { Defecit gaudium cordis nostri. } **OLYMPIOD.** Incorrupti illi & integrimores, non libere gradientes, propter magistrorum corruptam traditionem.

Exod. 23.

ditionem. § Et ipsa amaricata in se. § ORIGENIS. Illa inquam Sion dulce nihil habens, ipsa per se in amaritudine degit: nam amaricari hoc in loco non est de specie quadam irae accipiendum.

DALETH. V V L G A T A.

Viae Sion lugent, eo quod non sint qui veniant ad solennitatem. Omnes portae eius destructae, Sacerdotes eius gementes, virgines eius squalidae, & ipsa oppressa amaritudine.

IVD A E I S plurimis caesis, magna ex parte captis, nonnullis etiam hac illacque dispersis, nulli sunt, qui iuxta gentis consuetudinem e diuersis locis ad templum quod erat in Sion, solennitatemq; ac festum diem celebrandum ter in anno veniant. itaque etiam ipsae viae, quae olim erant frequentati discursu tritae, propter infrequentiam venientium confusis vestigijs atque deletis, ita vt internosci non possint, paene lugere videntur. portae etiam illius nullo aut exeunte aut ingrediente desertae sunt: neq; enim vt prius ibi iudicia adhuc exercentur, neque seniorum coetus eo conuenit, nulla ibi publica negotia nulla priuata commercia agitantur, nulla holocausta, nullae victimae, nullae oblationes per eas inferuntur. Sacerdotes religionis ipsius maiestate ac pietate venerabiles, quorum vultus habitusq; humano propemodum erat augustior, accincti sacco lugubri amictu gemunt, sacrificijs ac libationibus de domo domini ablatis. Virgines quae prius laetae & alacres pro gentis more choros ducebant, & festiuo in Deiq; laudem composito carmine mulcebant aures, nunc squalidae conticescunt, dolore maeroreque confectae. at ipsa ciuitas quae sacerdotes ac virgines comprehendit, veluti pia mater liberorum aerumnas grauiter ferens, quid aliud dicam vt eius magnitudinem doloris indicem? ipsa intimo atque acerbissimo maerore torquetur, & amaritudine oppressa est. § Viae Sion lugent. § Diuina lege sancitum erat, vt Israelitae ter in anno ad festos dies celebrandos Ierusalem conuenirent: § Ter in anno inquit apparebit omne masculinum tuum coram Domino Deo. § destructo igitur templo, Iudaeisq; interemptis,

Exod. 23.

C

captis,

captis, fugatis, summa erat viarum solitudo, nemine ad celebrandas festiuitates veniente. } Lugen, } autem ex maximo affectu dictum est, & vijs anima carentibus sensus doloris datus, quod in translatis verbis est efficacissimum. } Ad solennitatem. } Solennitatis nomine communiori vsu festus dies appellatur: nonnullis autem hoc nomine templum significari visum est: quomodo dictum est etiam in psalmo 73. } Et gloriati sunt qui oderunt te, in medio solennitatis tuae. }

Psal. 73.

HE.

L X X.

Facti sunt tribulantes eam in caput, & inimici eius felices facti sunt: quia Dominus humiliavit eam propter multitudinem impietatum eius. Paruuli eius abierunt in captiuitatem ante faciem tribulantis.

ORIGENIS. Litterae sensus eiusmodi est. tribulabant Iudaeae regionem, vel tribulare certe eam volebant nonnulli ante captiuitatis tempora, sed non poterant, Deo protegente Iudaeos, quum illi diuino auxilio se dignos praestabant, posteaquam vero peccauerunt filij Israel, & propheta non modo non audierunt, sed etiam interfecerunt, tunc in potestatem tribulantium traditi sunt, ita vt hostes illis in caput hoc est principes fierent, vt Symmachus interpretatus est. Ac fortasse cum inimici a tribulantibus aut subiecto aut etiam cogitatione diuersi essent, felices se esse putabāt, quod in inimicorum potestatem venissent ij, qui erant peccatorum suorum merito derelicti; cum Dominus propter multitudinem impietatum eos humiliasset, qui legem violauerant, eo vsque, vt ne infantibus quidē illorum vlla misericordiae pars relicta esset, sed in captiuitatem pergerent, & a tribulante quouis agerentur. } Felices facti sunt. } OLYMPIOD. Elati sunt Babylonij & noxij daemones. ORIGEN. Cum principes facti essent ac laetati, quod Dominus propter multitudinem impietatum ad humilitatem redegisset eos, qui federa in sanctis eloquijs descripta, cum eo inita non seruassent. } Paruuli eius abierunt in captiuitatem. } OLYMPIOD. Etiam qui propter peccatum nondum rei sunt, ad parentum poenā affliguntur, aut paruulos vocat homines sanctos propter peccata

cata multitudinis: aut etiam paruuli sunt animae quae nuper cum colere pietatē occepissent, in cursu virtutis lapsae sunt, & ad vitium reuersae. **I D M.** Qui in captiuitatem abducunt cum pueros ante minent, ambulare cogunt: idem quoq; daemones faciunt, animam quocunq; eis libitum fuerit compellentes.

H B.

V V L G A T A.

Facti sunt hostes eius in capite, inimici eius locupletati sunt, quia Dominus locutus est super eam propter multitudinem iniquitatum eius: paruuli eius ducti sunt in captiuitatem ante faciem tribulantis.

QUADVERSUS Ierusalem semper inimicum animum gesserant, id quoque assecuti sunt, vt ad malignitatem suae voluntatis, etiam potestatem acciperent, & domini ac principes illius facti sunt: in eorum ditione ac potestate posita est, qui in eam hostili sunt animo. illi in caput, illa in caudā facta est, vt ei terribis dominis necesse esset etiam adulari. Accedit ad dolorem, quod eos suis spolijs ac preda locupletatos videt, omnibusq; copijs plenos, cum ipsa in summa omnium rerum inopia versetur: cum ipsa inquieta sit & maxima perturbatione fluctuet, illos quiete summa & tranquillitate frui conspicit, ex suis cladibus & aerumnis laetos & alacres, quasi omnes in illius perniciem conspirauerint, & in vnus caput foederati inter se consociatiq; sint. Neque vero tanti mali euentus temere cecidit, sed diuino decreto ac providentia factum est vt ijs malis afficeretur, peccatis & iniquitatibus illius multis simul ac magnis ita commercutibus; nam quia saepe a Deo desciiuit, eiusq; religionem cultumque deseruit ac fides violauit, iusta illi poena irrogata est, vt quae Deo suo beneuolentissimo Domino atque benignissimo subijci sponte noluit, inimicorum suorum potestati ac ditioni subderetur inuita. Paruuli eius, qui adhuc in sinu matris fouebantur, qui nō hīc materna vbera nouerant, qui vixdum pedibus consistere poterant, ducti sunt in captiuitatem non libero incessu, sed ante faciem tribulantis & impellentis & ad ambulandum urgentis inimici.

C 2

{ Facti

Deut. 28.

1. Ioan. 3.

§ Facti sunt hostes eius in capite. § In capite fieri, est Dominum alicuius ac principem fieri, in sua potestate ac ditione aliquem habere. contraque in caudam fieri, est alteri subijci, sub alterius imperio ac dominatione esse. itaque legimus in Deuteronomio cap. 28. § Constituet te Dominus in caput & non in caudam; & eris semper supra & non subter. § § Inimici eius locupletati sunt. § Hebraeum verbum *יָשַׁר*, & locupletem esse significat, omnibusq; copijs abundare, quo sensu LXX. dixerunt *ἐξέλειοντο*, abundauerunt, & B. Hieronymus, locupletati sunt. & quieto statu frui, cui contrarium est agitari, commoueri, perturbatum esse: postremo pacem atque concordiam habere. quae tria in expositione comprehendere volui. § Quia Dominus locutus est super eam. § Beatus Hieronymus verbum Hebraeum ab *נָאֵן* deduxit, quod est loqui; LXX. a *נָאֵן* quod est dolere, itaque transtulerunt, *ὅτι κλέος ἐπαράσινον αὐτῷ*, quia Dominus humiliavit, seu dolere fecit, seu afflixit eam. § Propter multitudinem iniquitatum eius. § Quamuis iniquitas omne peccati genus comprehendere videatur, quia contra legem atque aequitatem sit, veraque sit illa B. Ioannis sententia, § Omnis qui facit peccatum, & iniquitatem facit, & peccatum est iniquitas, § tamen hoc loco rebellionem, auersionem a Deo, fidei quam illi debemus violationem, foederum cum illo initorum ruptionem significat: ideoque apte LXX. reddiderunt, § multitudinem impietatum. § cum igitur haec ciuitas multipliciter Deum offendisset, eius foedere ac iure violato quo se ad illum colendum adorandumque deuinxerat; cumque se ab illo auertisset, & ad idola confugisset, non mirum si tantis malis, quanta sunt ea quae commemorauit, affecta est. § Paruuli eius ducti sunt in captiuitatem. § Paruuli dicuntur *בְּחָיִים* Hebraea voce, tamquam racemi quidam sub folijs latitantes, ac saepe vindemiantis oculos manusque fugientes. inde aptissimo vocabulo a LXX. saepe redduntur *ἐκρυπτοῦντο*: vt enim racemi folijs teguntur, sic hi sub matris umbra sinuque fouentur.

VAV.

L X: X.

Et ablatas est a filia Sion omnis decor eius: facti sunt principes eius velut arietes non inuenientes pascua: & abiebant absque fortitudine ante faciem insequentis.

ORIGENIS. Littera nobis quam maxime poterimus declaranda est, ac quaerendum quae nam sit filia Sion, & quibus in rebus decorem habeat; quae sint etiam pascua quibus indigent principes filiae Sion, arietum instar pastu carentium: & quomodo ij viribus cassi abeunt ante faciem insequentis. Existimamus igitur ipsum montem Sion esse, Synagogam quae in ea erat, filiam Sion appellari: Decorem vero filiae Sion, copiam vestium, quae copia direptionis tempore ab hostibus capta exijt ab his a quibus legitime possidebatur, hoc est asportata est: hoc enim exeundi verbū rem significantius expressit. principes vero Synagoga, cum incumberēt hostes, & captiuos ducerent, consueti victu indigentes, factos arietibus similes pastum non inuenientibus. Vt vero arietes pastu minime accepto, si agantur, debiliter ambulant, violentiae insequentium cedentes; sic principes quoque cum capti essent, & in victorum regionem abducerentur, ibant sine fortitudine ante faciem insequentis. EIVSDEM PER ANAGO-

Origenes
legit, 127-
36.

GEN. Iuxta sublimiorem vero intelligentiam, talis quaedam anima est filia Sion: Exempli gratia, vt filia iustitiae quae iusta est, & filia Sapientiae quae sapiens, sic quoniam Sion specula est, speculatrix & per contemplationem inuestigatrix, apte filia Sion appelletur. Decorem vero illius ac dignitatem quid aliud conuenienter intelligam quam diuitias veritatis cum sapientia contemplandi sancta dogmata coniunctas? Siquis igitur post dignitatem decoremque partum, haec retinere, ac diuitias diuitias augere neglexerit, defluunt quae dudum eius ornamenta fuerant, & exeunt. Principes vero illi duces verbi, & qui ad eiusmodi decorem acquirendū ducunt, arietum in morem ouium gregi praeueniunt, & pascua non inuenientium, ipsi quoque ad inopiam rediguntur, vbi illa aduertere neglexerint, quae tum ipsos tum oues impinguare vt ita dicam possunt. Ideoque debilitati, & ab insequente comprehensi,

ED. 37.

prehensi, qui est aduersarius noster diabolus, ante illum eunt, quocunque is agere voluerit compulsi. Quod si rursus praedicta haec filia Sion, suae pulchritudinis atque decoris curam habuerit, & suae dignitati tuendae studium impenderit, spernet & irridebit Assyriorum regem, ut ab Esaia didicimus, dicente, § Spreuit & irrisit te virgo filia Sion. § Facti sunt principes eius velut arietes non inuenientes pascua. § OLYMPIOD. Sive sacerdotes, siue qui alio modo duces erant populi, cum qui aliquid eis offerrent, nullos haberent. Iuxta sublimiorem vero sensum, ubi negligentia eos qui in discendo excellere poterant, quasi aestus quidam exiccauerit, modi illi didascalici hoc est doctoribus apti, pascua non inueniunt. § Et abibant absque fortitudine ante faciem insequentis. § OLYMPIOD. Cum in captiuitatem inquit agerentur, non amplius fortes erant; aut aliter, debiles facti sunt in peccati quodammodo vultum aspicere eique resistere non valentes.

VAV.

VVLGATA.

Et egressus est a filia Sion omnis decor eius; facti sunt principes eius velut arietes non inuenientes pascua, & abierunt absque fortitudine ante faciem subsequenti.

FILIA Sion quae prius tamquam Regina quaedam omni regio cultu ornata, in honore & admiratione omnium erat, & maiestatem regiam praeferebat, iam omnibus illis praeclaris ornamentis spoliata est, regia dignitate ablata, principum splendore obscurato, nullam iam Sacerdotij veneratione relicta, templo diruto, sacra suppellectili direpta, augusto illo sacroque cultu ac religionibus euerfis. Principes eius qui viribus opibusque pollebant, & ad res gerendas populo duces erant, iam confecti atque debilitati, viribus exhaustis, non iam ceteris praecedentes, sed tamquam arietes gregum duces pastum vnde peterent non habentes, infirmis vestigijs incesse runt, neque aut salutis cupiditas, aut insequentis hostis timor vires ad ambulandum addere poterat. Itaque cum fugere non valerent, ab hostibus comprehensi captique sunt. § Filia Sion. § Filiam Sion, habitatores & coetum ipsum ciuium Sion & Ierusalem vocat, vsitato scripturis loquendi modo, ut solent,

solent filiam Ierusalem, filiam Babylonis, filiam Edom dicere, tamquam in utero matris Sion contentam: quod enim est in utero matris foetus, hoc quodammodo in urbe coetus populi. § Omnis decor eius. § Decorem ex Hebraeis nonnulli regnum esse existimant: quod si quicquid decet & pulchrum est, cur non multa alia ornamenta illius ciuitatis decorem eius fuisse putemus? De quo decore multa apud Ezechielem legimus capite 16. § Et unxi te oleo, & vestiui te discoloribus, & calceau i te hyacintho, & cinxi te bysso, & indui te subtilibus, & ornaui te ornamento, & dedi armillas in manibus tuis, & torquem circa collum tuum, & dedi in aurem super os tuum, & circulos auribus tuis, & coronam decoris in capite tuo, & ornata es auro & argento, & vestita es bysso & polymito & multicoloribus: Similam & mel & oleum comedisti, & decora facta es vehementer nimis, & profecisti in regnum. § quem omnem decorem, quia male & usa erat, ab ea auferendum paulo post vaticinatur. § Et denudabunt inquit, te vestimentis tuis, & auferent vasa decoris tui, & derelinquent te nudam plenamque ignominia. § § Facti sunt principes eius velut arietes. § Apte principes arietibus comparauit: nam vt illi gregibus ouium praeuunt, & sunt ouibus fortiores, sic principes cum viribus polleant, populos praecedunt: Arietes autem Hebraea lingua a fortitudine appellauit. Quamobrem admirabiliter ac praeter opinionem subiunxit, § abierunt absque fortitudine: § hoc est arietes esse arietes desierunt. De quibus scriptum est in libro huius ipsius prophetae capite ultimo, § Et omnes viri bellatores fugerunt, § & quae sequuntur: et paulo post, cum eos Chaldaei insequentes comprehēdisent, § Omnes inquit principes Iuda occidit in Reblatha. § § Ante faciem subsequētis, § ante faciem Chaldaeorum insequentium. Potest etiam hoc quod de principibus dicitur, non de eorum fuga & Chaldaeorum insecutione atque comprehensione intelligi, sed ad illud tempus referri, cum captiui ducerentur, & propter toleratum famis incommodum adeo infirmi ac debiles essent, vt etiam instante victore & ad iter impellente, vix ingredi possent.

Ezech. 16.

Ierem. 52.

ZAIN.

ZAIN.

L X X.

Recordata est Hierusalem dierum humiliationis suae & eiectionum suarum, omnium desiderabilium suorum quae fuerunt in diebus antiquis, cum caderet populus eius in manu tribulantis, & non esset qui auxiliaretur ei. Videntes inimici eius, riserunt super transmigratiōne eius.

O L Y M P I O D. Memoria repetijt, inquit, dies qui humiliationem eius praecesserant, cum Hierusalem habitarent, & oblationes haberent. Aut aliter. Suorum peccatorum recordati sunt, propter quae captiuitas accidit. **O R I G E N I S.** Nam qui dum in malis est, recordatur, nō praesentia sed praeterita recolit. **E T P O S T P A V C A.** His dubitationibus in hoc loco propositis, dum quaerimus quae nam sit praeteritae humiliationis & eiectionum eius recordatio, propterea quod ceciderit populus eius in manus hostium, & quae subiunguntur illi acciderint, illud obseruo, fortasse humiliationem propriam non aliam esse quam peccati; vt contra exaltatio non est nisi virtutis executio, & eiectio non est alterius rei quam factorum improborum opus: Haec enim ad nos a Deo ab omni re praeclara & secundum naturam eijciendos satis habent virium. Quando igitur temulenta Hierusalem, id est eius habitatores, & sui minime compos, a peccato humiliabatur, suos lapsus minime aduertebat. Vbi vero eius retributio venit, dum caderet populus eius in manus tribulantis, nullo auxilium ferente, tunc demum recordata est eorum propter quae haec patiebatur, in illis causas fuisse deprehendens, vt caderet populus eius, & sine vllis auxilijs derelingeretur. **E T P O S T P A V C A.** Quod si talis anima est Hierusalem; quaerendum videtur, quis nam sit eius populus, quo cadente in manus tribulantis, quod non esset auxiliator; ipsa recordatur dierum humiliationis suae atque etiam suarum quibus eiecta ipsa est eiectionum. ad haec omnium etiam desiderabilium suorum, quae fuerant a diebus antiquis. Vide autem ne illae quae in anima sciente sunt speculationes, populus Hierusalem sit,

Iem sit, qui per incuriam & negligētiam animae cadit, a quouis tribulante prostratus. Excidunt namque negligentibus dogmata, a peccatis regionem obtinentibus elisa in eo qui meliora negligit, cum ex ratione auxilium nullum habeat. § Omnium desiderabilium suorum. § OLYMPIODORI. Desiderabilia eius ad litteram quidem sunt, Templum, celebritates, oblationes, sacra vasa: ad sublimiorem intelligentiam, recordata est inquit desideriorum suorum, quae cum sequeretur, captiua facta est. § Videntes inimici eius, riserunt super transmigratione eius. § OLYMPIODORI. Solent namque daemones quum prostrauerint animam, tunc illam irridere.

ZAIN.

VVLGATA.

Recordata est Ierusalem dierum afflictionis suae & praeuaricationis, omnium desiderabilium suorum quae habuerat a diebus antiquis, cum caderet populus eius in manu hostili, & non esset auxiliator: Viderunt eam hostes, & deriserunt Sabbata eius.

IN captiuitate sua Ierusalem quamuis ipse praesentis mali & seruitutis sensus illi molestissimus erat, tamen illorū dierū memoria, cum primum affligi coepit & e sua felicitate deiecta est, multo vehementius torquebatur, eoq; magis angebatur, quod praeuaricationis suae culpam intelligebat sibi ipsi horum malorum causam extitisse. Tertia accedebat maxima doloris causa, illa pristinae felicitatis memoria, cum illā qua quondam florebat gloriam, opes rerum ad aspectum pulcherrimarum atque pretiosissimarum copiarū cogitatione atq; animo repeteret, templum, vasa sacra, variam suppellectilem, altare thymiamatis, aureum candelabrū & reliqua sacri cultus instrumenta. Illud autem in primis dolorem afferebat, quod cum caderet populus eius in manu hostili, libentissime illius perniciem inimici aspiciebant, & eius Sabbata, cessationem, solitudinem destructionemque deridebant.

§ Recordata est Ierusalem. § Hebraei hunc locum sic interpretantur, in diebus afflictionis suae recordata est omnium desiderabilium suorum quae habuerat: quorum amissione

D

crucia-

cruciabatur: nam augetur dolor, quum aduersae res cum felici statu conferuntur: non enim adeo cruciat praesentium malorum perpeffio, quam amiffae felicitatis recordatio. Quam vero beatus Hieronymus praeuaricationem dixit, illi maerorem ac fletum intelligunt. Sed vulgatae versionis sensum exprime te volui, ac praeuaricationem facinus illud intellexi, cum foedere violato Deum suum deseruit, & alios Deos secuta est, quae illi causa afflictionis fuit. LXX. vero non praeuaricationem sed ~~etiam~~ ^{trans} ~~pos~~ ^{pos} transferunt, hoc est expulsionem, cum e sede patriae expulsa eie&taque est. § Omnium desiderabilium suorum. § Templum ipsum desiderabile erat, de quo videtur Isaias dicere capite 64. § Domus sanctificationis nostrae & gloriae nostrae ubi laudauerunt te patres nostri, facta est in exustionem ignis, & omnia desiderabilia nostra versa sunt in ruinas. § Erant etiam vasa illa facta & suppellectilia pretiosa, desiderabilia, vt in hoc eodem capite paulo post scriptum est, § Manum suam misit hostis ad omnia desiderabilia eius. § Quum caderet populus eius in manu hostili, & non esset auxiliator: Viderunt eam hostes & deriserunt Sabbata eius. § Ita mihi pars haec coniungi commode posse visa est, & exponi, vt etiam in Hebraeo coniungitur. Nam perfecta distinctio quam ipsi Athnah vocant post illa verba, § quae habuerat a diebus antiquis, § posita est apud illos. deinde quasi ex alio initio sequitur, § Quum caderet populus eius, § & quae sequuntur. quando illam hostes viderunt ac deriserunt? quum caderet populus eius in manu hostili, tunc illius casum insolenter tulerunt ac laetati sunt. § Et non esset auxiliator. § De rege Aegypti hoc dicere videtur, qui a Iudaeis vt illis auxilio aduersus Chaldaeos esset euocatus, cū exisset, a Chaldaeis omiffa obsidio est. Sed illo in Aegyptum reuertente, redierunt ad obsidendam Ierusalem Chaldaei. Lege Ieremiae prophetiam capite 37. Aegyptiorum itaque perditionem his verbis, & vanā Iudaeorum spem denotat: quod etiam huius libelli capite 4. facit, § Defecerunt inquit oculi nostri ad auxilium nostrum vanum cum respiceremus attenti ad gētem quae saluare non poterat. § Et deriserunt sabbata eius. § Sabbata ciuitatis mihi videtur illa solitudo dici, cum nullus esset, aut paucissimi certe

Ierem. 37.
Lament. 4.

certe qui per illam ingrederentur & egrederentur: cum a negotijs ac strepitu frequentiae quiesceret, forum sileret, commercia rara essent: videtur enim ea ciuitas feriatâ esse & otium agere quae ad solitudinem redacta est. haec sunt sabbata ciuitatis. quod eidem genti minatus est in Leuitico Dominus, Leuit. 16.
 { Et erit terra vestra deserta & ciuitates dirutae. Tunc placebunt terrae sabbata sua cunctis diebus solitudinis suae: quando fueritis in terra hostili, sabbatizabit & requiescet in sabbatis solitudinis suae; eo quod non requieueritis in sabbatis vestris, quando habitabatis in ea. } Alij sabbata cessationem eius intelligunt, cum vel a gaudio cessauit, vel desijt esse ciuitas atque destructa est. Aut sabbata eius, eorum inertiam dicit, quod segnes domi manerent atque sederent, neque ad pugnandum die sabbati exirent: sicut in Exodo dictum est, Exod. 16.
 { Et sabbatizauit populus, } quia e tabernaculis ad manna colligendum non prodierunt. Sunt qui huius versus ambitum, & quasi lacinias orationis in hunc modum adstringant. Si quando Hierusalem in captiuitate tempus illud quum caderet populus eius in manu hostili, & praeclara illa ornamenta quae olim habebat, commemorare velit, hostes eam videntes derident in tantas illam angustias venisse, vt illi sabbatizare sit necesse & quid faciat, quoue se vertat non habeat.

H E T H. L X X.

Peccatum peccauit Ierusalem, propterea in commotionem facta est. Omnes qui glorificabant eam, humiliauerunt illam. Viderunt enim ignominiam eius: quin etiam ipsa gemens, & conuersa est retrorsum.

O RIGENIS. Verborum sensus eiusmodi est. Quoniam peccatum peccauit Ierusalem, in commotionem ac perturbationem incidit, eousque, vt omnes qui prius illam glorificabant, mutati, eiusmodi ciuitatem despicerent, cum eius ignominiam vidissent. Ipsa vero propter illa quae merito peccatorum passa est, cum in commotionem & in ignominiam hominum antea glorificantium incidisset, gemens, non ultra in peccatis progressa, sed illa minuens regressa est. ER 20:7
 • A Y C A. Quod si Ierusalem talis quaedam anima dicitur so-

D 2 lers

lers ac perspicax & pacis Dei quae exuperat omnem sensum contemplatrix, quia fieri potest hanc quoque multis de causis peccare, id significatur in eo quod in commotionem decidit, cum defecisset ab honestis actionibus, & ad vitiosas transisset: Quisquis porro a virtute recedit, & cum vitijs versatur, cum in commotione esse verissime dicitur. § Peccatū peccauit Ierusalem. § OLYMPIODORI. Ad litteram quidem Synagoga in captiuitatem abducta: ad spirituales sensum, anima peccatorum morbo laborans, & a recto statu dimota. § Omnes qui glorificabant eam, humiliauerunt illam. § OLYMPIODORI. Vel daemones qui prius eam attollebant, quum illis sacrificia exhibebat Synagoga; quos postea auersata est: vel etiā sanctorum virorum animae quae ex affectu diligebant Hierusalem, & illam cum recte faceret glorificabant, cū peccaret auersabantur. § Viderunt enim ignominiam eius. § OLYMPIODORI. Illo namque graui supplicio eius peccata detecta aperta sunt, propter quae etiam sic mulctata est. § Quin etiam ipsa gemens, & conuersa est retrorsum. § IDEM. Synagoga quidem non amplius daemonibus seruiens: talis vero anima ad sensum malorum suorum veniens, & gemens, & quodam modo a peccatis sensim remeare cupiens. ORIGINIUS. Declarat quomodo peccata intermiserit Ierusalem, cum non ulterius in peccatis progrediretur, neque in illis permaneret, sed retrorsum suo bono conuerteretur.

HETH.

VVLGATA.

Peccatum peccauit Ierusalē, propterea instabilis facta est. Omnes qui glorificabant eā, spreuerunt illam, quia viderunt ignominia eius: ipsa autē gemens conuersa est retrorsum.

SI custodisset Ierusalem praecepta Domini, & vniuersam legem quam mandauerat per Moysen, nunquam eius vestigia mota essent, neque instabilis facta de loco suo deturbata fuisset. Sed quia peccatum peccauit, & Regis sui Manasse impietatem secuta, idolum ab illo in templo Domini summo eum scelere collocatum adorauit, & se tanto facinore obstrinxit, ideo nutauerunt pedes eius, & stabili gradu non permansit, sed e suis sedibus electa, in alienas regiones abducta est. Et sicut

sicut decora honestaque mulier honestatis & pulchritudinis nomine in admiratione est & laudatur; at si turpitudine eius aliqua & probrum appareat, contemnitur ac spernitur, sic Ierusalem olim ubique praedicabatur, & magna apud omnes de eius gloria erat opinio: at ubi eius infirmitas apparuit, & a Chaldaeis victa atque expugnata est, tum vero iidem qui glorificauerant spreuerunt illam, & tamquam turpitudine eius detecta contempserunt: Ipsa autem prae pudore atque verecundia vultum spernentis atque contemnentis contra intueri non sustinens, conuersa est retrorsum, & vultum auertit suum.

§ Peccatum peccauit Ierusalem. § Peccato reatus incurritur, & poenae sit peccans obnoxius. Instabilitas vero poenae est quae peccanti irrogatur. Hanc autem instabilitatis & fluctuationis poenam idololatriae praecipue irrogatam esse legimus 4. Regum capite 21. § Posuit inquit Manasses idolum luci quem fecerat, in templo Domini; super quo locutus est Dominus ad Dauid, & ad Salomonem filium eius; In templo hoc, & in Ierusalem quam elegi de cunctis tribubus Israel, ponam nomen in sempiternum; & ultra non faciam commoueri pedem in Israel de terra quam dedi patribus eorum; si tamen custodierint opere omnia quae praecepi eis, & vniuersam legem quam mandauit eis seruus meus Moyses. § Si igitur cultu religioneque veri Dei stante, pollicetur fore ut ultra Israelis pedes non commoucantur, liquet ideo Ierusalem instabilem factam esse, quia Dei sui cultum abiecerat. Hoc etiam ad Salomonem dictum est 3. Regum cap. 9. § Si abieritis & colueritis Deos alienos & adoraueritis eos, auferam Israel de superficie terrae quam dedi eis. § Propterea instabilis facta est. Hebraicum verbum נחב, tam LXX. interpretes quam beatus Hieronymus in significatione commotionis seu instabilitatis acceperunt. Sed quia significare potest etiam menstruatae mulieris separationem, quam Gracci *ἀποσπασ* vocant, & consequentia verba ad hanc significationem aptissime cadunt, § Viderunt ignominiam eius, & versu sequenti, § Sor-des eius in pedibus eius, § ideo haec verba illam quoque expositionem capere possunt, ut figurate tamquam de muliere menstruata laborante atque immunda, sic de Ierusalem sermo sit:

mo sit:

mo sit: quia etiam figurata locutione paulo post vritur, {Facta est Ierusalem quasi polluta menstruis inter eos.} Peccatum igitur Ierusalem sanguis ille immundus est, quo laborauit atque polluta est. Quamobrem tamquam impura separata est, & a sanctis prohibita: Verba namque Hebraica etiam hunc sensum ferunt, {Peccatum peccauit Ierusalem, propterea in segregationem facta est.} Non desunt quibus commotio, derisionem significare videatur, vt sit, Peccatum peccauit Ierusalem, propterea in derisionem facta est: Nam quia deridentes commouere caput solebant, ideo commotio derisionem indicare potest, vt non quaelibet sit commotio, sed capitis agitatio. {Quia videntur ignominiam eius.} Detestis ex poenae magnitudine eius flagitijs, & idolatria quae spiritibus instar est adulterij, indicata, qui prius illam magnificabant, irridere atque contemnere coeperunt, omnemque pristinam de illa opinionem abiecerunt. Perstistit autem in mulieris immundae metaphora, cuius immunditia palam appareat & vulgo conspiciatur.

TETH.

L X X.

Immunditia eius ante pedes eius. Non est recordata nouissimorum suorum, & deiecit immensa: non est qui consoletur eam. Vide Domine humilitatem meam, quoniam magnificatus est inimicus.

OLYMPIOD. aut fortasse: ORIGENIS. Iuxta crassorem expositionem, quod nunc de Ierusalem dicitur, tale est, Immunditia Ierusalem impedimentum eius: cuius nam verorei impedimentum esset, nobis intelligendum propheta reliquit: ac fortasse indicat immunditiam hanc incesum ipsius impedire. Sed etiam ipsa talem se esse significat, nam Ierusalem non est nouissimorum suorum recordata. Haec vero qui ante oculos habuerit & viderit quid de peccatis euenturum sit, non peccabit. Ex hac itaque immunditia impedimentum illi accidit, propterea quod non recordabatur nouissimorum suorum. Admiranda illa magnaue ornamenta sua quae habebat, quum digna quae inspiceretur esset, deiecit, & in humilitatem adduxit, quae prius erant immensa

Origenes
legit, ἀνα-
τομία αὐ-
τῆς ἡμε-
ρῶν αὐτῆς.

mensa & omni laude maiora: quin etiam post haec omnia nō erat qui consolaretur eam, quae summa sua decora deiecerat. Super his vide meam loquentis humilitatem Domine: quandoquidem inimicus propter illa quae meae patriae euerunt, magnificatus est. Et POST PAUCA. Quaerendum tamen iuxta anagogiae leges, an possit immunditia cuiquam inesse, qui eius causa non fuerit. Videamus autem etiam priora illa intelligibilia. De throno eiusmodi anima cum deciderit, omnino ut in immunditia sit necesse est, quae immunditia sanctam viam ambulare prohibet. Ac quemadmodum sacro viro Moyse in sancto loco gradienti, & eius successori Iosue a Deo praecipitur ut calceamenta soluant, quod minime conueniret in sacro loco mortuā pellem habere pedibus circumpositam, sic qui sine impedimento ambulaturus est, ei fortasse non modo calceamenta resoluenda sunt, sed etiam immunditia de puluere circa pedes contrācta, est ablunda: eiusque rei symbolum putamus esse, quod Saluator missa in peluim aqua pedes discipulorum lauit, dicens Petro qui adhuc mysterium ignorabat, ob eamque causam id fieri prohibebat, § Si non laueris te, non habebis partem mecum. § & § Quod ego facio tu nescis modo, scies autem postea. § Igitur consideranda est immunditia circa pedes ut ita dicam animi, & orandus Iesus ut illum abluat, ut partem habere cum illo possimus: nā si illa permanserit, impedimento erit, ne per viam illam secundum sanum sermonem ambulemus: per ipsum inquam Saluatorem qui dixit, § ego sum via. § Non est recordata nouissimorum suorum. § ORIGENIS. Aut fortasse, OLYMP. Liqueat autem eam animam quae sana sit, aut eam certe quae talis esse velit, ita facere, cum non tam id quod praesens est consideret, quam ex his quae geruntur, quid sit etiam in posterum euenturum prospiciat, & si quādo dum adest aliquid quod ad praesens iucundum putetur, prospexerit quid acerbioris in futurum eueniat, eo dimisso quod delectabile videtur, id facere quod illi contrarium est, ne postea in asperum exitum incidat. Sin contra res aliqua aerumnosa sit ad praesens, & eam quamuis ad speciem molesta sit, bona spes excipiat, illius rei molestiam quae aspera existimatur, sponte subituram, ut dul-

Exod. 3.

Iosue 3.

Ioan. 13.

Ioan. 14.

cem

cem illum fructum qui asperarum rerum tolerantiae succedit, consequatur. § Non est qui consoletur eam. § O R I G E N I S. His omnibus inquit malis affecta illa quae Ierusalem figurate vocatur, ne consolatoris quidem copiam habuit: nam rationem quae in se inerat cum esset auersata, totamque passioni tradidisset, auxiliatorem illum perdidit, qui vigilantem & intentum animi affectum ad labores tolerandos & ea peragenda quae aspera putantur, semper armabat. In his vero mei ciuis humilitatem vide: Tamquam si cognata anima dicat, ciuis mei malum pro humanitate quam didici, mea est calamitas. Vide igitur Domine, & praedicta mala passam ne penitus derelinquas: ne despicias dum eius inimicus, vitium inquam, aduersus illam magnificatur & effunditur. Hoc vero § Vide Domine humilitatem meam, § potest ab ea quae in anima inest ratione figurate dici, quae & dedecorata sit, & humiliata, & ut ita dicam, regiam dignitatem amiserit. OLYMPIOD. Peccantium calamitates hic sanctus vir suas putat, & preces pro illis offert.

TETH.

VVLGATA.

Sordes eius in pedibus eius, nec recordata est finis sui: Deposita est vehementer, non habens consolatorem. Vide Domine afflictionem meam, quoniam erectus est inimicus.

SI C V T mulieris aliqui decorae immunditiam, cruor si in pedibus appareat turpissime prodit, sic Ierusalem flagitia atque scelera diuina ultio, quae pedum instar est, cum extremum factorum sit, & facta turpia consequatur, summa cum illius ignominia prodidit atque detexit. Quid vero consecuturum iam esset, quive finis peccatorum futurus, quum peccaret non aduertebat, neque cogitabat, nullum fructum esse alium peccandi quam de peccatis paulo post erubescere. Quam obrem de gloria sua atque amplitudine cecidit ac deiecta est casu adeo insolito & vehementi, ut omnes mirentur; neque eius dolorem quisquam est qui consolationis lenimento mitiget ac minuat. Vide Domine, ne auertas oculos tuos ab afflictione mea, & ab hac calamitate miseratus eripe, neque me
finas

finas ab inimicis meis proteri atque contemni, quibus ex clade mea creuerunt animi, tumentiq; ore aduersum me locuti sunt, se se superbe efferentes meq; despicientes. § Sordes eius in pedibus eius. § Persistit in figura menstruatae mulieris, cuius immunditia in pedibus appareat, etiam si reliquum corpus decere videatur. Hebraei vero pro pedibus fimbrias legunt, § Sordes eius in fimbrijs eius. § Porro fimbrias in quibus pollutio mulierum appareat, saepe in scriptura legimus, vt in Ieremia capite 13. § Reuelata sunt vetercundiora tua, pollutae sunt plantae tuae. § & paulo post, § Ego nudaui femora tua contra faciem tuam. § nam quae in Ieremia dicta sunt vetercundiora, & femora, in Hebraeo dictae sunt fimbriae. Ex quo apparet Deum ipsum detexisse sordes eius in pedibus seu fimbrijs eius, vt illius flagitia per vindictam traduceret atque vulgaret. Vt etiam de Niniue dicit propheta Naum, § Ecce ego ad te dicit Dominus exercituum, & reuelabo pudenda tua in facie tua, & ostendam gentibus nuditatem tuam, & regnis ignominiam tuam. § Nec est recordata finis sui. § Ita fere dum peccamus, noster animus quasi fascino quodam excaecatur, vt quid ex peccato sit euenturum, minime prospiciat: Nam si nouissimorum, vt ait Sapiens, memores essemus, nunquam utique peccaremus. § Vide Domine afflictionem meam, quonia erectus est inimicus. § Videre afflictionem tunc dicitur Dominus, cum ex afflictione, misericordia commotus eripit. Sic in Exodo cap. 3. § Vidi afflictionem populi mei. § & psalmo 30. § Quoniam respexisti humilitatem meam, saluasti de necessitatibus animam meam. Erectus est inimicus, § magnificatus est, magna de se locutus est, iactauit se; me contempsit iuxta illud psalmi, § Super me magna locuti sunt. §

Jerem. 13.

Naum 3.

Eccles. 7.

Exod. 3.
Psalm. 30.

Psalm. 37.

I O D.

L X X.

Manum suam extendit tribulans ad omnia desiderabilia eius: Vidit enim gentes ingressas in Sanctuarium eius, quas praeceperas non intrare in Ecclesiam tuam.

O RIGENIS. Desiderabilia igitur Ierusalem intelligenda sunt quae in templo erant, & Sancta Sanctorum recondita, & ad sacerdotale ministerium apta: & siqua alia pro-

E

pterea

Deut. 23.

pterea quod in templo essent posita, diuina esse credebantur; vt candelabrum aueum, vt reliqua. Nam quia populo persuasum erat, ea in templo ad Dei gloriam esse reposita, rebus omnibus illa praeferebant, malebantq; ipsi omnia acerba ab hostibus perpeti, quam vt aliquid horum in potestate hostium veniret. Sanctuarium vero mos erat ex circumcissione hominibus templum vocare. § Quas praeceperas non intrare in Ecclesiam tuam. § OLYMPIOD. Iusserat Deus ne Moabitarum & Ammonitarum in Ecclesiam Domini intrarent. Euerfa itaque Ierusalem, etiam hi sunt in templum ingressi. Quod vero ad sensum spiritualem pertinet, impurae quaedam cogitationes, in animae adytum ingressae sunt. ORIGENIS. Rem vero nouam & inluctam Ierusalem passa est tempore captiuitatis: Vidit enim gentes, quae ne in Ecclesiam ingrederentur, praeceperat Deus, calcantes sanctificationem, quo ne Israelitis quidem ingredi fas erat, cum solis sacerdotibus, piaculis haud vulgaribus expiatis in eum locum intrare permissum esset: hostes vero in ipsa quoque inaccessa loca peruenerunt, ingressi quo vix summus ipse sacerdos multis cum piacularibus facris semel in anno introibat. ET POST PAVGAT. Si autem Ierusalem vt prius exposuimus, talis quaedam anima sit, intelligendum est bona ipsius secundum naturam, quae sunt eius ornamenta, quibus Deum colebat, in eiusmodi penetralibus condita, quae omnibus, praeterquam verbo illi summoque sacerdoti sunt inaccessa, eius desiderabilia vocari. Ad haec omnia, ille inlucta victor hostis, animam diuino auxilio merito deslitutam, non iam praeclare sub illius imperio militantem, cum elisisset, atque per vim illam suam efficacem, qua ad vitia pertrahere solet, occidisset, Dei deserttricem ex principe loco deturbauit, & ornamento spoliata dereliquit. Gentes etiam pro loci ratione figurate intelligere oportet illam vitiorum turbam, quae illum praecipuum locum ingrediuntur, ad hoc extructum, vt esset Dei capax, & vera sanctificatio, qui in pura mente requiescere cupit: quas gentes prohibet Deus, ne vltimo modo Ecclesiam ingrediantur. Quid enim magis proprie a Deo prohiberi putemus, ne ingreদিatur in animam, quae in Ecclesia Dei numeratur, quam opera & sapientiam sensumq; carnis.

carnis, quae vere gentes sunt Deo inimicae? { Caro namque militat aduersus spiritum, { cum { Sapiencia carnis inimica sit Rom. 8.
 Dei: legi enim Dei non subijcitur, neque enim potest. }

IOD.

V V L G A T A.

Manum suam misit hostis ad omnia desiderabilia eius: quia vidit gentes ingressas Sanctuarium suum, de quibus praeceperat, ne intrarent in Ecclesiam tuam.

I L L V D vero quam execrabile spectaculum fuit cum auiditate rapacissima misit hostis Ammonites & Moabites manum suam ad sacra pretiosaq; vasa diripienda? Nam illud etiã inter ceteras eius aerumnas haec ciuitas perpeffa est, vt cum quibus afinitate, & iuris & legum ac ciuitatis communionem, iungi, & quibus in Ecclesiam tuam ingredi tua lege interdiciente non licebat, eas gentes videret in sanctuarium suũ ingressas; & a quibus ob saeuiciam & morum inhumanitatẽ, ne vulgaria quidem & omnibus exposita beneficia impetrare potuit, panem & aquam, eos in adyta sacra penetrare conspiceret, & pretiosa ac desiderabilia rapere, quae ne contingi quidem nisi a Deo dicatis hominibus fas erat.

{ Manum suam misit hostis. } Manum mittere vel ad occidendum accipi potest, vel ad rapiendum. ac si ad occidendum accipiamus, desiderabilia intelligendi sunt viri speciosi aut decorae mulieres, vt est in capite 2. { Occidit omne quod pulchrum erat visu in tabernaculo filiae Sion: } quem sensum sequitur Chaldaicae interpretationis auctor. Sin manum mittere sit rapere, desiderabilia erunt pretiosae res, vt gemmae, aurea vasa, lauta supellex, vt consequenti versu certe accipiuntur, { dederunt pretiosa quaeque pro cibo. } Nam idem Hebraicum verbum est ibi redditum pretiosa, hic vero desiderabilia: & hic sensus conuenire magis cum consequentibus verbis videtur, { quia vidit gentes ingressas in Sanctuarium suũ. } In templo enim intelligendum est illa desiderabilia fuisse ad quae hostis extendit manus: quae expositio B. Gregorio Nazanzeno placuit, qui in Pacificatoria oratione prima dixit, *πόδες βέβηλοι καὶ χεῖρες οἱ μὴ τοῖς αἱβάτοις ἡμβατόντες. αἱ δὲ καὶ τῷ ἁγίῳ πνεύματι κατὰ τὴν ἐκκλησίαν*, profani pedes in sacris adytis inambulantes.

E 2

bulan-

Deut. 23.

bulantes, profanae manus ea quae tangere nefas erat contrectantes. } Hostis. } Hostem nonnulli intelligunt Ammonitas & Moabitas, ex eo quia subiungitur, } Quia vidit gentes ingressas Sanctuarium suum, de quibus praeceperas, ne intrarent in Ecclesiam tuam. } Hae vero gentes quibus Ecclesiae ingressu interdictum erat, Ammonitae erant & Moabitae. Nam de ijs praecepit Dominus Deuteron. 23. } Ammonites & Moabites etiam post decimam generationem non intrabunt in Ecclesiam Domini in aeternum; quia noluerunt vobis occurrere cum pane & aqua in via quando egressi estis de Aegypto. } Quamuis possit non in congrue hostis Chaldaeus intelligi: & quod sequitur vidit gentes ingressas, de Moabitis & Ammonitis nihilominus accipitur verbum illud } quia, } sit amplificantis, quid mirum si hostis Chaldaeus misit manum ad desiderabilia, quando etiam Ammonitae & Moabitae, de quibus praeceperas, ne intrarent in Ecclesiam tuam, ingressi sunt in Sanctuarium suum? aut illud } Quia } concursus actionis notat, eo tempore hostis misit manum, quo profanas gentes ingressas vidit in Sanctuarium suum. } Ne intrarent in Ecclesiam tuam. } Intrare in Ecclesiam *Hebraei* esse putant affinitate iungi, prohiberi que illo Dei praecepto quod paulo ante citauimus, ne Ammonitis aut Moabitis nubant Israelitides feminae & contra, ne Israelitis viris illarum gentium feminae iungantur. Nonnulli latius id patere volunt, ut non solum coniunctionem connubiorum, sed etiam communionem legum, ciuitatis, commerciorum significet. De connubijs certe 3. Regum 11. dici manifestum est: } Rex Salomon amauit mulieres alienigenas multas, filiam quoque Pharaonis & Moabitidas & Ammonitidas, Idumaeas & Sidonias & Hethaeas, de gentibus super quibus dixit Dominus filijs Israel, non ingrediemini ad eas, } nempe gentes, ut in Hebraeo apparet, } neque de illis ingredientur ad vestras, } in Hebraeo, ad vos, hoc est in Ecclesiam vestram.

CAPH.

L X X.

Omnis populus eius gementes, quaerentes panem: dederunt desiderabilia eius in cibo ad reuocandam animam. Vide Domine & considera, quoniam facta est vilis.

ORIGENIS. Gemebant urgente fame, & pro exiguo cibo qui deficientem animam reuocaret, res pretiosissimas tradebant. Sed quonam modo desiderabilia, quae iam ab hostibus ablata esse praedictum est, tradebant pro cibo coemendo? Ergo extendit quidem inimicus manum ad omnia: Sed capiendo quae vellet cum expletus esset, residua dereliquit, quibus illi cibos emebant. **EIVSDEM.** Vide autem ne diuersa sint desiderabilia, ac praecipue quidem ea quae iam declarata sunt, in quae manum extendit inimicus. Secundo vero loco quae cuiusque de populo erant propria. Et illa quidem communia inimicus accepit, suis vero quisque cibos emebat. Secundo anagogen vero, Sicut Esau vendidit primogenita pro rufo cibo, unde & cognomen accepit; Edom namque rufa terra est, fuit enim vir ille terrenus, cum primogenita contempserit; ac terrena praecipua putarit; quae Iacob tamquam necessaria secundo loco expetijt, propterea quod erat in corpore; sic Israel quoque. Sed ille ipsi Iacob qui dignus erat, desiderabilia quae habebat concessit, quae tamen Iacob non inter praecipua numerabat: populus vero Israel dedit etiam ipse pro cibo, sed quem non sanctus vir, sed Babylonij praeparauerant, qui datis desiderabilibus contumeliose vsuri erant. Nam Iacob ab Esau accepta honestate ornareque nouit: at Babylonij datis non ad suum bonum vtuntur. Sic etiam anima propter necessariorum rerum inopiam, diuinas disciplinas projicit ijs qui curiositate ducti vt calumnientur & rideant discere cupiunt. § Dederunt desiderabilia eius in cibo. § ΟΤΥΜΠΟΝ. Cibum inquit, vel sensibilem, propter obfidionem, vel altricem animae orationem. **IDEM.** In obfidiōe quicquid eximij habebant, tradebant pro coemendis cibis, vt saltem vitam ducerent, & deficientem animam alerent. Aut etiam sic, cum desiderabilem Dei notitiam prodidissent, audire aliquid a pseudoprophetis cupiebant, quo deficientem animam recrearent. § Vide Domine & considera quoniam

Gen. 25.

quoniam facta sum vilis. } **ORIGENIS.** Orantis pro Ierusalem verba sunt, vide Domine meam ignominiam, quae mea propter famem amiserim ornamenta.

CAPH: **V V L G A T A.**

Omnis populus eius gemens & quaerens panem: dederunt pretiosa quaeque pro cibo ad refocillandam animam. Vide Domine & considera, quoniam facta sum vilis.

FAMIS vero malum quam graue fuit? Non enim pauci homines, sed omnis populus eius eo malo vexabatur: neque eiusmodi fames erat, quae ferri posset, sed omnis populus gemebat: neque delicias & ea sine quibus vita duci posset, ad explendam voluptatem cupiebat; sed quaerebat panem: neque is quamuis magna tamen tolerabili mercede, sed pretiosissimis rebus datis vix comparabatur: neque abundanter, sed qui vix ad refocillandam animam & reficiendum quasi extremum spiritum satis esset, ita ut magis ad mortem arcendam, quam ad vitam producendam pararetur. Vide Domine & considera, dato tam magno pro vili re pretio, quam vilis ipsa facta sum, & eiusmodi ut ab omnibus contemnar.

LAMED.

L X X.

O vos omnes qui transitis per viam, conuertite vos, & videte, si est dolor sicut dolor meus qui factus est. Loquutus in me, humiliavit me Dominus in die irae furoris sui.

THEODORI. Nihil prohibet haec dicere Ierusalem, cum pauci & pauperibus terrae illam incolerent. Illa etiam quae sequuntur, } loquutus in me. } Nam cum iussisset solum, illico mihi mala sunt illata. **OLYMPIODORI.** Quum comminatus est comminatione vera: praeterea cum dixit Synagogae, } Ecce relinquitur vobis domus vestra deserta. }

Matth. 23.

LAMED.

V V L G A T A.

O vos omnes qui transitis per viam, attendite & videte, si est dolor, sicut dolor meus: quoniam vindemiauit me, ut locutus est Dominus in die irae furoris sui.

O qui alio festinatis & ad vestra negotia curanda tenditis, vos compello, ut saltem properantes & in itinere subistita-

subſiſtatis tantisper, dum meum dolorem meamque plagam videatis: nam tanta est, vt etiam per transitum conspecta vos commouere possit: Attendite, oculos ad me conuertentes, & videte, animo considerantes, & hanc saltē exigua mihi consolationē afferte, vt dicatis mihi, si est dolor sicut dolor meus. Quoniam hosti meo nō satis fuit urbem cepisse, & ciues meos caecidisse, sed eos qui iram victoris effugerāt, tamquā aua rus vindemiator latentes racemos denuo decerpſit & caecidit: quamuis id nō sine diuino iussu atq; decreto perfectū sit, quo die Deo placuit meas culpas plectere, & ira furoris sui tāquā igneo halitu effuso meorū peccatorum stipulas comburere.

§ O vos omnes. § In Graeco est, *οἱ θεοὶ ὑμῶν*, puto autem LXX. tranſtulisse *οἱ θεοὶ ὑμῶν*, numquam enim *οἱ* articulo verte-
 re solent, ne verti quidem hoc modo potest: solent autem ver-
 tere *οἱ*, quod sic forte intelligi possit, vtinam ad vos qui pertran-
 sitis dolor meus aut petitio mea perueniat. Chaldaeus reddi-
 dit, adiuro vos qui pertransitis adeste, vos compello, oro vos
 omnes qui pertransitis. § Quoniam vindemiauit me. § He-
 braeum verbum significat reuindemiare, praetermissos racē-
 mos rursus decerpere: quod auari vindemiatoris est, & a Deb
 in Deuteronomio illi Iudaeorum populo interdictum eo con-
 filio, vt pauperes relictos racemos oleasq; colligerent. Solet
 autem per metaphoram hoc verbum ad caedem hominum
 qui cladi alicui superfuerint significandam transferri, vt aper-
 te est apud Ieremiam capite 6. § Vſque ad racemum inquit
 colligent, quasi in vinea, reliquias Israel: Conuerte manum
 tuam quasi vindemiator ad cartallum. § Intelligit autem vin-
 demiam seu racemationem, saepius iteratam illam Iudaeorū
 transmigrationem, cum Nabuzardan princeps militiae Chal-
 daeorum, nunc hos nunc illos qui remanserant in Iudaea, cā-
 priuos abduceret, vt legimus in extremo capite Ieremiae. § In
 die irae furoris sui. § Sic dicta est ira furoris, tamquam si spi-
 raret naribus igneum vaporem, qui quaecunque comprehen-
 disse adureret: nam eodem modo dictum est in cantico Moy-
 si, § Misisti iram tuam quae deuorauit eos sicut stipulam: §
 Sic namque de ira Dei, tamquam de flammeo halitu loquitur,
 siccam materiam adurente.

Ierem. 6.

MEM.

MEM.

L X X.

De excelsō suo misit ignem, in ossibus meis deiecit illum: expandit rete pedibus meis: conuertit me retrorsum: dedit me desolatam, tota die dolore confectam.

Philip. 3.

ORIO NIS. Illud post captam ciuitatem incendium significauit, quo aedificia firmissima concremauerunt: aut eorum captiuitatem ciuiū, qui in ea vrbe tum animo tum externis rebus praestantiores erant, tanquam calamitatum incendio combustorum. Significat etiam inferioris conditionis hominum comprehensionem, cum velut aucupio retibus capti & in seruitutem abacti sunt, qui libertate minus recte vsi fuerant. Hi namque non in anteriora extenti posteriorum obliuiscabantur, sed conuertebantur a gloria in ignominiam, a libertate in seruitutem; & facti sunt pro gloriosis obscuri & ignobiles ex ignominia & contumelia, per quae in iugem afflictionem illa ciuitas decedit. § De excelsō misit ignem, in ossibus meis deiecit illum. § OLYMPIOD. Peruenit enim ad compages & medullas, & cogitationes & intentiones. § Expandit rete pedibus meis. § OLYMPIOD. Supplicium inuitabile. § Conuertit me retrorsum. § IDEM. E prosperis rebus ad aduersas. § Dedit me desolatam. § IDEM. Id est ostendit me desolatam. § Tota die dolore confectam. § IDEM. lugiter supplicio affectam.

MEM.

V V L G A T A.

De excelsō misit ignem in ossibus meis, & erudiuit me: expandit rete pedibus meis, conuertit me retrorsum: posuit me desolatam, tota die maerore confectam.

TA M ardentes tamque frequentes faces coniecit in me hostis, vt videretur Deus de excelsō iaculatus ignem, & flammās in turres munitionesque meas effudisse, quibus tamquam ossibus nitebar & firma eram: & erudiuit me & tamquā virga cecidit, arietibus quassans muros atque decutiens. Neque vero ab igne ac verberibus fugere & haec mala vitare aliquo consilio potui, & Dei decretis obistere, non tenebris me occultare, non fuga me a calamitatibus eripere: nam expandit rete

dit rete pedibus meis, vt quocunque me verterem, laqueo capi necesse esset: nec solum expandit, sed etiam captam & pedibus irretitam conuertit, & retrorsum cadere coegit. Posuit me desolatam, infrequentem, desertam: praeterea adeo exterritam & metu perculsam, vt quodammodo stupore quodam attonita sim, & vultu in diuersum commutato non agnoscar: In corde vero tamquam intimo vulnere accepto, assiduo maerore conficiar.

§ In ossibus meis. § Figurate ossium nomine turres & muros & arcem intelligit. Nam fere eodem modo dixit prophetiae Ierem. 49. suae capite 49. § Succendam inquit ignem in muro Damasci, & deuorabit moenia Benadad. § Quomodo autem id factum sit, legimus eiusdem prophetiae capite 52. Nabuzardan Ierem. 52. videlicet incendisse domum Domini & domum regis, & omnes domos Ierusalem, & omnem domum magnam igne combussisse. § Conuertit me retrorsum. § Aut quasi laqueo captam cadere fecit retrorsum, aut vires ademit ne obsistere hostibus possem, sed retro cadens terga verterem: quem sensum auctor interpretationis Chaldaicae probauit.

NVN.

L X X.

Vigilauit super impietates meas: in manibus meis complicatae sunt, ascenderunt super collum meum. Infirmata est virtus mea, quia dedit Dominus in manibus meis dolores. non potero stare.

O RIGORIS. Ipsa inquit Prouidentia in meis impietatibus non dormiuit. Deus enim tamquam si illas in manus per examinationem inquisitionemque cepisset, cum retributione opere ipso perfecta implicauit ac nexuit, & mihi tamquam in collo iugum iniectum factae sunt, & seruitutem imposuerunt. Nam illa seruitus quam Nabuchodonosor seruiui, meae sunt impietates: ideoque infirma facta sum, histradita, quorum seruitutem ferre non possum. ET PAULO POST. Iugum eius super collum meum. his autem verbis indicatur, figurate esse accipienda, quaecunq; tamquam de nostris perturbationibus sic de Deo dicuntur: qua enim ratione alioqui intelligantur Ierusalē impietates Dei manui complicatae, ni-

F.

si figu-

si figurate? Neque enim quisquam haec etiam corporaliter intelligenda dixerit. Qui autem non sit absurdum, collum quidem Ierusalem, quia ciuitas sit figurate accipi, quae uero tamquam Dei membra dicuntur, ea non eodem modo intelligi? Dicantur autem uerba haec ad praesens tamquam ab anima quae in impietatibus obdormiuit, in eo quod salutare iugum sani uerbi repulit, quod suauis Saluator appellat; & impietatum iugum subiit, per quas infirmata est, a diuino respectu dimissa, & peccato uitiorum regi tradita; Cuius uoluntati propter uitiolositatis infinitam interminatamque vim, omni ex parte obsequi, ei que satietatem praebere non potest. Doprimuit autem reuera peccatum & angit, & deorsum spectare cogit. Iugum quoque ipsa conscientia est obstringens ac uulnerans, & suspicere non permittens, & omnem libertatem auferens. Dissoluit etiam, inquit, vires meas, quibus non bene usa sum; & eneruor, videns mala quae me undique arctant. § Vigilauit super impietates meas. § OLYMPIOD. Nul- lum inquit meorum peccatorum silentio praeteritum est. § In manibus meis complicatae sunt. § OLYMPIOD. Quae per opera seminaui, haec & messui. § Ascenderunt super collum meum. § OLYMP. Quia unusquisque suum onus portabit. § Infirmitas est uirtus mea. § OLYMP. Non potui repugnare aduersarijs. Vel sic, Virtus Synagogae lex, quae non potuit illi defendere. § Quia dedit Dominus in manibus meis dolores. § OLYMPIOD. Hoc est, ostendit mihi digna doloribus opera perfecisse. § Non potero stare. § OLYMPIOD. Commota est statio mea, hoc est firmitas mea.

NVN.

VVLGATA.

Vigilauit iugum iniquitatum mearum in manu eius: Conuoluitae sunt ei impositae collo meo: Infirmitas est uirtus mea: dedit me Dominus in manum de qua non potero surgere.

IN IQUITATVM mearum iugum ac seruitutis necessitate, quae mihi ob meas culpas imposita est, uigilanter & attente in manu tenuit: neque unquam illud iugum de manibus deposuit, ut mihi illud suo tempore in collum iniiceret, & iam impositum uigilanter & assidue in manibus suis tenuit, & cum

mea

mea vexatione traxit. Haeque iniquitates conuolutae sunt & tamquam funis implexae & innexae, vt iugum firmiter tamquam nodis quibusdam insolubilibus adstringerent: & sic impositae tamquam grauissimum onus collo meo; de meis namque iniquitatibus connexum est iugum, quo onera seruitutis & aerumnarum pondera imposita ferrem. Quo iugo grauissimo atque durissimo infirmata est virtus mea, ita vt cum illud sustinere non valerem, sub onere corruerim. Et vt clarius aper-
tiusque dicam, dedit me Dominus in manu ac ditione hostis adeo fortis atq; grauis, vt surgere & de ea me liberare & exol-
uere non valeam, sed semper ei necesse sit subiectū esse & ia-
cere, cū ad libertatē capeffendā meis viribus erigi non possim.
§ Vigilaui iugum iniquitatum mearum. § LXX. transtulerunt paulo aliter. § Vigilatum est super iniquitatibus meis. § Nam quod B. Hieronymus iugum, illi, super, verterunt, cum eadē Hebraicae litterae aliter atq; aliter pronuntiari possint. Sen-
sus autem iuxta LXX. translationem hic erit, sollicitus, prouide & attente meae iniquitates inspectae sunt vt punirentur. Ex Hebraeis aliqui ita hunc locum explicant: Notatae sunt iniquitates meae in manu eius, & quasi punctis quibusdam nu-
merus earum signatus: non earum illum obliuio capiet; optime nouit quo numero sint, quidve illis retribuendum; & qua poena plectendae sint, iuxta illud Iob 14. § Signasti, quasi in
sacculo delicta mea. § Quidam interpres, vt est apud Theodo-
ritum, transtulit, aggrauauit iugum. quomodo vertit auctor Chaldaicae translationis: hi videntur legisse in Hebraeo נשקל
durum & graue factum est mearum iniquitatum iugum, vt
Esaia ait cap. 24. § Grauiabit eum iniquitas sua & corruet, &
non adiciet vt resurgat. § Postremo nonnulli legunt נשקל col-
ligatum est & implexum iugum iniquitatum mearum in ma-
nu eius, tamquam iniquitatibus nostris veluti nodis quibusdam
nectatur & implicetur iugum poenae nobis imponendum. Et
huic sensui fauer quod sequitur, § Conuolutae sunt & im-
positae collo meo. § Plures interpretationes recensui, sed illam
omnibus praefendam puto, quae cum vulgatae editionis
versione congruit. § Infirmata est virtus mea. § Sub tam gra-
ui onere me vires defecerunt, & collapsa sum, ita vt vires ad

Ps. 35. surgendum non habeam, iuxta illud, § Expulsi sunt nec potuerunt stare. §

SAMECH.

L X X.

Abstulit omnes fortes meos Dominus ex medio mei: Vocauit super me tempus conterendi electos meos: Torcular calcauit Dominus Virgini filiae Iuda.

Orig. videtur legisse, in medio mei.

O RIGENIS. Non ex medio mei abstulit illos. nam & si illis priuata essem, at certe in alijs rebus abuti licuisset: sed in medio mei vt affligerentur decreuit, propter mea impia facta: & mala passi sunt electi mei acerbissima, ipso Domino in torculari vinum furoris sui calcante, quo ad satietatem vsque & ego potarer & virgo regij generis Iuda. Dicit autem vt puto fortes viros potentes in bello, & patriae propugnatores: electos vero nobiles aut sapiētes. Declarat autem quid fit, § Torcular calcauit, § illud quod de peccatorum supplicio dictum est in psalmis, § Calix in manu Domini vini meri plenus misto. § qui inclinatur ex hoc quodam punito in hunc putniendum, quousque bibant omnes peccatores terrae, seccare res duas ijs qui grauius quam illi peccauerunt, relicta, in quibus postremo sex illa exinanienda est. § Abstulit omnes fortes meos Dominus. § **OLYMPIODOR.** Ad litterā quidem, principes & legis doctores; ad sublimiorem vero sensum voluntarij propositi mores, quos destruit obstitens ac praeualens peccatum. § Vocauit super me tempus. § **OLYMPIOD.** Tempus tenebrarum inquit, nam deficiente intelligibili lumine, tenebrae vicissim subeunt. § Conterendi omnes electos meos. § **EIVSDEM.** Vt destruerentur omnes mei boni mores. § Torcular calcant Dominus Virgini filiae Iuda. § **EIVSDEM.** Hoc est omnia peccata mea simul collegit, quibus calcatis fecit vinum, de quo dicit psalmus, § Calix in manu Domini vini meri, § id est irae: examinata namque peccata & quodammodo expressa, diuinam distillant iram, qua potantur peccantes. **O RIGENIS.** Haud difficile est videre, quomodo torcular calcarit Dominus Virgini filiae Iuda: si enim § quae seminat quisque, haec & metet, § fortasse etiam quae excolit, haec & vindemiāt. Quisquis igitur bonum vinum fecerit, de suis fructibus

Ps. 74.

Ps. 74.

Galat. 6.

bus laetabitur: Sed qui vineam Sodomorum excoluerit, & palmitem Gomorrhæ, & protulerit vnam fellis & botrum amaritudinis, & venenum aspidum insanabile, cum omnia a Domino in vnum torcular collecta fuerint, factis eius improbis calcatis & expressis, consequenter pro talium qualitate fructuum bibet ut bilem euomat & amaritudinem & iram: & iuxta Ieremiam quidem bibet ut euomat, iuxta Esaiam vero, ut excitetur, & cognatam induat gloriam. Neque enim frustra torcular calcatur Dominus & praecipue Virgini filiae Iuda.

Deut. 32.

Jerem. 25.
Esa. 51.

SAMECH.

V V L G A T A.

*Abstulit omnes magnificos meos Dominus de medio mei:
Vocauit aduersum me tempus, ut contereret electos meos:
Torcular calcavit Dominus Virgini filiae Iuda.*

PRINCIPES ac fortes viros tamquam lapides de via qui pedem calcantis possent offendere, de medio mei abstulit Dominus, & abiecit, ut reliqui facilius proculcari & proteriri possent: Vocauit & iussu suo fecit ut adesset tempus conditusque dies quodammodo solennis ac festus, quo conuenerent hostes non ad adorandum sed ad conterendos electos ac iuvenes fortes meos: & in ciuitate Iuda, quae delictis abundabat, & omnibus ornamentis tamquam virgo instructa erat, eadem maximam fieri permisit, eamque cruore occisorum exundare passus est, non secus atque in torculari calcatis uis vinum exuberat.

§ Abstulit omnes magnificos meos Dominus. § Hebraei, conculcauit, protriuit omnes fortes meos. LXX. qui transtulerunt & B. Hieronymus qui LXX. securus vertit, § abstulit, § ex viarum similitudine metaphoram intellexerunt. Nam ut e vis, nequid sit quod ingredientibus offendant, lapides eligunt, & abijciunt, ut calcari via sine laesione aliqua pedum possit, ad eundem modum omnes magnificos & fortes viros abstulit & abiecit a me Dominus, qui ut auferrentur permisit, ut reliqui infirmiores & ignobiliores, nullo qui emineret relicto, facilius conculcari possent. Simili figura in sua prophetia dixit Ieremias cap. 50. § Aperite ut exeant qui conculcant eam, § nempe Babylonem: § Tollite de via lapides, & redigite in acervos. §

Jerem. 50.

Non

Jerem. 52.

Jerem. 1.

Non dissimili exemplo atque tyranni solent principes viros & nobiliores de populo tollere, vt ijs sublati, facile vilis plebecula proteratur. Quod consilium a Thrazybulo datum Periano legimus. Indicat autem id quod fecit Nabuchodonosor, qui & omnes principes Iuda occidit in Reblatha: & quibus occis. § De pauperibus terrae reliquit Nabuzardan princeps militiae in vinitores & agricolas. § Vocauit aduersum me tempus. § מִתֵּימָן tempus. alij significare putant exercitum quasi vt ad certam diem adesset conuocatum: Vt dixit Deus per Ieremiam cap. 1. § Ecce ego conuocabo omnes nationes regnorum Aquilonis ait Dominus. § Indixit ad certum constitutumque tempus, vt adessent hostes. Sed optime tempus, translulerunt & LXX. & B. Hieronymus, vt sit certum ac statutum, qui graece *ῥυθμις* dicitur. indixit ad certum constitutumque tempus vt adesset hostis; aut ad solenne festumque, vt cap. 2. dicit, § Vocasti quasi ad diem solennem qui terrent me de circuitu. § Virgini filiae Iuda. § Filia Iuda ciuitas & coetus ipse vocatur ciuium. Virgo autem quasi delicata & ornata vestium pompa & muliebri ornatu gaudens, quo indicatur ciuium Ierosolymitarum luxur & magnificentia, qui tamquam in regia praecipuaque ciuitate splendide, lauteque vivebant.

AIN.

L X X.

Super his ego ploro; oculus meus deduxit aquam, quia longe factus est a me reducens animam meam. Facti sunt filij mei perdit, quoniam inualuit inimicus.

Psal. 17.

O R I G E N I S. Causam esse gemituum dixit, quod praestolaretur illum reuocantem animam ipsius, vel recreantem iuxta Symmachum. perditos etiam dicit filios, quia ex eorum peccatis potentior factus est inimicus. Nam pie nobis viuentibus vires amittit: debilitatur enim proficientibus nobis, & mortificatur quum perficimur, & sub pedibus coneritur, comminutus sicut puluis ante faciem venti, & sicut lutum platearum commolitus. Nam pro ratione peccatorum nostrorum, & alitur & vires accipit: quod si delinquere cessauerimus, tamquam fame interit. Contraque diuinas virtutes & cum

cum benefacimus in nobis ipsis confirmamus, & cum peccamus expellimus. Itaque Symmachus pro eo quod legimus, *§* perdit, *§* transtulit, *§* desolati. *§* Dixerit autem haec ut puto anima contemplatrix Verbi veritatis, quae per socordiam idem hoc verbum laetificans, ac simul omnes fructus qui filij sui appellantur, perdiderit: propterea quod vitiositas illius inimica vires acceperit. *§* Reducens animam meam. *§* **OLYMPIOD.** Ad litteram, quia ad hunc usque diem Iudaei afflicti sunt: Ad sublimiorem vero sensum intelligitur modus ille Dei memoriae, qui animam de morte ad vitam reuocat. *§* Facti sunt filij mei perdit, quoniam inualuit inimicus. *§* diuersa factorum genera, inimico nostro diabolo inualescente.

A I N.

V V L G A T A.

Ideirco ego plorans, & oculus meus deducens aquas, quia longe factus est a me consolator conuertens animam meam.

Facti sunt filij mei perdit, quoniam inualuit inimicus.

HAEC causa est mei grauissimi doloris, cuius magnitudinem non gemitu modo ac questibus, sed etiam assiduis lacrymis ostendo, adeo ut oculi mei fontibus similes sint iugiter fluentibus; quia cum grauissimo cordis vulnere laborem, longe factus est a me consolator, neque vllus est, qui vnguento verborum dolorem leniat ac mitiget; nullus est consolator qui animum maerore faucium, & quodammodo abeuntem ac deficientem consolatione reuocet ac recreet. An vero matri luctuosius quicquam accidere potuit, quā quod filij mei perdit & exanimati sunt, timore maeroreque defixi, inopiaque consilij stupēt & attoniti sunt, propterea quod inimicus meus inualuit ac superior fuit?

§ Ideirco ego plorans. *§* Inducit in his verbis Ierusalem perinde ac matrem super filiorum interitu dolentem. *§* Et oculus meus deducens aquas. *§* Repetitio est in Hebraeo oculus meus, oculus deducens aquas. & quia in ea lingua ambiguum est oculi nomē, nam & corporis membrum, & fontem significat, quae ambiguitas in voce graeca ὀφθαλμός similiter inest, prius significationem corporei membri habet, sequens fontis, ut sit oculus meus, fons deducens aquas. *§* Conuertens animam meam. *§*

meam. § Sic solet scriptura loqui, quum reficere animum, recreare ac refocillare significat, quasi anxietate ac maerore effusa & exiens anima consolatione adhibita reuocetur ac redeat. § Facti sunt filij mei perdit, § ἡττανισμῶν dixerunt LXX. quodammodo attoniti & stupore vel dolore vel miraculo vel timore rigentes, quid agant, quo se vertant nescientes.

PHE.

L X X.

*Expandit Sion manum suam: non est qui consoletur eam.
Mandauit Dominus ipsi Iacob: in circuitu eius tribulantes eum: facta est Ierusalem quasi polluta menstruis in medio eorum.*

Deut. 30.

ORIGENIS. Sion dicit montem, populum vero Iacob, metropolim Ierusalem. mandauit autem Dominus ipsi Iacob mandata, quae cum transgressus esset, ab inimicis obfessus est, atque circumdatus. iuxta Symmachum vero & aliam editionem LXX. mandauit Dominus vt circumdarent eum tribulantes eum: nimirum potestatibus quae in malum ordinatae sunt. § Non est qui consoletur eam. § OLYMPIOD. Non lex, non Propheta. § Mandauit Dominus ipsi Iacob. § OLYMPIOD. Denuntiauit Dominus inquit, vt vigilares, quia in circuitu sunt tribulantes te: ille vero ad ignauiam diuertit. Aut etiam sic. Mandatum Domini inquit, § Ecce posui ante faciem vestram vitam & mortem. § Ergo quia Iacob vitae praetulit mortem, ideo facti sunt in circuitu eius tribulantes eum. § Facta est Ierusalem quasi polluta menstruis in medio eorum. § ORIGENIS. Ipsi Ierusalem ex peccato contractam impuritatem similitudine menstruatae declarauit. In medio autem dicit, vel ipsius Sion, vel ipsius Iacob, nam totius motis media in parte extructa est; totius vero populi, id namque hoc loco significat Iacob, duodecim tribus. Duobus vero modis iuxta litteram accipere licet tam Sion quam Ierusalem, aut loca ipsa, aut habitatores. Ac si locum significet Sion, manus ipsius, opera & quicquid manu fieri potest appellat; easque dicit expansas & non compressas, neque manibus conueniens opus facientes, vt in agro desertaque regione. Quod si habitatores dicit, manus erunt agricolae & operarij, qui propter circumstantia

stantia pericula manus ad opera faciēda non premant. Quod si manus Sion figurate accipiuntur, quanto magis membra quae in scriptura Deo tribuuntur? Et ipse quoque mons fere simul cum gente gemit, neminem qui consolaretur habens, non Deum, non sanctum aliquem virum.

PHE: VVLGATA.

Expandit Sion manus suas, non est qui consoletur eam: mandauit Dominus aduersum Iacob, in circuitu eius hostes eius. Facta est Ierusalem quasi polluta mēstruis inter eos.

QUOMO mater ex morte filiorum intimo dolore torquetur, & prope exanimata deficientibus viribus expandit manus, ad eundem modum Vrbs Sion orbata ciuibus suis plangit ac dolet, nec qui dolorem eius leuet inuenitur. iussit etiam Dominus aduersus Israelitas, vt qui in circuitu eius sunt Ammonitae ac Moabitae, illos vt hostes obsiderent & arētarent atque propellerent; itaque ij ciuitatem Ierusalem quae in medio eorum sita erat, tamquam menstruis labrantem mulierem expulerūt, & ex illorum medio, habitatio- nem, atque consortio; vt mulieres immūdae separari seorsumq; ab alijs sedere solent, abegerunt, & eiecerunt.

Expandit Sion manus suas. Expansio manuum, vt aliqui ex Hebraeis tradunt petentis ac rogantis habitum indicat, Expandit inquit Sion manus consolatorem quaerens, & qui consolaretur nullus fuit. Aut expandere manum, eius est qui opem & auxilium petit, quod fere idē est: Sed aliorum expositio praesenti loco magis congruere videtur, dicentium, dolorem summum hoc habitu corporis indicari, quum exanimata fere mulier seu partus dolore, seu aliquo alio casu dissolutis viribus labitur, & manus expandit. sicut in libro Iudicum de vxore Leuitae scriptum est, iacebat ante ostium sparsis in limine manibus: Ac locus huic praesenti quam simillimus est in prophetia Ieremiae cap. 4. Vocem enim quasi parturientis audiui; angustias vt puerperae. Vox filiae Sion intermorientis, expandentisque manus suas. Vae mihi quia defecit anima mea propter interfectos. Mandauit Dominus aduersus Iacob, in circuitu eius hostes. Vel vt hostes eius illum

Iud. 19.

Ierem. 4.

G circum.

circumdant & obsideant: vel vt qui in circuitu eius sunt, nempe Moabitae & Ammonitae, & ceterae gentes inter quas habitant, sint hostes eius. priorem sensum Symmachus probauit, qui vertit, *καὶ οἱ ἑβραῖοι ἀπὸ τῶν ἐλπίστων αὐτῶν*, vt obsiderent eum: tribulantes eum: ne quisquam videlicet posset effugere. postea maiorem Hebraeorum nonnulli doctores sequitur, quem confirmare ex hoc eodem cap. versu 22. possumus, § Vocasti quasi ad diē solennem qui terrerēt me de circuitu, § hoc est, edixisti vt ad diē adessent gentes inimicae, quae terras mihi circumpositas incolunt; quales Ammonitae erāt & Moabitae, & Iudaei, populi Iudaeorum genti semper infensi.

TSADE.

L X X.

Iustus est Dominus, quia os eius ad iracundiam pronocauit.

Audite obsecro vniuersi populi, & videte dolorem meum.

Virgines meae & iuuenes mei abierunt in captiuitatem.

Esaie 2.

Matth. 23.

ORIGENIS. Os Domini prophetas accipere oportet, ex quibus vnus Esaie dixit, § Os enim Domini loquutum est haec. § Ierusalem vero obiectum est a Salvatore quod prophetas occidisset, ex qua re etiam os Domini exacerbauit, laboribus illud acerbissimis tradens. Ille vero qui sanguinē prophetarum exquirat Deus, doloribus ex bellis, & rursus captiuitati iuuenes illius ac virgines tradidit. pro quibus igitur has calamitates passa sit, alijs confitetur: se ipsam illis exemplum praebens, vt cognita Dei iustitia in similia mala ne incidant. § Virgines meae & iuuenes mei abierunt in captiuitatem. § ORIGENIS. Post intellectum sensui expositum, Virgines eos intellige, qui in incorruptione viuunt, iuuenes qui in virtute probati sunt: frequenter enim etiam sancti viri noxijs compatiuntur.

TSADE.

V V L G A T A.

Iustus est Dominus, quia os eius ad iracundiam pronocauit.

Audite obsecro vniuersi populi, & videte dolorem meum.

Virgines meae & iuuenes mei abierunt in captiuitatem.

IN poena meam agnosco culpam, non defendo, & in ea irrogāda iustum fuisse Deum iudicem fateor, quia praecceptis

ceptis eius non parui, mandata neglexi. Itaque nihil est quod de Iudice conquerar, sed quod de meis cladibus tantummodo doleam. Sed vos vniuersi populi obsecro, vt non tam quod iuste patior, quam quantus sit meus dolor cogitetis, & mihi vestram commiserationem pro leuamine doloris impendatis. Audite inquam, & quod auditis re ipsa probate, vt non tam meis gemitibus ac fletibus, quam oculorum vestrorum testimonio credatis. audite questuum meorum voces, videte lacrymas quibus quantus meus dolor sit, aestimare possitis. Virgines meae & iuuenes, quos genui, quos alui, quos prouexi, abierunt in captiuitatem, ab ijsque nullum fructum mihi capere licuit, sed abducti sunt, & victoribus belli iure sortito cesserunt.

§ Iustus est Dominus. § Inducit in his verbis Ierusalem suam culpam agnoscentem, Deique iustitiam in irrogando supplicio consistentem. Deinde eandem populos compellantem facit; habet enim hoc humanus animus, vt & gaudiorum suorum & doloris socios habere velit, leuari namq; aliquantisper videtur molestia qui afflictus est participatione maeroris, & non eousque se contemni putat vt etiam in dolore deseratur. § Abierunt in captiuitatem. § Videtur comminationem illam a Moyse factam commemorare, quae habetur Deut. 28. § Fi-
lius generabis & filias, & non frueris eis, quoniam ducentur in captiuitatem. §

Deut. 28.

COPH.

L X X.

Vocaui amatores meos, ipsi autem deceperunt me. Sacerdotes mei & senes mei in Urbe defecerunt, quia quaesierunt cibum sibi, vt refocillarent animas suas, & non inuenerunt.

O RIGENIS. Amatores quinam sint, declarauit Ezechiel dicens ipsi Ierusalem, quam Oolibam vocat. § Haec dicit Dominus, ecce excito amatores tuos aduersum te vndique, filios Babylonis & omnes Chaldaeos. § Hi namque olim amici, diuina Providentia faciente ad inimicitias versi erant: quod ipsum in amore contingit frequenter vt in odium conuertatur. dicit enim de Samaria, § Et fornicata est Oola a me, & in-

Ezech. 23.

G 2 saniuit

faniuit in amatores suos Assyrios. & post pauca. Ideo tradidit eam in manus amatorum eius, in manus filiorum Assyriorum; & dicit etiam de Ierusalem, & Et vidit soror eius Oolibab, & corripit appositionem suam super fornicationem sororis suae; & in filios Assyriorum apposita est. & Sacerdotes mei, & seniores mei in Vrbe defecerunt &c. & ΟΥΜΠΙΟΝ. Haec in obsidione contigerunt, iuxta altiore vero sensum, Doctores, verbi Dei praedicatores facti, qui salutis Populi haud fideles dispensatores erant, non inueuerunt discipulos quos docerent, qui sunt illorum cibus, cum populus simul cum doctorum impietate lapsus esset.

COPH.

VVLGATA.

Vocaui amicos meos, & ipsi deceperunt me: Sacerdotes mei & senes mei in Vrbe consumpti sunt, quia quaesierunt cibum sibi, vt refocillarent animas suas.

VOCAVI amicos meos qui circa me habitabant; & mecum foedere iuncti erant; ac se pro amicis dum res mea staret ostendebant, vt mihi in meis aduersis rebus consilium darent, & opem ferrent, aut certe consolarerentur: ipsi vero amicitiae iura neglexerunt, neque foedera tantummodo violauerunt, verum etiam fraude sua mihi nocuerunt. Sacerdotes mei ac senes, quorum illi religione hi consilio atque prudentia populum urbemque tuebantur, fame & inedia, quod mortis genus teterrimum est, sensim defecerunt atque consumpti sunt: cum fames tanta esset, vt quamuis cibum quaerere non qui luxuriam exatiaret; sed qui ad deficientem animam ac paene egredientem, reuocanda recreandamque satis esset, exiguas tamen vitae scintillas inuenire non potuerint.

Ierem. 34.

& Vocaui amicos meos. & Aegyptios intelligit, qui ad opem illis ferendam a Iudaeis euocati, cum ex Aegypto exissent seu paenitentia ducti, seu timore ac metu Chaldaeorum territi, reuersi sunt in terram suam, amicis foederatisque in summo discrimine desertis. & Vt refocillarent animas suas. & In Hebraeo est vt conuerterent animas suas; non tam verbum quod sensum expressit B. Hieronymus: quaesierunt cibum quo animam iam abeuntem & de corpore propter famis incommodum

dum attenuato, tamquam ex ruinoso domicilio egrediētem; ad illud iam aliquantisper resectum reuocarent.

RECHS.

L X X.

Vide Domine quoniam tribulor : conturbatus est venter meus, & cor meum versum est in me : quoniam exacerbans exacerbata sum : foris orbauit me filijs gladius, sicut mors in domo.

O RIGENS. In sua prophetia quidem dolet animam ut quae graues aetumnas perpessura esset: in hac vero lamentatione, cum illa iam contigissent angitur, & confitetur Dei acerbitem ex peccato sibi acerbissimam esse redditam, adeo ut ex multorum liberorum parente liberis plane orbata sit: & quod grauissimum est hostili manu. Cum vero persona fingatur, non opus est quaerere qui nā sit vrbis venter paries, & cor dissolutum. § Conturbatus est venter meus & cor meū versum est in me. § OL YMP. Pro eo quod est omnia interiora mea. ceterum venter & cor iuxta tropologiae leges, distributivae sunt & vitales animae vires, per quas eius sensus aluntur & exercentur, § Foris orbauit me filijs gladius, sicut mors in domo. § OL YMP. Iuxta historiam, eos qui ex obsidione exiebant, occidebant Romani: Intus vero manentes fames interficiebat, ut Iosephus scripsit. Iuxta sublimiorem intelligentiam, inuisibilem hostium incursus inquit, extrinsecus, hoc est in nobis minime ingenuus, perdidit meas bonas cogitationes sicut interius nostrae voluntatis in peiorem partem propensio: id enim significat, § mors in Domo. §

Jerem. 4.

RECHS.

V V L G A T A.

Vide Domine quoniam tribulor, conturbatus est venter meus: subuersum est cor meū in memetipsa, quoniam amaritudine plena sum: Foris interficit gladius, & domi mors similis est.

QUONIAM nullam in amicis fidem inueni, ad te conuertor Domine, tuum auxilium opemque qui fidelis permanes flagito; Vide quam tribulor, & vndique malis obsidentibus & impellentibus premar, nullumque sit ex his malis effugium.

sugium, nisi mihi tu in tribulatione dilates; & aditum qua eua-
dere possim aperias. Venter meus & intima praecordia tam-
quam igni quodam doloris exaestu antia, intumuerunt, & quasi
gemitibus ac singultibus concussa & conturbata ebulliunt in
lacrymas. Cor meum torquetur, & cōstringitur prae maero-
ris magnitudine; neque enim locus est, quo possim euadere,
cum vndique & vbique malis opprimar. foris hostium gladius
interficit, nec domi quies vlla datur, metu impendentis cladis
ac mortis animum terrente atque inquietante.

Psal. 30. § Vide Domine. § Videre Dominum idem est ac misereri. vt
non videre, & oculos ac vultum auertere, iratum esse, non mi-
sereri. quod enim hoc loco Ieremias dixit. § Vide Domine
quoniam tribulor, § hoc idem Dauid psal. 30. dixit. § Misere-
re mei Domine, quoniam tribulor, conturbatus est in ira ocu-
lus meus, anima mea & venter meus. § Conturbatus est ven-
ter meus. § talis conturbatio intelligenda est, qualis esse in
aquis bullientibus aut aestu maris solet, quū exundat aqua &
ex imis sedibus concussa turbatur. transfertur autem ad do-
lorem & gemitum, quum anhelitu vitalia turbantur, & velut
exundantes lacrymae defluunt. Vnde etiam capite 2. § dese-
cerunt inquit prae lacrymis oculi mei, conturbata sunt visce-
ra mea, § alij verbum Hebraeum significare volunt etiam, cō-
strictum esse angustatum, contractum. Sed illa prior interpre-
tatio magis placet. § Subuersum est cor meum in memetip-
sa. § Subuersio tamquam torsionem cordis significare videtur,
Gen. 43. cōstringitur namque cor maerore, ac dolore quodammodo
torquetur, & commouetur ad luctum. Vnde de Ioseph Gen.
43. scriptum est, cum vidisset Beniamin, § commota sunt visce-
ra eius super fratre suo. § Sed quia saepe reperitur versio cor-
dis mutationem animi & sententiae ac paenitentiam signifi-
care, vt dicitur de Aegyptijs in Exodo 14. § Immutatum est
Exod. 14. cor Pharaonis & seruorum eius super populo, & dixerunt,
Quid volumus facere, vt dimitteremus Israel? & psal. 105.
§ Conuertit cor eorum, vt odirent populum eius, § ideo dici
potest Ierusalem quae prius aduersus peccata ac scelera filio-
rum suorum zelo commouebatur, vbi vidit illos puniri, & pec-
catorum suorum merito plecti, emollitam quodammodo ab
illa

illa seueritate ac zelo mutasse animum, & ad dolorem ac luctum cor eius esse conuersum, cum caedem ac mortem filiorum quamuis malorum intueri sine dolore non sustineret. § Foris interficit gladius, & domi mors similis est. § Pro quod B. Hieronymus dixit, interficit, LXX. posuerunt, ~~interfuit~~ orbaui liberis. Mater enim Ierusalem loquitur, quae se filijs orbatam dolet: id vero quod sequitur, § & domi mors similis est, § nonnulli ad famem referunt, quae domi sic conficiebat, tamquam mors contagione pestis inuecta. alij mortem Angelum morti praepositum, qui domi sedentes exterreat. Ego imminentis mortis terrorem vexantem & excruciantem animos non incommode posse intelligi puto, vt dictum est multo ante comminante has poenas perfido populo Moyse, § Foris vastabit eos gladius & intus pauor. § & psal. 54. § Cor meum conturbatum est in me, & formido mortis cecidit super me. §

Deut. 32.
Psal. 54.

CHSEN.

L X X.

Audite obsecro, quia ingemisco ego; non est qui consoletur me: omnes inimici mei audierunt mala mea, & laetati sunt quoniam tu fecisti: adduxisti diem, vocasti tempus, facti sunt similes mei.

ORIGENIS. Sermonem ipsa Ierusalem partim ad hostes dirigit, quos audire cupit, partim ad Deum. Quid autē ad illos? hortatur inimicos, vt audiant. quid vero ad Deum de illis? quod laetati sunt. vide igitur ne in suo & Israel delicto salus gentibus contigerit, vt illos aemulentur, & cum plenitudo gentium ingressa fuerit, tunc omnis Israel saluabitur. ad eos autē qui de gentibus erant priore loco dicit propheticè: ad Deum vero posterius. derelicta sum vt paterer, inquit, vt locū habeatis, & facta sum inimica Dei propter vos, quāuis secundū electionē dilecta essem propter patres. Itaq; meis iam gemitibus auditis etiam illorum causam agnoscite; nam vestrae salutis causa prorsus derelicta sum, non habens eum qui me quum mala essem experta semper consolabatur: nūc enim defecit princeps de Iuda & dux de femoribus eius: venit enim cui reposita erant, illa expectatio gentium, cuius sanguinis cum

Rom. 12.

Gen. 49.

cum ultio reperatur, nullus est qui consoletur Ierusalē. § Omnes inimici mei audierunt mala mea, & laetati sunt quoniam tu fecisti. § OLYMPIODORI. Inimici sunt animae illi impuri daemones: qui etiam illius amatores dicuntur; nam cum inimici sint, amare se simulant: qui postquam ad peccandum induxerint, insuper de illius casu laetantur. § Adduxisti diem. § sumendi supplicij. § Hei mihi, Hei mihi. § EIVSDEM. Repetitio doloris magnitudinem significat.

Olymp. legit, animi impuri, sed corrupte emendate legit Origenes animi impuri, ut etiam Vari canus cod.

CHSEN.

V V L G A T A.

Audierunt quia ingemisco ego, & non est qui consoletur me: omnes inimici mei audierunt malum meum, laetati sunt quoniam tu fecisti. Adduxisti diem consolationis, & fiene similes mei.

AVDIERVNT amici mei me ingemiscere, & se amicos esse se oblit, nullam consolationem attulerunt. Audierunt inimici, & insuper laetati sunt: illi tamquam ficti amici quod facere debuerant, omiserunt: isti inimicum animum etiam gratulando malis meis ostenderunt. Laetati sunt autem quoniam tu fecisti; intelligentes me nudatam tua gratia, tuoque praefidio destitutam semper in malis futuram, & de leuioribus ad peiora deuoluendam. Ii vero quam imprudenter non solum inhumane faciant in eo quod de meis malis gratulantur, dies ipsa declarabit: nam statim atque adduxeris diem consolationis meae, sicut malis laetati sunt, ita felici meo statu maerebunt, & mei qualis nunc sum, similes fient.

§ Audierunt quia ingemisco ego. § Audierunt procul dubio amici mei, quamuis ficti & inconstantes: puta Aegyptij, qui fidem amicitiae non praestiterunt, sed Iudaeos ut solebant in summo discrimine deseruerunt, sibi quae quam illis consulere maluerunt. § Adduxisti diem consolationis. § Forma est loquendi Hebraicae linguae familiaris. Vbi adduxeris diem consolationis, fient mei similes. neque vero haec verba sic accipienda sunt, tamquam inimicorum suorum vicissitudinem atque perniciem optet, sed potius documentum affert, si res nostras in tuto collocare velimus, nihil nobis magis curandum esse, quam ut aduersos aliorum casus grauitate ac moleste feramus,

& tam-

Ierem. 37.

& tamquam si res nostra agatur, in doloris communionem veniamus: simul etiam humanae imprudentiae ignorantiam notat, quae cum insolenter de alienis malis laetatur, aduentare sibi perniciem eandem prae stultitia non prospicit. In Hebraeo autem pro die consolationis, diem quem vocasti, legimus; ut Dei praedestinationem praefinitionemque indicet: non enim temere aduersi casus eueniunt, sed certissima Dei dispositione atque moderatione contingunt. Aut diem quem vocasti, quem ut adueniret iussisti: non modo enim omnia ex diuina praefinitione veniunt, sed etiam eo tempore quo ille praeeperit veniunt. sic autem dicitur Deus vocare diem, quemadmodum psalmo 104. dictum est, § & vocauit famem super terram. § Nec vero male, quantum ex Hebraeo licet, intelligi possit, § Adduxisti diem vocationis seu inuocationis, § hoc est diem tribulationis; id enim nostrae inertiae est, ut in die tribulationis Deum inuocemus, cum saepe alias illius ne meminerimus quidem. sic dixit Ieremias cap. 11. § Non exaudiam in tempore clamoris eorum ad me, § & tempus afflictionis eorum non sit, declarat subiungens, in tempore afflictionis eorum. § Et sicut similes mei. § His verbis ostendit rerum humanarum varietatem ac vicissitudinem, docetque neminem a malis, quae alij contigisse viderit securum esse debere, sed timendum cuique esse, ne quod hodie alteri accidit, cras in se & quidem cumulate redundet.

THAV.

L X X.

Ingre diatur omnis malitia eorum ante faciem tuam, & reuindemia eos, sicut reuindemiauerunt me pro omnibus peccatis meis; Multi enim gemitus mei, & cor meum maeret.

ORIGENIS. Hoc est ne vltius eorum vitium suo arbitrio dimittatur, sed ad tuam inspectionem veniat: tamquam si quis oraret ut vulnera veniant in medici conspectum, ut perfectam sanitatem accipiant; id enim significat illa vox, § omnis; § nam summae felicitatis est non peccare, sequens est illud omnia nostra vitia a Deo inspicere. Reuindemiare vero est, post vindemiam exiguos racemos relictos denuo colligere, quod pauperes faciunt. Ut igitur cum me inspiciebas, diligen-

THAV.

H

ter meos

ter meos palmites expurgabas, vitiosa omnia amputans etiā exigua de vua fellis, & de botro amaritudinis, sic meos quoque inimicos reuindemia, id enim mihi vtile est. Siquidem postea quam illi perfecte saluati fuerint, ego quoque secundum tuū o Domine iudicium, salutem adipiscar, quos videns admodū in aereos, meque ipsam condemno, tua inspectione carens.

THAV. V V L G A T A.

Ingredietur omne malum eorum coram te, & deuindemia eos, sicut vindemiaſti me propter iniquitates meas. Multi enim gemitus mei & cor meum maerens.

QUICQUID inimici in me maligne inhumaniterque fecerunt, id omne ad tuum iudicium discussionemque deferatur, & vicem illis pro suis in me malefactis tāquam iustus arbitrer reddas oro; & sicut vindemiaſti me, ita vt qui caedi superfuerant, eos iterum caederes, & tamquam reliquos de vindemia racemos decerperes, ad eundem modum eos quoque deuindemia, vt ne ij quidem, qui caedem fugerint relinquantur, adeo enim me vindemiaſti & caecidisti vt assidue in gemitu verſer, & gemitus ex intimo cordis maerore procedat.

§ Ingredietur omne malum eorum coram te. § In memoriam tuam redeat, hoc est repende quod ſui male factis commerti sunt, in discussionem examinationemque ac iudicium tuum causa illorum veniat, iuxta illud quod Eſaiae 1. scriptum est. § & causa viduae non ingreditur ad illos. § & psalmo 78. § Introcat in conſpectu tuo gemitus compeditorum. § Hoc est innotefcat, notum fiat: meminimus autem in his verbis non execrabili odio & implacabili cladem inimicorum optari, ſed prophetico ſpiritu praedici, & voluntate a terrenis affectibus expedita, & quodammodo cum Deo conſerta, diuinæ ſententiae decreta in impios pronuntiare.

Eſaiae 1.

Psalm. 78.

THRE.

THRENORVM IEREMIAE

I V X T A L X X.

CAPVT II.

ALEPH. *Quomodo obsecit caligine in ira sua Dominus filiam Sion & proiecit de caelo in terram gloriationem Israel, & non est recordatus scabelli pedum suorum?*



VINCIT. Hinc initium sumit secundum Alphabetum. Oratio est autem admirantis inopinata adeo mutationem propter ipsius Ierusalem peccata: caligo vero animae acrumnae sunt ex eius caliginis proportionem quae per hyemem accideret solet ac lucem obscurare, quomodo ipsa quoque Ierusalem suum splendorem perdidit & tristis facta est. Quod vero ait, & Filia Sion, & vel per circumlocutionem ipsam Sion significat, ut etiam illud, & Filij hominum, & vel urbem ipsam dicit tamquam in parte montis collocatam, & Proiecit de caelo in terram gloriationem Israel, & Similiter hic dictum est gloriationem Israel, atque illud apud eundem prophetam, & Ablata est a capite eorum corona gloriae, & Et non est recordatus scabelli pedum suorum, & Scabellum vero Dei dicit Ierusalem, quod super eam olim divinae virtutes ingrederentur, quae Dei pedes vocantur, in ministerium missae propter eos qui haereditatem salutis accepturi sunt, & quia proxime subiectae Deo sunt, itaque vltima captiuitate imminente, ut Iosephus narrat auditae in templo sunt voces dicentium, abeamus hinc: tale est illud apud Ezechiel, & Ascendit gloria Domini ex media urbe, & O L X M P I O P. Scabellum Dei templum ipsum dicit, tamquam Diuina praesentia de caelo in illud usque perueniente; aut etiam Israeliticum populum qui Dei cognitione dignus esset habitus. Thronus enim Dei vocatur caelum, utpote cum Deus ibi in illis purissimis rationalibus naturis quiescat. Scabellum vero terra cum illius cognitio in nos quoque pro rata portione perueniat.

Ierem. 23.

Hebr. 117
Ioseph de
Capt. lib. 6.
cap. 21.
Ezechiel.

H 2 ALEPH.

ALEPH.

VVLGATA.

*Quomodo obtexit caligine in furore suo Dominus fili. a Sion?
proiecit de caelo in terram inclytam Israel, & non est re-
cordatus scabelli pedum suorum in die furoris sui?*

QUOMODO furore suo tamquam efflato caliginoso va-
pore obtexit Dominus habitantem coetum in Sion, &
de sublimi dignitate tamquam de caelo in terram proiecit
gloriam Israel; & ex inspectione sua gubernationeque prae-
cipua quasi ex oculis repulit & abiecit; neque vllam rationem
habuit si non populi ac gentis Israeliticae sacrum templi san-
cti sui, in quo tamquam in regali solij scabello suae diuinita-
tis vestigia posuerat?

§ Quomodo obtexit caligine. § Figurata vindictam & irā Dei
aduersus populum Iudaeorum describit, tamquam nube, sic
aerumnis & calamitatibus illum populum obscurantis; vt in
aere fieri solet quum caligine sparsa decor ille purae lucis ob-
tegitur. Eleganter autem quia velut imber vindictae diuinae
demittendus erat, praenisiuit irae diuinae caliginem. Nonnul-
li verbum יָבִיחַ pro quo beatus Hieronymus vertit, § obtexit
caligine; § exponunt; ad nubes extulit filiam Sion; & inde vt
grauius rueret in terram proiecit. § Filiam Sion. § Sic solet
congregationem seu coetum habitantem in Sion appellare &
filiam, quasi delicatam, & insigni gloria ornatam. § Proiecit de
caelo in terram inclytam Israel; § aut de sublimi gloria arque
imperio, iuxta illud psalmi 101. Quia eleuans allisisti mei: aut
de conspectu protectioneq; sua praecipua, vt 4. Reg. 17. § Ita
sciebatur enim Dominus contra Ierusalem & contra Iudam
donec projiceret eos a facie sua. § Inclytam Israel. § LXX. ἡ
ἐκστατή; gloriationem Israel, in qua totus Israel gloriabatur;
quae Israelis tamquam eximium ornamentum ac decus erat;
qua tamquam corona gemmis, auroq; conferta tota gens ho-
nestabatur. & notandum ciuitatem in qua Dei religio tem-
plumque erat, vocari totius gentis decus & gloriam: id enim
semper in praecipuis habendum est quod ad Dei cultum, ve-
nerationemque pertinet: Vnde ipse mons Sion in quo tem-
plum extructum erat, in psalmo 47. § Exultatio vniuersae ter-

Psalm. 101.

4. Reg. 17.

Psalm. 47.

rac vo-

rae vocatur. § Scabelli pedum suorum. § Scabellum pedum ipsum templum intelligit, quod in eo tamquam impressa vestigia Diuinitatis erant, ibi cultus exhibebatur; ibi per arcam & intima illa adyta soli summo Sacerdoti peruia Deus ipse figurabatur: ibi eius oracula, prodigia edebantur. Aut certe tamquam in figura quadam Diuinae Sedis propitiatorium illud erat supra arcam a Cherubim ex utroque latere subleuatum, quomodo dicitur, § Qui sedes super Cherubim. § quod si propitiatorium quaedam sedis figura & species erat, consequenter arca subiecta propitiatorio figuram quandam Scabelli exhibebat. Vnde etiā in psalmo 131. § Introibimus in tabernaculum eius, adorabimus in loco, ubi steterūt pedes eius. Psal. 89.
Psal. 131.

BETH. L X X.

In die irae suae absorbit Dominus non parcens, omnia speciosa Iacob: destruxit in furore suo munitiones filiae Iuda: deiecit in terram: polluit regem eius & principes eius.

EX INCERTO. Calamitatibus Iuda calamitates Iacob hoc est decem tribuum admiscet, lamentationemque confociat. dicit enim Deus per Prophetam, § quia in iram meam & in furorem meum fuit ciuitas haec, ex quo die aedificauerunt eam, & usque ad diem hanc; ut remoueam eam a facie mea propter malitias omnes filiorum Israel & Iuda. § § Speciosa Iacob. § EIVSDEM. Speciosa Iacob ampla illius urbis & regionis aedificia & muros & arces: iuxta illud, § posuisti firmamenta eius formidinem: diripuerunt eum omnes transeuntes viam. § Iuxta allegoriam vero, animae perturbationibus deditae speciosae illae contemplationes demerguntur passionū fluctibus absorpae, quando supplantare hostes cum deberet, ab aduersariis prosternitur: idque permittit Deus, quia non in caeno iacent margaritae, ut etiam peccatori dicit, § quare tu enarras iustitias meas? § § Omnia speciosa Iacob. § OXYM. Psal. 88.
Psal. 49.
Psal. 100.

Ad litteram quidem omnem illum legalem cultum: iuxta sublimiorem intellectum, mores pietatis. § Destruxit in furore suo munitiones filiae Iuda. § EIVSDEM. Destruktionem vocat illam e fundamentis commotionem. § Munitiones

nes filiae Iuda. § EIVSDEM. Iuxta litteram templum, & fortes viros qui in illa erant. iuxta spiritalem intelligentiam, impuros ostendit praestantes illius mores. § Polluit regem eius & principes eius. § EIVSDEM. Ad litteram, potentes, qui in ea erant. ad sublimiorem intelligentiam, virtutes inuictas ad res terrenas abiecit.

BETH.

VVLGATA.

Præcipitavit Dominus, nec pepercit, omnia speciosa Iacob: destruxit in furore suo munitiones virginis Iuda; & deiecit in terram: polluit regnum & principes eius.

DESTRUXIT Dominus nulla loci ratione habita templum ipsum, quod speciosissimum erat in Iacob; destruxit omnes magnificas aedes, adeo ut ne vestigium quidem earum ullum remaneret: Solo æquavit munitiones ac turres præcipuæ, & elegantissimæ ciuitatis in tribu Iuda, nempe Ierusalem; & usque ad solum dirigit: ludibrio habuit regnum & principes eius.

§ Præcipitavit, § in Hebræo est absorbit. LXX. transtulerunt ~~καταπότισαν~~ demersit, seu ut arbitror ~~καταπότισαν~~, ut absorberentur fecit. absorbere autem est ita destruere, ut nihil reliquum sit, nihil appareat, sed funditus intereat: quod onim absorbetur amplius non apparet; ergo præcipitavit est ita destruxit ut nulla pars relinqueretur, quasi sub terram abdita essent & absorpta. § Speciosa. § Aut ipsum templum hoc nomine appellat, propter ædificij maiestatem ac pulchritudinem; aut amplas & magnificas aedes. Munitiones autem dicit arcem, moenia, turres. § Polluit regnum & principes eius. § Regnum ipsam gentem Israel, quæ erat regale sacerdotium. polluit autem, in opprobrium dedit ut versu 6. § Dedit in opprobrium & in indignationem furoris sui Regem & Sacerdotem. § Aut in terram deiecit, § ut psal. 73. § in terram polluerunt tabernaculum nominis tui, § & psal. 88. § profanasti in terram sanctuarium eius, § quod tantundem est ac si dixisset, polluisti in terram Sanctuarium eius.

Psal. 73.

Psal. 88.

GIMEL.

GIMEL.

L X X.

Confregit in ira furoris sui omne cornu Israel: auertit retrorsum dexteram suam a facie inimici; & accendit in Iacob quasi ignem flammam: & deuorauit omnia in gyro.

O RIGENIS. Simile est apud David, & Omnia cornua pec- Psal. 74:
 catorum confringam. & Dicit vero nunc principes in
 quibus est gentis fortitudo, vt in cornigeris animantibus. &
 quia corpus excedunt, vt supra subiectos eminent principes.
 Daniel quoque regna cornibus comparauit. Significat etiam Daniel 8.
 cornu superbiam animi atque despicientiam, vt in illo, & no- Psal. 74
 lite extollere in altum cornu vestrum. & Auertens igitur suā
 dexteram salutarem expugnabiles reddidit inimicis, quos
 etiam flammam omnia consumentem appellauit. neque vero
 absurde omnis elata intelligentia cornu dici possit, & ignis
 passiones ignominiae, quibus delinquens traditur, postquam Rom. 1.
 perdiderit omne circumstans auxilium iuxta illud, & Immittit Psal. 33.
 angelus Domini in circuitu timentium eum. & & Omne cor-
 nu Israel. & **OLYMPIOD.** Secundum historiam, omnes tri-
 bus, vel omnes potentes. Secundum excellentiorem contem-
 plationem omnes animi mores ad vincendum aptos. & Auertit
 retrorsum dexteram suam a facie inimici. & **OLYMPIOD.**
 Aut ipsius Israel recte ac dextere facta in peius, hoc est ad si-
 nistram partem auertit: posteriora enim sunt sinistra omnia
 dextris. aut Deus suas vires cohibuit, neque illos cum ab ho-
 stibus oppugnarentur defendit. & Et accendit in Iacob quasi
 ignem. & **OLYMPIOD.** Cum a Romanis capti sunt. Ira igitur
 Dei tanquam ignem accendit in Iacob, ipsam nempe vim suā
 scelerum vlticem.

GIMEL.

V V L G A T A.

Confregit in ira furoris sui omne cornu Israel, auertit retrorsum dexteram suam a facie inimici; & succendit in Iacob quasi ignem flammam deuorantis in gyro.

I MMINUIT & abstulit in furore iraque sua vtrumque re-
 gnū, & Israel & Iuda, omnem gloriam gētis Israeliticae
 sustulit, omnem potentiam roburque debilitauit: neque bra-
 chium

chium suum & manum dexteram extendit, vt auxilium periclitanti populo suo ferret, neque vires suas aduersus hostes populi sui exeruit, sed potius retraxit: & iram suam quasi ignem accendit, non segnem & inertem, sed ignem flammæ mobilissimum & violentissimum, obuia quæq; corripientem atque consumentem. § Onine cornu Israel. § Cornuum appellatione regna significari frequenter in Daniele reperitur. significat etiam consequenter gloriam, claritatem, etiam robur potentiam, quod in cornibus vires habeant quæ cornigera sunt animantia.

DALETH.

L X X.

Tetendit arcum suum quasi inimicus aduersarius. firmavit dexteram suam quasi aduersarius: & occidit omnia desiderabilia oculorum meorum in tabernaculo filiae Sion: effudit quasi ignem indignationem suam.

Abacuc 3.

O RIGENIS. Nam & in templo caedes facere Deo permittente ausi sunt hostes. recte autem dixit, § quasi aduersarius, § non enim inimicitias gerens punit Deus, sed prodesse volens aut ijs qui patiuntur, aut ijs qui vident. Tabernaculum porro vocat ipsum templū, qualis erat prior illa sanctificatio, arcum quoq; vim illam vlticem, vt in Abacuc, § intendēs intendes arcum tuum in tribus dicit Dominus, § aduersarios nempe principatus ac potestates. Filius vero dextera cum esset Dei ac Patris strenue deuicit, deiecit is idolis quæ in templo Dei statuerant, hæc namque sunt desiderium oculorum, pro idolis dæmones inhabitantes occidens. **OLYMPIOD.** Perfectam Dei auersionem dicit, quo auerso, certæ ab hostibus plagæ inferuntur. § Et occidit omnia desiderabilia oculorum meorum. § **OLYMPIOD.** Ad litteram, filios & filias eorum, & si quod præterea erat animal in pretio. Ad sublimiorem vero intelligentiam, præstantiores animæ appetitiones: id enim efficit Dei auersio: nam eius inspectio vita est. § In tabernaculo filiae Sion. § **EIVSDEM.** Secundum historiam, quia in templo interfecti sunt. secundum spiritalem intelligentiam, in animæ cubiculis.

DALETH.

DALETH.

V V L G A T A.

Tecendit arcum suum quasi inimicus, firmavit dexteram suā quasi hosti, et occidit omne quod pulchrum erat visu in tabernaculo filiae Sion; effudit quasi ignē indignationē suā.

NON solum nullam Iudaeis opem tulit aduersus hostem, & auertit dexteram suam, sed etiam in inimicum conuersus, intendit in eos arcum suum, & sagittis confixit, improuifimalis ex occulto & inopinato venientibus vulnerauit; & ne in incertum sagittae iacerentur, hostis more firmavit in arcu manum suam, vt certo vulnere feriret, ac totis viribus intendit, vt grauius vulneraret. Itaque virgines & adolescentes, & quicquid aspectu pulchrum erat occidit, & iram illam intra se conceptam, quam patientia diu cohibuerat, semel totā abūde tamquam igneum halitum effudit in tabernaculo atq; ciuitate Sion, totāque urbem eo incendio concremavit.
 § Firmavit dexteram suam. § nempe in arcu, vt quam vehementissime posset sagittam iaceret, & grauissime vulneraret. aut firmavit vt ne vacillaret, & in incertum iaceret, sed locum feriret. dictum est autem hoc, vt opponeretur ei quod supra dixit, § Auertit retrorsum dexteram suam a facie inimici. § ab hoste auertit dextram, aduersus ciuitatem Ierusalem firmavit. § Quod pulchrum erat visu, § hoc loco puto commode distingui posse, vt deinde ex alio initio subiungatur, § In tabernaculo filiae Sion effudit quasi ignem. § vt etiam capite 4. § effudit iram indignationis suae & succendit ignem in Sion, & deuorauit fundamenta eius. § nam de incendio urbis loquitur. & ad hunc modum in Hebraico distinctum legimus. § Quod pulchrum erat visu. § Virgines & adolescentes inteligit, in quibus species & aetatis ille flos vigeat.

HE.

L . X . X.

Factus est Dominus velut inimicus: absorbuit Israel, absorbuit palatia eius: corrumpit munitiones eius: & multiplicauit filiae Iuda humilitatum & humiliatam.

ORIGENIS. Quod in Graeco est, *βασίς*, domos significat, quas Symmachus basilicas transtulit. repetit autem la-
 I
 menta-

mentationes, vt qui in luctu admodum dolo. Iterumq; indicat se humilem sensum, humilemque cogitationem suscepisse; destructis tamquam domibus atq; munitionibus, animum quodammodo complentibus. Virtutes namque habitacula sunt, illis enim tegimur: munitiones vero oppositae illae rationationes, non enim in malam partem hoc loco accipiuntur, vt illa altitudinū destructio extollentiū se aduersus scientiam Dei; neq; illa humiliatio intelligitur, per quā Dei iustificationes discimus. haec enim gaudio, non lamētatione sunt excipiēda. § Factus est Dominus velut inimicus. § OLYMP. Cū ipsi seipso inimicos Dei, propter peccata in illum admissa constituisent: Deus enim neminē odit. § Absorbuit palatia eius. § OLYMP. Ad litterā quidē, muros dicit & templum ac domos. ad spiritalē sensum, munientes animā probas rationationes. Aliter, quia apud Iudaeos post ausum in Christū facinus, nullus adhuc propheta, nulla reuelatio, nullū legitimū sacrificiū. § Multiplicauit filiae Iuda humiliatū & humiliatam. § OLYMP. Post historiā, eos intelligit qui sub peccato captiui facti sunt. HE.

V V L G A T A.

Factus est Dominus velut inimicus; praecipitauit Israel, praecipitauit omnia moenia eius, dissipauit munitiones eius; & repleuit in filia Iuda humiliatum & humiliatā.

QUAMVIS autem in Dominum inimicitiae & odia non cadant, procul est enim ab ijs affectibus Diuina illa natura, tamen velut inimicus factus est, cum perniciem & interitum inferri permisit. Praecipitauit & velut absorbuit Israel, ita vt nihil paene ex ea gente relictum sit, tamquam e conspectu penitus ablata: praecipitauit etiam non modo gentem, sed moenia quoque, & arces ac muros diruit, & ciuitatem praecipuam atq; magnificentissimam in tribu Iuda, plurimis maximisque malis atque calamitatibus impleuit. § Humiliatum & humiliatam. § Repetitio eiusmodi vocum apud Hebraeos multipliciter seu amplificationem significat, vt sit, summam abiectionem & afflictionem filiae Iuda intulit. Symmachus autem apud Isaiam cap. 29. has easdem Hebraicas voces sic transtulit, *καὶ ἵσται καὶ τείνει καὶ ἀδυνατήσῃ, ἐν δὲ*

EA. 29.

dem fere modo quo in praesenti loco transtulit B. Hieronymus, & humiliatum & humiliatam, & ut ad viros & mulieres referatur, ac sit sententia, & multiplicauit in filia Iuda, tam in viris quam in feminis dolores & afflictiones. in loco autem dicto Isaiae B. Hieronymus vertit, & circumuallabo Ariel, & erit tristis & maerens, & hoc est maerebit admodum.

VAV.

L X X.

Et expandit quasi vitem tabernaculum suum, corruptit festiuitatem suam: Oblitus est Dominus quae fecit in Sion, festiuitatis & sabbati: & irritauit fremitu irae suae regem & sacerdotem & principem.

QLYMPHOD. Vel hoc dicit quod illam synagogam, quae antea quasi vitis extenta erat, tradidit hostibus. Vel sic, illam perinde ac vitem nulla custodia munitam, diripientibus exposuit. & Corruptit festiuitatem suam. & EIVSDEM. Ipsi Ierusalem legales illas festiuitates: animae vero, illud de rebus optimis gaudium. ORIGENIS. Tabernaculum ipsum templum dicit, vitem & vineam populum Israel, iuxta illud Dauidicum, & Vineam de Aegypto transtulisti. & apud Esaiam Psal. 89. & Vineam facta est dilecto. & Ac Dauid quidem adiungit, & Ut quid destruxisti maceriam eius? & quae sequuntur: Esaias Ecl. 5. vero, & Destruxisti sepem eius, & quae ijs adiecta sunt. haec eadem praefens lamentatio declarauit. Deus enim cum suum praesidium cōtraxisset, hostibus tradidit, cum Angelus in circuitu eius non adhuc castrametaretur, quia non timebat Dominum. Cessare fecit etiam stata illa ad cultum exhibendum tempora, ut in Esaiam dicit, & ieiunium & otium & festiuitates vestras odit anima mea: & quod ipsum obliuionē appellauit, non quasi humanum sit in eo vitium. Irritauit etiam regem & sacerdotem, indigne ferentes, quod cum pars Dei essent, mala adeo grauiā ab impijs illata tolerarent. & Oblitus est Dominus quae fecit in Sion festiuitatis & sabbati. & OLYMPHOD. Despexit inquit etiā suas leges, quibus festos dies & sabbata agere iustum erat. & Et irritauit fremitu irae suae regē, & sacerdotē & principē. & OLYMP. Permisit ut amplius affligerentur, vel ipse irritatus, vel de felicitate hostium irritans. Psal. 33. Ecl. 1.

I 2

VAV.

VAV.

V V L G A T A.

Et dissipauit quasi hortum tentorium suum, demolitus est tabernaculum suum: Obluioni tradidit Dominus in Sion festiuitatem & sabbatum, & in opprobrium & indignationem furoris sui regem & sacerdotem..

TENTORIUM illud suum templum dico, cuius obiectus nos protegebat, & sub quo tamquam sub vmbraculo ex ramis frondibusque contexto ab imbre irruentium calamitatum, & aestu tentationum tuti eramus, veluti cum hortus sepe dissecta destruitur, ita dissipauit atque disiecit. Tabernaculumque suum, vbi peccata populi expiabantur, & quo populus in festiuitatibus conueniebat, destruxit, ac demolitus est: Itaque consequenter templo tabernaculoque sublato memoriam quoque festiuitatum & sabbati sustulit, quorum vt attentissime meminissent praeceperat. & cū indignatione quadam tamquam rem odiosissimam, & sibi ingratisissimam abiecit a se & opprobrio tradidit regem & sacerdotem..

§ Et dissipauit quasi hortum tentorium suum. § Tentoriū hoc loco non quasi ex aulaeis compositum dicit, sed quasi ex ramis folijsque contextum, quo tentorio templum illud significare videtur sub quo sibi tuti ac recti esse videbantur. Itaque conuenienter similitudo horti assumpta est. nam & horto & tabernaculo seu tentorio id commune est, vt hoc superne confertis ramis arborum tegatur, ille spinis vndique contextis sepia-
tur; sicut igitur ablata sepe hortus diripitur & dissipatur, sic ablata illa ramorum contextione tentorium & vmbraculum aperitur atque nudatur. quo tegumento ablato, neque a pluuia, neque ab aestu quisquam defenditur. Porro non quod dissipare dixit B. Hieronymus, pro eo quod est aperire, nudare tegumento saepe poni solet. vt apud hunc eundem prophetam cap. 13. § reuelata sunt verecundiora tua, pollutae sunt plantae tuae. § quod LXX. dixerunt, *καὶ ἀποκαλύψονται τὰ ἄσχητα σου*, § vt reuelentur plantae tuae. § itaque recte etiā hoc loco dixerunt, *καὶ ἀποκαλύψονται αἱ ἀμύχων τὸ σκεῦός σου*. § & explicauit vt vitem tabernaculum suum. § vt vitem, quae prius tecta erat ramis ac frondibus & quasi multiplici palmitum ac folio.

Jerem. 13.

foliorum tegumento conferta & implicata, folijs cadentibus, excisisque palmitibus aperuit & explicauit, adeo vt vmbra facere & solē arcere praeterea non posset, hic sensus est LXX. in quibus adnotandū proplegisse iam vna addita littera. Ablato igitur illo tentorio, seu tabernaculo, quod vel templum, vel vim diuinæ protectionis intelligere licet, de quo Dauid dicit, § Quoniam abscondit me in tabernaculo suo in die malorum, protexit me in abscondito tabernaculi sui, § nil mirum si aestuauit Israel, & solis ardore tribulationumque vi tamquā caumate adustus vt olim Ionas, defecit & anxius est. § Et in opprobrium & indignationem furoris sui regem & sacerdotē. § Potest vniuersaliter hoc intelligi, quod opprobrio tradiderit regnum illud ac sacerdotium, tāquam rem quā non magni penderet, vt Iudaei putabant, quippe quae ad vmbralem, non ad verum Dei cultum pertineret: potest etiam proprie de Sedecia rege & Saraia summo Sacerdote dictum videri, quem Nabuchodonosor captum, Antiochiae quae in Scriptura Rebla dicitur, iussit interfici. lege 4. Regum. cap. 25.

Psal. 26.

ZAIN.

L X X.

Repulit Dominus altare suum, excussit sanctificationem suam: contriuit in manu inimici murum turrium eius. Vocem dederunt in domo Domini, sicut in die festiuitatis.

OLYMP. Legale illud, vt aliud spirituale noui testamenti subrogaretur. Sin de captiua anima accipiat, propterea quod indigna Dei cultu visa est. ORIG. Sacra vasa tradidit, quod impiorum hominū sacrificia non iam illi placerent: iuxta illud, § holocaustomata arietum, & adipem agnorum, & sanguinem taurorum, & hircorum nolui. § tradidit murum, qui domos Vrbs, vel vt Symmachus edidit, basilicas continebat. At vero hostes cum ipsum quoque templum cepissent, iā tamquam de perfecta victoria festum diem clamoribus agebant. OLYMPIODORI. Animae vero altare vis illa rationalis est nobis insita, per quod passiones mortificatae sacrificantur. § Excussit. § Violenter abiecit. § Vocem dederunt in domo Domini. § EIVSDEM. Hostes magnopere gaudentes. § Murum turrium eius. § EIVSDEM. Nam omne illius munimentū abstulit.

ZAIN.

Repulit Dominus altare suum, maledixit sanctificationem suam. tradidit in manus inimici muros turrium eius. Vocem dederunt in domo Domini sicut in die solenni.

REPVLIT Dominus altare suū tamquam nihil ad se pertinens, tamquam pollutum iam, & suo cultu indignum & ineptum. Sanctificationemq; suam ac templum in quo sanctificabantur, & consecrabantur oblationes populi, maledixit, & tamquā rem odiosā abiecit: in ditionē potestatemque hostium tradidit muros turrium eius: qui cum templū diruerent, ac disturbarent, vocem dederunt & clamore laetitiam indicauerunt, non secus atq; in eo populus Israel in die solenni vndiq; conueniens elata sublimiq; voce acclamare solebat. § Maledixit. § LXX. ἀπένειψεν, excutiendo quasi cum impetu abiecit. alij, reliquit, vel odit. alij κατέργησεν, otiosum reddidit, cessare fecit. § Tradidit in manus inimici. § השגה. At LXX. legisse videntur השגה, itaque transfulerunt, σπώτευσεν, contriuit nisi cuiquam videatur illos transfulisse σπώελλοντες, conclusit vt solent, quod Origenes indicare videtur, cum dixit παράδωκε δὲ καὶ τὸ σπώεχει τὰς οἰκίας τῆς πόλεως, tradidit etiam murum qui domos vrbis continebat. nam si σπώτευσεν legisset, & non potius σπώελλοντες, non illud verbo παράδωκε declarasset.

HETH.

L X X.

Cogitauit Dominus corrumpere murum filiae Sion: tetendit mensuram, non auertit manum suam a conculcatione: luxitque antemurale, & murus pariter infirmatus est.

OLYMPIOD. Iudicauit murum ipsam legem. § Tetendit mensuram. § Parem iudicii normam extendit. EIVSDEM. Supplicij mensuram extendens, quod ipsum vidit Zacharias. § Non auertit manum suam a conculcatione. § EIVSDEM. Non pepercit quominus in conculcationem eos proijceret, qui assidue in ipsum peccabant. § Luxitque antemurale. § ORIGENIS. Luget vero murus & antemurale, quod ea digna luctu sint, & videntibus vt lugeant, causa. § Nam consilium Dei quis dissipabit? & manum eius excessam quis auertet? §

Zach. i.

Ez. 14.

tet? vt est apud Beatum Esaiam. Hanc vero siue urbem siue animam hoc modo lugentem, vt esset hostibus conculcatio, lugeri ab angelis ipsam antea inuicem custodientibus credibile est, tum sublimioribus, tum inferioribus. nam si de salutē consecutis gaudent, de lapsis quomodo non lugebunt?

HETH.

V V L G A T A.

Cogitauit Dominus dissipare murum filiae Sion, tetendit funiculum suum, & non auertit manum suam a perditione: Luxitque antemurale, & murus pariter dissipatus est.

MVLTO iam ante tempore statuit Dominus dissipare muros ciuitatis Sion illius magnificae & illustris: extendit funiculum suum ac mensuram, ad illam diruendam, & ab ea demolienda atque perdenda manum suam non auertit, sed assidue intendit, & vi maxima exeruit, quousque totam ciuitatem perdidit. eiusque manu arietante ac percutiente luxit & corruit antemurale, quod muro sublimiori praestructum erat; quin etiam murus ipse pariter dirutus ac dissipatus est. § Cogitauit Dominus. § Aeterna sua praedestinatione statuit, vt in prophetia scriptum est ab hoc eodem propheta, cap. 32. § Quia in furore & indignatione mea facta est mihi ciuitas haec a die qua aedificauerunt eam, vsque ad diem istam, qua auferetur de conspectu meo, quod in Hebraeo est, vt auferatur de conspectu meo. § Extendit funiculum suum. § Hoc aliqui ad poenae mensuram criminibus respondentem significandam dictum esse putant: neque enim cum vlsciscitur crimina, modum egreditur, sed pro culpa modo poenam admittitur. Sed malim hoc intelligere de funiculo qui in diruendis urbibus a Victore extēdebatur, vt Esaias, de ciuitate Bosra ait cap. 34. § & extendetur super eam mensura, vt redigatur in nihilum, & perpendiculū in desolationem, quasi dicat non struendi funiculū extendit, sed destruendi. § Luxitq; antemurale, § agger qui ante muros extruitur & praemunitur. Luxit, cecidit, corruit. vicina sunt enim ac similia apud Hebraeos verba lugendi & cadendi, נפל, נכר. maluit autē lugendi verbo vti, vt magis elate diceret, ac sensum & lacrymas muro tribueret.

Jerem. 32.

TETH.

TETH.

L X X.

*Defixae sunt in terram portae eius: perdidit, & contriuit
 velle eius, regem eius & principem eius in gentibus.
 Non est lex, etiam prophetae eius non viderunt visio-
 nem a Domino.*

ORIGENS. Nam velut sub terra vel mari absorptae e
 conspectu sublatae sunt, perierunt etiam reges ac prin-
 cipes, & pseudoprophetae; lex quoque eius, necessitate sci-
 uitutis: quam legem etiam antequam caperentur, vltro destru-
 xerant. portae autem animae sunt ipsi sensus, qui illa pec-
 cante vitijs obruuntur & terreni sunt: & quae has firmabant ani-
 mae vires dissoluuntur & pereunt, mens rector & ratiocina-
 tiones principes, in vitijs iacent: illaque lex animi & ordo di-
 sperit, & fit Babylon confusione plena, nullam prouidentiae
 vim habens diuina ope ac praesidio adiutam. § Defixae sunt
 in terram portae eius. § OLYMPIOD. Perdidit illius monita
 atque praecepta, vt qui intrare velit, incertus sit ac quaerat.

TETH.

VVLGATA.

*Defixae sunt in terram portae eius, perdidit & contriuit
 velle eius, regem eius & principes eius in gentibus:
 Non est lex, & prophetae eius non inuenerunt visionem
 a Domino.*

PORTAE eius ciuitatis Iudices nempe & magistri in por-
 tis ad iudicandū constituti, defixae sunt in terra, & quasi
 terra dehiscente absorptae sunt, & e conspectu ac de medio
 sublatis, ita vt nusquam appareant. Velle autem ac seras, Re-
 gem dico ac Principes qui eiusmodi Iudices ac magistros &
 populum totum continebant, in gentibus perdidit, & contri-
 uit, vt eorum non modo dignitatem in captiuitate abstulerit,
 sed etiam vires confregerit, nec minus vis illa magistra vitae,
 & quid faciendum sit ostendens, ablata est, nulla est enim lex,
 quae litteris consignata generaliter quid faciendum, a quo sit
 abstinendum demonstrat. Sublata est etiam prophetia, quae
 pro temporum causarumque opportunitate, Dei monitu &
 oraculis edita, verbis prophetarum declarata, populum do-
 cebat.

cebat. Itaque iudicijs, vi regia atque principali quae populum continebat ablata, doctrina legis ac prophetarum amissa, ciuitas omnis corruit, & perdita est.

§ Defixae sunt in terra portae eius, perdidit & contriuit vestes eius. § Plerique verba haec simpliciter intelligunt, quasi ipsae portae sensibiles ciuitatis ruinis deiectae & in terra defixae, ac desolae sint: Vestes item ac serae, quibus portae sensibiles occluduntur. sic Hebraei vt pleraque solent ex maiori parte carnaliter intelligere. quod autem illis imposuit illud est, quia verba sequentia, § Regem eius & principes eius in gentibus, § sic legunt & distinguunt, § Rex eius, & principes eius in gentibus, non est lex. § Sed quia non modo B. Hieronymus accusandi casu trāstulit Regem eius & principes eius, verum etiam multo ante Hieronymum LXX. seniores, *βανδία αὐτῆς, καὶ ἀπὸ τῶν αὐτῆς*, clarum est tam hos, quam illum portas & vestes non simpliciter, sed figurate intelligendas putasse; & Regem ac principes & iudices esse portas illas ac vestes existimasse. terram autem in qua defixae sunt portae, gentes inter quas perdit & contriti sunt vestes intellexisse; vt sequentia verba priorum sint quōdammodo expositio. quomodo etiam in psalmo 147. accipiendas puto seras & portas.

Psal. 147.

§ Lauda Ierusalem Dominum, lauda Deum tuum Sion, Quoniam confortauit seras portarum tuarum, benedixit filiis tuis in te. § Vt enim vestes portas obstruunt, ne ingredi hostes valeant, & ciuitatem urbemq; continent, sic Reges ac principes iustis iudicijs, iniquitatem irruentem ab ingressu excludunt & arcant. itaque verissime a Salomone dictum est Prouer. 18. § frater qui adiuuatur à fratre, quasi ciuitas firma, & iudicia quasi vestes Urbium. § alioqui quae cognatio esset inter vestes & Regem ac principes, quaeue consequentia connexioq; sermonis de vestibus ad Regem ac principes transire? Portas vero eos qui sunt ac versantur in portis accipiendas puto, ea dicendi figura qua per locum ij qui sunt in loco intelliguntur: in portis vero iudices sedebant ad causas iudicandas, vt ait Moyses in Deuteronomio cap. 16. § Iudices & Magistros constitues in omnibus portis tuis, quas Dominus Deus tuus dederit tibi, per singulas tribus tuas, vt iudicent populum tuū

Prouer. 18.

K

iusto

iusto iudicio. & has portas e loco suo dimotas in terram, hoc est inter gentes defixas esse ibique iacere captiuas dolet. & Et prophetae eius non inuenerunt visionem a Domino. & Aiunt Hebraei Prophetas dum in captiuitate in terra aliena essent non habuisse Domini oracula. Id vero falsum est, cū Ezechiel, Daniel, Zaccharias postquam capta est Ierusalem prophetauerint. Itaque alij dicunt obscurius prophetasse post captiuitatem. Sed id nihil ad rem: satis enim est prophetasse. Itaq; & Origenes & fere omnes nostri hoc de falsis prophetis dictum esse volunt. Sed illud quoque dici potest, veros etiam prophetas sub illud imminētis excidij tempus non inuenisse visionem a Domino, quod in eorum paenam fiebat, qui necessitatē tempore oracula quaerebant, cum tamen Deum verū deseruissent, & alienos Deos colerent, & prophetas veros vexassent, eorumq; verba ludibrio habuissent: quā paena etiam Saule mulctatū esse legimus, instante iam eius interitu, & Israelitarum clade; qui cum consulisset Dominum, nullum ab eo responsum tulit, neque per somnia neque per sacerdotes, neque per prophetas. quod si Ieremias imminente vrbis excidio Sedeciae regi quid futurum esset praedixit, nihil id praesenti loco quominus verus sit officit. neque enim de omnibus prophetis dicitur non inuenisse eos visionem a Domino, sed excipi ab eo numero Ieremias debet, vt huic concessum sit quod alijs est negatum. Itaque quod generaliter fiebat, id in hoc loco dicit, prophetas non inuenisse visionem, quod vero ipsi tributum est, id speciale munus fuit.

Ierem, 37.

10D.

L X X.

Sederunt in terra, conticuerunt senes filiae Sion: imposuerunt puluerem super caput suum, accincti sunt sacci: deduxerunt in terram principes virgines in Ierusalem.

ORIGENIS. Tristitia narrat spectacula in letitiae loco edita: nam incusso timore ne lugere quidem senibus permittebant; primariasq; virgines in terram spectare iubebant, ne si conspicerentur illos ad vim inferendam formae praestantia pertraherent. Dico quoque potest, eos etiam, qui antea virtutis merito antiquiores erant, propter quam hoc nomine vocaban-

cabantur, terrenos iam factos, & in affectibus irrationalibus haerentes, nihil iam secundum rationem facere, cum & spiritum, quae princeps erat in illis animae pars, in terram vertissent, & humilem illum sensum, quem olim habuerant, luctu dignum fecissent, & cogitationes quas prius integras, incorruptasque seruauerant corrupissent. § Sederunt in terra. § OLYMPIOD. In terrā prostrati sunt terrena sapientes. § Conticuerunt. § EIVSDEM. Perdiderunt magistris dignitatem. obmutuerunt. § Imposuerunt puluerem super caput suum. § OLYMPIOD. Iuxta historiam lugubris est habitus, captiuitati conueniens. Sed secundum sublimiorem intelligentiam, voluntarie inquit terrenas res suae ipsorum saluti praetulerunt. § Deduxerunt in terram principes virgines in Ierusalem. § OLYMPIOD. Deduxerunt ad terrenas actiones, ipsas synagogas, vel etiam animas, quae saluari poterant.

TOD. V. V. L. G. A. T. A.

Sederunt in terra, conticuerunt senes filiae Sion; consperserunt cinere capita sua, accincti sunt cilicijs. Abiecerunt in terram capita sua virgines Ierusalem.

SENES populi Sion qui prius ad iudicandum sedere in solijs consueuerant, dignitate iudicandi adempta, sederunt in terra, & dolore defixi tacuerunt; & veste mutata lugentium habitu, de dignitatis obliti, & humanae condicionis memores, consperserunt cinere capita sua: tristisque illo saccino cilicioque cinctorio ad carnem praecincti sunt. & hi quidem vt in luctu virilem dignitatem aliqua ex parte seruarent cinere capitibus imposuerunt, at virgines miserabili specie sparsis crinibus in terrā capita abiecerunt, & in puluere volutauerunt. § Sederunt in terra, conticuerunt senes filiae Sion. § Aliqui volunt his verbis id aperte dici, quod figurate dictum est in superioribus, § Defixae sunt in terra portae eius; § quia cum senes, qui in portis ciuitatis sedere soliti erant imponent cinerem capiti suo, ipsae quodammodo portae defixae in terra videbantur. Sedere autem luctui aptius est, quam stare; vnde Esaias cap. 47. § Sede tacens, & intra in tenebras filia Chaldaeorum, quia non vocaberis ultra Domina regnorum; § aut

sessio in terra deiectionē, & status dignitatisq; pristinae amissionem significat, vt in eodem capite Esaias, & Descende, sede in puluere Virgo filia Babylon. Sede in terra, non est solum filiae Chaldaeorum. & Accincti sunt cilicijs; & Cilicium videtur saccinum fuisse cinctorium, seu *ἡζώνη*, quo ad carnē accingebantur. inde saepe adiungitur verbum accingendi.

CAPH.

L X X.

*Defecerunt in lacrymis oculi mei, conturbatum est cor meum:
effusa est in terram gloria mea, super contritionem filiae
populi mei, cum deficeret paruulus & lactens in plateis ciuitatis.*

2. Cor. 11.

Psal. 3.

ORIGENIS. Gloriam suam vocat propheta populum Dei & patriae pietatem. paruulorum porto defectionem famae efficiebat. Dici autem sublimiori sensu potest, illum suorum secundum carnem cognatorum mala sua putare, iuxta illud, quis infirmatur, & ego non infirmor? calamitates, quae illorum animis acciderunt, in se suscipientem, scientiae nempe verae iam marcescentis languorem, perturbatam rationis ad res terrenas proiectae corruptionem, gloriae quae exaltantis caput priuationem, iuxta illud, Tu autem Domine susceptor meus es, gloria mea & exaltans caput meum. & Cum deficeret paruulus & lactens. **I**NCRETI. Lac est illa secundum pietatem doctrina. qua inhibita, nihil mirum si qui illa alebantur deficiunt. & In plateis ciuitatis. **O**LYMPIOD. Non enim a Gentilibus impedita pietas est, sed a nothis filiis corrupti sunt.

CAPH.

VVLGATA.

Defecerunt prae lacrymis oculi mei, conturbata sunt viscera mea, effusum est in terra iecur meum, super contritione filiae populi mei, cum deficeret paruulus & lactens in plateis oppidis.

DEFECERVNT atque consumpti sunt viscerum defluentium oculi mei, & interiora mea tamquam ahenū efferuescens & aestuans ex vi doloris ebullierunt, atque turbata sunt, & lacrymis exundauerunt: quin etiam iecur ipsum, quali

quasi vas aliquod ab igne seruidum effudit in terram humorē rotum, & lacrymis quodammodo felleis in terram defluentibus exhaustum est, super contritione plagaeque coetus populi mei, cui confectioni medicinam nullam esse video, cum paruulos grandiuiculos, & lactentes minuscuros, quibus alendis vel exiguae cibi scintillae fatiserant, & quorum aetas cibo saepius suppeditato indigebat, prae ciborum inopia famisque malo deficerent, & miserrime animam traherent.

Defecerunt prae lacrymis oculi mei. Affectu maximo deflet malum famis, adeo ut omnia interiora sua, tamquam ollā effretuscescerem, prae doloris aestu ebullisse & conturbata esse dicat, nam verbum חרש est conturbari quasi aestuā alienū, ac bulliens. Effusum est in terra iecur meū. iecur dixit, quod in Iob. 16. dictum est כרתי. ubi LXX. transtulerunt, ἡ ἰσχὺς αἵματός μου, & effuderunt in terram sel meum. hoc est vas & conceptaculum fellis; ex quo effusas esse tamquam felleas lacrymas per summum dolorem intelligit, ex imo iecore quasi redundantes. Super contritione. Contritionem appellat ex casu lapsuue aliquo, aut ex infecta plaga confectione. intelligit autem eadem populi, & famis malum. Cum deficeret paruulus & lactens in plateis oppidi. deficeret, quasi animā ageret, anhelaret, atque animae deliquium pateretur. quod genus mortis ex fame miserrimum est. In plateis, autē dixit, respiciens ad consuetudinem puerorum in plateis ludentium, aut quia foris quaerebant cibum, qui domi nō erat. ut saltem aliunde suppeditato alerentur, qui de suo nihil habebant. de quo famis incommodo dicit Ieremias prophetiae suae capite 9. Ingressa est mors domos nostras, disperdere paruulos de foris, iuuenes de plateis.

LAMED.

L X X.

Matribus suis dixerunt: ubi est triticum & vinum? cum deficerent quasi vulnerati in plateis ciuitatis, cum effunderent animas suas in sinum matrum suarum.

OLYMPIODORI. Peccatrices animae ipsis Ecclesijs dixerunt; Vbi est mysterij libera perceptio? haec dicunt, ut quae nimis dignae mysterijs censerentur, propter admissa peccata.

peccata. § Cum deficerēt quasi vulnerati in plateis ciuitatis. §
 EIVSDEM. Qui erant adhuc sub peccati mortisque potestate. § Cum effunderent animas suas in sinum matrum suarum. §
 OLYMPIOD. Quamuis in sinu matrum continerentur, adhuc
 tamen fame doctrinae deficiunt.

LAMED.

V V L G A T A.

*Matribus suis dixerunt, ubi est triticum & vinum? cum
 deficerent quasi vulnerati in plateis ciuitatis, cum exhi-
 larent animas suas in sinum matrum suarum.*

NAM quis sine lacrymis spectaculum illud videret, pue-
 ros iā grandiusculos non ab alienis, sed a matribus, non
 delicatum, & qui difficile parari posset cibum, sed triticum &
 vinum petentes, neque in satietate, sed cum prae fame defice-
 rent, quasi vulnerati non ferro sed famis gladio in plateis ci-
 uitatis; lactentes vero exhalantes animas suas in sinum matrū
 suarum, quibus prae inedia lac vberibus ad eos lactandos non
 suppetebat.

§ Matribus suis dixerunt. § Maximam famis calamitatem de-
 plorat, eiusque lamentabilem imaginem ante oculos ponit.
 § Vbi est triticum & vinum? potest haec tamquam petitio pa-
 nis intelligi iuxta illud, quod cap. 4. legitur, § Paruuli petie-
 runt panem, & non erat, qui frangeret eis, § potest etiam vox
 esse querentium ex illa priori tritici viniq; copia in qua edu-
 cati & aliti essent, ad quantam inopiam deuenerint. quo abiecti
 inquirunt illa rerum omnium ad victum necessariarum abundan-
 tia? memoria namque felicitatis praeteritae mali praesentis
 dolorem auget. § In plateis ciuitatis. § Paruulis qui iuxta
 Hebraicae linguae proprietatem, a ludēdo dicti sunt, apte
 plateae ciuitatis conueniunt. iuxta illud, quod apud hunc
 eundem prophetam est, cap. 9. § Ascendit mors per fenestras
 nostras, ingressa est domos nostras, disperdere paruulos de for-
 ris, iuuenes de plateis. §

MEM.

MEM.

L X X.

Quid testificabor tibi, aut quid assimilabo tibi filia Ierusalem? quus saluabit & consolabitur te Virgo filia Sion? quoniam magnificatum est poculum contritionis tuae, quis medebitur tui?

ORIGENIS: Summam improbitatem significauit, quae nullum virtutis testimonium haberet, neque vllius delinquentis peccato similis esset. quod enim peccatum simile illius, qui longe est a Deo, & qui postea quam accessit, relictus abscessit? Si enim non venissem inquit & loquutus eis fuisset, peccatum non haberent. & ideo inquit, & in ijs qui accedunt ad me sanctificabor. & nam, & qui nescit voluntatem Domini, & non facit illam, plagis vapulabit paucis. qui vero scit, & non facit illam, plagis vapulabit multis. & Morbus igitur adeo magnus quem prophetae curare non potuerunt, solo Deo curante indiget. Itaque Esaias contempsit prophetas, qui infirmitatem suam fatebantur, in illis verbis, Domine quis credit auditui nostro? Dicebat etiam antea Ierusalem, & videte si est dolor sicut dolor meus. & idem ergo qui percussit sanabit. ipse enim dolor efficit, & sanitati restituit: nam verbum hoc, Quis, & de eo quod rarum & de eo quod nusquam est, accipitur. neque enim hominum quisquam curare potest plagam, quae a Deo infertur. Quid testificabor tibi? **OLYMP.** Cuiusnam boni tibi testis ero? Aut quid assimilabo tibi filia Ierusalem? **OLYMP.** Quodnam peccatum cum tuo conferam? vere enim omnia peccata superat illa ipsius Domini caedes. Quoniam magnificatum est poculum contritionis tuae. **EIVSDEM.** Vin dicta peccati tui. Quis medebitur tui? **EIVSDEM.** Hoc est nemo, nisi solus Deus.

Ioan. 15.

Leuit. 10.

Lucas 12.

Esa. 53.

Lament. 3.

MEM.

V V L G A T A.

Cui comparabo te, vel cui assimilabo te filia Ierusalem? cui exaequabo te & consolabor te Virgo filia Sion? magna est enim velut mare contritio tua; quis medebitur tui?

IN leuandis alterius malis caput illud est, ut afflicto remedium aliquod adhibeatur, quod ad malum illud auferendum

dum vtile sit: vbi id obtineri non potest, sequens cura est consolationem aliquam asserre; cuius adhibendae illa ratio est, exemplo aliquo casuque simili commemorato qui alteri acciderit, lenire dolorem; nam illa in iisdem malis societas non nihil de doloris magnitudine minuere videtur. ac primum quidem remedium praestare, quo haec tua mala corrigantur, maius est quam vt a me possit asferri. neq; vero altera ratio de simili exemplo leuandi dolorem facilis est: nam quod exempli proferam tibi tuisq; cladibus aequale, aut simile filia congregatioq; Ierusalem? cum contritio, dolor, plagaq; tua magna sit sicut mare, quod latissimū est, atq; profundum, adeo vt exhauriri minime possit: neq; eiusmodi est vulnus tuum, vt medela aliqua consolationis illi subueniri & coerceri queat, & tamquam orationis quibusdam lineis circumpositis alligari.

§ Magna est velut mare contritio tua. § Sicut mare quod latissimum est & coerceri nō potest, ita dolor tuus, quae contritio & plaga cordis est, medicamentis consolationis tamquā alligaturis quibusdam adstringi cohiberiq; non potest: nam similitudo maris assumpta est, vt quod adeo magnū sit, vt contineri includiq; non possit. LXX. vero non eandem vocem legerunt in Hebraeo, sed aliam similibus licet litteris. nam quod B. Hieronymus in suo codice legit, *כַּד*, § sicut mare, § vt etiam nunc in Hebraeis codicibus legitur, hoc illi in suis legerunt, *כַּד* calicem. itaq; transtulerunt, *ἡ μαλακία τοῦ ποτίειν σου τοῦ βῆσι σου*. § magnum fuit poculum contritionis tuae: § figura dicendi scripturis consueta, qua mensuram paenarum a Deo irrogatarum calicis nomine significare solent. magna mensura plagarum tuarum fuit, immodice flagellata caecaque es. grandi calice diuinam iram vindictamque bibisti.

NVN.

L X X.

Prophetæ tui viderunt tibi vana & stultitiam, & non reuelarunt super iniquitatem tuam, ad reducendam captiuitatem tuam; & viderunt tibi assumptiones falsas & eiectiones.

ORGANIS. Prophetia stulta illa est quae non habet exitum, & quam stulta idola comparant; & a se ipsis quidā prophete

prophetabant scilicet pro pugillo hordei, & fragmēto panis, ut scriptum est: qui nesciunt peccatum arguere, & a captiuitate daemonū eripere, cum per dulces sermones animas peruertant. Atque ut veracium prophetarum assumptio & verbū quod ex Deo accipiunt, verum est, Deoq; coniungit, sic daemonum verbum, & falsum est, & a Deo seiungit, & ab illa Dei propensione repellit. quatenam vero sunt eiectiones non falsae ut ostēsum est, & assumptiones? illae nimirum, quae ab errore reijciunt, & ad Deum perducunt. § Et non reuelarunt su per iniquitatem tuam, § OLYMPIODORI. Non indicauerunt tibi, inquit, quod verum est, ut agnoscens te iniqua facere, conuertereris, & captiua non fieres. § Assumptiones falsas & eiectiones. § EIVSDEM. Prophetias falsas, & opiniones vanas, quae te a Deo eiciebant.

NVN.

VVLGATA.

Prophetae tui viderunt tibi falsa & stulta, nec aperiebant iniquitatem tuam, ut te ad paenitentiam prouocarent; viderunt autem tibi assumptiones falsas & eiectiones.

PROPHETAE tui quorum munus erat nascentibus tuis malis medicinam adhibere, neque eosque morbos incuratos relinquere, dum insanabiles fierent; viderunt atque prophetauerunt tibi falsas stultasq; prophetias, pollicentes peccatoribus impunitatem & pacem, bonoque animo esse iubentes, secunda omnia, & pro voto illis euentura mentientes, & loquentes placentia. neque peccata tua detegebant & arguebant, paenamque illis debitam significabant, ut te a peccatis reuocarent, & ad paenitentiam conuerterent, & ad Deum, a quo auersa eras adducerent. Sed prophetias falsas & visiones mendaces tibi viderunt, & oracula quae non tam erigerent animos, quam in ruinam & interitum impellerent, teque de terra tua eijcerent.

§ Viderunt tibi falsa & stulta. § Quod in Hebraeo est חַנָּה, id LXX. *ἀσπερίδιον* dixerunt: pro quo B. Hieronymus transtulit, § stulta. § Hebraea vox linimentum ac tectorium significare videtur infirmum, quod facile cadit propterea quod non mi-
 L turam .

Ezech. 13.

curam constringat, & contineat. trāsfertur autem figurate ad lenia verba prophetarum significanda, quibus fauorem vulgi captabant; quae mollia blandaque erant, neque solidi quidquam, & ad continendas adstringendasque auditorum mentes habebant, sed illas defluere sinebant. de quo genere prophetarum dicit Ezechiel cap. 13. § deceperunt populum meū dicentes, pax & non est pax: & ipse aedificabat parietem, illi autem lineabant cum luto absque paleis. § Ex quibus verbis discimus qualis esse verus propheta & praedicator debeat: verbaq; eius non fluxa & mollia, & placētia, ad audientiū sensum, & voluptatem aurium composita, sed falsa nonnunquam esse debere, & reprehensionū sale condita, quo fluxa auditorū vitia, & ad putredinē tabescentia constringantur. Videnti autem verbum proprium est prophetarum, vnde & videntes vocabantur, quod species aliquas viderent secum loquentis personae & futura praedicentis. § Vt te ad paenitentiam prouocarent. § In Hebraeo est, vt reducerent captiuitatem tuam: sensum vero latinus expressit. nam illa vere captiuitas est, cum peccatis ac vitijs addicti seruimus. itaq; ad hūc sensum LXX. cum veram captiuitatem atq; seruitutem esse peccata intelligerent, in Deuteronomio cap. 30. quod noster interpres dixit, § Reducet te Dominus Deus tuus de captiuitate tua, § illi vltulerunt, *ידורתי ויעורתי רבים אμαρτίας σου*, sanabit Dominus peccata tua. fatuam vero illam & stultam verborum lenitatem id efficere, vt in peccatis auditores perseuerent, & a vitijs Deiq; auersione minime conuertātur, dicit Ieremias in prophetiae suae cap. 23. § Et in prophetis Samariae vidi fatuitatem. prophetabant in Baal, & decipiebant populum meum Israel. & in prophetis Ierusalem vidi similitudinem adulterantium, & iter mendacij: & confortauerunt manus pessimorum, vt non conuerterentur vnusquisque a malitia sua. § Viderunt autem tibi assumptiones falsas & eiectiones. § Assumptiones, prophetiae sunt, & oracula. dictae sunt autem assumptiones, quod Prophetae quasi leuarent vocem, cum eas proferrent in publicum: vade saepe legimus assumere planctum, sumere parabolam. Aut assumptiones falsae dictae sunt, quia assumebāt nomen Domini in vano, dicentes haec dicit Dominus, cū Dominus

Ierem. 23.

minus

minus non loquutus esset. Sed quia ambiguum verbum est in Hebraeo, & significat etiam elationem seu subleuationem; ad hanc secundam significationem respiciens propheta ex ambiguo subiūgit, quali per *improbatum* corrigens, & eiectiones. hoc est impulsiones, & deiectiones. Viderunt tibi non tam assumptiones & elationes, quam impulsiones, & deiectiones; illis credendo impulsa es, & de tuo statu ac dignitate & loco deiecta. Sic dixit in psalmo 61. Dauid. Verumtamen pretium meū hoc est dignitatem & sublimitatē meam cogitauerunt repellere. Aut eiectiones quibus de tua terra eijcereris, & in alienas oras captiua migrares. Nonnulli, & eiectiones, interpretantur, quibus a Deo eijcereris & repellereris.

SAMECH. L X X.

Plauserunt super te manibus omnes transeuntes per viam: sibilauerunt, & mouerunt caput suum super filiam Ierusalem: haecine est vrbs dicent, corona laetitiae vniuersae terrae?

O L Y M P I O N. Iuxta historiam, qui ruinas templi intuebantur, stupentes plaudunt manibus, & sibilant mouendo caput. iuxta interiorem sensum, homines impij, qui extra viā pietatis ambulant, aut etiam impuri daemones haec faciunt, laetantes de eorum casu, qui pridem virtute praediti erant. Haecine est vrbs dicent corona laetitiae? E I V S D E M. De templo, propter illius nomen vbique celebratum: de anima vero dicent, haecine illa est, quae virtutis nomine perfecta, & illustris dicebatur?

SAMECH. V V L G A T A.

Plauserunt super te manibus omnes transeuntes per viam: sibilauerunt, & mouerunt capita sua super filiam Ierusalem: haecine est vrbs dicentes, perfecti decoris, gaudium vniuersae terrae?

Q V I per viam transibant, & tuas ruinas glademque videbant, quamvis aliud agerent, & alio properarent, tamen cum tuam magnitudinem ac nomen accepissent, & de tanta sublimitate cecidisse viderent, rei nouitate ac miraculo

L 2 commo-

commoti simul & casum tuum dolentēs, & admirantes facere non potuerunt, quin comploſis manibus dolorem admiratiōnemq; teſtarentur, ſibilaerunt etiam, & mouerunt caput ad doloris indicium; cumq; dirutae vr̄bis faciem lamentabilem, longeque a priori ſtatu diuerſam cernerent, vix tantam commutationem in vr̄be tam nobili credibilē putantes dixerunt, haecine eſt vr̄bs illa, omnibus rebus, quae ad decorem faciunt inſtructa, adeo pulchra, vt gaudium & deliciae vniuerſae terrae & eſſet, & vocaretur?

§ Plauſerunt ſuper te manibus. § Plauſus manuum & ſibilus cum commotione capitis, doloris ſigna ſunt cum admiratione coniuncti; multa ſunt in ſcripturis exempla. ſed vnum ſatis erit, quod eſt in Ieremiā prophetiae ſuae cap. 18. § Vt fieret terra eorum in deſolationem; & in ſibulum ſempiternum: omnis qui pētranſerit per eam, obſtupescet, & mouebit caput ſuum. § vt qui terram quondam nobiliſſimam in ruinis iacere conſpexerint, admirētur & ſtupeant, & animi percuſſionem geſtu corporis indicent. § Perſecti decoris. § hoc nomine Ieruſalem appellabant, vt pſalmo 49. § Ex Sion ſpecies decoris eius: § gaudium etiam vniuerſae terrae, vt pſalmo 47. § fundatur exultatione vniuerſae terrae mons Sion. § praecipuus autem decor eius vr̄bis ac decus templum ipſum erat, mirabili pulchritudine extructum, venerationis maiestatisq; diuinæ plenum.

PHE.

L X X.

Aperuerunt ſuper te os ſuum omnes inimici tui; ſibilaerunt, & fremuerunt dentibus, & dixerunt, abſorbimus eam: certe haec eſt dies, quam expeſtabamus, inuenimus eam, vidimus.

1. Petri 7.

O RIGENS. Aduerſarius enim noſter diabolus circuit rūgiens, quaerens quem deuoret, & tamquam ſerpens in noſ mittit ſibilos. ceterum auertat illud Deus; ne de nobis dicat, deuorauī: neq; diem in nobis aſſequatur, quem ſol vr̄s efficit. dictum eſt enim § per diem ſol non vr̄et te, § libidine namque atque ira comburit, erroremque nobis quaſi lucem & ſcientiam exhibet. pſallentes igitur dicemus, § Niſi quia Dominus.

Pſal. 120.

Pſal. 123.

minus erat in nobis, forte viuos deglutissent nos; } & illud,
 } Lucerna vero impiorum extinguetur. } } Sibilauerunt. } Prouer. 13.
 OLYMPIOD. More serpentum aggressi sunt: Sibilus enim ser-
 pentum est. } Certe haec est dies, quā expectabamus. } Eius-
 dem. Illa ex peccatis perturbatio atque confusio. expecta-
 batur aut em praedicente Deo, & peccatoribus comminante.
 THE. VVLGATA.

*Aperuerunt super te os suum omnes inimici tui; sibilau-
 runt, & fremuerunt dentibus suis, & dixerunt, deuora-
 uimus: En ista est dies quam expectabamus, inueni-
 mus, vidimus.*

T AMQVAM ferae belluae deuorare cupientes aperuerūt
 super te os suum omnes inimici tui, & quasi serpentes
 & dracones sibilauerunt, tamquam rapaces leones fremuerūt
 dentibus. neque vero voluntatem solam perdendi te habue-
 runt, sed quod cupiebant etiam perfecerunt, & sui desiderij
 se compotes factos esse gloriati sunt.

} Aperuerunt super te os suum. } Nonnulli sic accipiunt, glo-
 riati sunt aduersus te, tibi insultantes, te contemnentes, & de
 se magnifica iactantes. Sed aperire os super aliquem illo po-
 tius modo in scriptura reperitur, vt psalmo 21. } Aperue-

PSAL. 21.

runt super me os suum, sicut leo rapiens, & rugiens. } & ver-
 ba quae sequuntur id satis ostendunt, } dixerunt, deuora-
 uimus. } Hanc eandem dicendi figuram de hac re eadem
 loquens in prophetia sua Ieremias tenuit, cap. 51. } Come-
 dit me, deuorauit me Nabuchodonosor Rex Babylonis, red-
 didit me quasi vas inane, absorbuit me quasi draco, imple-
 uit ventrem suum teneritudine mea. } } Inuenimus, vidi-
 mus. }

Ierem. 51.

Inuenire in scripturis significare solet consequi, com-
 potem alicuius rei fieri, vt Prouerb. cap. 17. } Eruditus in ver-
 bo inueniet bona. } & 19. } Custos prudentiae inueniet bona. }
 Idem fere est, videre, vt illud in psalmo 33. } Quis est homo,
 qui vult vitam, diligit dies videre bonos &

Prouer. 17.

Prouer. 19.

PSAL. 33.

AIN.

AIN.

L X X.

*Fecit Dominus, quae cogitauit, compleuit verbum suum
quae praeceperat a diebus antiquis: destruxit & non
pepercit, & laetificauit super te inimicum, exaltauit cor-
nus tribulantium te.*

Ierem. 40.

ORIGENIS. Nihil inquit ex se fecerunt hostes: Deo
namque visum est ac factum. Itaq; etiam Nabuzardan
dixit, & Dominus Deus tuus loquutus est mala haec aduersus
locum hunc, & adduxit Dominus quia peccastis ipsi. & quisquis
ergo non credit iudicium, haec verba audicurus est. Omnes ex
go prophetae haec praedicebant, a diebus etiã antiquis Moy-
ses in Deuteronomio ista, praenuntiauit. & Fecit Dominus
quae cogitauit. & OLYMPIOD. Iuste iudicauit. & Compleuit
sermonem suum. & EIVSDEM. Ad finem perduxit antiqua sua
iudicia, in peccatis minime silendo. quamuis etiam per Moy-
sen contestatus sit Israelitis.

AIN.

V V L G A T A.

*Fecit Dominus quae cogitauit, compleuit sermonem suum
quem praeceperat a diebus antiquis: destruxit & non
pepercit, & laetificauit super te inimicum, & exaltauit
cornu inimicorum tuorum.*

QUAE longe ante in secreto prouidentiae suae cogita-
uerat Deus, & priscis patrum nostrorum temporibus
ad deterrendos a sceleribus animos minatus per Moysen, atq;
Prophetas suos fuerat, fore vt si non seruarent filij Israel eius
praecepta & testimonia, grauissimas de illis paenas sumeret;
posteaquam illi patientia illius, atque sustinentia longi tem-
poris abusi sunt, cum nulla esset conuersio, & diuitias bonita-
tis eius & patientiae & longanimitatis contemneret, tandem
fecit & re ipsa exhibuit, vt se facturum esse praedixerat: & fir-
missima illa ac speciosissima non murorum tantum ac turrium,
sed etiam hominum aedificia destruxit, ac dissipauit, adeo vt
non lapides modo euerfis muris, sed cognationes etiam & fa-
miliae quae sanguinis ac generis inter se coniunctione deuin-
ctae ac structae quodammodo erant, vel dispergerentur per
captiui-

captiuitatem, vel caedibus dirutae iacerent; neque aut aetati aut pulchritudini pepercit, sed inimicis tuis de tuo excidio laetitiam attulit; & cornu vires potentiam hostium tuorum exaltauit, vel vt vincerent, & tamquam belluae te cornu ferirent, vel vt de suis viribus atq; victoria gloriarentur, quae res tibi iam victae dolorem auget, cum hostis etiā contra victā iacentemq; inimicam, & humi prostratā insultans erigeretur. § Compleuit sermonem suum, quem praeceperat a diebus antiquis. § Leuitici caput 16. paene totum eiusmodi comminationibus plenum est, Deuteronomij item caput 28. & in cantico Moyli multa sunt eodem pertinentia, vt illa, § Ignis succensus est in furore meo, § & quae sequuntur. notandumque est, quanta sit Dei ad vlciscendum patientia; prius cogitasse illum dicit, deinde comminatum esse per Moysen, & prophetas, postremo fecisse quod cogitarat, & comminatus fuerat: lento namque gradu ad vindictam Deus progreditur, dans locum paenitentiae. § quem praeceperat § autem dixit, cum dicendum potius fuisse videatur, quem comminatus fuerat. Sed praeceperat idem valet quod mandauerat, legauerat, missis a se prophetis vt edicerent iusserat. § Destruxit & non pepercit. § Destruere de muris & aedificijs dicitur; Aut igitur de templi & moenium ac turrium destructione loquitur, aut hominum, quorum cognatio & successio ac familiae sic coniunctae sunt, vt in aedificio lapides. Itaq; generis dilatio apud Hebraeos aedificatio dicitur. Vnde illa loquendi forma in sacris litteris, § aedificauit obstetricibus domos, § & de Lia & Rachel in libro Ruth, § quae aedificauerunt domum Israel. §

TSADÉ. L X X.

Deut. 32.

Exod. 17.

Ruth 4.

Clamauit cor eorum ad Dominum: muri Sion deducite quasi torrentes lacrymas per diem, & noctem: non des requiem seu euigilationem tibi; neque taceat pupilla oculorum suorum.

ORIGENIS. Nonnunquam scriptura sermones affectibus plenos fingit, & sensu carentibus tribuit sensum. exilientes itaque colles inducit, & montes exultantes, & colles ac lapides testes aduocat, quod in hoc loco non potest, cū ab ho-

Psal. 113.

Supra hoc
eodem ca-
pitulo littera
Heth.

ab hostibus murus destructus esset. Murus igitur hoc loco Rex est & principes, & quicumque ciuitatem viribus muniabant: quos orat, vt iuges paenitentiae lacrymas fundant. quas lacrymas murus collapsus intuentibus iugiter conciliat, hae inquit ipsius muri sunt. Vide autem ne rursus maiorem illum quondam eam custodientis virtutis indicet, per hyperbolen id significans. In tribulatione vero inquit recordati sunt Domini ex toto corde. Hoc igitur facite inquit, nocte dieque lacrymas fundite, & in cubilibus vestris compungimini: neque cessationem a lacrymis, euigilationem putetis: nam paenitentia ad salutem est: at vero is euigilat, nō qui a bonis, sed qui a malis cessat. Animo vero semper cum Christo coniungere, vt te tamquam pupillam oculi custodiat, & tibi pro muro sit.

YSADE.

V V L G A T A.

*Clamauit cor eorum ad Dominum super muros filiae Sion.
Deduc quasi torrentem lacrymas per diem & noctem,
non des requiem tibi, neque taceat pupilla oculi tui.*

PRae dolore atq; afflictione cordis clamauerunt ad Dominum ciues Ierusalem, cum muros illius vrbis dirutos & euersos viderent; o filia congregatioque ciuitatis Sion iugiter die noctuque lacrymas mitte non exiguas, sed torrentis modo profluentes: neque defatigata a fletu cesses & quiescas a lacrymis, sed illas tamquam semper ad dolorem recens instaura, neque vniquam eas intermittat pupilla, quae intima est pars oculi tui.

§ Clamauit cor eorum ad Dominū. § quasi non leuiter & perfunctorie, sed maximo & intentissimo studio; ex intima parte corporis iacimū animi affectum, vel dolorem intelligens. Qui autem clamarint, vel quorum cor clamarit, nō expressum est: ideoque nonnulli etiam ex Hebraeis intelligunt hostes Sion & Ierusalem clamasse aduersus Dominum, impotentiam illi & infirmitatem obijcientes, quasi deditam sibi ciuitatem ab illorum armis vindicare nequiverit: sed haec expositio nisi fallor cum latina versione cohaerere non potest; aliud enim est ad Dominum clamare, aliud aduersus Dominū: cogimur itaq; clamorem

clamorem hunc in Iudaeis ipsis intelligere, qui ex intimo dolore cordis ad Dominum clamauerint, eiusque opem & auxilium implorant. § Deduc quasi torrentem lacrymas. § Et in Hebraico textu & in graeco haec verba ad murum diriguntur, quasi sentientem; mure inquit filiae Sion, deduc quasi torrentem lacrymas; nam quia ipsi pro praesentis mali magnitudine digne flere non possumus, tu cui ne fatigeris flendo periculum non est, assidue lacrymas funde. In latina vero editione ad filiam Sion sermo conuertitur, quam iugiter flere, & a lacrymis non desistere iubet. quam sententiam verba quae sequuntur confirmare videtur, quae sine dubio ad filiam Sion diriguntur.

COPH.

L X X.

Surge exercere in nocte, in principijs vigiliae tuae: effunde sicut aquam cor tuum, ante faciem Domini: leua ad eum manus tuas pro anima paruulorum tuorum, qui dissoluantur fame in principio omnium compitorum.

Origenes legit *ad dñm* *genem* quod latinus psal morum interpretes sollet vertere, exercere.

ORIGENIS. Ad attentionem animaduersionemque noxia apta est, cū in se conuertatur anima sensibus quiescentibus. Tum iubet meditari in mandatis Dei, & dicere cum Dauid, § nocte cum corde meo exercitabar, & scopebat spiritus meus. § Cum vero nox in quatuor vigilias diuisa sit, dic cum Dauid, § Anticipauerunt vigilias oculi mei: § & cum Abacuc, § in vigilia mea stabo, & prospiciam, quid loquatur in me Dominus Deus. § tunc namque dices, § loquetur pacem in plebe suam. § Exercere igitur in nocte praesentis saeculi; non enim est tibi colluctatio aduersus carnem & sanguinem, sed aduersus principes & potestates, § nescis enim quādo Dominus domus veniat, sero an media nocte, an galli cantu, an mane; ne cum venerit repente inueniat vos dormientes: § ac rursum. Nam si scires qua vigilia fur veniret, vigilares utique, & non sineres perfodi domum tuam. **OLYMPIOD.** Excitare inquit, & tecum ipsa inquirens intellige, & praecoccupata principia vigiliae, hoc est ipsas iustificationes: id est exequere iustificationes, & placare Dominum. In nocte vero, propter hostium incursum inquit. § Effunde sicut aquam cor tuum. § **OLYMPIOD.**

Psal. 76.

Psal. 76.
Abacuc 2.

Psal. 84.

Ephes. 6.
Marci 13.

Lucas 12.

M

Magis

Magis magisque animi tui erga Deum alacritatem intende .
 { Qui dissoluuntur fame in principio omnium compitorum . }
 EIVSDEM . Qui dissoluuntur in principio cuiusque virtutis .
 Veluti , incepti aliquis verbi gratia eleemosynas facere : non
 habuit hortatorem atque doctorem ; ibidem stetit & dissolu-
 tus est . Alius continens esse coepit , & deinceps . nam progres-
 sione virtutis interrupta , in quo sunt ibi remanent , aut etiam
 regrediuntur fame dissoluti . { Leua ad eum manus tuas . }
 ORIGENIS . Per bonorum operum executionem : non exigua
 de re agitur , cum per inopiam diuini verbi paruuli tui defi-
 ciant , & stent in principio omnium platearum mandatorum
 Dei , neque progredi possint sine Dei cooperatione , & sine pa-
 ne illo qui cor confirmat .

COPH.

VVLGATA.

*Consurge lauda in nocte in principio vigiliarum ; effunde si-
 cut aquam cor tuum ante conspectum Domini : leua ad
 eum manus tuas pro anima paruulorum tuorum , qui
 defecerunt in fame in capite omnium compitorum .*

CONSURGE filia Sion , non negligenter ac remisse , sed ce-
 leriter nulla mora interposita , & dolor intimus negli-
 gentiae somnum excutiat : & Deo laudes cum precibus de-
 fer : & si quod a te peccatum est , vnde quod petis indigna sis ac-
 cipere , parentum laudes ac merita commemora , quorum re-
 cte facta magis ad Dei placationem obtinendam valeant , qua
 tua male facta ad iram illius producendam ; idque de nocte ,
 quum quieta sunt omnia , nec obstrepat quicquam : ne te tan-
 tum sopor opprimat , quin dolor exulcitet . neque vero id semel
 tantum in nocte fecisse sufficiat , per singulas vigilias id facito ;
 neque ad extremum vigiliarum aut noctis , sed in principio : vt
 non custodes ipsa cautio diligentiores faciat , quam te dolor .
 & cor tuum cordisque secretas & intimas curas prae doloris
 magnitudine & afflictione intima per gemitus & lacrymas
 velut conditam in vase aquam in oculis Domini effunde , &
 leua ad eum puras manus in oratione cor attollens , aut pre-
 ces quasi munus quoddam Deo gratissimum deferens : pro ani-
 ma paruulorum tuorum , qui sensim producta morte prae fa-
 mis

mis incommodo defecerunt; quorū aetas quanto famis impatientior erat, & pauciora vitae subsidia requirebat, tātō miserabilius, ne id quidē inuenire poterat, quo mortē depelleret: itaq; in capite omniū compitorum, in quibus antea pro aetatis illius cōsuetudine ludētes discurrebāt, nūc fame tabefacti defecerunt, cum cibū foris quaererent, qui domi nullus erat.

§ Lauda in nocte. § Laus nonnunquam pro oratione sumitur ac prece, vt in prophetiae suae hic idem propheta cap. 7. § Tu ergo noli orare pro populo hoc, nec assumes pro eis laudem & orationem, nec obstitas mihi, quia nō exaudiam te. § & fortasse ideo laus vocantur preces, quia in eis laus Dei coniuncta erat, aut praeclata maiorum facta commemorabatur, qui cum pie vixissent, Deumque perfecte coluissent, illorum pietati & iustitiae vt condonaret Deus posterorum peccata postulabant. ideoque quod beatus Hieronymus dixit, § nec assumes pro eis laudem § LXX. trāstulerunt, καὶ μὴ ἀξίς τῇ ὑμῶν δόλῳ αὐτοῦ, ne tamquam rem aequam postules vt eorum miserear, quia nempe filij sint Abraam, Isaac & Iacob, quibus pollicitus sum multiplicaturum eorum semen; quia e populo sint, quem mihi elegerim, propter quos signa atque portenta multa magnaue ediderim, quos de Aegypto in manu valida eduxerim, in deserto deduxerim & aluerim, ante quos fortissimas gentes strauerim. hae laudes sunt eius propter quas dignum est ijs veniam concedi, pro quibus tam multa tamque magna miracula fecerit. § In principio vigiliarum. § Non sic intelligendum puto, ac si dictum esset in prima vigilia, non in alijs vigilijs; sed in cuiusque vigiliae principio. quod declararunt

LXX. qui verterūt, αἱ ἀρχαὶ φυλακῆς σου, § in principijs vigiliae tuae. § Quaternas autem vigilias in singulas noctes fieri solitas dicunt, vnde in beati Matthaei Euangelio, quarta vigilia noctis legimus Iesum Dominum nostrum supra mare ambulantem ad iactatos procellis discipulos peruenisse; & in beati Marci Euangelio vigilare nos praecipit Dominus, cū nesciamus quando dominus domus veniat, sero an media nocte, an galli cantu, an mane. Hebraei porro tres esse vigilias putant, quibus fauere videtur Euangelium beati Lucae, § & si venerit in secunda vigilia & si in tertia vigilia venerit, & ita inue-

Ierem. 7.

Ierem. 7.

Matth. 14.

Marci 13.

Lucae 12:

Iudic. cap. 7

1. Reg. 1.

1. Reg. 7.

1. Maccab. 3.

Psal. 36.

1. Tim. 2.

Iliad. 2.

nerit, beati sunt serui illi. } nec non aliquantisper locus ille de libro Iudicum, capite septimo, in quo legimus vigiliam noctis mediam vt in Hebraico est. ceterum etli dissentire videantur euangelistae, cum Matthaeus & Marcus, quattuor vigilias numerent, Lucas vero tres, ita illorum dissensio conciliari facile poterit, si intellexerimus sero quod dicit beatus Matthaeus inter vigilias a beato Luca nō computari, quod potius ad extremam diei partem pertinere videatur. } Effunde sicut aquā cor tuum. } Quid sit cor effundere sicut aquam, variae sunt sententiae. nonnulli ad cordis deuotionem trahunt, quia cordis duritia per amorem ac deuotionem liquefcere videatur. Alij paenitentiam & humiliationem cordis his verbis significari dicunt. Alij munditiam & ablutionem a malis factis. ego puto effundere cor sicut aquam illum qui intimas cordis cogitationes per suspiria Deo reuelat, & quasi qui e vase profundit aquam, sic animi secreta gemitu magis & lacrymis, quam verbis prodit; sicut Anna dicit Regum primo, } Effudi animā meam in conspectu Domini. } In eius vero rei signum oraturi in tribulatione aliqua aquas effundebant, vt legitur primo Regum septimo. } Et conuenerunt in Maspha, haueruntq; aquā, & effuderunt in conspectu Domini, & ieiunauerunt in die illa. } quem locum Ionathas sic interpretatus est, & effuderunt cor eorum in paenitentia, tamquam aquam corā Domino. In primo vero Maccabaeorum capite tertio auctor eius libri cū ad hunc locum primi Regum respiceret, & quasi transferret, } Congregati sunt inquit & venerunt in Maspha contra Ierusalem, quia locus orationis erat in Maspha ante in Israel. } videtur ergo effundere cor sicut aquam orationem significare abdita cordis Deo reuelantem, iuxta illud, } Reuela Domino viam tuam & spera in eo. } } Leua ad eum manus tuas. } Hic habitus erat orantium, quem etiam Apostolus indicauit. } Vo lo viros in omni loco orare leuantes puras manus, } neq; apud Hebraeos solum, verum etiam apud Gentiles. inde Homerus Διὶ χεῖρας ἀνὰ χεῖρ. Hac autem specie testabantur, vel orationem tamquā munus Deo iucūdiūssimum offerre, vel cor petinde atque donum attollere, quemadmodum in huius libri capite tertio scriptum est, } Leuemus corda nostra cum manibus

bus

bus ad Dominum in caelis. } Qui mos letuandi manus in oratione ab Ecclesia quoque retentus est; in mysteriorum namq; celebratione sacerdos dum orat, attollit manus. } Qui defecerunt in fame. } Defectus hic significat animae deliquium cum producit mors, & frequenti tractu ac gemitu agitur anima.

RECHS.

L X X.

Vide Domine & considera quem vindemiaueris ita. si comedent mulieres fructum ventris sui? vindemiam fecit coquus; occidentur paruuli sugentes ubera. Si occides in sanctuario Domini sacerdotem & Prophetam?

ORIGENIS. Propheta monente, Ierusalem persuasa est; & dicit ad Deum, ne auertas faciem tuam a me, respice in me, & miserere mei: ne in furore tuo arguas me, neque in ira tua corripas me. maior est plaga, quam pro humana natura: sciome legem tuam violasse, & illius violatae esse poenis obnoxiam, inter quas illa est, } Comedes filios ventris tui, carnes filiorum tuorum & filiarum tuarum? putabam ultra minas illa verba non progredi. Cognoui Domine quod lex tua veritas: sed sacerdotis & Prophetae caedem inter haec non audiui. } Si comedent mulieres fructum ventris sui? **OLYMPIOD.** Praeter ea quae iuxta historiam acciderunt, intelligere etiam possumus, illas aduersus filios suos Ecclesiarum, incitationes. } Vindemiam fecit coquus. } **OLYMPIOD.** Dixerat Dominus non fuisse talem tribulationem, neque futuram. } Occidentur paruuli sugentes ubera. } **OLYMPIOD.** Assati sunt aut etiam elixi filij, quos in obsidione comederunt. Ad interiorum vero sensum, ille qui ab initio occidere cogitauit, praecipuas ac vitales virtutum partes, quae sunt medullae, irae subiecit.

Deut. 28.

Matth. 24.

RECHS.

V V L G A T A.

Vide Domine & considera, quem vindemiaueris ita. ergo ne comedent mulieres fructum suum, paruulos ad mensuram palmarum? Si occiditur in Sanctuario Domini sacerdos, & Propheta?

SI vmquam ultione iam reddita reuocasti, atque cohibuisti iram tuam, nunc certe aequū est, vt illam a nobis auer-

cas, posteaquam satis indignatio tua defaecuit. nam recordare Domine obsecro, & considera, quam nam gentem tam atrociter vindicaris, & ad avari vindemiatoris exemplum deuindemiaris, vt non modo grandiores botros quales maiores natu erant, sed etiam latentes exiguosque racemos, quales pueri erant, excideris. Ergo ne vmquam fando auditum est mulieres, qui sexus est ad misericordiam mollior, & quod maius est matres, quibus nihil est neque ad pietatem propensius, neque ad indulgentiam pronius, adeo efferatas esse famis rabie, vt paruulos quos ad vbera nutriebat, tantillos vt vix palmum excederent, discerperent ac laniarent, & in suum cibum verterent? An vmquam auditum est in sanctuario Domini, quo tamquam ad Asylum inuiolatum confugientibus parci solebat etiam fontibus, ibi innocentes occisos, immo vero ipsos quoque sacerdotes, ac prophetas, quos vel aspectu violare impium imprimis erat, caesos & interfectos?

¶ Paruulos ad mensuram palmae. § LXX. non *ομαρ* vt hodie *ομαρ* legerunt, quod nomen *μαρμερ*, seu lanium, seu coquū, significat: ideoque transfulerunt, *εμπυλνδα ιμισιν μαρμερ*, § racemum fecit coquus. § quod mihi praeclare dixisse videtur, vt a Nabuzardan coquorum principe vt scriptura refert, saepius illum populum racematum & reuindemiatum esse figurate & ex obliquo significarent. quos vero beatus Hieronymus dixit, § Paruulos ad mensuram palmae, § Hebraei lactentes interpretantur, aut fascijs inuolutos, aut qui in palmis maternis educantur. quam obrem in Graeca editione altera interpretatio adiecta mistaque est *φωδ. διονται νηπα. εν λαζοντα μαρμερ*, § interficientur infantes sugentes vbera. § quae duae eorundem verborum interpretationes ita mistae, confusaeque sunt, vt obscuritatem faciant legenti, demptis iam asteriscis, qui prius erant, quod in LXX. editione saepissime contingit. § Sacerdos & Propheta. § verisimile est sacerdotem aliquem & prophetam, aut plures etiam irruptione hostium in urbem ad sanctuarium confugisse, ibique a furente victore occisos, quam caedem hoc loco commemorat. Hebraei nonnulli de Zaccharia filio Ioiade dictum putant, qui a populo lapidatus est. vt

est. vt querelae illi de pueris ad mensuram palmae laniatis, tamquam obijciatur ac referatur ex aduerso caedes illa Zachariae sacerdotis ac prophetae impijssima. quid conquereris de pueris a matribus occisis, & in escam sumptis, cum tu iam pridem sanctum virum, eundemque sacerdotem & prophetam quod te de tuis peccatis argueret, in ipso templo interfeceris? Alij putant Zachariam quidem significari in his verbis, sed illum filium Addo prophetam, qui in templo sit occisus. quod in die propitiationis populum reprehenderit, quod quia nullo scripturae testimonio confirmant, vt leuiter dicitur, sic facile rejicitur.

CHSEN.

L X X.

Dormierunt in terra platearum paruulus & senex: Virgines meae & iuuenes mei abierunt in captiuitatem: in gladio & in fame occidisti in die irae tuae, multasti, non pepercisti.

ORIGENIS. Abiecti erant in terra omnes, qui per actatem ad labores impotentes erant. miserabile sane spectaculum, similiter atque iuuenum & virginum caedes. vtriusque & horum caedes fuisset, antequam ad acerbiores vitam abducerentur. Plateae vero terrae saecularia sunt negotia, in quibus dormierunt, quod non vigilarent, neque orarent, oculis animi ad peccatum atque stultitiam clausis. & quinam ij erant? siquidem non nisi paruuli fuissent, minus id mirum, nunc vero qui ante hos virtute praestare videbantur. & quicumque animo integro, & incorrupto, & fortes in bello erant, in hostium potestatem venerunt. sed tu tamquam bonus talem eorum vitam compesce, & illorum in malum consensum atque conspirationem disiunge. § Virgines meae, & iuuenes mei abierunt in captiuitatem. § OLYMPIODORI. Et qui in incorruptione, & qui in fortitudine vivebant, inquit, in peccati potestatem pertracti sunt. § In gladio. § EIVSDEM. In ipsius hostis potestate. § Et in fame. § EIVSDEM. Inopia verbi Domini.

CHSEN.

CHSEN.

V V L G A T A.

Iacuerunt in terra foris puer & senex: Virgines meae & iuuenes mei ceciderunt in gladio: interfecisti in die furoris tui, percussisti, nec misertus es.

NE QV A aetatis neque sexus vlla ratio habita est, sed simul puer & senex iacuerunt in terram prostrati, non domi, sed tamquam ignobilia cadauera foris & in plateis, inedia mortui, virgines vero, ac iuuenes gladio occisi; neq; vllum in cae de discrimen seruatum est, cum iram vltionemque in omnes sine vlllo discrimine exerceas, & perinde ac si oues escarum ad hoc ipsum seruatae mactarentur, sic interfecisti nec misertus es.

§ Iacuerunt; § iacendi verbum neglectum quendam despectionemq; notat, quasi temere sine vlla cura prostrati. § Percussisti. § נחם verbum proprie ad lanios pertinet; tamquam oues & boues sine vlllo respectu laniare, & caedere. inde LXX. transtulerunt *ימאזלם דמאזלם* lauiasti.

THAV.

L X X.

Vocasti tamquam in diem solennitatis paroecias meas in circuitu, & non fuit in die irae Domini, qui effugeret saluus, & qui relinqueretur. sicut confirmaui & multiplicauimus omnes inimicos meos.

ORIGENIS. Qui circa me per Iuda regiones habitabant, festum quo ad me concurrebatur perfugium putabant, inde salutem sperantes. e quibus nemo relictus est, ira tua in illos illata. nam peccatis suis facientibus, & multi & potentes facti sunt hostes. § Et non fuit in die irae Domini qui effugeret. § OLYMPIOD. Nisi enim quis in perfectum peccatum incidat, seuerae irae non traditur. § Sicut confirmaui & multiplicauimus omnes inimicos meos. § OLYMPIOD. Ad litteram quidem inquit, cum in peccato confirmata essem, effeci ut aduersus me multitudinem hostium induceres: ad interiorum sensum, vapulaui inquit & multiplicauimus mores inimicos.

THAV.

THAV.

V V L G A T A.

*Vocasti quasi ad diem solennem, qui terrent me de circuitu,
& non fuit in die iroris Domini, qui effugeret & relin-
queretur. quos educaui & enutriui, inimicus meus con-
sumpsit eos.*

VOCASTI tamquam ad diem festum, denuntiasti atque condixisti statum, certumque tempus, tamquam solennitatem, ad quod conuenirent non qui adoraturi essent ac festum diem celebraturi, sed hostes mei, qui me de circuitu terrent & obsidione cingerent: neque vllus e meis ciuibz fuit, qui manus hostium aut effugeret, aut reliquus fieret, nam omnes aut occisi, aut captiui facti sunt: pueros quos maxima cura in manibus tenui, & ad vbera admotos educaui, & enutriui atque ad magnitudinem iustam perduxi, inimicus hostisq; meus partim fame, partim gladio consumpsit.

§ Vocasti. § apte hoc verbo vsus est. nam quicquid boni malive accidit, illius nutu atque imperio, quasi vocatum venit. sic de fame dixit David psalmo 104. § & vocauit famem super terram. § Qui terrent me de circuitu. § Hostes hac circumlocutione indicat vndique obsidentes, aut vndique conuenientes, quasi ad statum conditumque tempus, vt in prophetia huius ipsius prophetae scriptum est, § Ecce ego conuoco omnes nationes regnorum Aquilonis dicit Dominus. § LXX. transtulerunt, παροιίας μου παντα. § paroecias meas vndique. § paroeciae autem, vel inimicarum gentium intelligi possunt, quales Idumaei erant, Moabitae & Ammonitae Iudaeis semper insens; vel Israelitarum circa Ierusalem habitantium, qui cum ex agris ac villis & oppidis in praecipuam ciuitatem hostis metu confugissent atque conuenissent, omnes pariter obfessi, occisi aut capti sunt, ne vno quidem relicto. § Quos educaui. § educatio proprie hoc loco ad infantes pertinet, quos mater in manibus tenens lacte nutrit, ac fouet. LXX. dixerūt, οὐκ ἐν κρημένῳ, § quos continui, § scilicet vel palmis ac manibus, vel fascijs adstringendo. § Et enutriui. § ad incrementum magnitudinemque perduxī. LXX. ἐν ἰδῶμα, quos impleui.

N

THRE.

THRENORVM IEREMIAE

I V X T A L X X.

CAPVT III.

ALEPH.

Ego vir ille videns paupertatem in virga furoris eius super me. Accepit me & abduxit me in tenebras & non lucem. Tantum in me conuertit manum suam tota die.



RIGENS. Graues casus prophetae acciderunt & antequam ciuitas caperetur, & posteaquam capta est. ideo ordinem alium elementorum incipiens seipsum luget, paupertatem vidēs & solitudinem ciuitatis propter correptionem

Jerem. 20.

Psal. 43.

Psal. 54.

Psal. 87.

Psal. 55.

Domini, & se nihilominus ad bonorum inopiam redactum cum simul in discrimen venisset dum hos arguit, eousq; vt diceret assidue mihi subsannant tota die; simul communibus asperorum casuum calamitatibus inuolueretur, & ex commiseratione doleret. dicit etiā iuxta illud Dauidicum, § *umbra mortis obumbravit me.* § si quando enim videtur paululum molestijs inferendis indutias fecisse, denuo recurrit, poenasq; continuat. § *In virga furoris eius super me.* § **OLYMPIOD.** Ex persona Domini iuxta illud quod dictum est, § *Super me confirmatus est furor tuus.* § Ex persona vero Prophetae, Aduersarius ille Diabolus, inquit, virga furoris sui in me vsus est, ad peccatum conuertendo. Vnde etiam accipiens me, abduxit in tenebras & non in lucem. Haec autem a communi hominum natura profert. § *Tantum in me conuertit manum suā tota die.* § **OLYMPIOD.** Non satis inimico fuit abduxisse me in tenebras; sed etiam poenas irrogauit: illud vero, § *tota die,* pro eo est ac si diceret, per omne tempus quo sub illius potestate fui. **EIVSDAM.** Tota die hoc est per dies singulos, vt apud Dauid, § *Tota die impugnans tribulauit me.* § Illud vero, § *Conuertit manum suam,* § hoc etiam significare poterit, olim cum mihi bona conferre consueuisset, nunc quasi manu conuersa flagella & castigationes adhibet.

ALEPH.

ALEPH.

V V L G A T A.

Ego vir videns paupertatem meam in virga indignationis eius.

CVM multi Prophetæ mala gentis suæ longo post tempore futura prædixerint, Ego inter ceteros vir ille sum, cui non prophetare aut prophetantes audire tantummodo contigit, sed etiam uidere & reipsa experiri afflictionem & vincula mea, quibus adeo cōstringor vt mihi opem ferre non possim; idq; in virga non correptionis Dei quā modice flagellat, sed indignationis eius, quum non tam peccata apio patre corriguntur, quam vindicta & iusta peccatorū poena ab irato iudice exigitur.

§ Ego vir videns. § Hoc caput fere ad Ieremiam personam pertinere, in eoque de suis calamitatibus prophetam conqueri ac lamentationem scribere putat Eusebius & ante illum Origenes. Sed si velimus exquirere quid LXX. senserint, non illi putarunt totum ad personam Ieremiam esse referendum, sed partim ad ciuitatem ipsam, partim ad quemlibet ipsius ciuitatis hominem aerumnas malaque sua deplorantem, non nihil fortasse etiam de se prophetam dixisse existimauerunt: ac de ciuitate illud de quarto versu proculdubio intellexerunt, non ipsi solum LXX. sed etiam beatus Hieronymus, § Vias meas subuertit & confregit me, posuit me desolatam: § quæ verba quamuis in Hebræo possint ad Ieremiam vel ad quemuis de populo Iudæorum referri, cum masculino genere verbum sit *נחם*, tamen LXX. & beatus Hieronymus de ciuitate Ierusalem acceperunt, cum & illi & hic femineo genere transtulerint; illi *ἐρημόν μου ἡ πόλις ἱερουσαλὴμ*, hic, § posuit me desolatam. § Quamobrem pleraque illa quidem in Ieremiam personam cadunt, vt illa versu quinto, § factus sum in derisum omni populo meo, canticum eorum tota die. § nonnulla tamen ex persona totius ciuitatis dici putandum est, vt § formido & laqueus facta est nobis vaticinatio & contritio. § præsens certe versus optime in Ieremiam quadrat eo modo quo expositum est. conuenit etiam in quemque Iudæum in captiuitatem ductum, ac deplorantem non se minas tantummodo prophetarum pec-

catoribus supplicia denuntiantium audisse, sed etiam poenas ipsas expertum esse. nonnulli proprie ad Sedeciam regem pertinere dicunt, qui erutis oculis in Babylonem ductus, & in carcerem coniectus est, vbi vsque ad diem mortis suae inclusus mansit, quod illis verbis significari volunt, § Me minauit, & adduxit in tenebras, & non in lucem. § § Paupertatem meā. § Paupertas seu mendicitas afflictio ipsa vocatur, & illa praecipue cum quispiam vinculis adstrictus affligitur, ita vt libi auxilium ferre non possit. sic dictum est in psalmo 126. § vincitos in mendicitate & ferro, quia exacerbauerunt eloquia Dei, § vbi vincula arctissima significantur, & ferrea.

ALEPH.

Meminauit & adduxit in tenebras & non lucem.

Neque vero me tantummodo funibus paupertatis vinxit Deus, sed etiam sic vincitum tamquam pecus in tenebras captiuitatis virga sua coegit, & de meis sedibus discedere & in locum pergere quem nesciebam compulit.

Ierem. 38. § Me minauit. § Si de Ieremia accipiantur haec verba, de carcere illius & lacu intelligenda sunt, in quem per vim coniectus est. si de quolibet captiuo, tenebrae locus captiuitatis quo tamquam abactum pecus ductus est, accipiendae videntur, nam etiam hac figura dicendi vtitur Isaïas ad eos qui captiui ducebantur significandos, cap. 20. § Sicut ambulauit seruus meus Isaïas nudus & discalceatus &c. sic minabit rex Assyriorum captiuitatem Aegypti & transmigrationem Aethiopiae. §

Isa. 20.

ALEPH.

Tantum in me vertit & conuertit manum suam tota die.

Flagellis autem adeo frequentibus cecidit, vt assidue sine ulla requie manum suam iterando verbera verterit, ac denuo repetens conuerterit, perinde ac si nullū aliud opus haberet nisi vt me flagellaret, & in hanc rem tantum incumberet, hoc vnum negotium haberet.

BETH.

L X X.

BETH.

Vetustam fecit carnem meam & pellem meam, ossa mea contriuit. Aedificauit supra me, & circumdedit caput meum, & laborare fecit. In tenebrosis collocauit me quasi mortuos saeculi.

O RIGENIS. Debilitatem significat quae nobis expectato contigit. EIVSDEM. nam assidua aerumna senilem in nobis infirmitatem efficit. § Aedificauit supra me. § EIVSDEM. Non enim permisit me vndique obsessum calamitates effugere. fortasse autem etiam circumpositum vrbi murum hostilem dicit. § In tenebrosis collocauit me quasi mortuos saeculi. § Eaẽdem quam Dauid vocem emisit, qui dixit, § Collocauit me in obscuris quasi mortuos saeculi: § idque tũ propter carceres in quibus constricti sunt ab hostibus, tum propter calamitates a Deo missas, tentationes namque tenebrae sunt animi. Proprie autẽ Ieremiam in catarracten coniecit Paschor tenebricosum & lumine cassum, cuiusmodi illa Dauid spelunca fuit, in qua a Saul abscondebatur. possunt etiam hae duae lamentationes de Christo accipi, cuius typus erat Ieremias, tanta a Iudaeis passo & demum sepulturae tradito. **OLYMPIODORI.** Ex persona quidem Domini, mendacium inquit aedificatum extructumque est. multa namque de illo mentiebantur. ex persona vero humanae naturae, nõ hoc solo inquit contentus fuit inimicus vt mihi supplicium inferret, sed etiam munitiones circa me extruxit, adeo vt effugere nequeam. § In tenebrosis collocauit me quasi mortuos saeculi. § **OLYMPIOD.** Hoc antea Dauid de Domino praenuntiavit propter eius sepulturam. Quod si communiter de anima dicitur, significat tenebris illam oppleuisse, intelligibili lumine priuatam.

Psalm. 142.

Ierem. 20.

Psalm. 73.

BETH.

V V L G A T A.

Vetustam fecit pellem meam & carnem meam. contriuit ossa mea.

H Aec verberum frequentia & assiduitate pellis & caro quae tamquam indumentum est corporis, vetusta facta est, &

est, & tamquam detritum vestimentum & vetustate lacerum, dirupta est & decidit. ossa vero quae eiusmodi veste tegebantur, illa cadente & veterascente, contrita sunt atque contracta. § Verustam fecit pellem meam & carnem meam. § Sic de pelle & carnibus loquitur tamquam de vestimento, ideo verbum veterascenti & vetustum faciendi illis adiungitur, quod de veste proprie dici solet. simili modo dixit Iob cap. 10. § pelle & carnibus vestisti me. § vestis autem detrita laceratur & discinditur & cadit. ad eundem igitur modum dicit carnem ac pellem suam verberibus assiduis detritam atque consumptam ossa nudasse, ad quae cum flagella peruenissent, illa quoque contrita esse atque contracta. figurate autem haec de ciuitate dicuntur, ut pellis & caro honestos viros significant qui quasi indumentum sunt & ornamentum ciuitatis. ossa vero sortes viros ac robustos. aut pellis humilioris condicionis ciues, caro honestiores indicat.

BETH.

Aedificauit in gyro meo, & circumdedit me selle & labore.

Postea vero quam me minauit & abduxit a patrijs sedibus, & verberibus adactum in captiuitatē ire coegit, firmum carcerem vndique aedificauit quo inclusum teneat: & vndique tamquam custodes carceris adhibuit, sel, amaritudinem nempe, ac dolorem, laborem inquam & fatigationem ac desperationem. hi sunt terribili custodes qui me vndique cingunt ac seruant.

§ Aedificauit in gyro meo. § Hoc nonnulli de obsidione intelligunt, vallo namque & aggeribus ciuitatem cinxerunt Chaldaei, sed commodè ad carcerem posse referri sequentia verba declarant, § In tenebrosis collocauit me: § § Fel le & labore. § Fel dolorem animi ac maerorem significat, labor vero fatigationem, cum quispiam defatigatus, nihil se proficere videns, ab incepto desistit. Existimandum est autem eiusmodi vinctum cum vndique se exoluere vinculis, & de carcere exire tentasset, demum cum omnia in cassum esse molitum conspexisset, ab incepto desitisse: nam verbum Hebraicum נָחַל, defatigari, vel defatigatum a re aliqua molienta cessare significat. in graeco autem est, § circumdedit caput meum. §

meum . § quo significat catenam capiti colloque circumpositam se habere . nam quod in nostro textu sel versum est, LXX. caput transtulerunt ex Hebraico ambiguo . aut circumdatum caput intellexerunt molem maximam aedificij supra carcerē extructam, vnde euadere nullo modo possit . nam de circumposito muro in sequenti versu agit, § Circumaedificauit aduersum me, § & quae sequuntur .

BETH.

In tenebrosis collocauit me quasi mortuos sempiternos.

Atque utinam carcer esset aliquo modo tolerabilis, minus id malum putarem : sed in tenebrosis mihi sedem tribuit, & in intimis carceris locis, & in tenebris quae intra alias tenebras sitae sunt, in cauernis terrae, in quibus collocatus paene nihil a mortuis sempiternis, qui numquam suis viribus a sepulchris exire poterunt, differo, ab omnibus derelictus, & obliuioni traditus.

§ In tenebrosis § Carceres subterraneos intelligit, qui non tam habitacula viuentium, quā sepulchra mortuorum erāt. Sic dixit David psal. 87. § Posuerūt me in lacu inferiori in tenebro- PSAL. 87.
sis & in vmbra mortis, § & 142. § collocauit me in obscuris si- PSAL. 142.
cut mortuos saeculi. § Mortui autem saeculi seu mortui sempiterni sunt qui iam pridem e viuis excesserūt, ita vt eorum memoriam abiecerint homines. sic namq; dictū est psalmo superius citato, § Sicut vulnerati dormientes in sepulchris quorū non es memor amplius. § ergo quasi mortuos sempiternos se in obscuris collocatum dicit, & ab omnibus derelictum deflet, quod eius & spem & memoriam omnes abiecerint, tamquam eius qui nunquam sit ad superos & ad regionem, sedemque suam pristinam reuocandus.

GIMEL.

L X X.

Aedificauit contra me, & non egrediar, aggrauauit aes meum . etiam quum vociferabor & clamabo, obstruxit orationem meam . circumaedificauit vias meas, obstruxit semitas meas.

O RIGENIS. Ineuitabilibus me malis induit, imponēs collo meo contumacem rebellemq; populum, & onus maius

- maius quam vt meae vires ferant. neq; adhuc exauditus sum, quamvis vt leuarer frequenter orauerim. nam exaudiri sanctos nonnunquam ipsae res prohibent. Ac fortasse ingum dicit etiam catenas illas ferreas, quas pro ligneis Dei iussu sibi circumposuit. nam haec quoque scriptura tertur, § aggrauauit aes colli mei. § obstruxit orationem meam. § Quu illi dixit, § ne ores pro iplis, non enim exaudiam te. § OLYMPIOD. In Domino quidem, propter signa quibus eius monumentum obsignatum est. In anima vero, propter catenas peccati quas illi aduersarius circumposuit. § Etiam quu vociterabor, & clamabo, obstruxit orationem meam. § EIVSDEM. Multiplicans studia peccatorum orationem meam ad Deu obstruxit. Haec autem dicit anima, propterea quod etiam idola adorauit. § Circumaedificauit vias meas, obstruxit semitas meas. § ORIGENIS. Nam cum saepe tentasset, ac nisus esset, non permisit illi vt ministerium refugeret. dicebat enim, § non nominabo nomen Domini, § & tamquam igni compellebatur. Obstruit etiam peccatorum vias peccare non sinens. sed non talis vir erat propheta qui dixit, § non sedi cum confessu ludentium. § GIMEL.
- Jerem. 28.
Jerem. 24.
Jerem. 2. & 30.
Jerem. 29.

VVLGATA.

Circumaedificauit aduersum me vt non egrediar, aggrauauit compedem meum.

- N**EQVE satis illi fuit me in subterraneis locis conclusisse, nisi etiam maceriam circumdedit, & circumaedificasset, vt nulla sit euadendi spes relicta. & quasi id parū esset, adiecit etiā cōpedes eosq; grauissimos, ne vel mouere me possim. § Aggrauauit compedem meum. § Et superiora omnia, & hic verius praecipue in Sedeciam quadrat, quem, vt in Ieremiae prophetia capite 39. scriptum est, Rex Chaldaeorum post erutos oculos vinxit compedibus vt duceretur in Babylonem. de Sedecia interpretatur etiam Theodoritus.
- Jerem. 39.

GIMEL.

Sed & cum clamauero & rogauero exclusit orationem meā.

Quin etiam ne vox orationis meae possit exaudiri si quando clamauero, & rogauero, fenestras omnes obstruxit, per quas foras prodire vox posset.

§ Exclu-

§ Exclufit. § Sepfit omnes exitus vocis. fic etiam LXX. fenferūt qui tranfſulerunt, *anāpax*, idque Hebraea vox *anāpax* fignificat.

GIMEL.

Cōcluſit uias meas lapidibus quadris, ſemitas meas ſubuertit.

Rectas uias quibus exire poſſem, grauiffimis molibus impoſitis, quadriſque lapidibus congeſtis obſtruxit ac ſepfit. quod ſiquae ſemitae erant ac deuij calles ad effugiendum, earum omnia indicia ac veſtigia perturbauit & confudit, ut eas noſſe & inuenire non poſſim, & ita peruertit, ut cum alio tendere videantur, alio ducant, & in eundem carcerem redeant, adeo ut inſtar labyrinthi cuiuſdam caeci & obſcuri in ſua redeuntis veſtigia, nullum exitum hic carcer habeat.

§ Semitas meas ſubuertit. § Eiufmodi figuris ſeptarum uiarum ac ſemitarum ſubuerſarum, nihil aliud indicare uult, niſi omnes rationes euadendi ex his malis in quae incidit, ſibi ademptas eſſe, quae etiam figura loquendi uſus eſt Iob cap. 19. Iob 19.

§ Semitam meam circumſepfit, & tranſire non poſſum, & in calle meo tenebras poſuit. § Ergo quod hic ait, § ſemitas meas ſubuertit, § hoc eſt, obſcurauit, ne eas uidere poſſim, neque uilum ſit in eis euadendi indicium; caecas & obſcuras reddidit ut inueniri non poſſint; ut etiam Oſee 2. § Ecce ego ſepiam uias tuas ſpinis, & ſepiam eam maceria, & ſemitas ſuas non inueniet. § Ceterum quod in graeco eſt, conturbauit, *ἐτάραξε*, altera interpretatio eiufdem Hebraeae uocis eſt: nam quidam interpres poſuit ſubuertit, alter conturbauit. Oſee 2.

DALETH: L X X.

Vrſus inſidiatus ipſe mihi, leo in abſconditis. Perſecutus eſt recedentem, & ceſſare me fecit, poſuit me deſolatam.

Tetendit arcum ſuū, et ſtatuit me quaſi ſignum ad ſagittā.

OLYMPIODORI. Vrſus ipſum peccatum eſt, inſidiatus uero varie & ſaeuiter aggrediens. EIUSD. Vrſus ad metum minor eſt leone. Diabolus igitur ubi prius animum peccato turbauerit, ipſe poſtea per ſuam ſaeuitiam abſorbere nititur. § in abſconditis, § uero, hoc eſt aſtute & callide prius peccato perturbans. § Et ceſſare me fecit. § EIUSD. Hoc eſt proſtrauit.

O D A-

DALETH.

V V L G A T A.

Vrsus insidiatus factus est mihi, leo in abscondito.

Psal. 9.

DEVS ipse adeo in me desauit adeoque exterruit & turbauit, vt vrsus ex insidijs irruenti, leonique de abscondito cubilis sui exilienti similis fuerit; quae belluae tum crudelius facuiunt, cum ex composito & meditato hominem nihil tale cogitantem & secure praetereuntem aggrediuntur. Hac similitudine vsus est etiam Dauid in psalmo 9. § Sedet in insidijs cum diuitibus in occultis. § &, § insidiatur in abscondito quasi leo in spelunca sua. § illud autem in his verbis aduertendum est, prophetam Deo tribuere, quod hostes fecerunt: quia eo permittente fecerunt hostes, quicquid aduersus Iudaeos fecerunt.

DALETH.

Semitas meas subuertit & confregit me, posuit me desolatam.

Qua solent arte belluae facere vt praecedant itinera, & praecoccupent, ita vt ultra progredi non possit animal quod praedari cupiunt, hac in me arte vsus est Deus; vias namque meas subuertit, vt ulterius ire non possem, sed consilia omnia mihi irrita caderent, & qua fugerem non haberem: deinde quod praeda capta facere solent leones, confregit me & discidit, & terrore ac pauore exanimauit, vt quodammodo amens fierem, ac stuporem atrocitate improuisae rei concussus atque percussus.

§ Semitas meas subuertit. § Hebraei verbum סרס a spinis deriuant, quasi haec sententia sit, semitas meas spinis sepsit, vt ne progredi possem. LXX. alio sensu, § persecutus est recedentem. § me quasi seruum fugitiuum ac perfidum a Domino recedentem persecutus est & comprehendit, & tamquam leo discerpit. quod ipsum facturum se per Osce comminatus est, dicens, § Eleuauerunt cor suum & oblici sunt mei; & ego ero eis quasi leaena, sicut pardus in via Assyriorum. & curram eis quasi vrsa raptis catulis, & dirumpam interiora iecoris eorum, & consumam eos ibi quasi leo: bestia agri scindet eos. § Haec autem verba tam apud LXX. quam apud beatum Hieronymum, in persona ciuitatis, dicuntur, ideo translulerunt

stulerunt femineo genere, § posuit me desolatam. §

DALETH.

Tetendit arcum suum & posuit me quasi signum ad sagittā.

Tetendit arcum suum. § etiā Iob hac vsus est dicendi figura, Iob 16.
cum se omnium acerborum casuum telis obiectū esse, vellet indicare. § Tenuit inquit ceruicē meā, confregit me, & posuit me sibi quasi in signum. Circumdedit me lanceis suis, conuulnerauit lumbos meos, & effudit in terra viscera mea. § Quasi signum ad sagittam. § Quia ambiguum est apud Hebraeos signi vocabulum, nam & scopum significat & carcerem, potest fieri, quod non raro in scripturis accidit, vt ex ambiguitate verbi, ab vna significatione in alteram latenter indicandam transeat, velitque scopum immobilem illum dicere carcerem in quē vel Ieremias, vel Sedecias, vel captiui Iudaei missi sunt, in quo uelut fixi & immoti, diuersorum casuum aerumnarumque telis ac sagittis confoderentur.

HE.

L X X.

Induxit in renes meos filios pharetrae suae. Factus sum risus omni populo meo, psalmus eorum tota die. Saturauit me amaritudine, inebriauit me felle.

O RIGENS. Omnia tela sua in me consumpsit, meā concupiscentiam vulnerans, neque permittens quod volo facere. Renes vero in scriptura concupiscentem facultatem significant. filij pharetrae sunt tela atque sagittae. Ac me postea tamquam mendacem irridebant, & in canticum atq; carmen suum conuertebant. Ideoque antea dixit, § Solus sedebam, quoniā amaritudine repletus sum, & quae sequitur. ipse enim pro illis orabat, illi contra insidias struebant. & tamen recusare ministerium non licebat. acerbē ferebat igitur cum & pro illis pateretur, & simul pro patientibus doleret, & pro peccantibus sese dis cruciaret. § Factus sum risus omni populo. § OLYMPIOD. Dominus quidem infideli populo. Anima daemonum turbis. § Psalmus eorum. § EIVSDEM. hoc est laetitia, gaudium. § Saturauit me amaritudine, inebriauit me felle. § EIVSDEM. Etenim felle in cruce illum potauerunt. amaritudo quoque animae ipsū peccatum est.

Ierem. 15.

O 2 HE.

H E.

V V L G A T A.

Misit in renibus meis filias pharetræ suæ.

PHARETRAM suam cū sagittis impleisset, & gravidam fecisset, eas fere omnes in meis præcordijs renibusq; cōfixit. Filias pharetræ figurate pro sagittis posuit, quod illas pharetra contineat, vt matres vtero ferunt filias. ac fortasse pharetram intelligit Dei iudicium ac prouidentiam, filias pharetræ vindictam & flagella a Deo in homines missa. neq; enim in homines ille sua tela iaculatur, & flagella mittit, nisi quæ prius in eius prouidentia atque consilio condita fuerint. nihil enim temere fieri patitur, sed omnia iuste sapienterque disponit.

H E.

Factus sum in derisum omni populo meo, cūticū eorū tota die.

Jerem. 20.

Atque hæc mala quidem vniuerso populo ac ciuitati contigerunt: ego vero & modo simul cum ceteris in aerumnis ijsdem versor, & poenæ socius sum; & quum hæc prædicarem omni populo gentique meæ, Anathothitis ac leuitis derisui habebam, adeo vt etiam Phassur sacerdos me caederet, & neruo constringeret: quin etiam facta dictaque mea in canticum verterant, vt quum iocari vellent nihil iucundius narrarent, quam meorum casuum fabulam.

Jerem. 20.

Difficile est hunc versum de populo aut ciuitate intelligere, quamuis nonnulli contentur. Nā & hæc verba de se Ieremias dixit in prophetiæ suæ cap. 20. cum a Phassur sacerdote percussus esset, & missus in neruū, § factus sum, inquit ibi, in derisum tota die, omnes subsannāt me. § Praeterea quod ait, § Omni populo meo, § quomodo de populo Iudæorum aut de ciuitate possit commodè accipi, inuenire non facile est. quomodo namq; populus aut ciuitas populo suo in derisum fiat? quisve alius est populi aut ciuitatis populus a quo derideatur? At si de Ieremia intelligatur, populus eius Anathothitæ leuitæq; qui in Anathoth habitabant, conuenientissime accipiētur, qui illi cū auxilio esse debuissent, in sensu præ ceteris erant, vt eodem capite scriptum est, § Audiui contumelias multorum, & terrorem in circuitu, Persequimini & persequamur eum; ab omnibus viris qui erāt pacifici mei & custodientes latus meū. § & capi-

& capite 11. specialiter de viris Anathoth, § Haec dicit Dominus ad viros Anathoth qui quaerunt animam tuā, & dicunt non prophetabis in nomine Domini, & quae sequuntur. § & cap. 12. § Nam & fratres tui, & domus patris tui, etiam ipsi pugnaverunt aduersum te, & clamauerunt post te plena voce; ne credas eis cum locuti fuerint tibi bona. § Quamuis si quis velit, possit etiam ad Sedeciam haec verba referre: qui cum captus esset, & luce priuatus oculorum, & in Babylonem catenis vinctus abductus, & in carcerem missus, etiam suo populo ludibrio fuit. sed conuenientius in Ieremia ipso intelligitur, cum de se proculdubio etiam ad extremum huius tertiae lamentationis dicat, § Sessionem eorum & resurrectionem eorum vide, ego sum plalmus eorum. §

HE.

Repleuit me amaritudine, inebriauit me absynthio.

Cibo me satiauit maeroris ac doloris, multo magis quam fel amariore: potumque coniunxit tali cibo dignissimum. afflictionibus namque ac tribulationibus absynthio amarioribus pleno calice & vsque ad ebrietatem potauit. Sic in prophetia sua Deum dixisse refert, § Ecce ego cibabo populum istum absynthio, & potum dabo eis aquam fellis. §

VAV.

L X X.

Excussit calculo dentes meos, cibauit me cinere. Et repulit a pace animam meam, oblitus sum bonorum: Et dixi, periit victoria mea, & spes mea a Domino.

ORIENIS. Calculo inquit, vel numero singulis dētibz percussis in maxilla, vel lapide duro. Et iuxta Dauid dicit, § cum cinere panem meum manducabam, § indicans praetribulatione se ne ipsum quidem panem cum voluptate percipere. non sinebant igitur meam animam in pace versari, cū & ipsa turbaretur, & insuper videret foris tumultus, intus pugnas. itaque cum nihil commodum sperarem, ipsius Iob voces Iob 1: emisi, § repudiauit me misericordia, & spes mea a Domino. § neque enim circumstantia mala vincere fas erat. § Et repulit a pace animam meam. § OLVMPIOD. Iudaeorum populus nolens pacem seruare cum suo saluatore. Diabolus vero, ex Dei pace

Psalm. 102.

Iob 1:

pace animam abducens. § Et dixi, perijt victoria mea & spes mea a Domino. § *EIVSDEM.* Haec dicit Saluator de populo Iudaeorum, qui antea haeres eius erat, & spes gloriae. Dicit etiam anima, multiplicatis peccatis meis suspicata sum reuocationem restitutionemque meam nullam fore.

VAV.

VVLGATA.

Et fregit ad numerum dentes meos, cibauit me cinere.

CISO lapillis cinereque adeo pleno me cibauit, vt ad vnū mihi omnes dentes excussērit.

Psal. 101.

Hoc & de Ieremia intelligi non absurde potest, & de captiuis Iudaeis in carcere positis, quod pane aliti sint immundo & arena lapillisque commisso, adeo vt dentes eorum comminuti sint, iuxta illud de psalmo. § Quia cinerem tamquam panem manducabam, § quod autem beatus Hieronymus dixit, § fregit ad numerum, § ex graeco transtulisse videtur, καὶ ἔβηλε τὸν ὀδόντα μου, § & eiecit calculo dentes meos. § nam calculis quia ratio supputabatur, ideo illū puto intellexisse ex calculo numerum. ad numerum igitur, hoc est ad vnum omnes dentes fregit. quamuis possit commodē intelligi LXX. calculi nomine lapillos pani admistos intellexisse, quomodo in Proverbijs dicit Salomon, § Suavis est homini panis mendacij, & postea implebitur os eius calculo. § Cibauit me cinere. § Sic etiam LXX. ἐψώμω. sunt autē ex Hebraeis nonnulli qui malint verbum Hebraicum hoc loco significare, operuit, aut inquinauit me cinere, vt חֲכָמִים sit idē fere quod חֲכָמִים, quod verbum ponit scriptura 3. Reg. 20. de propheta loquens, qui commutauit asperitione cineris os suum.

Prou. 20.

VAV.

Et repulsa est a pace anima mea, oblitus sum bonorum.

In haec igitur tam multa tamque magna mala cum inciderim, spem omnem expectationemque felicioris status ac pacis abiecti, & anima mea longe a pace facta est, vt illam se consequi posse desperet. cogitationemque omnem bonorum iucundiorumque rerum missam fecerit.

Haec verba infirmiorum animorum sunt, & Iudaeorum illorum qui tristioribus rebus cum animi fortitudinem atque constan-

constantiam abieciſſent, nihilo meliora quam in quibus verfabantur ſperabant: videbant enim euerſum templum, concrematam incendio ciuitatem, omnes fere captiuos ductos, regē in carcere incluſum, & ſi qua ſalutis in Godolia ſpes aſſuſſerat, eam morte illius extinctam: quam obrem in ſumma rerum deſperatione vivebant. aut ſi Ieremiae ſunt haec verba, diuiſi inter ſe hominis verba ſunt, & vario curarum atque cogitationum aeſtu fluctuantis, vt haec ad infirmitatem pertineant, eius qui ſe malorum magnitudine oppreſſum videat, ſequentia vero ad ſpiritus fortitudinem infirmitatem carnis conſolantis, vbi ait; § Miſericordiae Domini quia non ſumus conſumpti. § Repulſa eſt a pace anima mea. § Longe factus ſum a pace, adeo longo interuallo abſum a pace, vt illam ſequi non ſit animus. ſenſum fere omnem & deſiderium pacis amiſi. Chaldaeus interpres, tacet animam meam rogare pacem.

V A V.

Et dixi, periit finis meus, & ſpes mea a Domino.

Itaq; mecum ipſe cogitans exiſtimaui, mihi nihil aliud boni cōſtanter expectandum, aut ſperandum a Domino. quam obrem cum malis plurimis vexer, & ſpem quae malorum eſſe leuamen ſolet, mihi nullam eſſe reliquam putem, actum eſt de me, & in malis iam deploratis conclamatique verſor.

§ Et dixi. § Hac forma loquendi ſaepe ſcriptura vtitur pro eo ac ſi diceretur, mecum ipſe cogitaui, ac ſtatui. § Periit finis meus. § In Hebraeo eſt נִינִי, quod LXX. transferre ſolent νίκη, victoriam: vnde Apoſtolus 1. Cor. 15. § Abſorpta eſt mors in victoriam. § itaque cum LXX. ſpem nomine victoriae donent, praeclare docent ſpem eſſe conſtantis fortisque animi virtutem, perferentis omnia propter ſperatorum bonorum expectationem: finis etiam a beato Hieronymo dicitur, a termino quem reſpicit, qui finis eſt & bonum. § Et ſpes mea a Domino. § & bonum quod expectabam a Domino, prorſus euauit.

1. Cor. 15.

ZAIN.

ZAIN.

L X X.

*Recordatus sum a paupertate mea & persecutione mea :
amaritudinis meae & fellis . Memoria memor ero , &
exercebitur in me anima mea . Hanc ponam in cor meum ,
propter hoc sustinebo .*

OLYMPIODORI. Saluatoris verba sunt, recordatus inquit voluntariae exinanitionis meae, & passionum quas pertuli; & haec habens & seruans in me ipso, aequo animo fero, vt mea patientia ipsos quoq; Iudaeos lucrifaciam. Ex persona vero peccatoris sic intelliges. paupertatis hoc est immutationis. nam post mutationem anima persecutionibus peccatorum traditur. § Amaritudinis meae & fellis. § EIVSDEM. Quae mihi acciderunt in regione peccati. § Et exercebitur in me anima mea. § EIVSDEM. Haec intra se meditans, seipsum condemnabit. § Hanc ponam in cor meum. § EIVSDEM. Memoriam meae ipsius condemnationis, recordam in corde meo. § Propter hoc sustinebo. § EIVSDEM. Nam qui se voluntarie peccasse nouit, sustinebit Dei correptionem, & eius misericordiam.

ZAIN.

V V L G A T A.

*Recordare paupertatis & transgressionis meae, & absinthij
& fellis .*

CVM igitur mihi mala mea resque iam deploratas consideranti, nulla spes reliqua sit, ad te solū conuertor Domine, teque vt miserearis oro, testemque meae patientiae & afflictionis aduoco, qui etiam transgressionis conscius es, quae mihi malorum afflictionisque causa fuit. recordare absinthij quo potatus, fellis quo passus sum. doloris nempe quem pertuli, aerumnarumque quas exhausti. & quamuis hac iustissime pertulerim, fac tamen vt mea patientia veniam relaxationemq; afflictionum ferat, sicut transgressio te ad supplicium sumendum & vindictam inferendam exacuit.

§ Recordare paupertatis & transgressionis meae. § Eam pauperatatem commemorat, de qua primo versu dixerat, § Ego vit videns pauperatatem meam. § nempe carcerem ac vincula seruitutis. Recordari autem ideo petit, vt misereatur. nam vt illū
recorda-

recordatio peccatorum nostrorum ad iram prouocat, sic patientiae nostrae recordatio ad misericordiam fleat. § Transgressionis meae, § vel actiue accipienda est transgressio, quod in te transgressus sum, quod ate desciui, & tuis praeceptis nõ obtemperaui. vel passiue, quomodo etiam conuenientius accipitur, quod alij in me transgressi sunt, & amicitiae humanitatisque foedera violarunt. Ac si ex persona Ieremiae dictum accipitur, transgressi sunt in eum sui gentiles Anathothitae & Leuitae. Si ex persona gentis totius Iudaeorum, violarunt foedera cum ea gente inita, Idumaei, Ammonitae ac Moabitae, qui de illius populi excidio laetati sunt, & hostes illius adiuerunt. atque in hunc modum passiue intellexit ille qui in Chaldaicum sermonem hunc librum transtulit. Recordare inquit afflictionis animae meae, & quod in me transgressi sunt inimi ci mei. Paulo aliter videntur hunc versum intellexisse LXX. ὁ μνησθεὶς τὸ πτωχείας μου καὶ ἐκδιωγμοῦ μου, πικρία καὶ χολή. § Recordatus sum paupertatis meae & persecutionis meae, amaritudo & fel. § Quae sic intelligenda videntur, si recordari uolero paupertatis meae ac persecutionis meae, ea recordatio mihi adeo acerba est, vt absinthio & felli per similis sit. quem sensum nonnulli etiam ex Hebraeis probant. Potest proxime ad hanc intelligentiam perducere latina interpretatio. Recordare Domine paupertatis & transgressionis meae, quae mihi loco absinthij sunt & fellis.

ZAIN.

Memoria memor ero & tabescet in me anima mea.

Tu domine mearum aerumnarum recordare, nam ego quidem quum earum recordor, & eas memoria repeto, tabescit in me anima mea, & paene deliquiū patitur, prae doloris maiorisque magnitudine.

§ Memoria memor ero, § μνήμην ἔσται, habet etiā vulgati codices graeci. Sed Vaticanus Codex habet μνησθήσεται, recordabitur. refertur enim ad animā, cōmemorabit haec quae supradicta sunt, anima mea & tabescet in me. nõ repugnat autē textus Hebraicus huic versioni, immo optime congruit, וכוּר תִּכּוּר וְכֹחַ מִיָּדָה. Quae verba hanc sententiam possunt efficere, si quādo has aerumnas quas dixi, memoria repetens anima mea

P

tabescit

tabescit seu dolet, & secum ipsa super his malis meditatur ac tacite loquitur, tunc haec quae sequuntur mecum & in corde meo recolens, me ad spem excitabo, & Dei misericordias considerabo, vt ex illarum consideratione iacentem animum erigam. § Et tabescet. § LXX. καὶ ὁ δολιχὸς ἐπ' ἐμὴν ψυχὴν μου. mecum ipsa anima confabulabitur super his malis: solet enim fieri vt cum aliqua cura atque molestia animum angit; nos ipsi nobiscum colloquamur & aut cōsolationem adhibeamus, aut tacitis cogitationibus vel submisso murmure conqueramur, quod ὁ δολιχὸς, solent LXX. transferre; & Symmachus ἐν τῷ πνεύματι μου colloqui. Cum igitur haec repetens ipsa secum anima mea tacite colloquitur, tunc ea quae sequuntur in corde meo versans, & ex aduerso respondens, spem languentem excitabo.

Z A I N.

Haec recolens in corde meo ideo sperabo.

Cordi meo sic aestuanti & dolenti haec quae sequuntur subiiciens, atque respondens, rursus me ad spem reuocabo. LXX. transfulerunt, τὰς ἐν ἐμῇ καρδίᾳ μου, itaque non legērunt צמק sed תצמק, quasi hoc voluerint, cogitationi huic spem abijcienti, alteram cogitationem opponam vnde spes confirmetur. iuxta illud psalmi 13. § Quamdiu ponam consilia in anima mea, dolorem in corde meo per diem?

Psalm. 13.

H E T H.

L X X.

In exēplari
Gracco ni-
hil erat,
quod ad ho-
rū verborū
expositionē
pertine-
ret.

Misericordiae Domini quia non defecimus, quia non sunt consumptae miserationes eius. Menses in matutinis: misere Domine, quia consumpti non sumus, quia nō sunt consummatae miserationes eius. Nouae in matutinis, multa est fides tua. Pars mea Dominus, dixit anima mea, propterea expectabo eum.

H E T H.

V V L G A T A.

Misericordiae Domini quia non sumus consumpti, quia non defecerunt miserationes eius.

AC me prima illa causa non mediocriter confirmat, & ad bene sperandum erigit, quod cum tam multis & tam magnis

magnis malis vexati sumus, vt nulla humana vis illis obistere posset, tamen illis non potuimus consumi, & malis ipsi nostris superstites sumus, neque Dei miserationum fons defecit & exiccatus est, semperque in cladibus nostris partem aliquam eius misericordiae sumus experti; & non tāta fuit eius in nos ira, vt intercluserit atque omnino continuerit a nobis clementiae suae beneficia.

§ Quia non sumus consumpti. § מִן, primae personae vox est, non sumus cōsumpti. at si מִן legatur, non sunt consumptae mihi, verti potest, quomodo LXX. transtulerūt, *ὅτι οὐκ ἐξήντιστόν*, § quia non defecerunt me. § ac si quid diuinare in scripturis licet, quod certe parcissime & modestissime faciendum anelligo, interpretationem graecā fuisse conijcio, non, *ἐξήντιστόν*, hoc est, sunt consumptae, sed *ἐξήντιστόν*, consumpti sumus. sed verbum *ἐξήντιστόν* vltima syllaba corrupta, mutatum est in, *ἐξήντιστόν*. § Non defecerunt miserationes eius. § verbum Hebraeum etiam in significatione prohibendū vel includendi accipi potest, vt accepit qui Chaldaice transtulit, quia non sunt prohibitaē miserationes eius: iuxta illud psalmi 76. § aut continebit in ira sua misericordias suas? § non sunt ergo prohibitaē & quasi nostris peccatis interclusae miserationes eius.

B. Ambrosius lib. de obitu Valentiniani, habet, quod non defecimus, hoc est, *ὅτι οὐκ ἐξήντιστόν*. Psal. 76.

HETH.

Nouae diluculo, multa est fides tua.

Neque solum consumptae non sunt eius miserationes, verum etiam quotidie aliae super alias oriuntur & nouae supra veteres cumulantur & germinant laeto germine, cum defecisse videntur: germen enim misericordiarum tuarum perpetuo vernat ac floret. neque misericordia tua solum semper noua est & numquam deficit, verum etiam fides, promissorumque tuorum constantia & firmitas multa est. neque enim tibi credentem & in te sperantem fallis vnquam, aut deseris.

§ Nouae diluculo. § Miserationes Dei nempe de quibus proximo dixerat. Diluculo autem est, quotidie; ad eundem sensum LXX. transtulerunt, *καὶ ἡμεῖς τὰς ἐλεησέας*, Nouae ipsae miserationes, in singula matutina tempora. § Multa est fides tua. § Si haec verba ad Deum dirigantur, fidem Dei magnam esse di-

cit, quia quod promisit implet, aut spem in se sperantis non fallit. Si vt alij malunt, fidem hominum dicit, hic sensus erit, ea propter nouae quotidie sunt Dei miserationes, vt tua fides, (ad homines autem sermonem conuertit, aut proprie ad Iudaeos desperantes,) confirmetur & multiplicetur, & magna fit: crescit enim ex diuinae misericordiae experimento hominum fides, & ex ea magis in eum credere & se suaq; illi committere discunt.

HE TH.

Pars mea Dominus dixit anima mea, propterea expectabo eum

Cum aliae gētes alios sibi Deos in quibus sperent & a quibus expectent auxilium elegerint, ego Dominum elegi, qui mihi Deus, qui patronus esset; propterea etiam si in aerumnas multas incidi, non tamen desistam quo minus in eo sperem, & ab eo auxilium expectem: haecque mihi secunda consolationis causa est, quod eum Deū habeo, qui verus Deus est, & suis cultoribus quominus consulat, eosq; adiuuet, non cōmitter.

Deut. 32.

§ Pars mea Dominus. § In hanc sententiam Moyses quoque in Cantico dixit, § Quando diuidebat altissimus gentes, quando separabat filios Adam, constituit terminos populorum iuxta numerum filiorum Israel. Pars autem Domini populus eius, la cob funiculus haereditatis eius, § cum enim quasi ex diuisione partem suam aliae gentes acceperint, & haec illum illa alium Deum sibi sumplisset; Haec gens partem sibi optimam elegit ipsum Dominum, aut vt verius dicam ille huic genti se partem & velut haereditatem diuisam attribuit, inde etiam David inquit, § Dominus pars haereditatis meae. §

Psal. 15.

TH ET.

L X X.

Bonus est Dominus sustentibus eum, animae quaerenti illum. Bonum est sustinebit, & quiescet in salutare Domini. Bonum est viro cum portaueris iugū in iuuentute sua.

O RIGENS. Nam cum in omnes sit bonus, nostram sustentiam exigit. nam animae quaerenti illum, inquisitio ipsa bona est, quae sustinet, neque turbatur, quoadusque misericordia veniat, neque ad spem in alterum collocandam transit, quoadusq; salutare Dei appareat. fortasse etiam, § silebit, § illud

illud significat, non curiose exquiret diuinæ prouidentiae iudicia. Oportet itaque etiam si nesciamus, non refugere a Domino. **OLYMPION.** Bona est, inquit, animæ istiusmodi inquisitio. § Et sustinebit & quiescet in salutare Domini. § **EIVSDEM.** Firmiter sperabit Christi & Saluatoris auxilium: & ipse enim est salutare Domini, iuxta Simeonis verba, § Quia viderunt oculi mei salutare tuum. § § Bonum est viro cum portauerit iugum a iuventute sua. § **ORIGENIS.** § Quia iugum eius suauis est, & onus leue. § Lucæ 2;
Matth. 23;

TETH. VVLGATA.

Bonus est Dominus sperantibus in eum, animæ quærenti illum.

IS autem quorum Dominus pars est, & qui mala tolerant, sperant in eum, neque ab eo desciscunt ac resiliunt, & animæ quæ illum colit, & ab eo quæ petenda sunt petit, & illum in rebus agendis consulit, proculdubio benignus & clemens est. § Bonus est Dominus. § Sic David in psalmo dixit, § Quoniam tu Domine suavis ac mitis es, & multæ misericordiae omnibus inuocantibus te. § Ergo illum quaerere est illum inuocare, eius voluntatem inuestigare. Haecq; tertia ratio consolandi est, non inutilem esse rerum aduersarum tolerantiam ijs qui in Domino sperant. Pal. 85.

TETH.

Bonum est praesolari cum silentio salutare Dei.

Vtile est autem in primis patienter, & quiete ac tolerantè Dei auxilium atq; opem expectare, neq; contra Deum differentem obmurmurare, sed ei subiectum esse, eiusq; consilium atque gubernationem aequo animo ferre.

§ Cum silentio. § Hoc est tolerantè, non turbato animo, quiete, patienter. nam qui impatienter ferunt, ij sub Dei imperio esse recusant, neque illi subiecti sunt, sed potius praesse volunt. itaq; David cum casus aduersos tolerantè patienter expectare suaderet, inquit, § subditus esto Domino & ora cum. § Pal. 36.
Namque non modo aduersos casus aequo animo ferre, sed etiam Deum auxilium differentem sustinere, hoc est vere illi subdi-

subdi-

Psal. 61. subditum esse. itaque etiam de se. idem proficitur, § Nōne Deo subiecta erit anima mea? ab ipso enim salutare meum. §

THET.

Bonum est viro cum portauerit iugum ab adolescentia sua.

Iugum autem disciplinae correptionisq; Domini, cū aduersus rebus nos exercet & perdomat, si quis ab adolescētia, & in eunte aetate portauerit, ea res magnam illi vtilitatē allatura est. nam & diuinæ subiectioni assuescet, & patientia atq; tolerantia sibi requiem parat illā de qua Dominus dicit, § Tollite iugum meū super vos, & inuenietis requiē animabus vestris. §

Matth. 11.

Iugum nonnulli praeceptorum ac mandatorum Dei esse putant. Alij ad rem de qua agitur congruentius, tolerantiam rerum aduersarum, quae Dei voluntate decretoque veniunt, intelligere malunt. § Ab adolescentia sua. § Vel adolescentes consolatur qui in aerumnas captiuitatis inciderant; vel ipse auctor, vt nonnulli Hebraei dicunt, adolescēserat cum haec scriberet. Sed coarguitur falsum, cum quo tempore haec scripsit, plusquā quinquaginta annos haberet aetatis: quod sic probatur. puer erat Iosiae anno tertio decimo, vt ex initio prophetiae illius apparet. reliqui sunt anni 18. nā 31. annos regnavit Iosias: quibus adijce annos 11. Ioa-cim, & alios 11. Sedeciae, fient quinquaginta tres.

IOD.

L X X.

Sedebit solitarius & tacebit, quia leuauit super se. Dabit in puluere os suum, si forte sit spes. Dabit percutienti se maxillam, saturabitur opprobrijs.

Psal. 67.

Psal. 140.

O **RIGENS.** Etiam si illi nemo consentiat, decernenti non oportere coniungi, etiā si solus relictus sit in ea sententia, in suis decretis fortiter persistet; ac firmiter fixus erit. § Dominus enim habitare facit vnicos in domo, § dicit Dauid, & § singulariter sum ego donec transcam, § tentationes scilicet, Dei clementiam adeptus. **OLYMPIOD.** Permanet in veritate, haec namque vna est; at vero peccatum varium & multiplex. § Et tacebit. § **EIVSDEM.** Hoc est, cessare faciet atque compescet eiusmodi morem. § Quia leuauit super se. § **EIVSDEM.** Iugum subaudi. § Dabit in puluere os suum, si forte

forte sit spes. § ORIGENIS. Nam seipsum humiliabit, dicēs,
 § Ego vero sum terra & cinis, § si vere sit vir & spei nō confun- Gen. 18.
 dentis plenus. quale est etiam illud, § Adhaesit pavimento ani Psal. 118.
 ma mea. § § Dabit percutienti se maxillam. § OLYMPIOD.
 Iuxta eum qui dixit, § Si quis te percusserit in dextram, verte Matth. 5.
 illi & alteram. § Ad sensum vero sublimiorem, illi secundum
 Deum increpationi. § Saturabitur opprobrijs. § EIVSDEM.
 In hoc saeculo, vt non in futuro.

IOD. V V L G A T A.

Sedebit solitarius & tacebit, quia leuauit super se.

EIVSMODI vir iugo Domini ferendo assuefactus ab ado-
 leſcentia, etiam si multa & grauiā perferat incommoda,
 se debet ille quidem solus, tristis & maerens, a conuerſationis
 humanae laetitia alienus: & tacebit, patienterque Dei decre-
 ta feret ac sustinebit, eius opem expectans; quia onus hoc a
 Deo impositum sibi ferendum esse, & tamquā iugum suis cer-
 uicibus patienter subeundum iudicauit.
 § Sedebit solitarius. § Sedere solitarium, est maestum a coetu
 laetantium esse seiunctum. sic namque de se dixit Ieremias, Jerem. 15.
 § Sedebam solus, quia amaritudine plenus eram. § aut sedere
 solitarium, est animi confidentis nihilque metuentis indicium,
 quasi non auxilium ab adiutorio hominum expectantis, sed
 ad Dei solius opem respicientis, vt Deuter. 33. de Israel dici-
 tur, § Habitabit Israel confidenter & solus. § Et tacebit, § pa-
 tienter expectabit, sustinebit. § Quia leuauit super se. § ipse
 sedēs solitarius leuauit super se. quia Dei decreta & quae illi
 euenire & accidere iussit incommoda atq; molestias, leuauit
 super se, & patienter & aequo animo tamquam iugum subiit,
 & huic quasi oneri collum subiecit. ex quibus verbis intelli-
 gimus, ei expectandum esse Dei auxilium, qui patienter aduer-
 sis rebus ferendis ceruicem subiecit. Leuare autem super ali-
 quem, est alicui imponere seu proponere velut onus aliquod.
 qua loquendi forma dixit Gad ad David, vt LXX. tranſtule-
 runt, *Τεία ἐγὼ ἀγὼ ἐπὶ τὴν στήν σου*, § tria ego leuo super te, § sensum trā-
 ſtulit B. Hieronymus, § Trium tibi datur optio, § tria tibi pro-
 pono. Itaq; Hebraei locum hunc de lamentationibus, ad Deū
 referunt.

referunt, quia leuauit Deus super illum, hoc est, ideo patienter fert, & tacet, quia Deus haec mala vt illi euenirent decreuit & statuit, cuius iussis contraire & contratendere, nec possumus nec debemus, neque enim quicquam proficimus contra stimulum calcitrando, & grauius nobis iugum fit renitendo, & postremo contra ordinem ipsum & officium facimus, principis nostri mandatis atque decretis obstitendo.

IOD.

Ponet in puluere os suum, si forte sit spes.

Et non solum feret patienter quae illi ferenda Dominus imposuerit, verum etiam non aliunde quam ab eo sibi salutem fore certo sciens, & humilium orationem nihil non ab eo impetraturam intelligens, humiliabit se & abijciat, adeo vt adorans ponat in puluere os suum, terram & puluerem osculans, si forte humili prece spei suae compos esse possit. *¶* Ponet in puluere os suum. *¶* Procumbet in terram, pronus in terram adorabit, iuxta illud Psalmi 71. *¶* Coram illo procident Aethiopes, & inimici eius terram lingent. *¶* & illud Esaiæ 49. *¶* Vultu in terram demisso adorabunt te, & puluerem pedum tuorum lingent. *¶* Alij sic hunc locum exponunt, etiam si ad extremam abiectionem miseriamque descenderit, & humiliaceat, adeo vt etiam pauimento & pulueri adhaereat anima eius, tamen tunc quoque spe salutis non carebit.

IOD.

Dabit percutienti se maxillam saturabitur opprobrijs.

Eiusmodi vir cuius spes est in Domino, & qui Dei voluntati subiectus est, maxima etiam opprobria, & quae turpissima habentur, perferet, cuiusmodi est in maxilla percuti, salutem & auxilium a Domino sperans.

¶ Dabit, *¶* quasi ad percutientis libitum; iuxta illud euangelicum, obuertet illi & alteram. Hoc ipse Ieremias opprobrium forti animo pertulit, cum eum Phassur percussit & misit in neruum, & quod verbis docuit, suo exemplo confirmauit.

Ierem. 20.

CAPH.

L X X.

Quia non repelles in sempiternum Dominus. Quoniam qui humiliavit miserebitur secundum multitudinem misericordiae suae. Non respondit de corde suo & humiliavit filios viri.

O RIGENTIS. Conuenit hoc etiam in eos qui quum captiui tenerentur, verba quae sunt in septuagesimo tertio psalmo dicebant, § Vt quid Deus repulisti in finem, iratus est furor tuus super oues pascuae tuae? § & consentit cum illis verbis, § Non in finem repellet Dominus, neque in aeternum comminabitur; § Sed dicet ei quem pro admisorum ratione paenitet, § cesset a fletu vox tua, & oculi tui a lacrymis. §

Psalm. 73.

Psalm. 102.

Ierem. 31.

CAPH.

V V L G A T A.

Quia non repellet in sempiternum Dominus.

I D E O autem omnia haec mala aequo animo ac forti tolerat, & Deo subiectus est, & illius iussis ac decretis obtemperat, & eius salutare cum silentio & patienter expectat, quia pro certo habet, etiam si ad eam miseriam venerit ut ab omnibus caedatur, & ab omnibus opprobria perferat, numquam fore ut Dominus eius penitus obliuiscatur, & quasi nihil ad se pertinentem repellat, & aerumnas negligat, ac preces auersetur.

§ Quia non repellet. § Quomodo enim non relinquentem se relinquat? aut quomodo eius salutem negligat, qui ab eo illam expectat? quomodo eum proijciat, qui illi usque adeo adhaeret, ut nulla vi malorum ab eo seiungatur? § Si dereliqueris eum inquit Moyses, proijciet te in aeternum. Si quaesieris eum inuenies. §

Deut. 32.

CAPH.

Quia si abiecit, & miserebitur secundum multitudinem misericordiae suae.

Certumque est etiam si tamquam impuros & immundos abiecit, cum id non ex sua natura quodam modo, nec ex corde suo, sed malis nostris & impuritatibus id exigentibus fecerit, multo magis fore ut humiliatis multitudinem misericordiae

Q

diac

Iacobi 2.

diae suae ostendat & exhibeat. § Superexultat enim miseria iudicio.

CAPH.

Non enim humiliavit ex corde suo, & abiecit filios hominū.

Vt enim affligeret & malis vexari permetteret filios hominum, non sua voluntate praecipua fecit, quasi ipsam impiorū miseriam & aerumnā spectet, sed ab illis prouocatus, vt moderata castigatione coercitos ad paenitentiam reuocaret.

§ Ex corde suo. § Non voluntate antecedente, sed voluntate consequente, vt Theologi loquuntur. aut non voluntate absoluta sed ex suppositione. humiliat enim & flagellat, & ple-

Ezech. 18.

ait si peccauerint. itaque per Ezechielem dicit, § Nunquid voluntatis meae est mors impij dicit Dominus, & non magis vt conuertatur & viuat? § vt enim affligat non tam voluntatis eius est, quam nostrae culpa.

LAMED.

L X X.

Humiliare sub pedibus eius omnes vinctos terrae. Declinare iudicium viri contra faciem altissimi. Condemnare hominem cum ipse iudicatur, Dominus non dixit.

OLYMPIOD. Non ipse, inquit, peccare fecit Adam & eius posteros; neque enim Deus peccatum sanxit: sed voluntarie mutationem illam subiunxit. EIVSDEM. Oratio e superioribus pendet. Deus non decreuit, vt humiliarentur sub pedibus aduersariorum. Vinctos vero terrae dicit vinculis peccatorum suorum constrictos. § Declinare iudicium. § EIVSDEM. Peruerrere iudicandi facultatem, ad aduersandum altissimo. EIVSDEM. Deus non iussit vt condemnaremur ab aduersario, dum aduersus illum contendimus. ORIGENES. Ex his discimus, non dixisse Dominum, neque auctorem esse vt vincti terrae sub peccato humilientur, neque vt humana iudicia quisquam detorqueat atque inclinet coram Domino. ille enim ius & aequum diligit: sed neque vt iure hominē condemnnet. neque enim contraria ex ore Domini prodire possunt bona & malum. nam neque arbor bona fructus malos facit, neque arbor mala fructus bonos. quod igitur ab improbis iniuria afficiuntur homines, id praeter diuinum iudicium accidit.

cidit. sed tamen accidit in ijs qui a Deo despiciuntur, vt Israelitis ab illorum hostibus euenit. idque Dei respectu tollitur: itaque hic Dei respectus ijs quaerendus est qui ad poenam sunt atque supplicium traditi.

LAMED. V V L G A T A.

Ut contereret sub pedibus suis omnes vinctos terrae.

NEQUA enim credendum est in hac re Dominum id vidisse, eamque cogitationem habuisse, eoque spectasse, cum in potestate sua haberet vinctos terrae, & omnes homines qui in terra versantur & habitant, vt quasi saeuus Dominus eorum poenis gaudēs, illos contereret, & sub pedibus suis affligeret, & in puluerem redigeret.

§ Vt contereret. § Hi tres verius vel e superioribus pendent. Non, inquit, humiliauit ex corde suo & afflixit filios hominū, eo consilio vt contereret sub pedibus suis omnes vinctos terrae, & vt peruerteret iudicium, aut hominem in iudicio suo, & quamuis iuste se defendentem condemnaret: id enim alienum a Deo. Vel haec tres sententiae coniunctae sunt ac pendent ex verbo sequenti, § Dominus ignorauit, § nihil horum trium vidit atque spectauit cum afflixit homines. Est enim nō modo non iniustus, verum etiam clementissimus: & ideo neq; tamquam saeuus ac teter dominus miseria & aerumnis seruorum suorum gaudet; neque tamquam iniquus Iudex causam hominum peruertit, aut iuste se defendentes damnat. Possunt & aliter hi tres versus accipi, vt pendeant quidem ex postremis verbis, § Dominus ignorauit, § sed in eum sensum, vt commemorentur ea quae Iudaei a Chaldaeis & a Nabuchodono sor praecipue patiebantur, & negetur ea Dei voluntate atq; consilio, antecedente inquam, & voluntate beneplaciti fieri. Quod, inquit, Chaldaeus tyrannus conterit sub pedibus suis omnes vinctos terrae, nēpe Iudaeos captiuos ac vinctos, quod declinat iudicium in conspectu altissimi, quod etiam se iuste defendentem condemnat, haec omnia Dominus ignorauit, non eo volente & iubente fiunt. Postremo alius quoque sensus his verbis contineri non absurde potest. nam quia dixerat, non ex corde suo afflixisse Dominum filios hominum, expo-

Q 2 nere

nere nunc videtur causas, quibus ille permotus quamvis non ex corde suo, tamen Israelitas afflixerit: & peccata illorum maximeq; principum fuisse dicit. Dum inquit conterunt sub pedibus suis vinctos terrae, & humiles ac tenues; dum defleunt eorum Iudices veram rectamque iudicandi viam, idque coram Deo, nihil eius oculos praesentiamque veriti; dum iuste se in causa sua defendentes peruertunt & iniquissime condemnant, putas ne fieri vilo modo potuisse, vt haec scelera Dominus non viderit aut ignorarit? Non igitur Dominus quasi saeuus accusandus est quod Iudaeos afflixerit, sed nostra crimina & scelera confiteri aequum est, quibus ille pronocatus nos abiicit & repulit. Haec tertia exponendi ratio Chaldaee interpretationis auctori placuit. § Omnes vinctos terrae. § Vinctos terrae sic dici puto; quasi vinctos in foueis terrae, & specubus subterraneis iclusos. Gregorius Nazanzenus solet *Ασπίου* *ἡμεῖς*, allegorico sensu appellare homines, quod eorum animus cum sublimioris naturae sit, in corpore tamquam carcere vinctus teneatur. quod item Origenes ante senserat, sed alter quidem Catholico sensu, alter non satis recto. hic enim quasi in aliorum peccatorum poenam corpori sit animus alligatus, & a Deo ideo creatum corpus, vt animis quae peccauerant tamquam carcer esset, sic putat *Ασπίου* *ἡμεῖς*, dici homines; ille vero Catholico sensu, quod corpus impedimento sit ne liber animus ad res caelestes contemplandas euolet; iuxta illud de Sapientia, § Corpus quod corrumpitur aggrauat animam, & deprimit terrena inhabitatio sensum multa cogitantem. § Sed de hoc Origenis errore latius Methodius apud Epiphanium.

De Theolog. in Nat. Dom. In Pascha.

Sapient. 9.

LAMED.

Vt declinaret iudicium viri in conspectu vultus altissimi.

Neq; hoc vidisse Dominum credendum est, aut in conspectu altissimi & in eius animo & voluntate fuisse, aut in eius conspectum ascendisse tantam pueritatem, vt declinaret iudicium cuiusquā hominis, vel quasi pecunia corruptus, vel acceptione personarum inclinatus, vt pueris Iudices faciūt. § Vt declinaret iudicium viri. § declinare iudicium est regulā iudicandi rectam pervertere, & a iustitiae norma & recto cursu de-

fu defletere. quod vel ideo fit, quia impotentes ij sunt quoru
 causa agitur, & iudex iniquus eorum imbecillitatem prote-
 rit: vel quia donis iudices corrupti sunt: vel postremo quia
 gratiam potentiorum atque nobiliorum captant. quae simul
 in Deuteronomio prohibita sunt, § Iudices ne in alteram par Deut. 16.
 tem declinent: non accipies personam nec munera, quia mu-
 nera excaecant oculos sapientum, & mutant verba iustorum. §
 § In conspectu vultus altissimi. § imminute dictum est, ac si di-
 xisset, non venit, non ascendit in cōspectu vultus altissimi; aut
 non posuit in suo conspectu altissimus; iuxta illud psal. 100.
 § non proponebam ante oculos meos rem iniustam: § hoc est
 non id spectauit, non ita ipsi altissimo placuit: negatio namq;
 subauditur e superiori versu, § Nō enim humiliavit &c. § quod
 idem est ac quod in sequenti versu ponitur, § Dominus non
 vidit, § seu § ignorauit. § Potest etiam alio modo sic intelligi,
 vt Chaldaeus vel Nabuchodonosor declinaret iudicium lu-
 daeorum, idq; in conspectu altissimi, illo vidente & percipien-
 te, id Dominus ignorauit. Aut postremo, vt ipsi Iudaei ante-
 quam captiui fierent, & maxime qui inter eos iudices erant,
 contra Domini praeceptū, declinaret iudiciū, altissimo viden-
 te & intelligente, id Dominus nonne vidit? nonne cognouit?
 LAMED.

Vt peruerteret hominem in iudicio suo, Dominus ignorauit.

Neque putandum est vñquam id Dominum probasse, eoq;
 spectasse, vt etiam sese iuste defendentem hominem, & sui fa-
 cti causam afferentem, & innocentem peruerteret, atq; dam-
 naret, & pro fonte haberet. cum itaque nihil horum de Deo
 suspicari possimus, neque in eo Tyranni saeuitiam inesse, ne-
 que iniqui iudicis iniustitiam, reliquum est in nobis culpam
 haerere, propter quam his malis nos afflixit & abiecit.

§ Vt peruerteret. § damnaret, fontem iudicaret, itaque optime
 LXX. *תִּשְׁפֹּט וְיִשְׁפֹּט*, condemnare. § In iudicio suo. § in lite
 sua, in causa sua, dum aduersus alterum in iudicio contendit.
 LXX. *עַל תִּפְּסֵי הַיָּדָא*, dum iudicatur, dum agit. § Dominus
 ignorauit. § In Hebraeo est, Dominus non vidit, hoc est non
 hoc spectauit, non hunc animum, non hoc consilium habuit.
 sic Gen. 20. Abimelech cum Abraam exostulans, § Quid vi-
 disti

disti vt hoc faceres? } Hoc est, quod tuum in hoc facto consilium fuit? In Graeco est, *Κύριος ἔκ εἶπεν*, } Dominus non dixit: } sed quantum ex Hebraeo conijci potest, LXX. transtulerunt, *Κύριος ἔκ εἶδεν*. } Dominus non vidit. } Sed adeo antiquum est, *ἔκ εἶπεν*, vt etiam Origenes id interpretatus sit, cum ait, *ὅτι τοῦτον μαρτυροῦμεν μὴ εἰρηκέναι τὸν κύριον, καὶ μὴ δὲ εἶπεν εἶ* } αὐτὸν τὴ ταπεινωθῆναι τοῦ διου πολὺς τῆς γῆς. } Ex his discimus non dixisse Dominum, neque auctorem esse vt vincti terrae sub peccato humilientur. }

MEM.

L X X.

Quis ita dixit & factum est, Dominus non mandauit. Ex ore altissimi non egredientur mala & bonum. Quid murmurabit homo viuens, vir pro peccatis suis?

O RIGENIS. Frustra igitur murmurantes, in creatorem culpam conferimus: quod sane viro viuenti facere nefas est: talis namq; sententia eorum est qui mortui sunt in peccato. nisi forte redarguit hominem in peccato viuentem, & Deum accusantē. Ergo vt qui nihil nisi nos ipsos accusare possumus, nostra facta iudicantes conuertamur. *OLYMPIOD.* Nihil de Deo tamquam peccati auctore queratur. nam quia voluntarie homo peccauit, potest idem ad paenitentiam conuerti, & vanae sunt excusationes.

MEM.

V V L G A T A.

Quis est iste qui dixit vt fieret Domino non iubente?

MEM.

Ex ore altissimi non egredientur nec bona nec mala.

A TQVI, dicet aliquis, etiam si haec mala Dominus non facit ex beneplacito suo, accidunt tamen praeter eius voluntatem, & illo etiam non iubente contingunt; casus enim & fortuna dominatur in rebus. Quis tandem iste est adeo stultus, vt quicquam fieri & euenire dicat Domino non iubente? aut quis tam potens est, vt dicat & fiat etiam praeter Domini iussum? & siue bona sint siue mala non eius praecepto atque decreto contingant?

MEM.

MEM.

Quid murmurabit homo viuens, vir pro peccatis suis?

Quod si neque iniustus est Deus, vt praeter iustitiae normā paenas infligat, & declinet iudicium, neque muneribus corrumpitur, aut aliquorum gratia & fauore capitur, & personā cuiusquam accipit, neque vero quicquam aut boni aut mali euenit praeter eius voluntatem; quid causae est cur quisquā murmuret viuens, & culpis peccatisque suis, quae magis confiteri & humiliter agnoscere debuerat, aut Dei iniquitatem, aut fortunam casumq; praetextat, quasi aut iniuste, aut temere & sine consilio puniatur?

§ Quis est iste qui dixit vt fieret? § Superius haec mala quae Iudaeis acciderant, non ex Dei beneplacito, quasi poenis hominum etiam innocentium laetetur, euenisse dixit. deinde docuit fieri non posse, & alienum a Dei natura esse, perue rtere & declinare iudicium: reliquum erat in casum ac temeritatem culpam conijcere, aut nostris peccatis adscribere. quod si non iniquus est in iudicando Deus, neque temere aut fortuito quicquam sine Dei consilio fit, relinquitur culpas Iudaeorum id esse commeritas, vt his malis ac poenis subijcerentur. In quibus verbis illud adnotandum, humilitatis gratia aliam malorum causam illum non commemorasse: nam saepe non vt peccata vindicentur, sed vt merita augeantur, vt etiam exempla patientiae atque constantiae proponantur, vexari iustos quoque homines Deus sinit: sed Ieremias hanc causam non commemorauit, seu humili animo culpis tribuens, cum praesertim sciri ab homine non possit, amore ne an odio dignus sit, & pro culpis ne an pro cumulandis meritis affligatur: seu quia clades illae Iudaeorū re vera pro illorum peccatis puniendis euenierant: ideoque hanc causam attulit, alias omisit. § Quis est qui dixit vt fieret? § Quis est tam potens homo ac tyrannus, seu Nabuchodonosor ille sit, seu quis alius, vt dicat & iubeat quicquam mali, & id statim fiat, etiam praeter Dei voluntatem? cum iniqui homines nihil nisi Dei permisso aduersus alios homines faciant, & virgae ac baculi instar sint, qui per se percutere nisi ab alio agitatus non potest. Ne igitur quisquam dum ab homine affligitur, illum esse

12. 10.

esse auctorem suae afflictionis putet, sed tamquam diuinæ vindictæ ministrum intelligat. Ideo namque Assur virga indignationis Dei ab Isaia vocatur. Hic vnus est horum verborū sensus. Alter est contra falsam casus ac fati fortunæque accusationem. Quæ est ista tam potens & domina rerum fortuna, aut praepositum hominibus fatum tam ferreum, vt etiam inuito Deo quicquam dicat & iubeat, & illico fiat? adeo vt in rebus humanis nihil possit altissimus, & ex ore eius non egrediantur nec bona nec mala, neque inter homines vllam partē potestatis habeat, adeo vt neq; mali quicquid neq; boni illius iussu eueniat? Hanc secundam aduersus fatum & fortunam expositionem Theodorus, & Hebraeorum nonnulli probant. alij priorem. Quod si neque in Dei iniquitatem conijci culpa vlla potest, neque in fati & fortunæ temeritatem, quid murmuramus & conquerimur, & vanas causas comminiscimur, & in res quæ nullæ sunt, nostrorum peccatorum culpam conferimus, quasi aut de Dei iniquitate, aut de fortunæ fatiq; necessitate miseri simus, cum miseriae nostræ nos ipsi peccando auctores fuerimus? § Homo viuens. § Recte dicit, § homo viuens: § nam qui de fato fortunaque sua conqueritur, is mortuus potius est quam viuens, nam in mortuis & inanimis natura ipsa aut temeritas, si quid illa possent, locum haberent. temeritatem dico τὸ αὐτόματον. at in viuente homine fortunam ac fatum accusare ridiculum est, cum voluntate faciat quaecunque facit, non naturæ aut fati necessitate cogatur. illa de necessitate conqueri possunt quæ inanima & libera nō sunt, at qui viuit, qui libero arbitrio donatus ornatusque est, quid habet quod suæ culpæ praetextat, & excuset excusationes in peccatis, perinde ac si mortuus esset, & spontaneos motus non haberet? quæ hac vanior, quæ leuior excusatio? § Vir pro peccatis suis. § Cum non solum viuens sit, verum etiam vir, hoc est, cum non modo voluntatis momenta habeat ad eligendum, verum etiam Deo donante vires ad efficiendum, quid aut de Deo conqueritur tamquam iniquo, aut casum ac fortunam tamquam malignam accusat? de se potius, & de suo vitio conqueratur.

NVN.

NVN.

L X X.

*Inuestigata est via nostra & examinata, & conuertamur
vsque ad Dominum. Leuemus corda nostra in manibus
ad excelsum in caelo. Peccauiumus, impie egimus &
non es placatus.*

ORIGENIS. Fieri non potest vt conuertatur ad Domi-
num qui se ipsum ignorat. semetipsum vero agnoscit
quisque, dum suis actionibus mentem atque animum adhibet,
simul illas conspiciens, simul etiam intellectuales efficiens. tunc
namque reuelata facie gloriam Domini speculamur, & ante 2. Cor. 3.
acta confidentes dicemus, { Peccauiumus & impie egimus vt Dan. 9.
auerteremur a te; & iustus es in omnibus quae induxisti no-
bis. } { Leuemus corda nostra in manibus. } **O**RIGENIS. Le-
uare corda in manibus videtur hoc significare, tamquam in
manus sumendo cogitationes nostras, examinemus an purae
sint. **OLYMPIOD.** Hoc est, ex terrenis rebus animas nostras
attollendo, offeramus illas Deo, animas nostras per opera tam-
quam oblationem quandam adducentes. { Et non es placa-
tus. } **EIVSDEM.** Quoniam irritauimus te, non es placatus.
hoc est, iusta passi sumus.

NVN.

V V L G A T A.

*Scrutemur vias nostras, & quaeramus, & reuertamur ad
Dominum.*

OMISSIS igitur vanis excusationibus atque conquestio-
nibus, vias, facta, vitamque nostram cum summa sollici-
tudine examinemus & inuestigemus, vnde malorum omnium
origo pender; & sicubi de recta via nos declinasse deprehen-
derimus, errore abiecto, per conuersionem ac paenitentiam
reuertamur ad Dominum.

{ Scrutemur vias nostras. } Hoc nobis reliquum est, idque no-
bis faciendum incumbit, vt vias factaq; nostra perpendamus,
ac diligenter examinemus. Scrutari autem dicit quasi intimos
recessus & abditos rimari: facta nostra omnia excutiamus ac
ventilemus.

R

NVN.

NVN.

Leuemus corda nostra cum manibus ad Dominum in caelos.

Psal. 50.

Corda etiam nostra tamquam munus quoddam purum ac mundum puris manibus ad Deum, cuius habitatio in caelis est, attollamus, ut ei acceptum sit & gratum. neque enim cor contritum & humiliatum spernit vnquam, idque sacrificio quouis gratius illi est.

§ Leuemus corda nostra cum manibus. § In Ecclesia quoque mos hic receptus est, ut oraturi leuent manus, ut multa sunt quae per symbola quaedam & figuras corporeas oculis exhibet; quae interius & vere facienda sunt, significationibus quibusdam repraesentans.

NVN.

Nos inique egimus, & ad iracundiam prouocauimus, idcirco tu inexorabilis es.

Nos inique egimus a te discedendo, tuisque imperijs non parēdo, te ad iracundiam prouocauimus, & superbe tua praeccepta contempsimus. idcirco te placatum habere non possumus, quia non ex imbecillitate, sed ex superbia tibi repugnauimus, teque contempsimus, & ad te conuerti negleximus.

§ Et ad iracundiam prouocauimus. § non simpliciter peccauimus, sed quasi contemnentes te, ad iracundiam prouocare studiose curauimus. de industria contempsimus: peccatum autē quo maius est, eo maiore poena plectitur; § ideo, § inquit, § tu inexorabilis es, § & quamuis miserator sis & misericors, tamē culpa nostra id exigente, oblitus tuae mansuetudinis videris. quod ad poenam relaxandam es difficilior, id ad nostrae contumaciae culpam vindicandam facis, non quod tibi insita fauitia sit.

SAMECH.

L X X.

Operuisti in furore, & persecutus es nos, occidisti & non percussisti: Obtexisti te ipsum nube, propter orationem, ad claudendum oculos mihi & abijciendum, posuisti nos in medio populorum.

ORIGENIS. Haec quoque superioris confessionis pars est, asperos casus tamquam ex nube tenebras quasdam nobis

nobis offudisti; & cum a te longe essemus persecutus es. occidisti per supplicia nos peccato mortificans. Et quia peccata nostra nos a te diuidebant, tamquam nube muri instar interiecta, non peruenit ad te nostra oratio. neque enim habebamus pennas colubae vt super volare possemus, & dicere, § in Deo transgrediar murum. § non enim erat facile peccatū pertransire, quod & solidum est, & tenebricosum, & sancti Spiritus expers. § Propter orationem. § OLYMPIOD. Ne ad te peruenire possit oratio. § Ad claudendum oculos mihi & abijciendum. § OLYMPIOD. Aversio tui vultus, inquit, mihi lucis praesentiam eripuit, & vt solet oculos cludentibus euenire, mihi tenebrae obortae sunt. § In medio populorum. § OLYMPIOD. Sensibilem vel intelligibilem, propterea quod a peccatis proditi sumus.

Psalm. 54.
Psalm. 17.

SAMECH.

V V L G A T A.

Operuisti in furore & percussisti nos, occidisti nec pepercisti.

CVM tibi furorem iramque tuam quasi velum obtendisses, ne quempiam agnosceres, sine respectu aliquo percussisti nos, neque alicuius rationem habuisti; occidisti, neque alicuius misertus es.

§ Et percussisti. § In Hebraeo est, persecutus es, quod etiā LXX. habent, *κατέσφαξε*, quod potest etiam hunc sensum habere, quasi caligine quadam furoris obtexisti nos, vt quo fugiamus videre nō possimus. & sic furoris tui caligine obcaecatos persecutus es: iuxta illud Psalmi, § fiant viāe illorum tenebrae & lubricum, & angelus Domini persequens eos.

SAMECH.

Opposuisti nubem tibi, ne transeat oratio.

Sed id quidem non tam graue est, quod furoris velo quasi caligine quadam, vel te contexeris ne cuiuspiam rationem haberes, vel nos inuolueris ne quo fugiendum esset videre possemus; illud nobis molestissimum est, & grauissimam poenam ducimus, quod nubem tibi, quasi murum interiectum opposueris, ne transeat oratio.

§ Opposuisti nubem tibi. § Nubem firmitatem illam diuinæ sententiae dicit, cum exorari se nō sinit ab ijs qui illius admo-

R 2 nitio-

Ita. 1. nitiones & consilia prius abiecerant, vt Isaias ait, § cum multi-
 Prouerb. 1. plicaueritis orationem non exaudiam, § & sapientia in Pro-
 uerbis, § Despexistis omne consilium meum, & increpationes
 meas neglexistis: ego quoq; in interitu vestro ridebo, & sub-
 fannabo cum id quod timebatis euenerit &c. Tunc inuoca-
 bunt me & non exaudiam: mane consurgent ad me, & non in-
 uenient me: eo quod exosam habuerint disciplinam, & timorē
 Domini non susceperint. § digna namq; pœna est, vt qui mo-
 nenti non obtemperarunt, non habeant adiuantem, & cuius
 consilia non audierunt, is eorum orationes non exaudiat.

SAMECH.

Eradicationem & abiectionem posuisti me in medio populorū.

Tamquam inutile lignum eradicasti me & euulstisti de ter-
 ra mea, & abiecasti in medium populorū, vt ab omnibus pro-
 tererer. § Eradicationem. § Haec verba ex persona totius po-
 puli dicuntur, vnde etiam superius communi exhortatione
 vsus est, § Leuemus corda nostra, § &, § Scrutemur vias nostras
 & reuertamur ad Dominum, § & proxime post haec, § Ape-
 ruerunt super nos os suum, &, formido & laqueus facta est no-
 bis vaticinatio & contritio. § Non ergo haec omnia ad Iere-
 miae personam pertinent. § Eradicationem, § vero dicit tam-
 quam infructuosae arboris de loco suo euulsionem, iuxta il-
 lud, § propterea Deus destruet te in finem, euellet te & emi-
 grabit de tabernaculo tuo, & radicem tuam de terra viuenti-
 um. § Contraque de viro iusto dicitur, § Ego autem sicut oli-
 ua fructifera in domo Dei, &, iustus vt palma florebit, sicut ce-
 drus libani multiplicabitur, plātati in domo Domini, in atrijs
 domus Dei nostri florebunt. § vt enim eradicata arbor neque
 floret, neq; fructum affert, & ignibus traditur, sic populus ille
 quasi aridum & infructuosum lignum extirpatum e terra sua,
 & in terram alienam proiectus, magna ex parte successionem
 generis perdidit, & gloriam illam tamquam ornatum foliorū
 amisit. vnde etiam de Ioachim rege Iuda dicit idem hic Iere-
 mias, § Haec dicit Dominus, Scribe virum istum sterilem, virū
 qui in diebus suis non prosperabitur. nec enim erit de semine
 eius vir qui sedeat super solium Dauid, & potestatem habeat
 ultra in Iuda, § & in persona populi captiui dicit Ezechiel,
 § perijt

§ perijt spes nostra, § tamquam scilicet arboris radicitus euulsa, & abscissi sumus. sed in LXX. legitur, *καμύσαι με, καὶ ἀποδοῦναι ἰθὺς*, quid autem in Hebraeo legerint, vt *καμύσαι*, hoc est, oculos claudere dicerent, non possum conjicere. nisi forte *λικμήσαι*, hoc est ventilare transfulerunt: Ezech. 26. sic namque hoc verbum Hebraicum *תנח* transferunt ijdem in Ezechiele, *ליקμήסו תנח רוחו אוֹתָהּ אֶת אוֹתָהּ*, euentilabo, puluerem eius ab ea. itaque hunc sensum habere poterit; quasi pulueris rasuram & abiectionem posuisti me in medio populorum. vt enim leprosa domus pulvis abradebatur, & in immundum locum projiciebatur, sic de illa habitatione Ierosolymorum, quae iam peccatorum lepra infecta erat, hi tamquā pulvis abradi erant, & inter populos ac gentes proiecti, & in omnē ventū ventilati. nam Hebraeū verbum etiā radere significat, licet in Ezechiele LXX. ventilare transfulerint. In Origenis vero expositione hic versus non est positus, ea vt opinor de causa, quia cum sic Origenes interpretatus esset, vt eius interpretatio verbo *καμύσαι*, non congrueret, cum parum quid sibi Origenes vellet catenae auctor intelligeret, neque illius expositionem cum suo libro conuenire videret, leuem habuit expositionis illius iacturam, & ne parum cum textu cohaerere videretur, eam maluit omittere quam aliquid parum congruens ponere. neque vero Theodoretus aliquid parum quod ad huius versus expositionem faciat.

PHE.

L X X.

Aperuerunt super nos os suum omnes inimici nostri. Timor & pauor factus est nobis, elatio & contritio. Emissiones aquarum deducet oculus meus super contritione filiae populi mei.

O RIGENIS. Symmachus *πίστος* terror. Toto ore inquit absorbuerunt nos, & in profundum malorum descendimus, timore ac turbatione obruti. cadit enim peccator in foueam quam fodit, & suorum peccatorū poenas luit: & quia ante contritionem praecedat contumelia iuxta Salomonem, hoc est superbia, quia elati sumus, ideo etiam contriti. vnde etiam David canit, § non veniat mihi pes superbiae, & manus Psal. 39.

Origenes videtur legisse non *ἐξ υἱοῦ*, sed *ἐξ υἱοῦ*. Prouer. 16.

pecca-

peccatoris non moueat me. } } Aperuerunt super nos os suū. }
OLYMPIOD. Conuiciantes, aut absorbere quærentes. } Ti-
mor & pauor factus est nobis. } EIVSDEM. Ex varijs castiga-
tionibus. } Elatio & contritio. } OLYMPIOD. Aut propter
elationem, inquit, & arrogantiam contriti sumus, aut elati su-
pra nos hostes nostri contriuerunt nos. } Emissiones aquarum
deducet oculus meus. } ORIG. Cumq; tanta mala passus esset,
pro ijs qui fecerant dolet, } adeo caritas malum non cogitat. }

I. Cor. 13.

PHE.

V V L G A T A.

κακὸν ἐλ-
ογῆσαι sic
intelligit
Origenes,
ac si effec-
t. ἔμμεκα-
κεῖ, non re-
pédere ma-
lū cogitat.
Iudic. 17.

Aperuerunt super nos os suum omnes inimici.

OMNES inimici nostri tamquam tetrerrimae belluae aperuerunt super nos os suum absorbere deuorareque cupientes, & penitus perdere atque consumere.

§ Aperuerunt super nos os suum. § Nonnulli ad irrisionē per-
 tinere haec verba dicunt. quod nō admodum probo. Nonnul-
 li ad iniqua cruentaq; decreta quae in Iudaeorum populum
 victores Chaldaei decernebant, iuxta illud Iephthae dictum
 ad filiam, vt LXX. habent, § aperui os meum super te. § Sed
 malui tamquam de belluis deuorare properantibus intellige-
 re, vt etiam huius libelli capite 2. § Aperuerunt super te os
 suum omnes inimici tui, sibilauerunt & fremuerunt dentibus
 suis, & dixerunt, deuorabimus. § habet autem significatiōē
 quandam maximae auditis verbū, § aperuerūt, § quasi non
 modice, nostrā perniciē expetierunt, sed toto ore in nos inha-
 uerunt, iuxta illud Isaiae 9. § & deuorauerūt Israel toto ore. §
 P H E.

PHE.

Formido & laqueus facta est nobis vaticinatio & contritio.

Inevitabilia mala incurrimus, adeo ut si alterum fugeremus, in alterum cadere necesse esset longe priore peius. itaque vaticinationem fugientes in contritionem lapsi sumus, non secus, atque avis quae sonitum pertimescens in laqueum incidit.

§ Formido & laqueus. § Cum vaticinia prophetarum timeremus, & illa evitare niteremur, in contritionem & tamen incidimus, ita ut vaticinatio & contritio facta sit nobis, ac fuerit idem quod avibus formido & laqueus. ut enim avis formidoloso territa sono, in laqueum quem evitare volebat & pertimescebat

mellebat incurrit, item nos vaticinia pertimescentes, & moleste ferentes, in illam ipsam perniciem quae vaticinijs praenunciabatur incurrimus. sic etiam in Prophetia sua de Moab dicit Ieremias, § Pauor & fouea & laqueus super te o habitator Moab dicit Dominus: Qui fugerit a facie pauoris, cadet in foueam: & qui conscenderit de fouea capietur laqueo. § Vaticinatio & contritio. § Dubitari potest, quam consequentiā habeat cum vaticinatione contritio, nullam enim habere videtur. sed mihi beatus Hieronymus id sensisse videtur: nam quia vaticinatio apud Hebraeos onus, seu elatio dicitur, seu impositio, id enim est **אָנִשׁ**, putauit eandem vim habere vocē **אָנִשׁ**, quae vox hoc loco in Hebraico reperitur, cum eandem originationem habeat. Cum igitur onus seu elatio sit prophetia & vaticinatio, existimauit voluisse Ieremiam ex ambiguitate verbi gratiam sermoni conciliare, vt ex vno intellectu in alterum transiret, ex vaticinio in pondus seu onus, seu elationem oneris. pondus autem cum graue est conterit, & quod attollitur & super ponitur si cadat comminuitur atque conteritur; apte igitur & cum gratia quadam sermonis, cum vaticinio coniunxit contritionem. eodem loquendi modo vsus est in prophetiae suae capite 23. cum Dei iussu prohibet ne per iocum illudentes prophetis, illorum vaticinia onus vocent. § Vt quid, inquit, vobis onus. proijciam quippe vos dicit Dominus, § nempe tamquam graue onus & intolerandum ex humeris proijciam & conteram & affligam. Eodem modo dicuntur assumptiones, quasi onera in humeros sublata. vt huius libri cap. 2. § Viderunt autem tibi assumptiones falsas & eiectiones. § Non longe ab hoc intellectu abierunt hoc loco LXX. qui transtulerunt **אָנִשׁ**, elationem. vt sit, facta est nobis elatio & allisio seu contritio, iuxta illud psalmi 101. § Ele- Psal. 101.
 uans allisisti me. § Ceterum verbum Hebraicum quod hic legimus, **אָנִשׁ**, potest etiam terrorem significare, vt eadem sententia alijs verbis repetatur, formido & laqueus factus est nobis, terror & contritio: nam terrorem fugientes in contritionem & minam quasi in foueam incidimus, in qua contriti & confraeti sumus. neq; hoc loco solum hoc Hebraicum nomen terrorem significat, verum etiam in Iob 31. vbi ille inquit, § Sem- Iob 31.
 per

pe^r enim quasi tumentes in me fluctus timui Deum, & pondus eius ferre non potui, § pondus, horrorem ac terrorem intelligit. itaque qui in Chaldaicum sermonem transtulit, horrorem ac formidinem reddidit.

PHE.

Diuisiones aquarum deduxit oculus meus, in contritione filiae populi mei.

Quasi iugiter defluentibus riuus oculi mei manarunt, cum aspicerem quassationem atq; cōtritionē generis populi mei. § Diuisiones aquarum. § Gratia magna est in sermone ex ambiguo. oculus enim in Hebraeo & partem corporis qua videmus, & fontem significat: hic igitur, inquit, fons oculorū perpetuo manantibus riuus defluxit. Contritionem vero aut casum illum significat cum de fastigio honoris felicitatisq; suae delapsa, & in terram allisa contrita est, aut famis aerumnam, vt cap. 4. § Manus mulierum misericordiū coxerunt filios suos: facti sunt cibus earum in contritione filiae populi mei. §

A IN.

L X X.

Oculus meus absorptus est, & non tacebit, eo quod non sit requies. Donec respiciat & videat Dominus de caelo.

Oculus meus deuindemiabit super aminam meam praecunctis filiabus urbis.

ORIGENIS. Pro eo quod est, § Oculus meus absorptus est, non tacebit, eo quod non sit requies. § Symmachus dixit, § Oculus meus perstitit, & non cessauit eo quod non esset remissio. § Ac septuaginta quidem hoc significant, quamuis oculi prae lacrymarum copia debilitati essent, non tamen intermisi, cum a luctu cessare non possem. Symmachus vero, perseueraui lacrymans, neque intermisi. nam assidua oratio, & lacrymarum contentio Deum ad misericordiam trahit, § Oculus meus deuindemiabit super animam meam, § **O**RIGENIS. Praecidunt me lacrymae, inquit, velut vitem diligēs vindemiator. Iuxta Symmachum, inquit, demerferunt me lacrymae, trāslatione ab ijs ducta qui in aquis suffocantur. Sed sustinens sustinebo Dominum quoad conuertat vultum suum super nos. respicere vero Deum, est nos sua inspectione dignari.

gnari. illud vero, & prae cunctis, & interpretatur, & super cunctis, & hoc est in illarum calamitatibus. nam muliebris sexus est virili miserabilior.

AIN.

V V L G A T A.

Oculus meus afflictus est, nec tacuit, eo quod non esset requies.

OCVLVS meus afflictus est assiduus lachrymis, neq; finem fecit, cum nullum esset a malis, aut dolore laxamentum. & Oculus meus afflictus est. & Sensum expressit beatus Hieronymus. verum נגרה, significat etiam effluxit, manauit aquis meus oculus seu fons, (adhuc namque ambiguitatem nominis seruat,) quasi per praeceptum emisit aquas: impetu namque currunt aquae cum per decliuem praecipitemq; locū fluunt. ergo impetum & defluxum lacrymarum ab oculis hoc verbo significare voluit, aut tamquam fluuius defluxit, & nec tacuit. & hoc est, interruptus non est fluuius lacrymarum, & eo quod non esset requies. & eo quod non cessaret a lacrymis: nam fonte iugiter redundante, fluuius etiam ipse non interruptus decurabat. LXX. transulerunt אגרותי, absorptus est, quasi prae lacrymis tabefactus absconditus sit & in imum ac profundum defecit. aut ex metaphora aquarum,mersus est oculus meus in lacrymis, quasi lacrymae illum texerint, & obruerint. Symmachus ירמא, perseuerauit, quasi esset verbum נגה, quod verbum Chaldaica lingua prolongare, differre significat. quod autem nunc se fecisse dicit, hoc superius capite 2. facere suafit, & Deduc, inquit, quasi torrentem lacrymas per diem & noctem, non des requiem tibi, neque taceat pupilla oculi tui, & adeo non modo consilio & verbis, sed etiam factis & exemplo suo persuadebat.

AIN.

Donec respiceret & videret Dominus de caelis.

Donec ille qui opposuerat nubem sibi ne transiret oratio, quasi per rimas quasdam fenestras me quamuis non aspicientem respiceret, & velo furoris quod obtenderat, per vim lacrymarum ablato, preces meas attenderet, eisque aditum daret, qui orationi simplici iter obstruxerat.

Vim maximā esse lacrymarum docet, quae clausum licet caeli ostium aperiant, & fenestris quibusdam patefactis ad aspiciendum

S

dum

dum per eas Deum inclinent. nam quod apud nos est, § donec respiceret. § LXX. habent *ἀκούει*, quasi latenter per fenestrarum rimas inserto capite respexerit, & qui se pserat furore viā, ipse sibi rimulas ad aspiciendum aperuerit.

AIN.

Oculus meus depredatus est animam meam in cunctis filiabus urbis meae.

Oculus meus iugi fletu & lacrymis animam habitudinemq; meam depredatus est atq; consumpsit, vt nulla remanserit habitudinis atque corpulentiae pars, idque propter cunctas filias vrbis meae, quas in captiuitatem abire vidi, & quae commiserationem propter sexus debilitatem magis commouebant.

§ Depredatus est. § Metaphora ab ijs ducta, qui vineas depredantur, & ne racemum quidem relinquūt, vt in prophetia sua dicit capite 6. § Vsq; ad racemum colligent quasi in vinea reliquias Israel. conuerte manum tuam quasi vindemiator ad cartallum. § Ideoque LXX. transtulerunt *ἐπιφυλάξαι*, § oculus meus reuindemiabit animam meam. § id est meas vires & habitudinem, si qua reliqua fuerat tantis malis, oculus meus prae copia lacrymarū quasi reuindemiauit & depredatus est atq; consumpsit, vt nihil remanserit virium. nec longe ab hoc sensu discedit Origenes, qui sic exponit, *κατακίπναι με τὰ δάκρυα καὶ τὸ πρὸ ἁμπελον ἀκριβὲς ζυγνῆς*, concidunt me lacrymae quem admodum vitem diligentissimus vindemiator; qui scilicet ne minimum quidem racemū praetermittit. At vero Symmachus transtulit, *καπιπίποι*, demersit animam meam, quasi in mare quoddam lacrymarum, idq; plusquam cunctae filiae vrbis meae; sic namque & in Hebraeo & in Graeco est, *ὡς πᾶσαι θυγατέρες πόλεως*, quae suapte natura ad luctum & lacrymas propensae sunt, vbi quippiam aduersi contigit. Nonnulli ex Hebraeis sic interpretantur, oculus meus deturpauit faciem meam.

TSADE.

L X X.

Venantes venati sunt me quasi auem omnes inimici mei gratis. Occiderunt in lacu vitam meam. & imposuerunt lapidem super me. Supereffusa est aqua super caput meum; dixi, repulsus sum.

O RIGORIS. Vel ea quae passus est narrat, nam in lacum iniectus est, & quantum in illis fuit, perijt: praeter spem vero saluatus clamabat cum David, § Anima mea sicut passer erepta est de laqueo venantium, § non enim fas erat cadere super terram sine patre illo qui in caelis est, iuxta saluatoris vocem. Vel igitur de se haec dicit, vel etiam cladem populi suam putans. sed quod ait, § gratis, § de ipso conuenienter dicitur: nam illos qua in re violauit? immo vero qua in re non iuuuit? § Occiderunt in lacu vitam meam. § OLYMPIOD. Iudaei quidem auctorem vitae interficientes. Daemones vero, animam in inferno eorum consilio. § Posuerunt lapidem super me. § EIVSDEM. Iudaei ut sepulchrum tegerent; daemones ut animam mole peccatorum deprimerent, meliorem vitam contemnere persuadentes. § Supereffusa est aqua super caput meum. § EIVSDEM. Super Dominum, variae tribulationes. Super animam, fluxus peccatorum. § Dixi repulsus sum. § EIVSDEM. Dominus quidem propter passionem, cum homo factus esset, humano more loquitur, iuxta illud quod est in psalmis, § factus sum sicut homo sine adiutorio. § anima vero peccatoris hoc propter peccatum dicit.

Psal. 123.

Matth. 10.

Psal. 87.

TSADE.

V V L G A T A.

Venatione ceperunt me quasi auem inimici mei gratis.

I N SIDIIS & dolis tamquam venatoria arte me velut auem ceperunt inimici mei, idque nullo fructu, nisi ut mihi etiam nihil a me offensi nocerent.

Haec iam quae sequuntur, ad Ieremiae personam pertinere proprie videntur. nam & fraude & dolis inimicorum captus est, cum ipse nihil illis incommodasset, immo vero & monitis & consilio & precibus iuuare conatus esset, & ab illis in lacum missus. venatione igitur tamquam nihil tale suspicantem ce-

S 2 perunt

10. can. 11. perunt. itaq; in prophetia sua dicit, § Et ego quasi agnus man-
 luctus qui portatur ad victimam, & non cognoui quia cogita-
 uerunt super me consilia. § hoc est igitur venatione ceperunt,
 quod, non cognoui consilia eorum: fraude ceperunt, insidijs, do-
 lo. § Gratis, § seu nihil a me laesi, seu nullū commodum ex meo
 malo habiruri, nullum fructum. nonnulli haec de tota gente
 intelligunt. sed si de tota gente Iudaeorum haec dicta sunt,
 quomodo gratis capti sint non facile intelligitur. quomodo
 enim gratis, cum & a Iudaeis Chaldaei offensi sint foederibus
 violaris a Sedecia rege; aut sine fructu, cum victoribus non
 minimum commodum sit gentes vicisse, & vrbes regionesque
 subegisse? De Ieremia igitur commode accipiuntur. quod
 etiam Origenes vidit.

† S A D E.

Lapſa eſt in lacum vita mea, & poſuerunt lapidē ſuper me.

Me adhuc viuentem tamquam mortuum in lacum demisc-
 runt, ibique inuoluerunt, omni spe exeundi penitus adempta,
 vt ibi contabererem; & quamuis certum eſſet, non poſſe me
 inde aſcendere & euadere, tamē inſatiabili ſtudio me occidēdi,
 etiā lapidē ad os lacu poſuerūt, ne vel lumen poſſem aſpicere.
 § Lapſa eſt in lacum vita mea. § Hoc de Ieremia in pijs libro
 legimus capite 38. de lapide vero nihil ibi ſcriptum eſt. ſed
 ita factum eſſe credendum eſt, praefertim cum ita fecerint in
 Dan. 6. Daniele. § Lapſa eſt. § LXX. *ἀνέστης*, quaſi ſpe omni ſalutis
 priuatus ſere mortuus fuerit. quodam modo in poſſeſſionem
 morti me addixerunt, ſine vlla redemptionis expectatione. nā
 Hebraecum verbum hanc quoq; ſignificationem habet, addici
 ac vendi ſine iure vllō redemptionis.

† S A D E.

Inundauerunt aquae ſuper caput meum, dixi perij.

Aquae tribulationum & aerumnarum ſuper caput meum
 iam in lacu poſiri inundauerunt; quomobrem quod ad meas
 vires attinet, ſpem omnem ſalutis abieci.

§ Perij. § Senſum retinuit interpres. in Hebraico eſt, *אניני*, ex-
 ciſus ſum, quod LXX. dixerunt *ἀνέστης*, repulſus ſum, ſicut in
 pſal. 87. § Sicut vulnerati dormientes in ſepulchris, quorum
 non es memor amplius, & ipſi de manu tua repulſi ſunt. § de

manu

manu tua excisus sum, vnde tamquam stamine omniſi vita ducitur ac pendet. quod fabuloſe gẽtiles de ſua Clotho dixerũt. vnde etiam apud Iſaiam legimus, abſciſum de terra viuentiũ. Iſa. 53.
exiſtimaui ſtaminibus vitæ ſpeiꝑ; meae de tua manu abſciſis nõ me amplius victurum; filum vitæ meae non amplius duci, ſed de tua manu abruptum eſſe putauĩ.

COPH.

L X X.

Inuocaui nomen tuum Domine de lacu infimo. Vocem meam audiſti, ne abſcondas aures tuas ad deprecationem meam; in auxilium meum. Appropinquaſti in die qua inuocaui te, dixiſti mihi, ne timeas.

DE lacu infimo. § OLYMPIOD. quo me coniecerant. § Ne abſcondas aures tuas ad deprecationẽ meam. § EIVSDEM. Simile eſt illi de pſalmo, § Inclina aurem tuam ad precẽ meam. § Appropinquaſti. § EIVSDEM. Dominus noſter Ieſus Pſal. 87. reſurrectionem ſuam praedicat, paenitẽs vero haec dicit propterea quod ſecundum naturam Deus vbique adeſt.

COPH.

V V L G A T A.

Inuocaui nomen tuum Domine de lacu nouiſſimo.

NEQUAMEN cum me mortuum & de tua manu abſciſum exiſtimarem, deſpondi penitus animum, ſed ad te inuocandum me conuertĩ, non de qualicunq; miseria, ſed de profundiffimo lacu in quo paene mortuus iacebam.

§ Lacu nouiſſimo, § lacum nouiſſimum nonnulli carcerẽ ſubterraneum in quo Iudaei vinẽti a Babylonijs tenebantur: non nulli allegorice loca horrentia accipiunt in quibus habitabant, aut etiam afflictiones maximas in quibus verfabantur; vt etiam in pſalmo 87. § poſuerunt me in lacu inferiori in tenebrosiſ & in vmbra mortis, § ſed poteſt ad litteram de Ieremia accipi, & de profundo laci in quẽ coniectus eſt: § deſcendit, inquit, Ieremias in coenum. § Pſal. 87.

COPH.

Ierem. 18.

Vocem meam audiſti, ne auertas aurem tuam a ſingultu meo & clamoribus.

Neque vero mihi dubium eſt, quin etiam de infimo lacu vocem

cem

cem meam audieris, non enim te quominus audires, aut infirmus locus & remotissimus, aut debilitata aerumnis vox impedire potuit, qua voce id clamabam, idque precabar, ne auerteres, & clauderes aurem tuam, ab oratione mea, quae non tam verbis contexta erat, quam suspirijs & clamoribus ex imo cordis dolore prodeuntibus.

§ A singultu meo. § Hebraei, a respiratione mea, quod exponunt, ne claudas aurem tuam quo minus mihi respirare, & recreari concedas, sed melius beatus Hieronymus a singultu meo, cui esse affine quod LXX. verterunt, § a prece mea, § quod autem prius ait, § audisti, § deinde subiungit, § ne auertas, § subcontrariū videtur. nam si audiuit, quomodo petit ne auertat aurem? igitur aut sic intelligendum est, vt superius posuimus, vt sit quasi expositio quae nam vox illa fuerit, quam audiuit, nempe haec illa erat vox, § ne auertas aurem tuam a singultu meo. § Aut hoc dicit, sicut prius vocem meam audisti, sic precor ne iam auertas aurem tuam a meo singultu.

COPH.

Appropinquasti in die quando inuocaui te, dixisti, ne timeas.

Quamuis in infimo lacu sepultus terra coenoque obrutus iacerem, tamen appropinquasti, nec de longe a meo clamore stetisti, sed proxime ad inuocantem accessisti, vt meam vocem inuocantis exaudires, & iam paene animo fractum confirmasti, tuaque inspiratione erexit dicens, ne timeas, forti animo esto, ego enim tecum sum vt adiuuem te.

§ Appropinquasti, § prope fuisti, vt opem ferres ac liberares, iuxta illud psalmi 68. § intēde, § seu vt in Hebræo est, § prope esto animae meae, & liberā eā. § adiuuit autē illū & eripuit de lacu, Abdemelech pro eius salute regē Sedeciā interpellante.

RECHS.

L X X.

Iudicasti Domine iudicia animae meae, redemisti vitam meam. Vidisti Domine turbationes meas, iudicasti iudicium meum. Vidisti omnem vindictam eorum, & omnes cogitationes eorum aduersum me.

O RIENS. Iudicauit Dominus cum pseudopropheta illum interfecit, & Regem tradidit. Quod si de Christo intelli-

intelligatur, tunc iudicauit cum gentem illam in captiuitatē tradidit. **OLYMP.** Ex persona Christi, quia Iudaei pro sceleribus in illum admissis dignas poenas persoluerunt, cū in Romanorum potestatem dati sunt. Ex persona vero eorum, qui saluati sunt per Christum, propter resurrectionem, quia principē huius saeculi damnauit. **Redemisti vitam meā.** **OLYMP. P. 100.** Ex persona Christi propter resurrectionem. saluatus vero dicit illi, redemisti me cum dignatus es mea debita ipse dissoluere. **Vidisti Domine turbationes meas.** **EIVSDEM.** Quas vel Dominus ipse a Iudaeis perpeffus est, vel ab hostibus inuisibilibus anima.

RECHS. V V L G A T A.

Iudicasti Domine causam animae meae, redemptor vitae meae.

C A V S A M animae ac vitae meae quum de vita & decapite decernerem, tamquam optimus patronus ac defensor iudicasti, & iudicio defendisti; cum tu Redemptor esses vitae meae, ad quem tamquam ad Dominum ius serui sui liberandi & redimendi ac defendendi pertinebat.

Iudicasti. Idem est in Hebraeo ac decertasti, cum contentione summa perēgisti, ac peruicisti, tamquam videlicet aduocatus ac defensor. hoc est, ipso exitu & meam causam iustam esse, & inimicorum meorum iniustam & iniquā comprobasti. **Redemptor vitae meae.** Redemptor est, ad quem ius redemptionis spectat, cuius est a seruitute quempiam asserere, quod vel eius potestatis ille sit, quem redimit, vel alio iure ad illum pertineat, puta cognationis ac generis. hic vero redemptor vocatur Dominus, quod qui redimitur, illius cultor ac de illius populo & sub eius potestate sit. cum tu ergo Deus meus sis, tui muneris est tuum cultorem redimere, & ab iniuste opprimentibus liberare. Similiter de tota gente Iudaeorum dixit Ieremias, **Calumniam sustinent filij Israel & filij Iuda si-** Ierem. 50
mul, omnes qui ceperunt eos tenēt, nolunt dimittere eos. Redemptor eorum fortis, Dominus exercituum nomen eius, iudicio defendet causam eorū. **Redēptor eorū,** quia ad eius gēs Iudaea ius pertinebat, cum ille Deus eorū esset, illi cultores.

RECHS.

RECHS.

Vidisti Domine iniquitatem illorum aduersum me, iudica iudicium meum.

Persecta tibi illorum est iniquitas qui me iniquo iudicio opprefferunt addixeruntq; morti, vt in lacum iniectus ibi tabescerem. Tu igitur sapiens ac iustus iudex iudica iudiciū meum, & de meis inimicis vindictam sume.

§ Iniquitatem illorum. ἡ τὰς ἀδικίας, hoc est, perturbationes dixerunt LXX. quo nomine item significarunt iniquitatem iudicij, quod qui peruersum iudicium reddit perturbet iustitiā, & eius normam confundat. Iuxta illud Iob. μὴ ὁ κύριος ἀδικήσῃ καὶ ἐμὴν, ἢ ὁ τὰ πάντα ποιῶνς ἀδικῇ ἐν τῷ δικαίῳ; § num Dominus iniuriam faciet iudicans? aut qui omnia fecit, perturbabit quod iustum est? §

RECHS.

Vidisti omnē furorē, & inuērsas cogitationes eorū aduersū me.

Nec te latuit illorum in me animus malignus, & ira quam animo clausam habebāt, & cogitata quibus mala mihi inferre animo versabant, tibi optime persecta fuerunt.

§ Omnem furorem. § Odium proprie & iram, & animum vlciscendi, & malefaciendi. ideoque LXX. translulerunt, ἐκδικήσας αὐτοῖς, vltionem illorum, malignitatem, quam animo versabāt. atque haec quidem in animo latebant: neque tamen maledictis temperabant, nam sequitur.

CHSEN.

L X X.

Audisti opprobrium eorum, omnes cogitationes eorum aduersum me. Labia insurgentium mihi, & meditationes eorum aduersum me tota die. Sessionem eorum & resurrectionem eorum inspicie in oculos eorum.

OLYMPIOD. Haec verba prophetice ad personam Domini referuntur, de ijs quae passus est a Iudaeis. Dicuntur etiam ex persona animae ipsum Patrem aduersus inuisibiles hostes interpellantis. § Sessionem eorum & resurrectionem eorum inspicie in oculos eorum. § EIVSDEM. Nam simulant nonnunquam pacem, quo inflationem aut negligentiam animae suggerant, tamquam quae iam ad impassibilitatem

tem

tem mortificationemque passionum peruenerit. deinde subito aduersus illam insurgunt. § Inspice in oculos eorū. § EΙ VΣ DΕM. Hoc est in Scopum atque propositum eorum. quicquid enim faciunt, ad perniciem animae faciunt. OΡIΓENΙSΙ. Illud, § Ego in oculis eorum, § hoc est, grauis eram illis etiam ad videndum.

Origenes
legit, *ὁ γὰρ
ἐν ὀφθαλμοῖς
αὐτοῦ.*
Olymp *ὁ γὰρ
ἐν ὀφθαλμοῖς
αὐτοῦ* vera
lectio, *ὁ γὰρ
ἐν ὀφθαλμοῖς
αὐτοῦ.*

CHSEN. V V L G A T A.

Audisti opprobrium eorum Domine, omnes cogitationes eorum aduersum me.

A V D I S T I item opprobria quae in me elato spiritu & superbo iactabant, sese efflerentes, & mihi meas aerumnas & aduersos casus, quasi vitium obijcientes, ne misero quidem parcentes. quicquid se aduersum me facturos arbitrati sunt, & cogitauerunt; optime nosti.

§ Opprobrium. § Proprie est cum alicui vitium aliquod vel morum vel condicionis vel miseriae alicuius obijcitur, cum elatione ac tumore eius qui obijcit, & contemptu despectioneq; eius cui obijcitur.

CHSEN.

Labia insurgentium mihi, & meditationes eorum aduersum me tota die.

Audisti etiam non modo quae aperte locuti sunt inimici mei, verum etiam quae in secreto cordis & animi penetrabilibus cogitauerunt.

§ Labia insurgentium. § Quae clara voce locuti sunt, quaeque submissius intra se submurmurauerunt. Aut quae locuti sunt, & quae cogitauerunt in cordis intimis. insurgentes autem hostes & inimici vocantur, quod aduersus eos quorū hostes sunt, insurgant, eisque obstant, vel eos aggrediantur vt noceant.

CHSEN.

Sessionem eorum & resurrectionem eorum vide; ego sum psalmus eorum.

Quicquid faciunt seu cum sedent & otiosi sunt, seu cū surgunt & negotijs incumbunt, vide, & pro factis illorum redde illis vicem. nam siue cum vacant, siue cum agunt aliquid, & in otio & in negotio, de me loquuntur, & ego sum illorū fabula.

T

Sessio-

- Psal. 138. § Sessionem eorum, § cum quieti sunt. & otiosi. sic psalm. 138:
 § Tu cognouisti sessionem meam & resurrectionem meam. §
 Resurrectio autem aggressionem operis aut negotij significat. seu cum seriatim sunt, seu cum seria tractant, in me dicta iocoseque iaciunt. sic superius quoque dixit, § factus sum in derisum omni populo meo, canticum eorum tota die. § & psalmo 68. § Aduersum me loquebantur qui sedebant in porta. § quod eorum est qui seria tractant, § & in me psallebant qui bibebant vinum. § quod genio indulgentium, & otiosorum est.

THAV.

L X X.

Retribue eis retributionem Domine iuxta opera manuum suarum. Reddes eis protectionem cordis, laborem ipsis. Persequeris eos in ira, & absumes eos de sub caelo Domine.

- Ierem. 15. **O**RIGENIS. Dixit etiam supra, § Consume illos, & erit tuus sermo mihi in laetitiam & gaudium cordis mei. § Haec euenerunt, post insidiosa illa consilia aduersus Saluatorem inita, quum ubique dispersi sunt. venit enim super illos omnis sanguis iustus effusus super terram. ergo verbum illud, § Consume, § significat illorum cultum finem accepisse, neque adhuc gentem Dei censeret. § Protectionem cordis laborem ipsis. § O RIGENIS. Nam dabis eis laborem, ut sentiant, quantus tu eras cum eos protegeres, ut te denuo quaerant; sin minus, persequeris eos in ira tua.

Matth. 23.

Videtur legisse *οὐκ ἔστιν* pro *ἐναντία* eis.

THAV.

L X X.

Reddes eis vicem Domine iuxta opera manuum suarum.

AEQUA eis mercedem repende. fac ut eorum malefactoris poena respondeat.

THAV.

Dabis eis scutum cordis, laborem tuum.

Haec autem aequa erit vicissitudo quam illorum malefactoris rependes, ut cum illi me fabulam fecerint, & meos aduersos casus cum ioco ac risu quasi carmen canere omni tempore soliti sint, tu des illis scutum, compressionem nempe & anxietatem cordis, quae maerore tamquam tegumento quodam & scuto tegat

regat & obumbret corda eorum, vt in molestia sui cordis de me psallere non vacet. Dabis eis etiam laborem tuum atque defatigationem, vel vt eos defatigari facias, & de labore nihil proficere: vel tu ipse defatigeris & cesses, neq; illos adhuc sustineas, & pati vltius desinas.

§ Dabis eis scutum cordis. § Haec vicissitudo non satis neq; in Latino neq; in Graeco exprimi potuit vt in Hebraico expressa est, cum maxima sermonis gratia & elegantia. nam scutum & psalmus similes fere voces in Hebraeo sunt, מִגִּן מִגִּן quia igitur illis Ieremias psalmus & carmen & fabula factus erat, petit vt vicissim illis a Deo detur scutum cordis. id est pro, מִגִּן detur מִגִּן, & sic aequa sit retributio. מִגִּן etiam ambigua vox est, nam & scutum, & dolorem ac maerorem indicat. ita vt non solum in similitudine vocis gratia sit, sed etiā in ambiguo. nam ex scuto maerorem ac molestiam voluit intelligere. vt solemus Itali curas & anxietates, occupationes cordis appellare. non solum autem in voce gratia summa quaesita est, verum etiam rerum ipsarū apta vicissitudo. nam qui cum laetitia cordis de alienis malis gaudebant, iustissime, moeror cordis illis redditur, vt in suo moerore de alienis malis laetari desinant. Haec autem & si qua eiusmodi alia sunt, quibus impre cari malum propheta videatur, ex diuino potius oraculo, quā ex prophetae indignatione dicuntur; vt ea non iratus animus fundere, sed diuinæ sententiae cōscius praedicere videatur. nam cum Deo coniūctus animus, ac diuinus propemodum factus, quae dicit non tam humanae infirmitatis sunt, quā praedictionis diuinæ. & si ira nonnunquam coniuncta esse videatur, id fit vt indicio aliquo saltem humano & ex humanis affectibus ducto denōstretur diuinæ ultionis iustitia. nō enim suam iniuriam vlcisci propheta cupiebat, sed in sua iniuria diuinam offensam execrabatur. Sic autem haec euenerunt. nam & Sedecias qui illū in laqueum misit, captus & oculis effossis ex-

Negina.
Megina.

Ierem. 52.

Ierem. 20.

caecatus; & principes qui Sedeciam ad iniuriā prophetae impulerunt simul capti & occisi sunt; & Phassur sacerdos captiuus in Babylonem ductus est ibiq; mortuus. § Laborem tuū. § Hoc etiam ad vicissitudinem pertinet, ac peccati retributionem, de qua superius dixit, § Reddes eis vicem Domine. § quē

vero laborem Latinus interpres vertit, & item LXX. Hebraei maledictionem tuā. intelligendam putant. & est diuina maledictio poena conueniens opprobrijs illorū quae in prophetā coniciebant, de quibus opprobrijs dixit, § Audisti opprobriū eorum Domine, § qui igitur prophetam, opprobrijs feriebat, in eos vt Deus maledictionem iaculetur petit; vt scilicet nihil eis prospere contingat, omnia infelicitur succedant. Ceterum quia beatus Hieronymus vertit, § laborem tuum, § & itē LXX. labor, defatigatio intelligenda est. sed quomodo Dei defatigatio? neque enim aut laborat, aut labore fatigatur Deus, & propter fagationem intermittit opus suum, quod hominibus accidit. ergo defatigatio Dei illa est quā Deus immittit, non quā ipse patitur. imprecatur ergo vt fatigentur, & deficient, nihilque ex suo labore proficiant. Aut humano more dixit, § Laborem tuum. § nam quia fagatio in hominibus cessationem ab opere facit, per fagationem Dei, eius cessatio significata est. dabis ergo eis laborem tuum, vt ipse fatigeris & prae defatigatione cesses, neque illos ultra sustineas, eosq; tamquā onus molestissimum ferre posthac renuēs proijcias, vt huius ipsius prophetae cap. 6. & Isaiae ca. 1. § Laborui sustinēs, § hoc est fessus sum illos ferendo ac sustinendo; nō amplius illos feram. Laborem itaque tuum da illis, vt illos non sustineas, neque ultra patienter feras, sed deponas & a te proijcias.

THAV.

Persequeris in furore, & conteres eos de sub caelis Domine.

Quod si fugerint, & iram tuam euadere nisi fuerint, persequeris eos fugientes, & in furore velut igneo quodam vapore in eos afflato, tamquam stipulam leuemq; materiam comprehendens, & destrues ac penitus consumes, delebisque de terra, ita vt ne vnus quidem eorum superfit.

Psal. 82.

§ Persequeris in furore. § Sic fere dictum est psalmo 82. § Deus meus pone illos & rotam, & sicut stipulam ante faciem ventis, sicut ignis qui comburit syluam, & sicut flamma comburens montes, ita persequeris illos in tēpestare tua, & in furore tuos turbabis eos. § nam furor figurate dictus est tamquam igneus quidam vapor & halitus e naribus emissus, qui stipulā adurit.

Aut

Aut in furore tamquā caligine furoris in eos immiffa, vt quo fugiant non videant,perfequeris, ficut fuperius dixit, § Ope-
ruiſti in furore & percuffiſti. § De ſub caelis. § Hoc eſt pae-
nitus,vt nemo ſuperſit, neque vllō in loco ſint, aut in venian-
tur.quod certe ita factum eſt.nam LXX. illis annis omnes illi
Ieremiae inimici perierūt,neque vllus in terrā ſuam redijt,
ſimili exemplo atque in illis quadraginta annis in deſerto ge-
neratio illa praua atque per verſa,praeter Iofue & Caleb filiū
Iephonne, omnis interiit.

THRENORVM IEREMIAE

I V X T A L X X.

CAPVT IV.

ALEPH.

*Quomodo obſcurabitur aurum, mutabitur argentum bonū,
effuſi ſunt lapides ſancti, in principio omnium exituum?*



LYMPIODORI. Euangelica nempe doctrina. Ini-
tio quarti huius elementorum ordinis,pro claris
viris praecipue lamentationem ſuſcepit,illorum
claritatem obſcuratam eſſe dicens, & tamquam
effuſam aquam euaniſſe. § Mutabitur argentū
bonum. § EIVSDEM. Lex Moſaica.bonum vero,quia ſola a
Deo inſpirata, quamuis leges apud homines multae eſſent.
§ Effuſi ſunt lapides ſancti. § ORIGENIS. Sancti dicūtur,quia
electi propter patres.aut propter ſanctos qui cum Ioacim ca-
pti ſunt,quos ficubus bonis comparauit. Et PAULO POST.
Exituum vero eorum qui a ſancta terra ducūt in perditionē,
& ad ſpiritualem Babylonium, vt diſcant non blaſphemare.
Conuenit etiam haec lamentatio in eos qui a Dei cultu rece-
dunt,ſi quidē fuerint illuſtres,& ceteris ſe erroris duces prae-
beant,relinquentes fontem aquae viuae,& in lacus contritos
verſi,qui continere nequeunt.vnde merito effunduntur in er-
rore aquam non continentes. OLYMPIOD. Fluidi facti ſunt
ſinguli in conuerſationis propoſito quod arripuerant. Accu-
ſationem

Ierem. 24

1. Tim. 1.

Ierem. 2.

sationem etiam hic sermo habet aduersus daemones qui haec efficiunt.

ALEPH.

VVLGATA.

Quomodo obscuratum est aurum, mutatus est color optimus, dispersi sunt lapides sanctuarij in capite omnium platearum?

QUOMODO splendor ille auri pallore obducto obscuratum est, & color ille probatissimae tincturae euauit ac perditus est, & lapides illi gemmaeque sanctuarij, quibus sacerdotes vestes ornabantur, dispersi sunt ac volutantur in coeno & luto in capite platearum omnium, in quibus quod eo viae deferuntur, abundat lutum?

§ Quomodo obscuratum est aurum. § Hebraeorum plerique hanc lamentationem proprie in Iosiam compositam esse dicunt eo quod scriptum sit in secundo libro Paralipomenon capite 35. § Et vniuersus Iuda & Ierusalem luxerunt eum, Ieremias maxime, cuius omnes cantores atque cantrices vsque in praesentem diem, lamentationes super Iosia replicant, & quasi lex obtinuit in Israel, ecce scriptum fertur in Lamentationibus. § Haec autem opinio ex eo maxime confirmatur, quia circa finem huius lamentationis scriptum est, § Spiritus oris nostri Christus dominus captus est in peccatis nostris. § quod de Iosia dictum accipiunt non solum Iudaei, verum etiam de nostris multi, ijque nobiles. Sed an ad Iosiam pertineat cum ad eum locum peruentum fuerit disseretur. interim satis erit dixisse a clarorum ac nobilium virorum clade initium sumere lamentationem, famis etiam incommoda deplorare. Illud autem animaduertendum est, aurum obscuratum, euanescentem colorem volutatos per coenum lapides pretiosos, figurate accipi oportere. his enim imaginibus principum & clarorum virorum aeternas & miseriam describit. § Mutatus est color optimus. § LXX. transtulerunt ἀπὸ τοῦ καλοῦ. quippe legerunt in Hebraeo non καλόν, sed ἀπὸ τοῦ καλοῦ. color vero optimus tincturam indicat, qualis erat coccini vel hyacinthinis quorum utroque usus erat in veste sacerdotali. ille igitur tincturae optimae color mutatus est. in quo B. Hieronymus Aquilam sequitur, qui hoc Hebraei nomen

men solet βάμμα, hoc est, tincturā transferre. ergo quia in vestibus & aurū erat & coccū & hyacinthus, & gemmae, omnīū horū trium mentionē facit. § Dispersi sunt lapides sanctuarij. § Lapidēs sanctuarij gemmae illae erant, rationalis & super humeralis. per quos Hebraei intelligunt figurate dictos filios Sion: quos fortasse ideo dicit dispersos esse in capite omnium platearū, quia iam de filijs & paruulis dixerat, animas eorum defecisse prae fame, in capite omnium compitorum. Hos igitur filios Ierusalem tamquam lapides sanctuarij, fame & gladio necatos, proiectos esse in compitis viarum dicit, proculcatos & luto coenoque plenos. vt etiam in prophetia sua dixit, § Et populi quibus prophetant erūt proiecti in vijs Ierusalem prae fame & gladio, & non erit qui sepeliat eos. § Et Isaias, § filij tui, § inquit, § proiecti sunt, § dormierunt in capite omnīū viarū sicut oryx illaqueatus, pleni indignatione Domini.

Jerem. 14.
18. 51.

BETH.

L X X.

Filij Sion inclyti, eleuati in auro, quomodo deputati sunt in vasa testea, opera manuum figuli?

O R I G I N I S. Qui diuitijs, inquit, pollebant, vel ipso quoque auro pretiosiores, quo nam modo vasilibus atque fragilibus, in captiuitatem abducti, comparati sunt? His autem eos similes dixit etiam cum descendens in domum figuli acceptū vas confregit. Comparat eos Esaias quoque ciuitati corruenti, § & ruinae, inquit, eius erunt tamquam fragmenta testacei vasis. § Eleuati in auro. § OLYMP. Ex similitudine eorum quae appenduntur in statera, sermonē sumpsit, qui ex aduerso appēdebātur. inquit, hoc namq; significat, § Eleuati in auro, § hoc est in quauis pretiosa re, quomodo facti sunt vasa fragilia, ad peccatorū impulsū contracta, vel ex eo quod in praestātoris vitae proposito nō permanserint.

Jerem. 19.
Esa. 30.

BETH.

V V L G A T A.

Filij Sion inclyti & amicti auro primo, quomodo reputati sunt in vasa testea opus manuum figuli.

F I L I I Sion adeo pulchri vt lapidibus pretiosis aequari possent, quorum species adeo splendebat, vt auro primo ac pro-

ac probatissimo amicti viderentur, quomodo in tantam deformitatem ignobilitatemque peruenerunt, vt pro valis testis haberentur, quae ex vilissima ignobilissimaque materia figuli manibus efformantur & finguntur?

§ Filij Sion inclyti. § Iam declarat quos intellexerit auri nomine atque gemmarum, § filij, § inquit, Sion inclyti, aut pretiosi, sic enim habetur in Hebraeo. nam quia lapides sanctuarij dispersos esse dixit, his lapidibus filios Sion pretiosos comparauit & recte, nam similia sunt nomina in Hebraeo, filij inclyti seu pretiosi, & lapides pretiosi. & praeclare filij lapides dicuntur. vt enim lapidibus aedificium construitur, sic filijs cognatio propagatur. quamobrem filiorum successionem generisq; propagationem scriptura solet aedificationem dicere, vt in Exodo de obstetricibus, § aedificauit eis domos, § hoc est filios tribuit & genus earum propagauit, apta & conuenienti pietatis mercede, vt quae alienos filios seruabant, suos haberent.

§ Et amicti auro primo. § Amictos dixit beatus Hieronymus מלואים. LXX. vero, ἰνὸς χρυσοῦ ἐν χρυσοῖς, § elati in auro, § quod puto significare apud illos, appēi in auro, hoc est aequati ponderi auri, aequati auro, tam pretiosi quam aurum primum ac probatissimum, quod aquila solet ὑπὲρ dicere, fuluū. id enim putat esse וי quod alij ὁμοιωμα, id est probatum dixere. Alij, qui conferebantur, & comparabantur cum auro probato. vt ἰνὸς χρυσοῦ significet, qui efferebantur, laudabantur. commendabantur vt aurum probatissimum, opponebantur auro, vt intellexit Gregorius Nazanzenus, in pacifica oratione prima, ἰνὸς χρυσοῦ, inquit, ἐν χρυσοῖς bene etiam Olympiodorus, ὁμοιωμα, ὁμοιωμα, e contrario appensi. Beatus Hieronymus intellexit tamquam si esset אלהי quod vestem significat: ideo transtulit amictos. § Quomodo. § Affectum habet dolentis de commutatione & vicissitudine alias vix credibili, & longe dissimili. § In vasa testea. § quae nullius pretij sunt, & facile confringuntur, & fracta nulli sunt vsui. nam fractum ex metallo vas, & concinnari potest, & metallum vsui est. at vero vas testea fractum, neque vsui habet vllum, neque concinnari villo modo licet; quod ipse Ieremias facti sui figura praesignauit, quum la gunculam testeam in valle filij Ennom confregit.

GIMEL.

בנים
היקרים
אבנים
היקרים
Banim
haiecarim.
Abanum
haiecarim.
Exod. 1.

Ierem. 19.

GIMEL.

L X X.

Etiam dracones nudauerunt mammas, lactauerunt catulos suos: filiae populi mei in incurabile, quasi struthio in deserto.

ORIGENIS. De fame illustrium puerorum haec dicit, tamquam Ierusalem ne ad ferarum quidem belluarum exemplum mammas illis praebere potuerit. nam eius mali magnitudo etiam naturae obliuionem efficit. Dracones autem vel iuxta Symmachum Sirenas, nequam spiritus intelliges, quae suos catulos malo lacte nutriunt. tales autem sunt qui doctrinis impiorum instituuntur. § Nudauerunt mammas. § OLYMPIOD. Venenata dogmata, aut peruersas expositiones. § Lactauerunt catulos suos. § EIVSDEM. Homines qui illis fidem adhibent. § Filiae populi mei in incurabile. § ORIGENIS. Nam quomodo non sint filiae, qui effeminati sunt? quos etiam Pharaon conseruat masculis occisis, cuius doctrinā Deo carentem depascuntur, cum tamquam struthocameli auolare non possint, sed per terram semper currant. nam struthionem sic transtulit Symmachus. Horum vero doctores non incommode Sirenas dixit. nam iuxta externas fabulas illae per voluptatem quicumque occurrissent interficiebant, vt etiam infixio per morsum veneno dracones. Illis igitur praeclaris scilicet magistris obijcit, ne ad harum quidem ferarum similitudinem erga suos auditores studium ostendisse. § Filiae populi mei. § OLYMPIOD. Illae animae quae pestiferas eorum disciplinas exceperunt. § Quasi struthio in deserto. § EIVSDEM, propter inopiam auxilij laqueis captae.

GIMEL.

V V L G A T A.

Sed & lamiae nudauerunt mammas, lactauerunt catulos suos: filiae populi mei crudeli quasi struthio in deserto.

ETIAM ipsae ferae, tetraeque belluae quales lamias ferunt, & saeuissimi dracones, quum viderint catulos suos elutientes, mammas appetere, naturae vi atque pietate commotae, & saeuitiae tantisper oblatae, ex theca sua mammas educunt, & lac libentissime praebet. at vero filiae populi mei & ad

V

miseri-

misericiordiam ac pietatem nata, & in ea educata, necessitate famis vrgēte, puerorum suorum & maternae naturalisq; pietatis oblita est, & lac illis cibumque negauit, sicque filios suos depulit, quasi struthio syluestre animal, & desertis assuetum, quod relictis pullis suis, eorum curam negligit & salutem non curat.

§ Lamiae, § שׁוֹן in Hebraeo est, quod nomen non vno modo transferunt, nam *δρακόντας*, & hoc loco & alibi LXX. verterūt: nonnumquam vero Sirenas, vt Esaiæ 13. *καὶ αἱ παύσσονται ἐπὶ σελῶν*. B. Hieronymus solet dracones vertere; sed hoc loco singulariter transtulit lamias, quomodo Symmachus in Esaiæ 34. transtulit verbum Hebraicum שׁוֹן, quam alij interpretes verterunt *ieremū*, furiam. sit ne vero lamia, quodve animal sic ambigitur. Dion. Chrysostomus graecus sophistes, in libyca fabella, lamias esse animalia quaedā in intima Africa scribit, muliebri facie, vberibus totoq; pectore adeo specioso, vt nulla pictoris arte similes effingi queant: quibus relictis, homines in fraudem alliciant, captosq; deuorent. videre licet apud eum auctorē plura. teterrimum autem esse animal & biforme monstrum, & sibilum edere persimilem draconi. ex quo sibilo puto Symmachum & LXX. nonnumquā Sirenas vertisse. quod autem hic est, § nudauerunt mammas, § & LXX. dixerunt *ἐξήδυσαν*, § detexerunt, § extheca quodammodo extraxerunt, id non dissentit a Dione, qui licet non de mammis dicat, reliquū tamen corpus squamis contextum asserit; vt si squamae etiam in pectore sint, non absurde de mammis dicatur *ἐξήδυσαν*, detexerunt. Libyca autem esse animalia etiam Theodoritus ait in caput decimum Ieremiae. De lamia fere similia Philostratus dicit, de vita Apollonij libro quarto. § Filia populi mei crudelis quasi struthio in deserto. § B. Ioannes Chrysostomus in trigessimum caput Iob de struthione sic dicit, *ἐνθαυτὶ τοῖς ἐνδοκαμήλοις λέγει, ὡς καὶ σύμμαχος ἐξήδωκεν, φιλήρημα δὲ τὰ ζῷα*. Struthiones, inquit, struthocamelos dicit, vt etiam Symmachus edidit. animalia vero sunt ea in desertis assueta. Quid autem crudelitatis habeat struthocamelus, & quomodo sit in pullos suos saeuus, forte ex Iob intelligi potest, qui de hac bellua verba faciens, § Quando, inquit, derelinquit oua sua in terra, tu forsitan

forſitam in puluere calefacies ea? obliuiſcitur quod pes conculcet ea. duratur ad filios ſuos quali non ſint ſui. }

DALETH. L X X.

Adhaeſit lingua lactentis ad palatum eius in ſiti: paruuli petierunt panem, qui frangat non eſt eis.

ORIGENIS. Haec paſſi ſunt & cum obſiderentur, & cum captiui ducerentur. Dici autem non abſurde poteſt etiam fame illos vexatos eſſe, non panis & aquae iuxta propheticum eloquium, ſed audiendi verbi Dei. ideo de eorum nuper genitis infantibus prophetat. Amos 8.

DALETH. V V L G A T A.

Adhaeſit lingua lactentis ad palatum eius in ſiti: paruuli petierunt panem, & non erat qui frangeret eis.

INFANTVM lingua qui lacte nutriebantur, cum ab inedia materna vbera exaruiſſent, adhaeſit ad palatum prae ſiti. paruuli quorum grandiuſcula aetas ſolidiore cibo nutrienda erat, petierunt panem, neque erat qui eis vel minutum ſtulum quod tantulae aetati ad famem ſedandam ſatis eſſet, frangeret, atque porrigeret.

Hoc verſu exponit quod ſuperius dixerat filiam populi ſui Lamijſ crudeliorem fuiſſe: in eo, inquit, crudelior Lamijſ fuit, quia cum ſuis catulis illae lac praebeant, iſta ſuis infantibus non praeſbuit. ſacuior etiam ſtruthocamelis, cum panis tantillum ne minusculae quidem aetati porrexerint; & cui indulgere naturalis amor perſuadet, ei ne minima quidem ac neceſſaria victus adiumenta praeſbuerit.

HE. L X X.

Qui veſcebantur delicijs, perierunt in exitibus: qui nutriebantur in cocco amplexati ſunt ſtercora.

ORIGENIS. Iuxta hſtoriam, ad ea redijt quae illis in captiuitate contigerunt. iuxta interiorem vero ſenſum, de fame verbi ad docendum pertinentis loquitur. } Qui veſcebantur delicijs. } **O**RIGENIS. Non enim adeo miserabiles erant pauperes fame vexari. Hos etiam luget Paulus, } quo- Rom. 9.
V 2 rum,

Psal. 36.

rum, inquit, est adoptio & gloria. § nunc enim vana meditan-
tes, neque Moyses neque prophetarum delicijs fruuntur, iux-
ta illud, § Delectare in Domino. § nullus est enim apud eos qui
illis vitale verbum coquat, neque saginati vituli sunt partici-
pes, quamuis ipsi illum occiderint. Exitus vero ipsas dispersio-
nes vocat, aut legalium scripturarum circuitus. OLYMPIOD.
Galat. 3. Mutati sunt de sententia. vel sic, cum spiritu coepissent, carne
consummantur. nam virtutem aggredi atque incipere multo-
rum est, sed perficere paucorum. § Qui nutriebantur in cocco
amplexati sunt stercora. § ORIGENIS. Nutriebantur prius
in cocco, effundendum Saluatoris sanguinem ex prophetis
praedicationibus audientes. & iidem nunc, ex terrenis sensi-
bus atque intellectibus indumēto tamquā ex laceris confuto
pannis induti, regia veste abiecta, quam per cocco significat,
suis peccatis exaruerunt, maculata carnis tunica vestiti.

HE.

V V L G A T A.

*Qui vescabantur voluptuose, interierunt in vijs: qui nu-
triebantur in croceis, amplexati sunt stercora.*

Q V I D autem de nobilibus loquar? qui cum delicate
vescerentur vt illorum nobilitas poscebat, interierūt,
& tamquam ignobilia corpora proiecti sunt in coeno platea-
rum. principum quoque liberi ac regum filij, qui prius in coc-
cino croceisque vestibus ac fascijs a baiulis, ac nutritoribus
gestabantur, in fimo ac luto animam agentes procubuerunt.
§ Qui vescabantur voluptuose, § delicatis cibus & lautis vte-
bantur. § Interierunt in vijs. § Quasi stupidi & attoniti, & se-
mimortui in platearum luto iacuerunt. LXX. *ἡ παρὰ νότον*. pri-
stinum aspectum ac faciē amiserunt, tabe inediaq; consumpti.
§ Qui nutriebantur in croceis. § nutriti puerorum est, & nobi-
libus pueris in scriptura tribui solet, quos reges & principes
4. Reg. 10. apud alios nutriebāt: vnde in Samaria fuisse nutritores Achab
legimus. proprie autem gestari, & baiulari significat: nam nu-
Ruth 4. tricis munus erat baiulare puerum. Vnde de Ruth vetula di-
cit Scriptura, fuisse nato Obed *ἡς ἡ θάλω* in nutricem: neque
enim credendum est illam effeta iam aetate lactasse puerum,
sed nutrix dicitur quia illum gestabat. vnde B. Hieronymus vt
magis

magis rem explicaret, alterũ nomen addidit, & nutricis, inquit, ac gerulae fungebatur officio. & ideoque ~~per~~ verbum Hebraeũ hoc loco positum nonnumquam LXX. solent transferre ~~ad~~ tollere, gestare, vt apud Esaiam 60. *וְהָאֵף בְּזִמְתָּם מִן הַמֶּלֶךְ* Esa 60.
ap̄ dñs̄m̄ra, & filiae tuæ in humeris gestabuntur. & ergo, & qui nutriebantur in croceis. & hoc est, qui in vestibus croceis vel super vestes croceas gestabatur pueri nobiles ac Regij, vel a nutritoribus seu nutricibus baiulabantur croceis vestibus indutis, ita vt super croceis gererentur. & In croceis. & Croceũ hoc loco dixit interpretes, colorẽ quẽ coccinũ solet trāsferre. vnde LXX. dixerunt, *ἐν κόκκῳ*, qui nutriebantur in cocco. & Amplexati sunt. & apte dixit: nā puerorum est quũ geruntur amplexari gerulos vt firmitus gerantur. ideoq; congrue respondet verbo nutriendi, quod vt diximus gerendi significationẽ habet.

VAV.

L X X.

Et magnificata est iniquitas filiae populi mei super iniquitatem Sodomorum, quae subuersa est quasi cursim. & non laborauerunt in ea manibus.

O RIGENIS. Symmachus illud, & quasi cursim, & transulit, & de repente. & illud, & non laborauerunt, & quam non vulnerauerunt. & quid enim diuino verbo velocius, dicente, & Ecce relinquitur vobis domus vestra deserta; & solivoluntatis momento tradidit? Iniquitas porro Ierusalem super iniquitatem Sodomorum magnificata est: nam illi legem tantummodo naturalem habebant, hi vero etiam scriptā ac prophetas, & illa omnia quae apud ipsos admirabiliter gerebantur. Atque illi quidem in angelos peccauerunt, & in homines similes, hi vero in Saluatorem ipsum ac Redemptorem, qui olim quidem ex Aegypto redemerat, nunc vero ex daemonũ cultu, si illum qui ad eos praecipue venerat, suscepissent. & non enim sum missus, inquit, nisi ad oues quae perierunt domus Israel. & Quae subuersa est quasi cursim. & **OLYMPIOD.** Nam Sodomorum euersio velox ac repentina fuit. & Et non laborauerunt in ea manibus. & **OLYMP.** Pro eo quod est, in male faciẽdo non sunt defatigati, idq; Deo illorũ peccata patienter ferẽte. eum qui similiter atq; illi peccauit, similiter punit.

Matth. 23.

Matth. 19.

VAV.

VAV.

V V L G A T A.

Et maior effecta est iniquitas filiae populi mei peccato Sodomorum, quae subuersa est in momento, & non coeperunt in ea manus.

ET longe maior fuit poena atq; vindicta congregationis populi mei, quā poena & vindicta Sodomorum, neque enim ibi obsidio diutius producta est, sed in momento subuersa; neque in manus coeperunt in ea sagittas aut lapides aut tela illa iacere, sed sine iactu vllō teli aut sagittae perdita atque euersa est, neque aut fames ex obsidione longa, aut vulnera ex telotum sagittarumve coniectu facta sunt.

Geneſ. 4. *Et iniquitas filiae populi mei.* Iniquitas nonnumquam in Scriptura pro poena iniquitatis accipitur, vt in Genesi dicit Cain, *Et maior est iniquitas mea quam vt veniam merear.* Quod aliqui sic intelligunt, maior est poena, quam vt eam ferre possim. sed manifestius primo Regum 28. Saul ad pythonissam diuinare metu entem ait, viuit Dominus, quoniam non eueniet tibi iniquitas propter hanc rem, quod B. Hieronymus vertit, *Et non eueniet tibi quicquam mali propter hanc rem.* Ergo iniquitas filiae populi mei, malum & vindictam populi mei significat. Et non coeperunt in ea manus. Verbum coeperunt, non est idem quod acceperunt, sed inceperunt, initium fecerunt. quod ex Hebraeo יחן patet, id enim verbum inter cetera significationem quoque incipiendi habet. ergo non coeperunt manus conferere, non coeperunt iacere aut tela aut sagittas, vel eiusmodi simile intelligendum est. Ac ne quispiam versionē beati Hieronymi reprehendat, Chaldaeus interpres hanc significationem incipiendi secutus est, & non inceperunt, inquit, prophetae prophetate in ea, vt illam ad paenitentiam reuocarent; manus enim prophetiam intellexit, iuxta id quod in prophetis saepe legimus, facta est manus Domini super hunc vel illum prophetam, hoc est spiritus prophetiae in hūc vel illum infedit. Aliam eiusdem verbi significationem secuti sunt LXX. *καὶ οὐκ ἐποίησαν ἐν αὐτῇ χεῖρας,* & non dolere fecerunt in ipsa manus. Et manuum dolore ac labore non illam domuerunt. in illa subuertenda manibus dolotem non exhibuerunt, quia

quia de repente illam euerterunt. Symmachus vulnerandi significacionē probauit, *לֹא יָדָעוּ לְחַסֵּם*, & quam non vulnerauerunt manus. Nonnulli ex Hebraeis hoc modo, & non sunt castrametati in ea exercitus. Alij, & manus non habuerunt in ea vires, hoc est, obfistere non potuerūt. Sed in tanta varietate significacionum retinendus est interpretis Latini, & LXX. sensus quē exposuimus, alioqui si per Hebraeorum expositiones vagari voluerimus, nihil firmi in quo insistamus habebimus.

ZAIN.

L X X.

Mundi fuerunt Nazaraei eius super niuem, canduerunt super lac, igniti sunt, super lapides Sapphiri excisio eorum.

ORIGENIS. Symmachus reddidit, & Immaculati separati eius super niuem: candidiores lacte: rubicundiores habitu super conspicua: Sapphirus membra eorum: obscurior fuligine species eorum. Eos qui se Deo consecrauerant dicit; Nazaraeus enim consecratum significat. sic namq; Symmachus & Theodotion in Amos consecratos seu sanctificatos transtulerunt, cum Nazaraeos vellent exprimere. horum & Moyses meminit: qualis erat ille Samson. erant autem ij apud Iudaeos illustres. ideo illorum puritatem opposuit niui, nitorem lacti, igniti autem sunt earum rerum quas Deo polliciti erant, exercitatione probati. Electi vero eius, quos significat excisio, caelestem conuersationem tenent. talis est enim Sapphiri color. habet etiam fuluescentes in auri colorem venas, quibus habitum illorum Symmachus comparat, quod excellentiam simul & ignitum quiddam in religione deque cultu haberet. & Coagulati sunt. & OLYMPIAD. Hoc est, non dissuſi sunt, sed in virtute compacti.

Amos 1.
Num. 6.
Iudic. 13.

ZAIN.

V V L G A T A.

Candidiores Nazaraei eius niue, nitidiores lacte, rubicundiores ebore antiquo, Sapphiri pulchriores.

NAZARA EI filiae populi mei, qui comā Deo dicabāt, cū capillū non dū attonsum promitterent, niue cādidiores ac mundiores erāt, nitidioresq; lacte, ebore antiquo subrubescēte rubicundiores, Sapphiri specie & colore pulchriores.

& Naza-

Num. 6.

§ Nazaraei eius, § eius nempe filiae populi mei de qua proxime dixerat . eam enim referri pro nomine satis liquet ex Hebraico & Graeco, *ἐκκαθαρεύθησαν οἱ Ναζιραῖοι αὐτῆς* . qui autem sint Nazaraei, & a quibus illis abstinendum esset suae consecrationis tempore, in Numeris descriptum est. dicti sunt autē a separatione seu consecratione vtrumque enim hoc nomen significat, separatum quasi exemptū a reliquo populo, & Deo consecratum seu *ἡγιασμένον*, Deo deuotū. § Rubicundiores ebo-
 re antiquo. § Ebur antiquū rubescere certum est, quamuis autem in Hebraeo sit *עֵצ*, quod nomen proprie significat, os, tamen quia ebur e dente & osse elephanti sit, ideo B. Hieronymus transtulit, ebur; & quod sequitur *עֵצֶיךָ* antiquum ver-
 tit, Ceterum Hebraei *עֵצ* hoc loco significare aiunt, aspectū, speciem, vt etiam LXX. in Exodo capite 24. verterunt, *ὡς ἡ εἶδος τῆς σκευῆς ματος τῆς οὐρανῶς*, § tamquam speciem firmamenti caeli, § & *עֵצֶיךָ* significare gemmas volunt, vt saepe significat, & hoc loco LXX. verterunt *ὡς λίθους*, § super lapides, § nempe pretiosos . quem Chaldaeus interpres rubinum putauit. Symmachus, *πυρρότεροι τῶν ἑξ ὡς τὰ εἰβλίπτα*, § rubicundiores habitu plusquam conspicua, § hoc est plusquam gemmae. Sed B. Hieronymum, puto noluisse cum re quae admodum rubra esset, comparationē fieri, nam id non esset pulchrum. sed ruborem illum eboris flauescientis assumpsisse qui propior esset ad speciem humani vultus. ideoque dixisse, ebo-
 re antiquo quamuis re uera non ita rubeat ebur antiquum. § Sapphiro pulchriores. § breuiter dixit, cum in Hebraeo sit, Sapphirus excisio eorum. quid sit autem excisio seu segmētum varie exponitur. alij namque membra putant & artus, quod videlicet vnumquodq; dissectum sit ab altero, quamuis neruis coniungatur . quem sensum videtur Symmachus probasse cum transtulerit, *σάφειρος τὰ μέλη αὐτῶν*, § Sapphirus membra eorum . § nec diuersi ab hac sententia abierunt LXX. cum dixerunt, *σάφειρος τὸ σπένταμα αὐτῶν*, § Sapphiri auulsio eorum . § Alij effigiationem & figuram quasi exculptam excisionem putauerunt; vnde idem verbum Hebraicum in Iob 33. sic verterūt, *ἐκ πηλοῦ διήρησεν σὺ αἶς καὶ ἰλὼ*, § Ex luto efformatus es tu vt etiā ego. § ideoque auctor Chaldaicae versionis dixit, & sicut Sapphirus

phirus facies aut figura eorum. Ceterū LXX. optime illi quidem transtulerunt, ἐπὶ ῥόδιον ἡν ἔστι λίθου, optime etiam distinxerunt. Sed qui primū pro ἐπὶ ῥόδιον posuit ἐπὶ ῥόδιον, coniunxit hoc verbum cum nomine proximo γάλα, & fecit, ἡν ἔστι γάλα ἐπὶ ῥόδιον, & super lac coagulati sunt: & consequenter necesse habuit totam structuram immutare, & sic distinguere, ἐκκαθαρεύουσιν οἱ Ναζιραῖοι αὐτῆς, ἡν ἔστι ῥόδιον ἡν ἔστι λίθου, ἡν ἔστι γάλα ἐπὶ ῥόδιον, ἡν ἔστι λίθον σαρφύριον. cum tamen Origenes eandem distinctionem secutus sit, quam habet Latina interpretatio & Hebraicus textus. Sed ipse etiam, Origenes ἐπὶ ῥόδιον, simplici e legit, & exponit ἐπὶ ῥόδιον, quasi verbū sit πύρου, quod est igni probare, & excoquere; cum reuera LXX. ut liquet ex Hebraeo, nō potuerint nisi ῥόδιον τὸ πύρου, quod est rufus, verbū derivare, ut sit rubescere. quod etiam impressum est in graeco ἡν ἔστι λίθου, vna littera adiungitur in Vaticano codice probatissimo, & recte, ἡν ἔστι λίθου, super lapides, ut respondeat illis, ἡν ἔστι ῥόδιον, ἡν ἔστι γάλα, alioqui ἡν ἔστι λίθου, nō, plusquam lapis significat, sed supra lapidem, quod loco non convenit. In his igitur pulchritudinem Nazaræorum descripsit, eorum vero deformationem, & speciem longe aliter immutatam in sequentibus deplorat.

HBTH.

L X X.

Obscurata est super fuliginem species eorum: non sunt cogniti in exitibus. Adhaesit pellis eorum super ossa ipsorum, exaruerunt, facti sunt quasi lignum.

ORIGENIS. A spiritali illuminatione exciderunt, & interiori fame tabuerunt, ita ut lignis sint aridis per similes, non illis plantatis secus decursus aquarum: quales nūc sunt qui apud illos habentur sacerdotes, nullam spiritalem pinguedinem habentes: & ut hic scriptum est, nigri erant maximo pudore vultibus, quod cum similiter atque alij peccarent abducebantur. nam & nunc in ijs quos pudet cōsuetudo hoc nomine utitur. & Non sunt cogniti in exitibus eorū. & OLTM. 100. Abominabiles facti sunt in vijs eorum. & Adhaesit pellis eorum super ossa ipsorum. & OLTM. 100. Qui virtutē per simulationem & hypocrisin habent. & Exaruerunt. & EIVS.

X

DEM.

DEM. Cum nullum haberent humorem spiritus. haec vero ipsi quoque captiuis ex vexatione contigerunt. Facti sunt quasi lignum. **EIVSDEM.** Excisi a vita Dei & arescentes.

HETH.

V V L G A T A.

Denigrata est super carbones facies eorum, & non sunt cogniti in plateis: adhaesit cutis eorum ossibus, & facta est quasi lignum.

SPLENDOR ille faciei eorum ac forma, obscurata denigrataque est plusquam carbones, cum prae fame liuorem atque nigredinem vultus illorum contraxisset, adeo ut cum in plateis incederet non agnoscerentur, quod prior effigies in speciem esset longe diuersam immutata. cutis eorum exaruit, adeo ut ossibus adhaeresceret, & in tantum succo euanescente siccata est & obduruit, ut fieret quasi lignum arida.

Denigrata est &c. De fame haec dici non dubium est, ut etiam cap. 5. pellis nostra quasi clibanus exusta est a facie tempesta tum famis. Non sunt cogniti in plateis. Nam inedia & vexatio vultum immutauerat, ut de Iob legimus, non fuisse ab amicis agnitum. Et facta est quasi lignum. Hanc similitudinem ad pellem refert B. Hieronymus, ut ipsa pellis refacta similis ligno arido euaserit. Verum LXX. referunt ad ossa quibus dixerat cutem adhaesisse; *ἐκ νεκρῶν θανάτου, ἐκ θανάτου θανάτου ὡς ὡς ἔξωλον*, & exaruerunt, facta sunt ut lignum. certe ex usu scripturae est ossa arida dicere, & ea lignis arētibus comparare, fortasse ex similitudine vocum Hebraicarum *oxu* & *xy*, exiccatis namque medullis arescunt ossa, quae illis rigari dicuntur, ut aquis ligna & arbores, vnde in Prouerbijs dicitur, Sanitas erit umbilico tuo, & irrigatio ossium tuorum. Sic in psalmo 101. legimus, ossa mea sicut cremum aruerunt.

Iob 2.

Prouerb. 3.
Psalm. 101.

TETH.

L X X.

Meliores erant vulnerati gladio, quam occisi fame: abierunt vulnerati a frugibus agrorum.

ORIGENIS. Melius enim est bello velociter interire, quam fame vexari ex frugum inopia. Recte autem dices enssem quoque & gladium esse verbum Dei, dicit enim Paulus, Et gladium

Ephes. 6.

gladium spiritus, quod est verbū Dei, & de quo sponsa inquit, Can. 2.
 & Vulnerata caritatis ego sum, & dicit etiam Dauid, & accingere Psal. 44.
 gladio tuo super femur tuum potētissime, specie tua & pulchritudine tua. & Tali percussos gladio bonū est sub pedibus Iesu cadere, iuxta illud, & populi sub te cadent, & illius regnum Psal. 44.
 confitentes, potius quam animi fame teneri. nam fructus agri Christus est, in Bethlehem natus, quo nomine domus panis significatur. cuius cum ieiuni fuissent Iudaei, in daemonum regionem abducti sunt. ager vero benedictus Domino, & valde odoratus, cuius odorem spirabat Iacob, Christi Ecclesiam indicat. & A frugibus agri. & Olym. A mundanis actibus. ager enim pluribus in locis intellectu sublimiore mūdus accipitur.

TETH.

V V L G A T A.

Melius fuit occisis gladio quam interfectis fame: quoniam isti extabuerunt consumpti a sterilitate terrae.

AC simalorum inter se qualitas comparanda sit, longe meliori condicione fuerunt, quibus pro patria pugnantibus ferro vulnerari occidique contigit, quam qui fame consumpti sunt, & inediae gladio transfixi. quoniam qui famis vulnerare traiecti sunt, ij e vulneribus extabuerunt, & tabo manuerunt, quod manatione prouentuque agrorum carerent, ac frugibus destituti essent.

In hoc versu pulchra est in verbis Hebraeis similitudo, quae gratiam sermoni conciliat, nam fames & gladius in ea lingua similia sunt, חרב & רעב, extabescere etiā seu fluere, & prouentus terrae similem originē habent, atq; etiam affīnē significationē; vtrumq; enim verbū & חב & רב fluere significat: perinde est igitur ac si dictum esset, effluerūt confossi a fluore terrae. Sed B. Hieronymus eandem sententiam a contrario expressit cum dixit, & a sterilitate terrae. & fluxerunt & extabuerunt eo quod non habuissent copiam floris terrae; nā inopia floris terrae idem est ac sterilitas terrae. fluor autem terrae, getmina sunt & prouentus. fluxerunt ergo & extabuerunt quia nullus erat fluor & prouentus. molestissimum vero ac miserimum mortis genus esse, cum fame quis moritur, egregij Poetae versus docent, Odyss. M.
 πάρος μὲν σῆμαί οἱ θάνατος ἀνθρώπων βροτῶν.

X 2 λιμήν

λιμὸς δ' οἴκησεν θανάτου καὶ πότμος ἐπαυεῖν. Deinde vt famis malum quam magnum fuerit indicet, in auditum & prodigiosum facinus conimemorat, ad quod illa impulit, & toti huic famis lamentationi hoc veluti fastigium imponit.

IOD.

L X X.

Manus mulierum misericordium coxerunt filios suos, facti sunt in escam illis in contritione filiae populi mei.

ORIGENIS. Ne videantur mulieres per crudelitatem filios deuorasse, misericordes fuisse dicit, & hoc calamitosum facinus necessitati ex inopia ascribit. Coxerunt autem idem quod torruerunt atque assauerunt significat, quod obfidentibus Romanis accidit. ideoque contritionem vocat illum perfectum generis interitum. & in secundo quoque Threnorum alphabeto huius calamitatis mentionem fecit: & hanc aliasq; clades diligenter Iosephus in libris de captiuitate tradidit. **OLYMPIOD.** Illi Deum cauponantes sui emolumenti causa deuorare dicuntur animas hominum, iuxta illud quod est in psalmis, § Qui deuorant plebem meam vt cibum panis, cum propter multa peccata permitteret Deus vt in potestate talium principum esset populus.

Iosephus
de captiuit.
lib. 6. ca. 22.
Psalm. 13.

IOD.

V V L G A T A.

Manus mulierum misericordium coxerunt filios suos, facti sunt cibus earum in contritione filiae populi mei.

ILLVD vero indignissimum teterrimumque facinus quis sine maximis lacrymis narrare poterit? mulieres, sexus sua sponte ad misericordiam natus, & ipsae praeter sexus conditionem sponte ad eum affectum propensae, & quod plus est matres, non alieno ministerio sed suis manibus filios elixaerunt, & in contritione filiae congregationisque populi mei, cum maxima aegritudine laborarent, & dolore praesentium malorum vexarentur, aptum scilicet delicatumque cibum inde sibi parauerunt, qui in dolore & stomachi languore gratus & expectendus esset matribus, & languentes ad edendum prouocaret.

§ Facti sunt cibus earum, § חוֹלְבֵית. Hoc verbo solet vti scriptura

ptura quā comedens non satis valet, & vel corporis vel animi aegritudine laborat, itaque necesse habet delicatiorē & expe-
tibiliore cibo, qui etiam languentem adgustandum inuitet, li-
cet a cibo abhorrentem. in contritione igitur & aegritudine
& dolore filiae populi mei hic suauissimus matri appositus est
cibus scilicet, filius occisus & elixatus. dicitur enim hoc loco
cibus per dissimulationem, quae ironia vocatur. Verum autē
hoc esse quod dictū est כֶּרֶךְ de cibo languentis aut aegrotantis
dici solere, docēt haec scripturae loca, quod in Dauid tristi de
morte Abner, & post mortem filij quem peperit ei Bersabee
hoc verbo Scriptura vtitur: in Amnon etiam cum ob amorem
Thamar aegrotaret. vbiq; enim in his locis est verbum כֶּרֶךְ.

2. Reg. 3.

2. Reg. 12.

2. Reg. 13.

CAPH.

L X X.

*Compleuit Dominus furorem suum, effudit indignationem
irae suae, & succendit ignem in Sion, & deuorauit fun-
damenta eius.*

OLYMPIOD. Firmitatem, stabilitatemque animae: haec
verō etiam secundum historiam contigerunt.

CAPH.

V V L G A T A.

*Compleuit Dominus furorem suum, effudit iram indigna-
tionis suae, & succendit ignem in Sion, & deuorauit
fundamenta eius.*

INDIGNATIONEM suam omnē quam veluti diu conceptā
retinebat Dominus, exhaustit atque consumpsit. omnia te-
la furoris sui coniecit, & fame & bello & morte populum per-
didit: omnes sagittas suas in nobis compleuit: Effudit & tam-
quam igneum halitum efflauit iram indignationis suae, quo
halitu aptam combustioni materiam nactus, succēdit ignem
in Sion, ita vt non modo muros flamma depasta sit, sed ipsa
quoque fundamenta combusserit.

Compleuit Dominus, vel tamquā in se conceptum & clau-
sum prius, re ipsa & opere compleuit; vel furorem, hoc est vin-
dictae suae vim & iacula omnia in nobis compleuit & cōsum-
sit, iuxta illud Deuteronomij, Sagittas meas complebo in
eis: quas sagittas exponens ait, foris vastabit gladius, & in-

Deut. 32.

tus pa-

tus pañor; & deuorabunt eos aues morſu amariffimo. § Eſſu-
dit, § quaſi igneum halitum ac vaporem cum impetu & copio-
ſe efflauit. § Et deuorauit fundamenta eius. § Vel ad litteram
muros & fundamenta ciuitatis intelligit: vel figurate per fun-
damenta reges & principes accipiendi ſunt, quibus tamquam
baſibus ac fundamentis tota ciuitas nititur. ſignificat autem
totum eſſe ſtatum ciuitatis euerſum.

LAMED.

L X X.

*Non crediderunt reges terrae, vniuerſi habitatores orbis,
quoniam ingreditur inimicus & tribulans per portas
Ieruſalem.*

O RIGENIS. Fortaſſe etiam propter munitionem loci, &
muri & habitatorum fortitudinem, maxime vero pro-
pter Deum qui ſemper urbem illam protexerat. Et certe ante
Nabuchodonofor, ingreſſus frequenter Aegyptius, accepit
theſauros ex domo Domini; ſed tamen urbe non euerſa:
non enim nimis vrgebat, etiam ſi erat hoſtis; praeterquã quod
non incredibile eſt & ſecundo & tertio illud miraculum acci-
diſſe. Fortaſſe reges terrae etiam ipſos daemones appellat, qui
tetrenis hominibus imperant; de quibus dictum eſt, § aſtite-
runt reges terrae & principes ipſorum conuenerunt in vnũ,
aduerſus Dominum & aduerſus Chriſtum eius, § & ij qui nam
ſint, indicatur in illis verbis, § Si enim cognouiſſent, numquã
Dominum gloriae crucifixiſſent: § & in illis, § vt innotefcat
principibus & poteſtatibus in caeleſtibus per Eccleſiam mul-
tiformis ſapientia Dei. § putabant enim numquam tradendã
eſſe Ieruſalem in finem, quoad haec gens maneret, promiſſio-
nem ad patres factam cogitantes, & nihil de Chriſto ſcientes.
OLYMPIOD. Hi qui erant in virtute praefantes, regale ſa-
cerdotiũ. **IDEM.** Illa quae a Deo ſemper protegebatur mul-
titude. illa enim altera deſerta erat. § Quoniam ingreditur
inimicus & tribulans per portas Ieruſalem. § **OLYMPIOD.**
Propterea quod Dominus dixit, § portae inferi non praeua-
lebunt aduerſus eam, § vt neq; praeualuerunt, & ſi illis ad tem-
pus vt turbarent permiſſum eſt.

3. Reg. 14.

2. Paral. 12.

Pſal. 2.

1. Cor. 2.

Ephel. 3.

Math. 16.

L A.

LAMED.

V V L G A T A.

Non crediderunt reges terrae & vniuersi habitatores orbis, quoniam ingrederetur hostis & inimicus per portas Ierusalem.

CVM prophetae Regibus Ierusalem atque principibus eius & habitatoribus terrae Iuda praedicerent, vt vias suas corrigerent, ne forte iratus Deum urbem in hostium potestatem traderet, & per portas captae Ierusalem introire permetteret, haec illi vana putabant, nullamq; his praedictionibus fidem adhibebant: nā praedictionibus falforum prophetarum placentia & incunda prophetarum occupatis animis, aures veris vaticinationibus obstruxerant.

§ Non crediderunt. § In Ieremiae propheta de Ioachim rege Ierem. 36. legimus, eum vsque adeo Ieremiae vaticinijs excidium praedicentis non credidisse, vt librum in quo illa descripta erant, a Baruch Ieremiae notario allatum disciderit, & in ignem coniecerit. Ibidem quoque Sedeciam eius successorem Ieremiae Ierem. 32. vera vaticinanti non adhibuisse fidem scriptum est. Principes quoq; ciuitatis egisse vt talia praedicans tamquam seditiosus & incensor populi in lacum mitteretur, idq; a Rege obtinuisset: tantum abest vt illi crediderint. § Quoniam ingrederetur hostis. § Capta iam vrbe ingressos Principes Regis Babylonis Ierem. 38. sedisse in porta Ierusalem, habetur in Prophetia Ieremiae. Habitatores orbis, non totius orbis intelligit, sed vsus est scripturae, vt orbis nomine loca quae habitentur appellet, ad distinctionem locorum quae non habitantur, & deserta sunt.

MEM.

L X X.

Propter peccata prophetarum eius, iniquitates sacerdotum eius, effundentium sanguinem iustum in medio eius.

ORIGENIS. Sanguis iustus proprie ille fuit Saluatoris nostri Christi, quem qui effuderunt prorsus perierunt, cum pro effuso prophetarum sanguine modice castigati fuissent. OLYMPIODORI. Ipsi Ierusalem haec a Romanis acciderunt propter Christi sanguinem. generaliter vero dicit de ijs qui interimunt filium Dei & ostentui habent, cum
semel

Hebr. 6.

semel factam redemptionem per suas vocum nouitates euer-
tant.

MEM.

V V L G A T A.

*Propter peccata prophetarum eius, & iniquitates sacerdo-
rum eius, qui effuderunt in medio eius sanguinem iu-
storum.*

CV I V S vrbis ruina & excidium praecipue peccatis fal-
sorum prophetarum, & iniquitatibus sacerdotum eius
adscribendum est; qui cum Reges & principes in caedem in-
nocentium, & infectionem sanctorum prophetarum insti-
garent, ipsi potius effudisse iustorum sanguinem putadi sunt,
quam illi qui eorum persuasionibus impulsu iustos necabant.
ita qui prohibere scelera debebant, & animos Regum ac prin-
cipum a malefactis auertere, ij scelerum eiusmodi suscipien-
dorum illis auctores erant, adeo vt sceleribus publice contra-
ctis ceteri omnes quodanmodo impiarentur, & contagiū ad
vniuersam ciuitatem pertineret, communi ruina & excidio
expiandum. § Propter peccata prophetarum eius. § De falsis
prophetis vana praedicentibus & populum decipientibus le-
gem. Jerem. 23. Jeremiae prophetiam capite 23. qui visionem cordis sui lo-
quebantur non de ore Domini, dicebantque blasphemanti-
bus Deum, § locutus est Dominus, Pax erit vobis: & omni am-
bulanti in prauitate cordis sui, Non veniet super vos malum. §
Jerem. 20. in eadem prophetia legimus Jeremiā a Phassur sacerdote per-
cussum, & missum in neruum. Eundem quoque talia prophe-
tante a sacerdotibus & prophetis morte damnatū, & apud
populū ac principes tamquam de capitali crimine accusatū.
Quae vero aduersus Jeremiam hic sacerdos molitus est, eadē
aduersus alios quoque innocentes ac iustos viros & hunc &
alios sacerdotes & falsos prophetas esse molitos credi nō ab-
surde potest, qui cum regibus essent intimi, illorum animos
parum graues ad piorum hominum necem exacuebant. itaq;
de Ioacim rege Iuda legimus quod sanguinem innocentem
effuderit; & Jeremias ipse capite 7. & 22. monet hortaturque
vt ab hoc scelere abstineāt, minime id moniturus nisi fieri con-
sueuisset. Hoc etiam piaculo contaminauit Manasses rex Iu-
da ciui-

da ciuitatem Ierusalem, cuius inter cetera scelera illud quoq;
 liber quartus Regum commemorat, § factum est, inquit, ver-
 bum Domini cōtra Iudam, vt auferret eum coram se propter
 peccata Manasse vniuersa quae fecit, & propter sanguinē in-
 nocentium quem effudit, & impleuit Ierusalem cruore inno-
 centium: ob hanc rem noluit Dominus propitiari. Hoc vero
 quod de Manasse dicitur, LXX. in extremo libro Paralipome-
 non secundo Ioachim regi tribuunt. facta autē regum prophe-
 tis & sacerdotibus adscribuntur, hos enim illi in consiliū adhi-
 bere solebāt in rebus dubijs, vnde etiam de Saul scriptum est
 in libro primo Regum, Deum illi non respondisse neque per
 somnia neque per sacerdotes neque per prophetas. his namq;
 consultoribus & ille utebatur & alij reges vsi sunt.

4. Reg. 24.

1. Reg. 28.

NVN.

L X X.

*Commoti sunt vigiles eius in plateis, polluti sunt in sangui-
 ne. Cum ipsi non possent, tetigerunt vestimenta eorum.*

OLYMPIOD. In Christo quidem, propter metum Iudaeo-
 rum etiam qui inter eos religiosi erant Deique cultor-
 es commoti sunt. Generaliter vero a firmitate commoti sunt
 angeli eius in vijs suis. ORIGENIS. Symmachus ait, § Insta-
 biles facti sunt caeci in exitibus, polluti sunt in sanguine, vt
 non possent attingere vestes eorum. § Vigiles scriptura ange-
 los vocat; vt apud Danielem. Hi vero erant per quos etiam
 fortasse illa per Moysen lex data est, iuxta illud, § Si enim qui
 per angelos dictus est sermo. § Hi namque cum prius assidue
 in ipsa, & in templo permanerent, commoti discesserunt. Io-
 sephus enim in libris de captiuitate narrat, sacerdotes cum
 de nocte ad templum pro more ad sacra ministeria exhiben-
 da venissent, primo quidem commotionē a se auditam dixisse,
 deinde vocem repentinam percepisse, transcamus hinc:
 quando etiam iuxta Symmachum, instabiles & errabundi fa-
 cti sunt, & caeci, inquit, in exitibus. non enim erat visio distin-
 guens, non rex non propheta neq; princeps; defecerant enim
 posteaquam ille aduenit cui erant reposita, qui erat expecta-
 tio gentium. § Polluti sunt in plateis. § OLYMPIOD. Nam qui
 non potest peccato resistere, ab illo polluitur. § Cum ipsi non

Daniel 4:
Heb. 2.Iosephus
de captiuit.
lib. 6. c. 31.1. Regi. 3.
Gen. 49.Y
possent,

Galat. 3.

possent, tetigerunt vestimenta eorum. } *EIVSDEM.* } Quicumque, inquit, in Christum baptizati estis, Christum induistis. } ait igitur, etiam de ipsa fide illos periclitatos.

NVN.

V V L G A T A.

Errauerunt caeci in plateis, polluti sunt sanguine: cumque non possent, tenuerunt lacinias suas.

HOC igitur fuso iustorum sanguine, & tanto scelere inquinati, errauerunt a suis sedibus pulsi, & hac illac discurrentes, tamquam furij agitati, nullas certas sedes habentes oberrauerunt. cumque ad instar caecorum rectum iter non viderent, neque viam tenere possent, lacinias aliorum hominum, cum velles arripere non possent, & extremas oras vestium tenuerunt. ab illis auxilium & opem suis rebus afflictis vel minimam quaerentes.

Psalm. 108.

Gen. 4.

} Errauerunt caeci in plateis, } hoc est tamquam caeci. Hoc autem errandi verbum in habraeo eorum est proprie, qui certas sedes nullas habent, sed errabundi vagantur. unde etiam in psalmo 108. positum est, } nutantes transferantur filij eius & mendicent, & eijciantur de habitationibus suis. } & de Cain qui fraterna se caede polluerat, scriptura dicit, habitasse cum profugum in terra; cum hac illac quasi mente motus circumiret. Omnia autem haec de caecis errantibus, pollutisque sanguine, & contingentibus aliorum lacinias, & itineris ductorem quaerentibus, figurate de Iudaeis iustorum sanguine pollutis, & ab alijs gentibus auxilium petentibus dicta sunt, a quibus tamquam piaculo contaminati repulsi reiectique sunt. nam & ab Aegyptijs aduersus Nabuchodonosor auxilium petierunt, quod in Ieremia cap. 37. scriptum est. } Cumque non possent. } cum lapsi essent caeci in lubrico & in sanguine quem fuderant cecidissent, neque se possent erigere, neque oculis capti rectum iter tenere, aliorum lacinias tenuerunt, ab illis & subleuari, & ad rectum iter duci poscentes.

SAMECH.

L X X.

Recedite ab immundis, vocate ipsos, recedite recedite, nolite tangere, quia accensi sunt; atque etiam commoti. dicite in gentibus, non addent incolere.

ORIENIS. Apostolismandatur, vt de medio Iudaeorū fugiant, qui Christi sanguine polluti sint. Vocationem vero eorum etiam angelis commisit; nisi forte Apostolis vt illos immundos ad paenitentiam vocent praecipit, quod fecerunt cum dixerūt, & Vobis oportebat primum praedicari verbum. & illis vero nolentibus iubet fugere, ideoque tamquam illi nollent, subiungit, & ecce conuertimur ad gentes. & **OLYMPIOD.** Horrhamini inuicem abscedere ab immundis. illa enim verba, & vocate ipsos, & hoc significant, quisq; vestrum socium admonete. & Accensi sunt. & **ORIENIS.** Hoc verbo significatur ignis ille captae ciuitatis. illud praeterea, & Commoti sunt. & transitum ad seruitutem indicat: illud vero, & non addent incolere, & perpetuum illos incolatum habituros, neq; altero opus futurum. **OLYMPIOD.** Dicite illis, inquit, ne adijciatis in gentibus incolere, hoc est cum alienis ne miscamini.

Aq. 13.

Olympio.
dorus legit
καταρατι
καυτοῦ, vo
cate vos ip
sos.

SAMECH.

V V L G A T A.

Recedite polluti clamauerunt eis, recedite, abite nolite tangere; iurgati quippe sunt & commoti, dixerunt inter gentes: non addet vltra vt habitet in eis.

HOS conantes saltem lacinias tenere, ij quorum laciniae erant, & a quibus auxilium flagitabant, a se reiecerunt, dicentes, recedite polluti sanguine, recedite, abite a nobis, nolite vestes nostras contingere, nolite a nobis opem auxiliumque petere; tum inter se loquentes dixerunt, iurgatos esse inuicem Iudaeos, & contentionibus rixisque inter se certauisse, ideo commotos esse, & errare vagosq; ac profugos circumire, neque posthac fore vt illorum Deus inter illos habitet, cuius seruos occiderint.

& Recedite polluti. & adhuc in figura caecorum sanguine contaminatorum perdurat, quos reiectos esse ab ijs quorum laci-

Y 2 nias

nias illi prehenderant dicit. nimirum a gentibus quas adierant Iudaei, & quorum opem flagitabant, auxilium ab illis negatum. § Nolite tangere. § nolite lacinias tenere. nolite a nobis vel minimum auxilium petere. ijs enim dicitur ne tangāt, qui vt paulo ante dixit, tenuerant lacinias suas, nempe caecis. in quorum figura Iudaeos e suis sedibus pullos, & profugos propter effusum ab eis iustorum sanguinem intelligit. quod autem Iudaei illis caecis figurentur sanguine polluti, etiam verba sequentia satis indicant. § Iurgati quippe sunt & commoti. § Commoti idem est cum eo quod superius dixit, § errauerunt caeci in plateis. § iidem sunt ergo caeci de quibus supra dixit, & Iudaei, de quibus nunc ait, iurgatos esse & commotos: nam caecorum in sanguine lapsum, & inquinatum figuram, ad denotandos mores Iudaeorum effundētium piorum sanguinē assumpsit. Sunt autem haec verba gentium ad quas profugi abierant polluti illi iustorū sanguine Iudaei: conuerso namque inter se sermone dicebant, iurgati sunt hi Iudaei qui a nobis auxilium poscunt, & in iurgio caedem fecerunt, ideo commoti sunt, & tamquam homicidae e suis sedibus pulsi, digna iurgij caedisque poena, vt incertis sedibus errent. ideoque indigni vt a nobis auxilium quod petunt auferant. Iurgari autem non verbis modo, sed manibus ac telis & ferro contendere est. iurgati vero sunt, quum repugnantes vaticinijs prophetarum, & iustorum hominum monitis resistentes eos occiderunt. § Non addet ultra vt habitet in eis. § De Deo intellexit noster interpret, fore vt non ultra inter eos habitet, templo iam incenso & euerso. In Hebraico autem est, § non addent ultra vt habitent seu peregrinentur, § vt LXX. translulerunt: ἡ μὴ προσέθωκ τὴ παροικίᾳ, § non addant incolere, § quorum verborum hic sensus erit: gentes illas ad quas vt ibi peregrinarentur Iudaei eiusmodi caedibus polluti abierant, inducit propheta dicentes, non addent eiusmodi homines vt peregrinentur & incolant. non permittendum est vt apud nos adhuc versentur, ne nos etiam contagio sui sceleris inquinent. aut, non addent habitare, non vmquam posthac in sua regione & in Iudaea terra habitabunt, quam caedibus contaminauerunt.

PHE.

L X X.

*vultus Domini pars eorum, non addet respicere eos. facies
sacerdotum non acceperunt. senum non sunt miserti.*

ORIGENIS. Supplicium a Christo irrogatum indicat. dicit enim David, & vultus autem Domini super facientes mala. & Non respiciuntur autē ab eo dum in eo quod sunt manent. nam & cum intrauerit plenitudo gentiū, omnis Israel saluabitur, & de cetero vt fidelis respicitur. quod si scribatur, & pars eorum, & nimirum intelligitur eorū de medio exeuntium. de hostibus autem accipitur illud, & facies sacerdotum non acceperunt, & omnes enī abduxerunt. **OLYMPIOD.** Hoc est, non sunt veriti. & Senum non sunt miserti. & Eorum qui in virtute consenuerant non sunt miserti, sed illos etiam peruerterunt haeresiarchae, Iudaeorumque magistri.

Psal. 33.

Rom. 11.

PHE.

V V L G A T A.

*Facies Domini diuisit eos, non addet vt respiciat eos: facies
sacerdotum non erubuerunt, neque senum miserti sunt.*

VVLTVS & ira Domini diuisit & disseminauit eos inter gentes, neque vltra miserebitur eorum: quia neque faciem sacerdotum, & prophetarum vtilia consulentium atq; recte monentium veriti, neque senum miserti sunt. ita neque religionis ratione flexi sunt in sacerdotibus, neque naturae consideratione commoti sunt in senibus, & impij simul & inhumani.

& Facies Domini, & faciem seu vultum pro indignatione sumi consuetum est, vt in psalmo 33. & Vultus autem Domini super facientes mala. & nonnumquam pro moerore, vt in primo Regum capite primo, & vultus eius (nempe Annae) non sunt amplius in diuersa mutati. & potest etiam hoc significare, & facies Domini diuisit eos, & quia a se repulit & disiunxit, ita vt amplius eos non aspiciat, neque eorum misereatur. quae poena conuenientissima est, cum ipsi neq; sacerdotum, neque senum faciem acceperint, ac veriti sint. aptissime autē haec omnia in infelices ac perfidos Iudaeos cadunt, qui cum Christi & apostolorum sanguine maculati sint, vt caeci per orbem er-

Psal. 33.

1. Reg. 1.

rant

rant prudentiae ac fidei lumine carentes, & vestimenta laciniasque gentium contingere nituntur, ab eis auxilium & opẽ & sedem in qua habitent petentes, & in eorum terris commorari postulantes a quibus repulsi, tamquam Cain teterrimo paricidio maculati profugi & nutantes, & hac illac discursantes oberrant. de quibus gentes dicũt, iurgatos illos esse, & in iurgio caede se contaminasse, ideoque commotos & e terris suis pulsos numquã fore vt in suis adhuc sedibus habitent, ex quibus Imperatorum edictis eiekti sunt, quod senum & apostolorum ac prophetarum facies non erubuerint. § Facies sacerdotum non erubuerunt. § fortasse & inter ceteros de se hoc intelligit. nam & ipse de sacerdotibus fuit qui erant in Anathot, vt in titulo libri sui legitur; & faciem eius non erubuit Sedecias, loquentis ad se ex ore Domini, vt est in libro 2. Paralipomenon, capite vltimo.

AIN.

L X X.

Cum adhuc essemus, defecerunt oculi nostri ad auxilium nostrum, vana respicientibus nobis; respeximus ad gentem non saluantem.

Galat. 3.

ORIGENIS. A captiuis haec dici videntur, cum eos paciteret quod Aegyptiorum & Assyriorũ ope nisi fuissent. nihil autẽ prohibet quo minus ab ijs dici possint qui ex circũcisione crediderant. defecimus frustra in lege sperantes. nã lex neminem saluat, vt dixit Paulus. ergo neq; qui legi adhaerescunt iuuari post gratiã poterũt. § Respeximus ad gentẽ non saluantẽ. § OLYMPI. Qui obsidebantur quidẽ, quia vanissime sperauerãt obsistere posse Romanis. Qui vero in peccato, Dei fiducia relicta, vanissime ad suum ipsorũ auxiliũ respexerũt. EIVSDẽM. Ad humanũ auxiliũ aspicientes intumuius.

AIN.

V V L G A T A.

Cum adhuc subsisteremus, defecerunt oculi nostri ad auxilium nostrum vanum; cum respiceremus assenti ad gentem quae saluare non poterat.

QVVM nõ dum perditii essemus, sed adhuc subsisteremus ac viueremus, quũ res nostrae non dum afflictae essent, defe-

defecerunt & extabuerunt oculi nostri cum desiderio expectantium exercitum Pharaonis, & sperantium eius auxilium vanum: quoniam respiceremus tamquam de specula aliqua speculatores, sicunde gens auxilio veniret, quae nullam salutem aut opem erat allatura.

§ Cum adhuc subsisteremus. § In viuo adhuc corpore extabuerunt oculi, prae nimio desiderio, & expectatione, cum circumquaque frequentissime spectaremus sicunde auxilium veniret. Aegyptios autem significat in quibus spem posuerant, & a quibus auxilium expectabāt, ut est in Ieremiae prophetia cap. 37. qui cum ingentia promississent, vanis promissis eos in perniciem egerunt, & Chaldaeis prodiderunt. nam vix egressi ex Aegypto, rursus redierunt, & spem Iudaeorum fefellerunt. Quid igitur perditis iam rebus ab ijs sperandum est, a quibus cum integrae res nostrae essent, in fraudem acti, & decepti sumus?

Ierem. 37.

TSADE.

L X X.

Venati sumus paruulos nostros ne irent in plateas nostras: impleti sunt dies nostri, adeit finis noster.

O RIENTIS. Nam a Salvatore piscatores hominum facti illi discipuli, venabantur expiscabanturque Iudaeos sensibus paruulos, ne per latam & spatiosam patrum suorum irent viam; quos etiam Saluator significabat dicens, § finite paruulos venire ad me. § **OLYMPIODORI.** Ad Marcum 10. historiam quidem, quia obsidebant neque sinebant pueros in plateas exire. ad interiorem intelligentiam, exiguas cogitationes nostras, inquit, seruauimus, ne cupiditatum propensione per latas libidinum plateas ferrentur. liquet igitur quamuis nos omni ratione seruemus, nisi in Deo speremus, fore ut captiui ducamur. § Appropinquauit tempus nostrum. § **EIVSDEM.** A sanctis haec dicuntur, calamitates eorum qui propter peccata plectuntur, suas putantibus.

TSA:

Lubricauerunt vestigia nostra in itinere platearum nostrarum, appropinquauit finis noster: completi sunt dies nostri, quia venit finis noster.

ET cum auxilio Dei careremus, a quo gressus nostri dirigerentur, & dilatarentur ac firmarentur, in ipsis quoque plateis quae latae erant, arctata sunt vestigia nostra, & infirmata lubricauerunt, & in praeceps ruerunt; & ne ipsis quidē adiumentis & instrumentis quae nobis suppetebant, vti potuimus, quibus antea facillime vti licebat, iuvenes nostri fortes ac strenui, quibus tamquam vestigijs insisteret nostra Ciuitas, in ipsis quoque latissimis plateis in quibus ante versari soliti erant corruerunt. itaq; illis cadentibus tota simul ciuitas collapsa est. appropinquauit tandem praestitutus a Deo finis noster, quo tamquam filum praecidendi & tamquam matura poma decerpendi eramus. Completi sunt dies, vt tamquam oues gregis interficeremur & mactaremur.

§ Lubricauerunt vestigia nostra. § Verbū Hebraeum ארצו aliqui transtulerunt, § venati sunt, § vt Symmachus. in LXX. legitur, *אֲרָצוּם*, § venati sumus. § Sed B. Hieronymus videtur in suo Hebraico codice legisse ארצו a ארצו quod est angustum esse: & quia in angustis locis cum vestigiū firmiter premi non possit, labimur, § ideo transtulit, lubricauerunt vestigia nostra. § & placet admodum haec lectio & interpretatio, cum gratiam non modicam habeat ex cōtrario adiecto, § in itinere platearum nostrarum, § habet enim *אֲרָצוּם*: mirum namque est quomodo in plateis quae latae sunt, eorum vestigia sint arctata. significat autem figurate, consilia & adiumenta quibus salutem tueri suam poterant, & quibus ad eam diem res steterat, nunc in arctum & angustum esse redacta. Aut vestigiorum nomine iuvenes bello strenuos intelligit, qui in plateis corruerint, & fame & gladio interierint, iuxta illud quod cap. 9. prophetiae suae dicit, § Ascendit mors per fenestras nostras, ingressa est domos nostros, disperdere paruulos de foris, iuvenes de plateis. § § Appropinquauit finis noster. § finis tamquā praefiniti alicuius spatij extremum. ex quo ostenditur, definita esse

ta esse apud Deum omnia, tumq; esse incipere cum ille praestituerit, tunc item cessare & intercidere, cum spatium illud praefinitum emensum sit: vnde in psalmo 38. David postulat notum sibi fieri finem suum, & numerum suorum annorum. & mensurabiles, seu vt Symmachus transtulit, palmares positos a Deo dicit dies suos. In Hebraeo autem finis & maturitas, seu matura aestas, quam graeci *ὀπώρα* dicunt, similia nomina sunt, & vt solet scriptura, verborum similitudine gratiā aspergit, vt indicet quasi fructus esse homines, cumq; maturi sint, & finis vitae a Deo praestitutus, aut cladis alicuius praefixum tempus venerit, tamquam matura poma decerpi. vnde haec duo nomina finis & maturitatis praeclare in Amos coniuncta reperiuntur capite 8. § Quid vides Amos? & dixi vnicuiumq; pomorum. & dixit Dominus ad me, venit finis super populum meum Israel. § hoc est matura sunt poma vt decerpantur. § Completi sunt dies nostri. § ex metaphora ouium, quae ad macellum aptae sunt. vt idem dixit in prophetiae suae capite 25. § aspergite vos cinere optimates gregis, quia completi sunt dies vestri vt interficiamini. § Haec dixit de tempore quo capta est ciuitas. iam post captam ciuitatem quid euenerit exponit.

Amos 8.

COPH.

L X X.

Leues fuerunt persecutores nostri super aquilas caeli: super montes exarserunt: in deserto insidiati sunt nobis.

O RIGENIS. Narrat enim Iosephus, ne montes quidem fugientibus praesidio fuisse. illuc igitur nos trahentes accēdebantur, hoc est ad poenas sumendas exarserunt aduersus nos. potest autem & de apostolis intelligi, quorum iuuentus vt aquilae renouata est. **OLYMPIOD.** Ad litteram quidem, quia illos etiam qui ad montes fugiebant consecuti hostes interficiebāt. ad spiritalem intelligentiam, a tumidis elatisque actionibus exarserunt. § In deserto insidiati sunt nobis. § **EIVSD. M.** Inhumanis moribus.

Psal. 102.

Z

COPH.

COPH.

V V L G A T A.

Velociores fuerunt persecutores nostri aquilis caeli: super montes persecuti sunt nos, in deserto insidiati sunt nobis.

IAM vero capta vrbe, cum fugissemus, velocius nos hostes insecuti sunt, quam aquilae volant ad auicularum aucupium. neque vllus nobis tutus fuit ad fugiendum locus: nam seu montes fuga peteremus, eo nos velocissime insecuti sunt; seu in campos fugeremus, ibi quamuis apertissima & minime ad insidias apta loca essent, tamen ex astutia insidias nobis posuerunt. ita seu velocitate pedum opus esset, nihil illis velocius fuit, seu astu ac fraudibus, nihil insidiosius, in ipsis apertis planisque locis astu nos ceperunt.

¶ Velociores fuerunt persecutores nostri. ¶ Digna nimirum poena, vt qui in equorum Aegypti velocitate sperauerant, ij hostes velociores aquilis haberent. quod Isaias praenuntians ait, ¶ Et dixistis nequaquam sed ad equos fugiemus: ideo fugietis, & super veloces ascendemus: ideo velociores erunt qui persequentur vos. ¶ Et Ieremias ipse de Chaldaeorum exercitu, ¶ Ecce quasi nubes ascendet, & quasi tempestas currus eius: velociores aquilis equi illius: vae nobis quia vastati sumus. ¶ Videtur autem indicare illam Sedeciae regis & principum comprehensionem, de qua in eodem prophetiae suae libro cap. 39.

Isa. 30.

Ierem. 4.

Ierem. 39.

¶ Cum vidisset, ¶ principes nimirum regis Babylonis ingressos Ierusalem, ¶ Sedecias rex Iuda & omnes viri bellatores, fugerunt, & egressi sunt nocte de ciuitate. ¶ & paulo post, ¶ persecutus est autem eos exercitus Chaldaeorum, & comprehenderunt Sedeciam in campo solitudinis Iericho, & captum adduxerunt ad Nabuchodonosor regem Babylonis in Reblatha.

RECHS.

L X X.

Spiritus oris nostri Christus Dominus comprehensus est in corruptionibus nostris, in cuius diximus umbra vivemus in gentibus.

OLYMPIOD. Hoc est, ipse vita nostra, ipse anima nostra. ORIG. Nonnulli dixerunt, inter praecipuos viros apertissime Iosiam lugere: sperabant enim propter illius religionem Iesu-

Iesu-

Ierusalem in medio gentium in summam gloriam extollendam. in medio namque gentium est Ierusalem. idem vero inquit, figura erat Christi, pro iniquitate populi mortuus. Atqui non in corruptionibus populi comprehensus est, sed quia prohibente propheta occurrit Nechao Pharaeo, quamuis ille pugnare aduersus eum noller. Ergo iuxta beatum Apostolum velamen super faciem Iudaeorum positum est dum legitur Moyses. ubi veto conuersus ille fuerit ad Dominum, auertur velamen. Dominus autem spiritus est. ipsis autem prophetae verbis spiritum dicit ipsum Dominum. quibus igitur velamen est superpositum, nunquam dicent, § Spiritus oris nostri Christus Dominus, § sed illi tantum qui reuelata facie gloriam Domini speculantur, quibus semper ante mentis oculos est Dominus, ut nimirum spiritus ille qui in prophetis operabatur erat Christus, qui etiam homo factus dicit, § ipse qui loquebar ad sum, § ipse idem spiritus, & Dominus, & Christus. hunc coceperunt qui prius in seipsis pietatis semina corruperant. sed nos prophetae non alium oris nostri spiritum existimantes, post nostram conceptionem, non adhuc in nobis ipsis locum habentes, sub umbra gratiae Christi tegimur, non amplius apud Iudaeos, sed in omnibus gentibus, cum ablatum ab illis, propter facinus in Christum admissum, regnum Dei datum sit gentibus. Ecce enim viuunt inter nos prophetae, loquentes de eo atque praedicantes, non adhuc apud illos, qui usque in praesens suis illum corruptionibus cingunt, quotidie illum blasphemantes. Aquilas autem dixit, § Spiritus narium nostrarum. § Symmachus vero § spiratio narium nostrarum. § Nam Dei amatores assidue Christum spirant, ante oculos illum habentes. Sciendum vero est quod sicuti Christus spiritus in prophetis locutus est, ita etiam pater. dicit enim Paulus in illa ad Hebraeos epistola, § Multifariam multisque modis olim Deus loquens in prophetis, nouissime diebus istis locutus est nobis in filio. § Ad eundem modum etiam spiritus sanctus: dicit enim Saluator, § Bene dixit in Esaia Spiritus sanctus, auditu audietis & non intelligetis. § In epistola vero ad Corinthios Paulus donis enumeratis in quibus est etiam prophetia, inquit, § haec autem omnia operatur vnus atque idem spiritus, donans cuique ut vult. § hoc est

2. Cor. 3.

Esa 52.

Videtur Origenes verbum *σπύρις* in significatione concipiendi intellexisse. Matth. 21.

Hebr. 1.

Aa 28.

1. Cor. 12.

iure suo & authentice, non feruilerit. Dici autem conuenienter potest spiritus oris Christus, qui spiritum nobis prophetiae donarit. nam prophetia os seu facies est prophetarum, spiritus vero donum, umbra lex. umbram enim habet lex futurorum bonorum. vixerunt igitur in nobis prophetae etiam in umbra legis. donum ergo Propheticum quo exitus vniuersae prophetiae spectat, Christus est, hoc est a Christo, vel cuius gratia erant prophetae, nam finis legis ac prophetarum Christus. Dici autem non incommode potest etiam ex persona Apostolorum atque credentium, § in ipso namque viuimus & mouemur & sumus. § § In cuius diximus umbra viuimus. § hoc est ad eius imitationem. dicit enim etiam beatus Apostolus, 1. Cor. 11. § Imitatores mei estote, sicut & ego Christi. § § Captus est in corruptionibus nostris. § ΟΛΥΜΠΟΔ. Nam propter iniquitates nostras traditus est. cui professi sumus, fore ut ab illo tecti ab aduersariorum impetu conseruemur.

RECHS.

V V L G A T A.

Spiritus oris nostri Christus Dominus captus est in peccatis nostris: cui diximus, in umbra tua viuemus in gentibus.

IL I V D vero post omnes has calamitates lamentandum nobis praecipue est, & omni dolore prosequendum, quod spiritus oris nostri Christus Dominus, quem spirando viuimus, quem spirare desinimus morimur; qui ipse Dominus est Deusque noster, in peccatis nostris tamquam retibus ac laqueo captus est, & mortis vinculis ligatus, quamuis mortis doloribus diu teneri non potuerit, eosque soluerit; & quem putabamus nobis tegumento ac praesidio fore inter infestas nobis inimicasque gentes, ei nostris peccatis mortem attulimus.

§ Spiritus oris nostri Christus Dominus. § Negari non potest quin si LXX. sic interpretati sunt hunc locum, Christus Dominus, de Iesu Christo Domino intelligendum putarint. nam Christi nomen quamuis & alijs regibus commune sit, tamen ex ijs nemo Christus Dominus aut dictus est aut dici potuit, sed tantummodo Christus Domini, ut Dauid de Saule libro secundo Regum, § Quare non timuisti mittere manum tuam ut occideres Christum Domini? § & libro primo, § Propitius sit mihi

2. Reg. 1.

1. Reg. 24.

sit mihi Dominus ne faciam hanc rem Domino meo Christo
 Domini. § Christum vero Domini dici quemquam, nisi eum *f. Domini.*
 qui idem Deus sit, blasphemiae esset. nam vox Domini hoc
 loco tetragrammon illud nomen indicat, quod solius Dei ve-
 ri proprium est nomen. Ergo LXX. aperte cognouerunt illā
 ineffabilem hominis Deique in eadem persona vnitatem, cū
 Christum Dominum appellauerunt. quod etiam beatus Lu-
 cas fecit, cum angeli ad pastores euangelismū exposuit, § An- *Lucas 2.*
 nuntio, inquit, vobis gaudium magnum quia natus est vobis
 bis hodie Saluator qui est Christus Dominus, in ciuitate Da-
 uid. § Quod si Iesus, Christus Dominus ab angelo dicitur, &
 Christus Dominus Hebraice non nisi Quadrilittero nomine
 indicatur יהוה שמע, & שמע non nisi verus Deus appellatur, cui
 dubium esse potest, eundem Christum hominem, eundem ve-
 rum Deum esse, eundem a LXX. interpretibus Deum & ho-
 minem agnitum? Quomodo igitur hoc ignorauerunt tam cla-
 rum tamq; firmum testimonium qui perfido animo & ore ausi
 sunt dicere, Christum non esse Deum verum, aut ex scripturis
 id haberi & confirmari non posse? Atque omnium fere anti-
 quorum Doctorem consensu receptum est, hunc versum ad
 Christum Dominum, Iesum Salvatorem nostrum pertinere.
 sunt tamen qui de Iosia intelligendū ad litteram putent, quod
 fere omnes Hebraei dicunt, idque ex eo confirmant, quod li-
 bro 2. Paralipomenon scriptum sit, § Vniuersus Iuda & Ieru- *2. Par. 35.*
 salem luxerunt eum (Iosiam nempe) Ieremias maxime, cuius
 omnes cantores atque cantrices vsque in praesentem diē la-
 mētationes super Iosia replicāt, & quasi lex obtinuit in Israel,
 Ecce scriptum fertur in lamentationibus. § Hebraeorum ex-
 positionem probat B. Hieronymus in commentarijs in Zac-
 chariam prophetam in caput 12. § Eo tempore, inquit, post *Zacch. 12.*
 reges peccatores spes omnis populi erat in Iosia, & occiso illo
 magnus planctus in vrbe commotus est, sicut legimus in He-
 braico, spiritus soris nestri Christus Dominus captus est in pec-
 catis nostris. licet alij iuxta intelligentiam spiritalem hoc re-
 ferant ad Dominum Iesum. § Huc vsque Hieronymus. Sed mi-
 ror quomodo de Iosia intelligere potuit Christum Dominū,
 vt ipse idem transtulit, nisi forte non Christum Dominum, sed
 Chri-

Christum Domini transferendum putauit, utroque enim modo in Hebraico legi potest. certe si Christum Dominum transtulit, ut LXX. fecerunt, & eum transtulisse omnes etiam antiquissimi codices testantur, non nisi de Iesu Christo Domino intelligi potest. Sunt inter ipsos Hebraeos qui haec de Iosia dicunt, sed alia ratione, videlicet, quia haec calamitates de quibus per totum conquestus est, non Iosiae, sed Sedeciae tempore acciderunt post Iosiae mortem, & paulo post scriptum est, & Completa est iniquitas tua filia Sion. quod de Iosiae tempore intelligi non potest, cum illa clades & illa poena iniquitatis quam iniquitatem vocat, eamque completam dicit, Iosiae tempore non modo non completa, sed ne coepta quidem esset. ideoque de Sedecia haec accipere malunt, qui proxime ante ipsum excidium ciuitatis regnum tenebat, & captus in campis Ierichontinis, & Antiochiam ad regem Chaldaeorum ductus, inde vincus in Babylonem est perlatus. & Spiritus oris nostri. & Optime spiritus oris nostri Iesus Christus dicitur, qui ut vitam in nobis post resurrectionem innouaret, in apostolos insufflauit dicens, & Accipite Spiritum sanctum. & nam vita Christi viuere nisi eius spiritu participato non possumus. potest etiam sic intelligi, qui carus erat nobis ut ipse spiritus oris nariumque nostrarum quem spiramus. & Captus est in peccatis nostris. & peccata dixit B. Hieronymus quae in Hebraico sunt חטאות corruptiones, vel retia, vel foueae eorum: quorum vero? nempe persecutorum, de quibus dixerat, & velociores fuerunt persecutores nostri aquilis caeli. & Sed LXX. transtulerunt, *ἐν ταῖς ἀσφodelαῖς ἡμῶν*, & Beatus Hieronymus item, in peccatis nostris. unde coarguitur legisse eos in Hebraeo, בשחתות, retibus autem vel laqueis vel foueis ut nonnulli volunt, leones capi solebant, & leonibus saepe in scriptura Reges comparantur. itaque figurate ait tamquam de leone regem intelligens, captus est in foueis seu in corruptionibus nostris, ut etiam de rege loquens Ezechiel eandem figuram tenuit, ut LXX. transtulerunt cap. 19. *ἐν ἀσφodelαῖς αὐτοῦ συνήφθη*, in corruptione, hoc est in fouea & laqueo eorum captus est. quo in loco Beatus Hieronymus vertit, & in vulneribus eorum captus est. & ergo etiam hoc loco verti potuit, captus est in vulneribus nostris

Ioan. 20.

noſtris, quibus illum vulnerauimus. Captum autē fuiſſe Chriſtum & tamquam funibus ac doloribus mortis ligatum, vt illos potentia ſua rumperet, B. Petrus dicit in Actibus, § Quem Act. 2. Deus ſuſcitauit ſolutis doloribus inferni, iuxta quod impoſſibile erat teneri illū ab eo. § Seu igitur laqueos & funes intelligas quibus captus eſt, ſeu peccata vt B. Hieronymus dixit, ſeu foueas, optime omnia in Chriſto Ieſu Deo noſtro conueniunt. nam peccatis noſtris tamquā funibus & laqueis captus eſt, & in infernum deſcendit, vbi idē B. Petrus ibidem Dauid teſtimonio prolato dicit, eum neque in inferno dereliſtum Pſal. 15. eſſe, neque carnem eius diſſiſſe corruptionem.

CHSEN.

L X X.

Gaude & laetare filia Idumaeae quae habitas ſuper terram, etiam ſuper te tranſibit calix Domini, inebriaberis, & effundes.

ORIGENIS. Sermo ad genus Edom hoc eſt Eſau fratris eius dirigitur, malorum illis magnitudinem praedicēs. hoc namque eſt, § inebriaberis & effundes: § de quibus etiam Pſal. 130. Dauid dicit, § memor eſto Domine filiorum Edom in die Ieruſalem, qui dicunt exinanite exinanite uſque ad fundamentū in ea. § nam cum fratres eſſent & vicini, iam inde ab ipſa ſtirpe inditum odium ſeruauerunt. Cum vero de Chriſto dixiſſet, opportune etiam huius gentis meminit. nam illam utpote quae terrena appelletur, euerſurus erat Chriſtus, & caeleſtē faſturus. virtus enim atque cognitio comminandi vim habet aduerſus eos qui erroribus & ebrietatibus vacant. quorum inebriatio ipſa eſt carnis mortificatio, ſuper-effuſio autem etiā ſapientiae carnis extinctio. **O L Y M P I O D.** Idumaea in vetuſtate peccati ſemper accipitur. § Super te tranſibit calix Domini. § **O L Y M P I O D O R I.** Illi peccati vetuſtati propheta poculum praedicat, ipſum nempe per Crucem interitū, vt poſt inebriationem & caſum, etiam ex abundanti eius interitus in 1. Cor. 15: perpetuum prolongetur. § Et effundes. § prolongari illius interitum ſignificat, quum etiam nouiſſima inimica deſtruetur mors.

CHSEN.

CHSEN.

V V L G A T A.

*Gaude & laetare filia Edom quae habitas in terra Hus :
ad te quoque perueniet calix , inebriaberis atque nuda-
beris .*

TV vero gens Idumaea quae terram Hus incolis, nostrae genti semper inimica, iam excidio Iudaeorum laeta, dū a malis & cladibus abes, laetare scilicet & gaude : nam haud semper ab his malis immunis eris. ad te quoque calix irae indignationisq; Domini amarus ac veneno infectus perueniet, quem etiam inuita bibes; eoque hausto, quasi austerissimo vino inebriata trepidabis & agitaberis, & consilij inops quid tibi sit agendum non intelliges. nudaberis etiam vt turpitudine peccatorum tuorum appareat, & pro illorum magnitudine atque gravitate plectaris. necnon ambitu murorum disiecto, quasi vestium operimento spoliaberis.

§ Gaude & laetare. § per dissimulationem & ironiam haec dicta sunt. non enim quasi a monente, sed ab improbante dicuntur; vt illud in Ecclesiaste, § laetare iuuenis in adolescentia tua, § & quae sequuntur. deinde, § Et scito quod pro omnibus his adducet te Deus in iudicium. § Erat enim Edom in potestate Regum Iudaeorum, quorum excidium nimis intēperanter tulerat, adeo vt cum hostibus Chaldaeis muros vrbis euer tentibus adesset, & eos ad illos disturbandos hortaretur, vt in psalmo 136. scriptum est, § Memor esto Domine filiorū Edom in die Ierusalem, qui dicunt exinanite exinanite vsque ad fundamentum in ea. § Quae habitas in terra Hus. § Hus inter duces Seir, & Horraeos recensetur Geneleos 36. & primo libro Paralipomenon capite primo. § Ad te quoque perueniet calix. § Diuinae vindictae portio. Hic ille calix est, de quo prophetae Ieremiae praeceptum est a Domino vt omnibus gentibus propinet. § Sume, inquit, calicem vini furoris huius de manu mea, & propinabis de illo cunctis gentibus ad quas ego mittam te, & bibent, & turbabuntur, & insanient a facie gladij quem ego mittam inter eos; cumq; inter ceteras gentes commemorassent Idumaeos, § dices ad eos, inquit, bibite & inebriamini, & vomite, & cadite, neque surgatis a facie gladij quem

Eccleſ. 11.

Pſ. 136.

Ierem. 25.

quem ego mittam inter vos. } } Inebriaberis. } ex translatione ebriorum qui circumeunt & agitantur, trepidationem & metum, & inopiā consilij significare voluit, adeo vt imminens periculum qua ratione vitent non inueniant. iuxta illud psalmi. } Turbati sunt & moti sunt sicut ebrius, & omnis sapiētia eorum deuorata est. } } Atque nudaberis. } praeter eam significationem quae superius posita est, illam quoque habere hoc verbum potest, vt sit, verecunda & infirma detegere. immunita, inquit, terrae tuae apparebunt per quae hostes ingrediantur. vt Genesis 42. dixit Ioseph, } Immunita terrae explorare venistis. } Aut nudaberis ambitu murorum ablato atq; dissecto. Nonnulli etiam verbum *נחל* significare volunt, euacuaberis, euomes. quibus fauet locus ille Ieremiae 25. } Bibite & inebriamini & vomite. } quod si ita exponendum videtur, figurate dictum est filiae Edom vt vomat, hoc est vt ciues suos e medio sui effundat, & illis in captiuitatem abeuntibus euacuetur, & inanis remaneat.

Psal. 106.

Gen. 42.

THAV.

L X X.

Defecit iniquitas tua filia Sion, non adiiciet ultra vt transmigrare se faciat. Visitauit iniquitates tuas filia Edom, reuelauit super impietates tuas.

O R T O R I S. Sat poenarum exoluisti, in quibus Edom succedet. quod vero ait, } non adiiciet vt transmigrare se faciat, } vel ad teuocationē respiciens dixit, non enim diutius manebis in captiuitate, cum integram mensuram expleueris, minuit enim supplicium Deus non adiicit. Vel si ad secundam captiuitatem respexit, tamquam quae futura non esset, quomodo post priorem illa a Romanis accidit? vide igitur ne de nouissima sermo sit, quae propter Christum contigit, post quam altera non fuit, & omnis Israel saluabitur post plenitudinem gentium iniquitate relicta. quo facto, reliqua erit ipsa consummatio, & terrenorum hominum poena, cum iudicium expectetur. Potest etiam ad Ecclesiā sermo dirigi, quae antiquae illius est synagogae filia: sine paenitentia namque sunt Dei dona: huius igitur iniquitas defecit diuini baptismatis ope: quam Ecclesiam non ultra hostibus tradit ille qui

Rom. 11.

Rom. 12.

Aa

dixit,

Ps. l. 131.
Matth. 28.

dixit, § Hic habitabo quoniam elegi eam. § &, § Ecce ego vobiscum sum omnibus diebus saeculi. § quo tempore etiam impietatem illorū denotauit, qui terrena sapiunt. § Non adijciat vt ultra transmigrare te faciat. § OLYMPIODORI. Hoc cum historia non cōuenit: nam post Babylonios, iterum sedes mutare coacti sunt a Romanis, & adhuc in exteris sedibus agunt. Ergo intelligas oportet, legis quidem successionē fuisse, sed gratiam nullum finem habituram. § Visitauit iniquitates tuas filia Edom. § EVSD. Haec illa est in vetustate peccati olim inquinata, & nomine illius appellata.

THAV.

V V L G A T A.

Completa est iniquitas tua filia Sion, non addet ultra vt transmigret te. Visitauit iniquitatem tuam filia Edom, discooperuit peccata tua.

IAM vero illam veram filiam Sion, & reliquias gratiae appello, & oleastrum in bonam oliuam insitum, ita vt non solum rem & pinguedinem oliuae, sed etiam nomen participet, & verus Israel vocetur, & vera filia Sion, in quam figurae omnes illius veteris Sion transierunt, te inquam appello filiam Sion, tibi que gratulor quod completa sit iniquitas tua, Christi sanguine expiata; finem peccatum tuum accepit, & deleta est iniquitas: & illata iustitia sempiterna. neque adhuc patietur Deus vt de loco stabilitateque tua mouearis & demigres de sedibus tuis, & relictis institutis ac legibus mutatis in alias oras quodammodo captiua ducaris; cum fundata sis supra firmam petram; neque aduersus te portae inferi praeualeant. At vero tu filia Edom quae huic filiae Sion semper inuenta es, & Israeliticae gentis aemula, gens terrenis semper inhaerens, & perfida, illud scito quamdiu talis es, visitare Deum iniquitatem tuam, & in conspectu semper habere, cum fide careas, & ad Christi gratiam non pertineas, qui peccata remittit, & per sanguinem suum delet: discooperta item esse peccata tua, cum gratiae vestem non habeas quae peccata contegit. itaq; patent semper oculis Dei ac nuda sunt, & manet Dei ira in te, cum sis filia dissidentiae.

§ Completa est iniquitas tua filia Sion. § Iniquitatem hoc loco non

co nonnulli poenam iniquitatis accipiunt, vt illud Cain, § maior est, iniquitas mea quam vt veniam merear, § vel vt nonnulli placet, maior est iniquitas mea quam vt ferre possim: ac sensum hunc esse horum verborum putant, perfuncta es poena quam persolvere pro tua iniquitate debebas. itaque pro peccatis tuis persoluta poena, non addet Deus vt adhuc migrare te de tuis sedibus faciat. At vero de tua o filia Edom iniquitate, quia non dum poena sumpta est, ideo illam visitauit atque recensuit, & tamquam summus arbiter plēctendam decreuit; & peccata tua discooperuit, ne diutius tecta essent, sed suo tandem iudicio examinata vindicarentur. Hic sensus si cui placeat eo contentus sit: & habet Isaiam paene idem dicentem capite 40. § Loquimini ad cor Ierusalem, quoniam completa est malitia siue militia eius, dimissa est iniquitas illius: suscepit de manu Domini duplicia pro omnibus peccatis suis. § Sed quia adiunctum est, § non addet vt ultra transmigret te, § difficile est inuenire quomodo illa Sion filia, si de terrena intelligamus, non adhuc de suis sedibus pulsa translataq; sit: cum manifestum sit eam denuo migrare coactam esse & funditus euersam a Romanis, & perpetua captiuitate damnata. itaq; dicunt aliqui etiam Ecclesiastici scriptores, eam propter praeterita illa peccata non amplius quam semel demigrasse, & in captiuitatem Babylonicam deuenisse. quod si secundo euersa est a Romanis, id non ob culpas easdem, sed alias accidisse, & praecipue propter Iesu Christi Domini necem. sed leuicula mihi haec solutio videtur. neque enim additum est, non addet vt ultra propter easdem culpas transmigret te, sed absolute dictum, § non addet vt ultra transmigret te. § Cur igitur tñ iniqui sumus aestimatores, vt vbi Christianam affulgere intelligentiam videmus & quidem faciliorem ac veriore, retinere adhuc Iudaicum sensum malimus & difficiliorem & minus verum? cum Ecclesiasticam regulam ac rationem habeamus, qua facillime dissoluere nodum possimus. Ea regula est, solere scripturas in maxima coniunctione figurae ac rei figuratae, cum ita connexa sint haec inter se vt paene vnum corpus efficiant, a figura sensim ad rem figuratam progredi. quae autē maior est coniunctio, quam filiae Sion seu populi Sion, & Ec-

eleſiae? cum haec in illam inſita ſit quodammodo, & in vnum
 paene corpus coaluerit, in illis primis reliquijs Iſrael, in apo-
 ſtolis nempe & diſcipulis con pacta & conglutinata, rantiſ il-
 lis qui de carnis gloria tuebant exciſi? Hanc igitur filiam
 Sion, filiam apoſtolorum & prophetarum quae per veterem
 illam filiam Sion figurabatur, intelligit propheta, cum eam non
 ultra migraturam praedicat, de qua etiam Iſaias dicit, § In no-
 mento indignationis abſcondi faciem meam parum a te, & in
 miſericordia ſempiterna miſertus ſum tui, dixit Redemptor
 tuus Dominus. ſicut in diebus Noe iſtud mihi eſt, cui iuravi
 ne inducerem aquas Noe ultra ſupra terram, ſic iuravi vt non
 irasſcar tibi & non increpem te. § quem certe locum qui aliter
 explicare voluerit, neque de Eccleſia intellexerit, ſis periturum
 neceſſe eſt Deum faciat, & perfidum, quod cum iuravit vt non
 ultra irasſceretur, iam adeo iratus ſit populo illi ac filiae Sion,
 vt non modo gentem illam euerterit, & ubiq; per omnes gen-
 tes diſperſerit, verum etiam perpetuo exilio & ſeruitute mul-
 ſtauerit. Si igitur neceſſe eſt hunc Iſaiæ locum de Eccleſia &
 vera filia Sion & apoſtolorum ac prophetarum progenie ac-
 cipere, cur non eodem modo hunc locum Ieremiae accipien-
 dum putemus? nam ſi exciſi ſunt perfidi Iſraelitae, & pauci
 qui reliquiae erant, vt ait B. Paulus ſalvi facti, in illis paucis
 promiſſiones omnes redditae ſunt, & veritas earum ſeruata, de
 quibus Ieremias dicit cap. 50. § In diebus illis & in tempore il-
 lo ait Dominus quaeretur iniquitas Iſrael, & non erit, & pec-
 catum Iuda & non inuenietur, quoniã propitiuſ ero eis quos
 reliquero. § In has reliquias inſitae gentes, & participes factae
 pinguedinis ac nominis oliuae, veri Iſraelitae ſunt, & vera fi-
 lia Sion, & in eis promiſſa omnia completa, in eis etiã iniqui-
 tas ac peccata deleta, ſalutari ſanguine quem Chriſtus fudit
 expiata, vt etiam Daniel angeli oraculo futurum accepit, § Se-
 ptuaginta, inquit, hebdomades, § quarum hebdomadam fi-
 gura ſeptuaginta illi captiuitatis Babylonicae anni fuerunt,
 § abbreviatae ſunt ſuper populum tuum, & ſuper urbem ſan-
 ctam tuam, vt conſummetur praeuaricatio, & finem accipiat
 peccatum, & deleatur iniquitas & adducatur iuſtitia ſem-
 pterna: § quod ergo Ieremias dixit, § Completa eſt iniquitas
 tua,

rua, & hoc Danieli angelus, & vt consummetur praeuaricatio
 & finem accepit peccatum, & deleatur iniquitas. & quod vero
 subiunxit Ieremias, & non addet ultra vt transmigret te, & hoc
 ille, & adducatur iustitia sempiterna. & lex namque illa euan-
 gelica nunquam abroganda est, neque e suis institutis Ecclesia
 vquam dimouenda. Quod si cui Ecclesiasticus hic sensus, nō
 placet, qui certe nescio cur placere non debeat, & velit hoc nō
 de Ecclesia dictum accipere, sed de captiuitate illa Israeliti-
 ca; is habet expositionem Origenis priorem quā sequatur, &
 verba illa, & non addet ultra vt transmigret te. & sic accipiet, ac si
 dictum esset, non addet vt diutius in captiuitate versari te pa-
 tiatur, sed expletis. LXX. annis ad tuas sedes reuerti iubebis.

O R A T I O
 IEREMIAE PROPHETAE
 C A P V T V.

L X X.

*Recordare Domine quid acciderit nobis, Respice & vide
 opprobrium nostrum.*

II.

*Haereditas nostra versa est ad alienos, domus nostrae ad
 extraneos.*



LYMPIODORI. Post sensum historicum sic intel-
 lige, naturalis illa libertas propter voluntariam
 inobedientiam peccato facta est obnoxia, & Do-
 mus nostrae ad extraneos. & EIVSDEM. Illa iu-
 stificationum distributio, diripitur enim ab ho-
 stibus, qui subiectus illis fuerit.

I.

V V L G A T A.

*Recordare Domine quid acciderit nobis, intueri & respice
 opprobrium nostrum.*

CASVVV nostrorum & aerumnarum recordare Do-
 mine, ac tandem vt clementissimus ad misericordiā fle-
 atque,

Atque, qui peccata poenasque condonare afflictis & humilibus soles, & eos etiam miserari qui iuste patiuntur. Intuere ac respice clades nostras & mala quae perpessi sumus, & quae inimici nostri nobis obijcere tamquam probra solent.

§ Recordare. § subiicit quae mala passus sit ille populus, ut vel Deū ad misericordiam eorum commemoratione fleat, vel testem suae patientiae vocet, ut saltem diuinum testimonium pro leuamine malorum habeat: neque enim id mediocriter consolari a maerore solet. § Opprobrium nostrum. § Opprobria ipsas aeternas suas vocat, de ijs enim dicturus est. quas tamen aeternas quamuis inuoluntariae sint, inimici vitij loco ponunt, & pro opprobrio obijciunt, cum potius miserari deberēt. Ea opprobria enumerare iam exorditur. Illud autem in hac oratione adnotandum, quamuis illa non sit per alphabeti Hebraici ordinem disposita, ita ut primus versus a prima littera incipiat, secundus a secunda, & ceteri consequenter, ut in quatuor prioribus lamentationibus factum est, tam eundem uersuum numerum continere, nam uiginti duo uersus habet, quot sunt apud Hebraeos litterae.

I I.

Haereditas nostra uersa est ad alienos, domus nostrae ad extraneos.

Agri nostri quos haereditatio iure possedimus, ad alienigenarum potestatem deuenerunt; domus nostrae quas extruximus in urbibus, ad extraneos & quod peius est ignotos & ignobiles, extremaeque sortis homines, & indignos qui in illis habitent, peruenerunt.

§ Haereditas nostra. § Hoc ex opprobrijs primum est: & fortasse domorum appellatione templū ipsum intelligit, quod ad alienorum potestatem uenisse luget, haud immerita poena, cum Deum ipsi prius dereliquissent, & locum illum alienum fecissent, ut Ieremias in sua prophetia dicit, hoc est dijs alienis in eo seruissent, ac si illi eius loci Domini essent. Hoc opprobrium etiam David tanto ante desseuit, § uenerunt gentes in haereditatem tuam, polluetunt templum sanctum tuum. § & idem ipse Ieremias, § confusi sumus, inquit, quoniam audiuius opprobrium; operuit ignominia facies nostras, quia

Ierem. 19.

Psal. 78.

Ierem. 51.

quia venerunt alieni super sanctificationem domus Domini.

III. L X X.

Pupilli facti sumus, nō est pater: matres nostrae quasi viduae.

EIVSDEM. Ecclesiae nō sunt viduae, sed quasi viduae, propter temporariam afflictionem.

III. V V L G A T A.

Pupilli facti sumus absq; patre, matres nostrae quasi viduae.

EXPOSITI autem sumus ad omnem barbararum gētiū iniuriam, perinde ac pupilli & viduae, quos opprimere facillimum est, cum illi paterna defensione, hac virorum auxilio careant.

IIII. L X X.

Aquam nostram in argento bibimus, ligna nostra in commutatione venerunt super collum nostrum.

OLYMP. Sermo doctrinae. Ex INCERTO. Vel quia propter inopiam emebant, cum siccitas esset ac fames. vel propter tributum, quod pro terra & aqua pendebant. Pro eo quod est, § in commutatione venerunt super collum nostrū. § Symmachus dixit, § iugum in collo nostro, § seruitutem significans. § Aquam nostram. § OLYMP. Nam donum a Deo donatum, venditioni subiecit astutia peccati. § Ligna nostra in commutatione venerunt super collum nostrum. § OLYMP. Quū terram promissionis forte diuiserunt filij Israel, regibus gentium ligna fabrefacta super collum imponentes, & super ea calcantes, illos interficiebant, quae igitur tua ope adiuti hostibus fecimus, eadem a te contempti passi sumus. Iuxta sublimiorem vero sensum sic intelliges. iugum illud haud venale filij Dei, pecuniae commutatione venditur.

IIII. V V L G A T A.

Aquam nostram pecunia bibimus, ligna nostra pretio comparauimus.

IP S A S res vilissimas & omnibus in medio positas, qualis aqua est, pecunia data bibimus. ligna etiā quae in nostris agris

agris ac nemoribus nascebantur, pretio comparauimus, pensionibus a Babylonijs etiam in rebus vilissimis impositis; aut quia cum omnia in eorum potestatem venissent, emere nobis quod miserimum est, res nostras necesse erat, aut cum alijs rebus permutare.

§ Aquam nostram. § Vel quia in nostra possessione prius fuerat, vel nostram quanta satis erat ad bibendum & sitim extinguendam. quod extremæ calamitatis erat, ne tãtis per quidem ex aqua haurire posse, quantum satis esset ad bibendum. Sic item ligna nostra, vel quorum domini eramus, vel quæ ad necessarium usum satis erant.

v.

L X X.

Persecutionem passi sumus, laborauimus, non habuimus requiem.

O L T M P. Nam cum iugū illud impie contemnitur, & ipsa requies abit, & de cetero peccati persecutio succedit.

v.

V V L G A T A.

Cervicibus nostris minabamur, lassus non dabatur requies.

Q V A M V I S pressi iugo essemus, & sarcinam grauem ferremus, nulla tamen mileratione commouebantur, victores sed captiuos vrgebant, & quãuis lassus ac fatigatus, nulla dabatur ab eis requies, neq; eos respirare a labore sinebant.

Hoc de captiuis dicit, quos ad ambulandum vrgebant de cervicibus oneratos, & iugo ad collum imposito, vel quum in captiuitatem ducerent, vel quum in ipsa iam terra hostili laboribus vexarent, captiuus per inde ac iumentis vtentes.

v. l.

L X X.

Aegyptus dedit manum, Assur ad saturationem eorum.

E X I N C E R T O. Res ad usum necessarias Aegyptus porrexit eumentibus. similiter & Assyrij illi qui captam regionem seruabant. neque enim aliunde licuisset saturari cibis, nisi Aegypto placuisset nobis opẽ ferre, & Assyrij captis victum suppeditassent. Iuxta Symmachū vero, Aegyptijs nos ipsos tradidimus, ad eos qui semper fuerant hostes tamquã ad amicos confugientes, & ad Assyrios quũ fame laboraremus accurrimus.

V I.

V. I. V V L G A T A.

Aegypto dedimus manum & Assyrijs, vt saturaremur pane.

CVM Aegyptijs & Assyrijs, quae vicinae gentes erant, foedera iunximus, in eorum nos fide ac ditione futuros, si modo panem praeberent quo saturaremur.

Hoc vel ante factum est, vel post excidium, ab ijs Iudaeis qui ad illas gentes confugerant ex Iudaea terra, Chaldaeorū imperium ac dominatum refugientes. } Dedimus manū. } Chaldaeus interpres vult idem esse ac dedimus tributum. Alij, cū iaceremus inopes, neq; leuare nos ipsi possemus, manum Aegypto dedimus, vt nos iacentes erigeret & opem ferret: a similitudine prostrati hominis seque erigere non valentis. Alij sponsonem significari, & foederum coniunctionem putant.

VIL

L X X.

Patres nostri peccauerunt & non sunt. nos iniquitates eorum sustinimus.

EX INCERTO. Non quia minime peccauerimus, sed quia illorum iniquitatem exceperimus, & quod ad exteriorem speciem peius nobiscum agatur, quam cum illis qui in hac vita poenas nullas dederunt.

VII.

V V L G A T A.

Patres nostri peccauerunt & non sunt, & nos iniquitates eorum portauimus.

PARENTES nostri culpas admiserunt, & ex hac vita priusquam diuina ira veniret subtraherentur; & nos eorum filij iniquitatum illorum poenas luimus.

Sic in Exodo est capite 10. } Visitans peccata patrum in filios Exod. 10.
in tertiam & quartam generationem. } quem locum & Augustinus libro contra Adimantum Manichaeum capite 7. & Cyrillus de adoratione libro sexto paulo post principium, & B. Ioannes Chrysost. in Euangelium B. Matthaei; quin etiam Hebraei ipsi sic intelligunt, tum puniri filios, quum in paterna peruersitate perseverauerint; quod significari satis dicunt in eo quod ibidem sequitur, } in ijs qui oderunt me. } Horum igitur parentes peccauerunt illi quidem, & ante captiuitatem

B b

subtra-

subtracti poenas effugerunt: sed filij eorum poenis successerunt, & in captiuitate, paternae impietatis vindictam exoluerunt; non iniuste tamen, quia ipsi quoque paterna peccata imitati sunt, quod autem etiam ipsi filij exempla parentum secuti peccauerint, paulo post confitetur humiliter, se etiam peccatoribus adiungens, & cecidit, inquit, corona capitis nostri, vae nobis quia peccauimus, & iniquitates igitur parentum portauimus, & qua illi debuerat poena eadem nos iuste multati sumus, quia eorum peccata imitati sumus. Sed potest etiam aliter dici, filios paternae impietatis poenas luere, non illas aeternas, id enim iniustum esset, nisi filij patrum imitatores fuissent: sed poenas eas quae hac vita finiuntur, quod non ex Dei iniquitate sit, sed quia hominum inter se societas atque communio ita requirit: ut enim virtus non habenti soli utilis est, sed etiam in eos peruenit utilitas qui illi adiuncti sunt, sic vitium quoque praecipue quidem eum laedit in quo inest, & quidem damnum nisi paenitentia medeatur perpetuos; sed etiam eis nocet non raro, qui vitioso homini adhaerent, filijs, propinquis, amicis, subditis, non quod eorum culpa aliqua fuerit, sed eo tantum quod cum malo homine nexu aliquo coniuncti erant. violat fidem & periurus fuerat Sedecias, multi ex ijs qui sub eius ditione erant, neque id scelus admiserant, neque probauerat, Nabuchodonosor tamen insensum habuerunt, a quo subiecti, captiui ducti & afflicti sunt, ita faciente humani generis communione, ut Regis noxam etiam subditi luerent, quod de Sedecia dictum est, idem & per alios humanae societatis nexus duci potest, pater in culpa fuit, luxu facultates dissipauit, opes prodegit; filij noxae paternae succedunt, non numquam viuente patre ad paupertatem redacti, non numquam mortuo.

VIII.

L X X.

Serui dominati sunt nostri, non est qui redimat de manu eorum.

EX INCERTO. Vel propter Ieroboam eiusque posteros quibus plurima populi pars seruiuit, vel propter finitimas gentes, quae in eorum ditione olim fuerat, vel propter Ismaelitas aut Babylonios satrapas, quod verius esse videtur. OLYM

27100. Illae morum conuerſiones cum ſeruæ ſint, peccatū in-
-praeferentes, voluntati dominantur. eſt enim ſecundum na-
-turam ipſa volūtas, & conſilij omnis domina. ſed cum ad pec-
-catum immutata conuerſaq; fuerit, & virtuti quod eſt illi ad-
-uerſum praetulerit, tunc illi peccatum quod praetulit cū ſuis
-conſilijs dominatur. § Quī redimat non eſt de manu eorum. §
EIVSDEM. Nullus enim redimere poteſt, niſi ſolus Deus.

VIII. VVLGATA.

*Servi dominati ſunt noſtri, non fuit qui redimeret de manu
eorum.*

QVI prius nobis ſeruiebant, & tributū pendebant, qua-
-les Idumaei Chanaanæique ſunt, & illi ipſi Chaldaei,
-qui cū de genere Cham eſſent a Noe ſervitute damnati erāt,
-ij commutata condicione dominati ſunt noſtri, noſtrisq; cer-
-uicibus iugum ſervitutis impoſuerunt, quod qui a nobis de-
-pelleret, & de poteſtate eorum liberaret nullus fuit.

§ Serui &c. § Non ſolum turpiſſimum eſt & indigniſſimum illi
-ſervire cui prius dominatus fueris, & opprobrium in primis
-ſedum, verum etiam miſerrimum, quod praeteritæ ſervitutis
-recordatio ad ſe vlcifcendum novos dominos exacuat.

IX. LXX.

*In animabus noſtris afferemus panem noſtrum, a facie gladij
deſerti.*

EX INCERTO. Corporibus ſervientes alebamur. § Gla-
-dij deſerti. § OLYMPIOD. Vexationem illam quando
-captivi ducebantur, dicit, aeſtu per diem illos affligente, & fri-
-gore per noctem: niſi forte gladium deſerti, quaſi deſertum ſa-
-cientem vocat, qui adeo miſere corpora afficiebat.

IX. VVLGATA.

*In animabus noſtris afferebamus panem nobis a facie gladij
in deſerto.*

VITAE noſtræ periculo ex agris cibos inuehebamus cū
-fames vrgetet, & fruges comportabamus, iam exercitu
-Chaldaeorum aduentante, cum in ipſis agris deſertisque locis
-ſubſiditibus armatis hoſtibus dimicatio vitae ſubeunda eſſet.

Bb 2 § A fa-

§ A facie gladij in deserto. § Similes sunt in Hebræo voces חרב & קרב gladius & insidiae, qua similitudine decor non exiguus sermoni comparatur, in agris autem subsedit ille hostes ad insidias superius dixit, § in mōtibz persecuti sunt nos, in deserto insidiati sunt nobis. § Causam vero quae illos ad hoc vitae periculum subeundum impellebat fames erat, & anno-nae inopia, de qua subiungit.

X.

L X X.

Pellis nostra quasi clibanus denigrata est, conuulsae sunt, a facie tempestatum famis.

Galat. 5.

Ο ΛΥΜΠΙΟΝ. § Qui enim sunt Christi, carnem crucifixerunt, cum vitijs & concupiscentijs. § ΕΙΣΘΕΝ. Prae vehementi & maxima fame, siue sensibili iuxta historiam, siue spiritali iuxta sublimiorem intelligentiam.

X.

V V L G A T A.

Pellis nostra quasi clibanus exusta est, a facie tempestatum famis.

QVEMADMODVM solet incendi clibanus, perflante vēto, & flammā excitante, sic procella famis irruente, a defis combustisque carnibus pellis nostra exiccata exustaque est & nigredinem contraxit.

§ Exusta est, נִכְרִית aut incensa est significat, aut denigrata: quā posteriorem significationē probauerunt LXX. qui verterunt, ἐπιλυώδη, liuida facta est. & certe sic de fame locutus est superius, cum de Nazaraeis diceret, § denigrata est super carbones facies eorum. § § Tempestatum famis. § nonnulli putant significari Hebraeo nomine קָמַח accensionem, vt sit, a facie accensionum famis. sed LXX. habent, καταιγίδων, procellarum, vt sit impetus ventorum appellentium. & Chaldaeus interpres sic transtulit, perflatio famis, quasi venti ad ignem appulsi & flammam excitantis.

XI.

L X X.

Mulieres in Sion humiliauerunt, virgines in vrbibus Iuda.

Ο ΛΥΜΠΙΟΝ. iuxta historiam, turpiter illis vtentes, iuxta sublimiorem sensum, Ecclesias persecutores.

XI.

XI.

V V L G A T A.

Mulieres in Sion humiliauerunt, & virgines in ciuitatibus Iuda.

ILVD vero miserrimum simul & turpissimum probum, quod mulieres in ipsa ciuitate violauerunt, & virgines, in ciuitatibus ad Iudae tribum pertinentibus.

Humiliandi verbo utitur scriptura pro eo quod est violare, simul significans eam quae violatur de fastigio & sublimitate castitatis detrahi, & in infimum locum depelli.

XI.

L X X.

Principes manibus ipsorum suspensi fuerunt.

EIVSDEM. Manibus hominum aduersus veritatem conscribentium. § seniores non sunt honorati. § EIVSDEM. Nam adulterata peruersis scriptis veritate, etiam seniores simul cum illa dehonestantur.

XII.

V V L G A T A.

Principes manu suspensi sunt, facies senum non erubuerunt.

PRINCIPES vt haec ludibria morte vitarent, suis ipsi manibus se suspenderunt: senum facies quorum aetati veneratio deferri solet, contempta & ignominij affecta est.

§ Principes manu suspensi sunt, § in Hebraeo est, § manu eorū. § quorum autem? an manu sua ipsorum? an manu eorū seruatorū qui dominati sunt eis? vtrumque enim intelligi potest: sed B. Hieronymus quia non addidit quorum manu suspensi sint, videtur sensisse sua ipsorū manu se suspendisse, alioqui eorū, addidisset, si aliorū manu suspensos intellexisset. § facies senum nō erubuerunt. § Erat apud Hebraeos senectus in honore maximo, adeo vt lege etiam Dei sancitum sit, vt eorū praesentia honoraretur, quod Leuit. cap. 19. scriptum est, § Coram capite consurge, & honora personā senis. § idcirco eorum opprobriū tamquam re apud eos indignissimā commemorauit.

Leuit. 19.

XIII.

L X X.

Electi luctum assumpserunt.

EX INCERTO. Luctuosae sunt clarissimorum virorum ignominiae: sunt enim ij longe miserabiliores, quam qui Ieren-

ferendis aduersis casibus obcaſſuerunt. § Adoleſcentes in ligno infirmati ſunt. § OLYMPIOD. Qui fide adeo firma erant, vt etiam propter Chriſtum crucem paterentur. EX INCIPTO. Eſt enim lignum quoddam conſtringens, quas compedes vocabant.

XIII.

V V L G A T A.

Adoleſcentibus impudice abuſi ſunt, & pueri in ligno corruerunt.

ADOLASCANTIBVS ad turpe miniſterium abuſi ſunt, & pueri ſub iugo & onere graui debilitati corruerunt. § Adoleſcentibus impudice abuſi ſunt. § LXX. κλαυθρον αὐτῶν λαβόν, luſtum ſumpſerunt. ſed tamē quomodo luſtum ex Hebraeo πρῶν transferre potuerint, difficile eſt videre; nam hoc verbum Hebraicū ſemper fere αλῆθιν, molere ſunt ininterpretati. niſi forte κλασμεν, dixerunt non luſtum ſed confractionem, κατὰ τὴν κλάσιν, frangi. B. Hieronymus translate hoc verbū accepit, quod molere obſcurius turpitudinem, vt etiam apud Latinos auctores ſignificat. certe in Iob haec ſignificatio manifeſta eſt, vbi enim Hebraeus textus habet, § molat alteri vxor mea, § in eo loco B. Hieronymus quod Hebraice rectius dictū erat clarius tranſtulit; § Scortum alterius ſit vxor mea. § Ceterum Hebraei fere in ſignificatione molendi accipiunt, iuuenes molam acceperunt, quod eos qui valentiores eſſent eaptos in piſtrinum darent, ſicut Philisthaei Samſon molere coegerunt. & huic ſignificationi congruit quod de pueris ſequitur, § & pueri in ligno corruerunt. § ramiſquam ſcilicet laborem ferre non ſuſtinentes: quod ſi in pueris labor & debilitatio virium commemorata eſt, non abſurde in iuuenibus etiam molēdi labor accipitur. Pueros autem in ligno corruiffe nonnulli ſic intelligūt, quod paribulis affixi ſint: quod etiam Chaldaicae ininterpretationis auctor ſenſit. Hebraei nonnulli, ſub onere lignorum corruerunt: alij, in ligno quo mola verſatur prae labore nimio corruerunt ac debilitati ſunt: deficientibus viribus oneri ſuccubuerunt. poteſt etiam lignum ipſum iugū accipi quod ligneum fere erat, & ad onera ferenda ſeruis imponebatur. aut faſces lignorum quibus minor aetas ſupra vi-

res a

Iob 31.

res a saeuis dominis onerabatur. Hucusq; aerumnas & acerbitates quae sexum omnem, condicionem, aetatem peruaserant recensuit. Non reticendum est pulchre quendam quod de pueris dicitur ad Iudaeos transtulisse, qui cum pueri sensibus essent, in ligno scandalizati sunt & offenderunt; cum ut inquit Apostolus, verbum crucis Iudaeis scandalum fuerit, ibique offendentes corruerint.

x i v. L X X.

Et senes a porta cessauerunt.

O L y m p. Iuxta historiam, qui in portis Ierusalem sedentes, populum irritabant, iisdem, inquit, in locis interfeciti sunt. quod si haec verba ad martyras referas, intelliges eos ab exitu huius saeculi cessauisse, hoc est consummatos esse.

x i v. V V L G A T A.

Senes defecerunt de portis, iuuenes de choro psallentium.

S E n e s qui in portis Ierusalem sedere soliti erant, & grauiiores causas tractare, in administranda republica, iudicijque exercendis occupati, nunc de portis defecerunt. Iuuenes qui pro aetatis ratione laetioribus studiis operam dabat, in musicis carminibus, & psalmis canendis vacantes, iam ab eiusmodi laetitia cessauerunt atque destiterunt.

Haec duo etiam in psalmo 68. coniunguntur, § Aduersum me, Ps. 68.
loquebantur qui sedebant in porta, § hoc est senes qui serias res agebant: § & in me psallebant qui bibebant vnum, § hoc est iuuenes qui conuiujs atque carminibus vacabant.

x v. V V L G A T A.

Defecit gaudium cordis nostri, versus est in luctum chorus noster.

Q U I C Q U I D gaudium ac laetitiam cordi nostro afferebat, id omne cessauit, atque sublatum est; cantores & carmina illa quae in templo canebantur, templum ipsum in quo exultabamus, pulcherrima illa ciuitas, quam aspicientes incunditate perfundebamur: musica illa instrumenta quibus oblectabamur, tibiae, psalteria, cimbala, chorus denique iam nobis in luctum versa sunt.

In Origenis & Olymp. fragmentis nihil inuenimus quod ad huius expositionem faceret.

§ Defecit

§ Defecit gaudium cordis nostri. § Gaudium cordis nonnulli oblationes intelligunt, quae offerri desierant. templum ipsum etiam gaudium cordis eorum dici poterat, & ipsa ciuitas in psalmo 47. dicitur exultatio vniuersae terrae. & huius libelli capite 2. § Haecce est vrbs perfecti decoris, gaudium vniuersae terrae. § & dies festi atque solennes gaudium cordis eorum erant, vt Osce 2. § cessare faciam omne gaudium eius, & enumerans singillatim gaudia, § Sollemnitate, § inquit eius, § neomeniam eius, § sabbatum eius, & omnia festa tempora eius. § Chorus noster, § vel carmina & cantica quae in templo personabant: vel chorus proprie *עוזב*, tibiam significat, in eaque omnia musica instrumenta comprehensa sunt, idem namque nomen Hebraeum quod hic chorum vertit interpretes, tibiam transtulit apud Isaïam capite 30. § Canticum erit vobis sicut vox sanctificatae sollemnitatis, & laetitia cordis, sicut qui pergit cum tibia vt intret in montem Domini ad fortem Israel. §

XVI.

L X X.

Cecidit corona capitis nostri.

OLYMPIOD. Iudaei hoc de lege dictum asserunt; at Ecclesiastici viri, de ijs qui crucis mysterium irridebant. § Vae nobis quia peccauimus. § Ex INCERTO. Non tam calamitates, quam calamitatum causam luget. quae res cū paenitentia conuenit.

XVII.

V V L G A T A.

Cecidit corona capitis nostri, vae nobis quia peccauimus.

REGNUM ipsum quo maxime gens nostra honestabatur, ablatum est a nobis: & corona diademaque insigne regni nobilissimum, de capite nostro cecidit. o nos miseros non tam quia haec passi sumus, quam quia vt haec pateremur commeuimus atque peccauimus.

§ Cecidit corona capitis nostri. § Ex Hebraeis nonnulli coronae casum templi ac sanctuarij euersionem intelligunt. quod malum tamquam omnium luctuosissimū extremo loco recensitum putant. § Vae nobis. § Dictio dolentis, est etiam in Hebraeo, quam LXX. in Isaia reddiderunt, *אֵלֵינוּ מִיָּד*, o me miserum. Animaduertēda est sancti Prophetae humilitas, qui se turbis

turbis peccantium admiscet, & cum illis se quoque peccasse confitetur, & culpam praestitisse quae communi gentis excidio expiaretur agnoscit.

XVII. L X X.

Hac de re factum est dolens cor nostrum: Hac de causa contenebrati sunt oculi nostri.

XVIII.

Propter montem Sion quia dispersi, vulpes ambulauerunt in ea.

OLYMPIOD. Tenebras macroris nostrae regionis desolatio nobis offudit. cum belluae quae solitudine gaudet, in ea creuerint. sed tamen ea minime a te deserta est, qui ubique ades & omnia conspicias. **Ex INCERTO.** Vulpium nomine nonnumquam daemones scriptura significat. dolosa est enim & homines odit ea bellua: dicit enim Salomon in Cantico Canticorum, § capite vulpes paruulas quae demoliuntur vineas. §

Cant. 2.

XVII. V V L G A T A.

Propterea maesum est cor nostrum, ideo contenebrati sunt oculi nostri.

XVIII.

Propter montem Sion, quia dispersi, vulpes ambulauerunt in eo.

HAEC causa est cur intimo dolore animus noster langueat, cur etiam oculi continuo fletu caligauerint, & paene lucem a miserint, propterea quod templum in monte Sion extructum dirutum est, & mons qui praeclaris illis aedificijs ornatus erat, nunc desertus est & ruinis horret, ita ut vulpium quae in dirutis locis habitare solent, diuerforium factum sit. § Propter montem Sion. § Destructionem templi ultimam numerat, & in eius euerfione lamentationibus terminum imponit, qui templi destructionem ceteris malis commemoratis magis dolendam putet. quod adnotandum est ut discamus, quanto Dei cultus ceteris rebus quae humanae sunt & nos tangunt, sit antefereendus.

Cc XIX.

X I X.

L X X.

Tu autem Domine in aeternum habitabis, solium tuum in generationem & generationem.

OLYMPIODORI. Hoc est, saltem recrea nos tandem cum sis aeternus.

X X.

Quare in victoriam obliuisceris nostri, derelinques nos in longitudinem dierum?

OLYMPIODORI. Quare taces, vinci nos sinens? & derelictionem nostram producons?

XIX.

V V L G A T A.

Tu autem Domine in aeternum permanebis, solium tuum in generatione & generatione.

IAM vero ad te Domine meam orationem ac verba conuerto. Tu quidem sempiternus es, neque vllum tempus erit quo esse desinas. regnum etiam tuum nulla vis temporis violabit, sed solium tuum sedesque regia per omnia saecula perdurabit. cum igitur idem semper sis, neque potestas vquam tua aut minuta sit aut minui possit,

X X.

Quare in perpetuum obliuisceris nostri, derelinques nos in longitudinem dierum?

Cur tandē nō recordaris nostri, promissaq; tua longius differs? si tibi neque mutatio aliqua potest accidere, quia in aeternum permanes; neque vis vlla potestatem & imperium imminuere, cum solium tuum in generatione & generatione perdureret, cur ergo foederum velut oblitus videris, neque illa nobis praestas, neque vt promisisti subuenis, sed opis tuae indigos, miseros, afflictos, tamquam tui serui non simus, nihilque ad te pertineamus relinquas?

Quare in perpetuum? ex immutabilitate naturae Diuinae, firmitateque regni atque potestatis, vult illum ad firmitatem constantiamque promissorum tenendam adducere, ac flectere. paene iisdem verbis vsus est Dauid psalmo 101. Tu autē Domine in aeternum permanes, & memoriale tuum in generatione

generatione

ratione & generatione, Tu exurgens misereberis Sion. § promiserat autem in Leuitico cap. 26. eos etiam in terra hostili captiuos non se derelicturum, qui hoc igitur promissisti, cur promissorum exhibitionem longius differs?

XXI.

L X X.

Conuerte nos Domine ad te & conuertemur.

OLYMPIOD. Quia propter multitudinem peccatorum repellimur, propitiationem petit propheta, per quam alacriter ad Deum conuertimur. § Et innoua dies nostros sicut prius. § OLYMP. Reditum petit illi ex Aegypto similem, per summam aduersus hostes ultionem ac supplicium, & admirabilem ipsorum salutem. EIVSDEM. Ut secundum tuam praescientiam salutem homini dandam praefinisti.

XXI.

V V L G A T A.

Conuerte nos Domine ad te & conuertemur, in noua dies nostros sicut a principio.

SED iam origo mali omnis quae fuerit aperienda est, & ut omnis boni originem tribuas a te petendum. Quia a te discedendo, & tuum cultum relinquendo, in haec omnia mala coniecti sumus, & voluntatis nostrae momentis a te discedere potuimus, ad te autem redire voluntarijs viribus non possumus, ideo quod ipsi non valemus, id a te humiliter petimus: tu nos ad te reuoca atque conuerte, & conuertemur, & gratiae tuae voluntarios nostros motus adiungemus, ac tibi reuocanti obsequemur. innoua dies nostros, ad eumque statum reuoca, quo eramus ante quam a te auerteremur.

§ Conuerte nos Domine ad te. § Vel de conuersione per paenitentiam dicit, & reuocatione ad gratiam, qui sensus praefendus est: vel de reuersione ad sedes pristinas, conuerte nos ad te, hoc est ad locum habitaculi templiq; tui, & conuertemur, tibi que seruiemus quemadmodum antea faciebamus.

XXII.

L X X.

Repellens enim repulisti nos, iratus es in nos valde.

EX INCERTO. Nam ipsa magni mali perpeffio ad impetrandum valet plurimum.

Cc 2 XXII.

Sed proijciens repulisti nos, iratus es contra nos vehementer.

QVOD si noxij sumus vt certe sumus, & peccando meruimus, vt nos a te repelleres, & tamquam tua protectione indignos abijceres, & pro tuo populo non haberes, ac repudiaries, iam certe satis irarū est, deferuescat tandem precor ira tua, & ad insitam tibi clementiam atq; misericordiam redeas oro.

§ Proijciens repulisti. § Tamquam rem abominandam, improbandamque repudiasti. § Iratus es contra nos vehementer. § ad summum vindictae minarumque tuarum illarum gradum peruenisti, quae in Leuitico descriptae sunt.

Leuit. 26.

FINIS LAMENTATIONVM.

INDEX

LOCORVM SACRAE SCRIPTVRAE, quæ obiter in hoc opusculo explicantur.

- Gen. 4.** **H** Abitavit in terra. p. 179
10. Quid vidisti, vt hoc faceres. p. 180
21. Risum fecit mihi hominus. p. 9
42. Supposit humeros suos ad portandum & fassus est tribus seruis. p. 8
Xco. 1. Præposuit eis magistros operum, vt affligerent eos oneribus. p. 8
1. Aedificauit obstericibus Domos. p. 87. vel pag. 151
3. Vidi afflictionem populi mei. p. 39
15. Misisti iram tuam, quæ deuorauit eos, sicut stipulam. p. 39
20. Visitatos peccata patrum in filios in terciâ & quartâ generationem. p. 193
Leui. 16. Tunc placebunt omnia sabbata tua. p. 37
Deu. 20. Constituat te Dominus in caput & non in caudam. p. 10
38. Filios generabis & filias & non frueris eis quoniam Ducentur in captiuitatem. p. 51
42. Ingentibus quique illis non quiesces nec eris r: quies vestigio pedis tui. p. 14
31. Quando diuides altissimas gentes &c. para autem Domini &c. p. 116
38. Foris vastabit eos gladius & intus pauor. pag. 55
31. Vix coram vix felix & botrus amrissimus. p. 35
Ruc. 4. Quæ edificauerunt domum Israël: p. 87
Reg. 5. Vultus eius non sunt amplius in diuersa mutati. p. 173
7. Huserunt aquam & effudetur in conspectu Domini. p. 91
Iob. 1. Veracium os implebit risus, vel vt habet vulgata Donec impleatur risu tuo. p. 9
14. Signasti quasi in seculo delicta mea. p. 41
16. Posuit me sibi quasi in signum. p. 107
31. Fratres meos longe fecit a me &c. p. 15
31. Ecce podus eius ferre non potui. p. 175
Psalm. 1. Assiterunt reges terræ & principes conueniunt in vnam. p. 166
17. In Deo meo transgrediar murum. p. 131
17. Vt lutum platearum delebo eoa. p. 46
26. Quoniam abscondit me in tabernaculo suo &c. p. 107
30. Re spexisti humilitatem meam. p. 33
40. Conturbatus est in ioca oculus meus anima mea & venter meus. p. 54
41. Immittit Angelus Domini in circuitu timendum eum. p. 61
41. Vultus autem Domini super facientes mala. pag. 173
48. Notum fac mihi Domine finem meam &c. ecce mensurabiles &c. p. 177
48. Accingere gladio tuo super femur tuum potentissime. p. 161
47. Funditur exultatione vniersa terra. p. 60
48. Ex Sion species deorsum eius. p. 84
42. Verantemum pretium meum cogitauerunt repellere. p. 81
48. Aduersum me loquebantur qui sedebant in porta & in me pasciebant qui bibebant vinum. p. 139
48. Incende animæ meæ & libera eam. p. 142
71. Brimici eius terram lingent. p. 110
71. Et gloriati sunt qui odierunt te in medio solennitatis. p. 48
74. Nolite extollere in alium cornu vestrum. p. 64
74. Calix in manu Domini vini mei plenus mixto, &c. & inclinavit ex hoc &c. p. 44
74. Et omnia cornua peccatorum confringam. p. 61
76. Anticipauerunt vigilias oculi mei. p. 39
78. Introeat in conspectu tuo gemitus compeditorum. p. 58
87. Sicut vulnerati dormies in sepulchris, &c. & ipsi De manu tua repulsi sunt. p. 140
87. Poluerunt me in lacu infelicitatis. p. 101 & 141
89. Qui sedes super Cherubim. p. 61
101. Osa mea sicut ei cinis aruerunt. p. 163
101. Reminiscitur, vt aquæ iuuentus tua. p. 127
103. Exiit homo ad opus suum & ad operationem suam usque ad vespertam. p. 13
104. Et vocauit famam super terram. p. 27
108. Nutantes transferantur filij, ciua & mendicant. p. 170
110. Ecce Diem sol non vret te &c. p. 94
111. Illic habitabo, quoniam elegi eam. p. 380
116. Memor esto Domine filiorum edom, qui dicunt exinuire &c. p. 284
118. Tu cognouisti sessionem meam & resurrectionem meam. p. 46
142. Collocauit me in obscuris sicut mortuos in celi. p. 103
146. Qui producit in montibus fenem, & herbam seditutis hominum. p. 14
1. Sanitas erit umbilico tuo, & irrigatio ossium protrudum. p. 462 uer.
10. Suauis est homini panis mendacij & pollea implebitur os eius esculo. p. 110
18. Lætare iuuenis in adolescentia tua. p. 184 Eccl.
1. Vulnerata charitate ego sum. p. 16 Ciri.
1. Laborui sustinens. p. 48 Eia.
1. Oa enim Domini locutus est. p. 10
1. Causa vidui non ingreditur ad illos. p. 18
10. Adur vira indignationis &c. p. 118
30. Et dixisti nequaquam, sed ad equos ascendimus. p. 178
14. Et ascendat super eam mensura vt redigatur in nihilum. p. 7
37. Spreuit & Irrisit te virgo filia Sion. p. 12
43. Vt educeret vinolos de domo carceris sedentes in tenebris. p. 2
47. Sede racena & intra in tenebras &c. p. 75
43. Quoniam abieciua est de terra viuendum. p. 141
54. In momento indignationis abieci meam &c. p. 188
62. Vt predicaret captiuis remissionem. p. 2
4. Ecce quasi nubes ascendet & quasi tempestas hiet &c. p. 178 1cm
4. Vox filiz Sion inter morientia expandentique

- que manus suas. p.49
- 6 Vique ad racemum colligent quasi in vinea reliquias Israel. p.19
- 7 Nec solumus pro eis laudem. p.91
- 9 Ingressa est mora domos nostras disperdere paruulos deforis iuuenes de plateis. p.77
- 13 Die regi: & Dominatrici humilissimi sedecce &c. p.6
- 15 Reuelata sunt verecundia tua pollucum sunt plantae tuae. p.11
- 15 Solus sedebam, quoniam amaritudine replesti me. p.6
- 19 Conteres lagunculam in oculis virosum &c. pag.153
- 23 Scribe istum scibilem. p.132
- 23 In prophetis samaria vidi faciem &c. pag.81
- 23 Ve quid vobis unus? proiciam quippe vos dicit Dominus. p.135
- 23 Sume calicem vini furoris huius. p.154
- 25 Bibite inebriamini & vomite. p.185
- 32 Quia in furore meo, facta est mihi cinix hac. p.15
- 43 Si posueritis faciem vestram ut ingrediamini Aegyptum. p.15
- 45 Ve misero mihi, quoniam addidit Dominus dolorem doloci meo nec inueni requiem. pag.84
- 48 Pavor & sonus & laqueus est super te habitator Mos. p.135
- 50 In diebus illis sit Dominus, quaretur iniquitas Israel. p.183
- 50 Aperite, ut exeat qui conculcent eam tollite de via lapides &c. p.49
- 50 Redemptor eorum fortis. Dominus: exercituum nomen eius, iudicio, &c. p.142
- 55 Quoniam non fuit viduatus Israel & Inda a Deo suo. p.7
- Eze.16 Et vixi te oleo & vestivi te discoloribus &c. p.21
- 27 Ecce suscitabo omnes amatores tuos contra te, de quibus satiata est anima tua. p.11
- 27 Ecce excocto sumetores tuos aduersum te vendique. p.
- 28 Ventilabo puluerem eius ab eis. p.133
- 27 Perit spes nostra & abscissi sumus. p.153
- 8 Quid vides Amos? racinum pomorum &c. Amos pag.177
- 3 Reuelabo pudenda tua in facie tua &c. p.31 Nahd
- 3 In vigilia mea stabo & prospiciam &c. p.89 Aha.
- 5 Beati qui loquentur &c. p.3. & p.9 Mat.
- 24 Quarta vigilia noctis venit ad eos. p.91
- 10 Sinite paruulos venire ad me. p.75 Mar.
- 13 Sero an media nocte an gallicantu an mane &c. p.91
- 4 Qui est Christus Dominus in ciuitate David. Luc. pag.181
- 6 Beati qui fletis, quia ridebitis. p.3
- 15 Gaudium erit in celo super uno peccatore poenitentiam agente. p.2
- 19 Videns ciuitatem fletit super illam &c. p.3
- 13 Si non laqueo te non habebis partem meam. Ioan. pag.31
- 3 Quem suscitauit solutus doloribus inferni. Ad. pag.181
- 4 Tristitia mihi magna est & continuus dolor. cordi meo &c. p.2
- 13 Flere enim fletibus gaudere cum gaudentibus. p.3
- 3 Si cognouissent nunquam Dominum gloriosi crucifixissent. p.166 Iu.1
- 5 Vos autem inflati estis & non magis iustum habuistis. p.2
- 6 Fugite fornicationem p.12
- 3 Ut innotescat principibus & potentatibus per Ecclesiam. p.166
- 3 Solliciti seruare unitatem spiritus in vinctu Phil. lo pacis. p.3
- 3 Licet enim qui per Angelos dictus est sermo Iob. pag.169
- 3 Peccatum iniquitas est. p.101.3

A

A Micorum perfidia in rebus aduersus nil lu-
 Auofus.pagina. 11
 Angeli custodes iugent animam in peccatum la-
 psum.pag. 71
 Angeli dicuntur pedes Dei. p.59
 Animæ contemplantis sponfus,Ratio,Mens, Por-
 tio superior. p.4
 Angeli appellantur in scriptura vigiles. p.169
 Apostoli aquilæ nominati. p.177

B

B Ona temporalia spiritalibus præferri e test in
 terra sedere,& pulcrem super caput im-
 ponere. p.75

C

C Astitatis status sublimis. p.197
 Christi domini sepultura prophetata. p.101.
 & 139
 Christus spiritus prophetarum,quia spiritum il-
 lis prophetæ dedit. p.179
 Christu imitari est viuere sub eius vmbra. p.180
 Christus verus Deus. p.181
 Chistus in peccatis nostris, tamquam laqueis
 captus. p.182
 Cogitationes malæ in animam ingredientes.p.34
 Cognitio/suipius necessaria ad conuersionem ad
 Deum. p.139
 Conscientia peccatorum iugum est obstringens,
 & vulnerans. p.42
 Contemplationis dignitas,& vtilitas. p.4
 Corpus animæ carcer. p.124

D

D Eus animæ sponfus. p.6.& 7
 Dei ira cum flammeo halitu comparatur.
 pag.39
 Dei iustitia in peccatores seuiens. p.45.& 65
 Dei ira,& iustitia appellatur ignis,& arcus. p.63
 & 64
 Dei iustitia pro culpæ modo infligit pœnas. p.7
 Dei iustitia nullum peccatum dimittit impuni-
 tum. p.41.& 42. & 43
 Dei patientia in tolerandis peccatoribus. p.57
 Dei ira cum misericordia coniuncta. p.115
 Dei cultus,& religio rebus omnibus præferenda.
 pag.201
 Deus punit peccata parentum in filiis. p.18.& p.
 193.& 194
 Demones vulpium nomine significantur. p.201
 Diaboli potentia in peccatores sub iugo peccati
 perseverantes. p.19
 Diaboli vires peccatis hominum augentur, virtu-
 tibus debilitantur. p.46
 Diabolus irridet peccatorem post commissam
 culpam. p.125
 Doctrina, quæ est secundum pietatem dicitur
 lac. p.76

E

E Cclesia catholica filia prophetarum', & Apo-
 stolorum. p.188
 Episcoporum, & Sacerdotum peccata ruinæ po-
 puli. p.168
 Aegyptus,& Angustia,nomina habent in Hebræo
 simillima. p.15

F

F Ame perire miserimum genus mortis. p.77.
 & 78.
 Fatum nullam habet vim præcipue in actibus li-
 beri arbitrii. p.118
 Festiuitates in scriptura nominantur,gaudium cor-
 dis. p.200
 Fides paulatim labefactatur, dum in sceleribus
 peccator assuecit. p.25

G

G audium spirituale iustorum. p.9

H

Hæreticorum doctrina lac draconum. p.153

I

I Vdæorum captiuitas vltima, quæ Romana di-
 citur. p.3.&185
 Iudæorum pœna famis imitante vltima captiui-
 te. p.164
 Iudæorum pœnæ propter mortem Christo illa-
 tam. p.143.& 146. & 156. 157.167.& 169.
 171.172.173.
 Iudæorum iniquitas in Christum. p.157
 Inferni pœnæ æterna dicitur rete pedibus expan-
 sum. p.40

L

L Acrimæ beatæ quæ nam sint? p.7.& 9
 Lacrimarum fontes oculos nostros esse de-
 bere ipsa nominis significatione intelligimus.
 p.47.& 137.
 Lacrimarum vis,& efficacia. p.137
 Lacrimæ amaritudine affectæ. p.77
 Legis Mosaicæ abrogatio. p.69
 Lex Mosaica dicitur murus. p.70
 Lex Euangelica aurum,Mosaica argenteum.p.149
 Lex Euangelica numquam abroganda. p.179

M

M Ortis meditatio necessaria. p.83
 Mortificatio spiritualis. p.163
 Murmurare aduersus Deum proprium est dam-
 natorum. p.126

N

N Abuchodonosor quid denotet iuxta nomi-
 nis etymologiam. p.5

O

O Ratio appellatur in sacra scriptura laus.p.91
 Oratio effundit cor sicut aquam in conspe-
 ctu Domini. p.92
 Oratio munus est Deo acceptissimum. p.92
 Orationis,& lacrimarum perseverantia. p.146.
 &

& 137.
Obſtinatio peccatorum in malo. p.139

P^eccatores lugendi a ſanctis viris. p.2.&3.
Peccator niſi poſt commiſſum peccatum reſi
piſcat, ad alia prolabitur. p.5.& 19.& 21

Peccator deſtituitur conſolatione angelorum. p.9
Peccatoris ruina gaudium diaboli. p.10

Peccator nullam ſub peccato requiem inuenit.
p.12

Peccator amittit gratiam contemplationis. p.16

Peccator tribulationibus preſſus Dei iuſtitiam
agnoscit. p.51

Peccatoris malitia & que ac diaboli aſtutia interi
tum machinatur, bonis operibus, & cogitatio
nibus ſanctis. p.53

Peccatoris damna ab ipſis Angelis quaſi deplo
rantur. p.71

Peccatoris poenitentis oratio. p.111

Peccatores in ſimilia peccata recedentes. p.151

Peccatores minus prophetarum, & prædicatorum
increduli. p.167

Peccatorum vana in mundo confidentia. p.174.
& 178

Peccatorum conſilia in anguſtum redacta. p.176

Peccatores abominabiles. p.204

Peccator poſt culpam commiſſam irridetur a dia
bolo. p.25

Peccati damnum præcipuum mentis conſuſio, &
deportatio ad varias vitioſi formas. p.3.& 25

Peccatum lepræ comparatum. p.6

Peccatum maxime fugiendum. p.12

Peccatum humiliatio eſt animæ. p.24

Peccati poena inſtabilitas mentis. p.29

Peccati immundicia. p.30.& 48

Peccatum quodam quaſi fascino exæcat ani
mum. p.33

Peccata carnalia præcipue ſpiritus contraria. p.34.
& 35.

Peccatum eſt iugum deorum deprimens. p.42

Peccata varia variis punita ſuppliciis. p.44

Peccatum eſt vna, de qua vinum iræ Dei expri
mitur. p.44

Peccatum debilitat liberi arbitrij potentiã. p.101

Peccatum amaritudo animæ. p.107

Peccatum eſt nubes, vel murus orationem ſur
ſum aſcendentem impediens. p.121

Prædicatorum ſermones quaſe eſſe debeant. p.82

Præſepes temporales dicuntur portæ ciuitatum.
p.28.73

Prophetæ dicuntur os Domini. p.90

S

ſacra ſcripturæ libri initia ſunt ad omnem
Dei cognitionem. p.1

Spes in Deum ſemper habenda. p.116

T

Templum Dei horto, & Tentorio compar
tur. p.68

Tetrationes diaboli ſibilo, comparatæ. p.84.& ſeq.

Teſtamenti veteris libri cur eiuſdem ſunt nume
ri, quo, & literæ alphabeti hebraici. p.1

Tribulationes illuminant intellectum ad cogno
ſcendam peccati grauitatem. p.74

Tribulationes ſunt poenæ peccatorum. p.32.& 86.
& 122.& 125.& 126.& 184.

Tribulationes incitant animam ad orationem.
p.28.57

Tribulationum vtilitas. p.118

Tribulationes patienter tolerandæ, quia a Deo
immittuntur. p.119.& 120

Tribulatio magna comparatur mari. p.80

Tribulationem a Deo immiſſam, & nullus ho
minum curare poteſt. p.79